

PHARMACOPŌEIAS

40804/B

Colent

Oscar VAN SCHOOR

Vondel Straat,
ANTWERPEN

Oscar Van Schoor

TERMONDE

PHARMACOPŒA
GANDAVENSIS

NOBILISSIMI SENATUS

JUSSU RENOVATA.



G A N D A V I

Typis JUDOCI BEGYN, Typographi Civitatis jurati, viâ dictâ
Breydelftege sub signo Angeli.

M. DCC. LXXXVI

40870 (1)



THE UNIVERSITY OF CHICAGO
LIBRARY
CHICAGO, ILL.
JAN 10 1901

N O B I L I S S I M I S

A M P L I S S I M I S Q U E

D O M I N I S

H U J U S U R B I S M O D E R A T O R I B U S

V I G I L A N T I S S I M I S

S U M M O P R Æ T O R I

D. PHILIPPO FERDINANDO VICECOMITI VILAIN XIII.,

P R I M I S U B S E L L I I C O N S U L I

D. CAROLO ADRIANO HUBERTO BARONI LE BAILLY DE
MARLOOP,

E J U S D E M S U B S E L L I I S C A B I N I S

D. AMANDO BENEDICTO SCHOORMAN,

D. CORNELIO CARPENTIER, FLANDRIÆ THESAURARIO,

D. GEORGIO ADOLPHO D'OLISY, TOPARCHÆ DE NOTAX,

D. FERDINANDO EMANUELI VAN HOOBROUCK, TOPARCHÆ
D'AXELWALLE,

D. JOANNI FRANCISCO DE KERCHOVE, TOPARCHÆ DE DEN-
TERGHEM,

D. FRANCISCO BERNARDO LE JEUNE D'ALLEGHEERSHECQUE,
EQUITI,

D. GUILLIELMO PYCKE,

D. JOSEPHO SEBASTIANO D'HANE DE STUYVENBERGHE,

D. JOANNI BAPTISTÆ DE LOOSE,

D. BRUNONI DE HEERE TEN BROUCKE,

D. ADRIANO JACOBO GOETHALS,

D. PETRO JOANNI LUDOVICO STAUTHAMER,

EJUSDEM SUBSELLII A CONSILIIS

D. JOANNI FERDINANDO ROHAERT,

D. JACOBO PHILIPPO DE WULF,

D. CAROLO DIERICX, EQUITI AURATO,

EJUSDEM SUBSELLII A SECRETIS

D. PHILIPPO GOBERT ,

D. CAROLO GOETHALS ,

D. AMBROSIO ROOMAN ,

D. JOANNI IGNATIO VAN DER BEKE ,

PRÆTORI

D. PHILIPPO JOANNI MAURICIO DE HEEMS , COMITI DE SE-
VEREN ,

SECUNDI SUBSELLII CONSULI

D. LUDOVICO EMANUELI VAN ROCKOLFING , TOPARCHÆ DE
NAZARETH , VOMELBEKE &c. ,

EJUSDEM SUBSELLII SCABINIS

D. ANTONIO TRIEST ,

D. JACOBO JOSEPHO DOMINICO ENGEL ,

D. JOANNI FRANCISCO SCHOORMAN ,

D. ANTONIO VAN DE WOESTYNE ,

D. JOANNI FRANCISCO DE LOOSE ,

D. LIVINO DU BOIS, DICTO VAN DEN BOSSCHE,

D. PETRO LUDOVICO BARONI DE HAVESKERCKE,

D. CAROLO FRANCISCO VAN DER BEKE, J. U. L.,

D. JACOBO GUILLIELMO MEYER, J. U. L.,

D. FRANCISCO GUILLIELMO DE NAEYER, J. U. L.,

D. JOANNI CAROLO AUDENROGGHE,

D. DIONYSIO PAPELEU,

EJUSDEM SUBSELLII A CONSILIIS

D. JOANNI PHILIPPO ROELANDTS,

EJUSDEM SUBSELLII A SECRETIS

D. JOANNI BAPTISTÆ PAPELIANS DE MORCHOVE,

D. STEPHANO JOANNI MAELCAMP, TOPARCHÆ D'OF-
STAELE,

D. LUDOVICO IGNATIO CATULLE,

D. JOANNI BERNARDO MOREL,

D. JACOBO FRANCISCO VAN YPERSELE,

THESAURARIO

D. DIONYSIO PAPELEU,

OPERUM PUBLICORUM PRÆFECTO

D. LUDOVICO T'KINT,

QUÆSTORI EXAGOGICO

D. JOSEPHO BERNARDO BLOMME,

*Quorum omnium solerti cura, prudenti Consilio,
inviâta virtute res Gandavenses crescunt & civium
salus servatur, felicitatem perpetuam apprecantur,
atque hos suos labores, utpote eorum jussu suscep-
tos & sub eorum auspicio tutos, devotissimo animo
dedicant*

P. C. DE BRABANT M. L.

J. B. COPPENS Pharmacopœus.

JUDICIUM FACULTATIS MEDICÆ LOVANIENSIS.

Facultas Medica Lovaniensis, ab AMPLISSIMIS NOBILISSIMISQUE VIRIS SENATUS GANDAVENSIS rogata, ut quid de nova oppidi sui Pharmacopœa sentiat, exponat, hanc accuratius examinandam commisit Clarissimo Domino VOUNCK Materiæ Medicæ & antehac Chemiæ Professore, nec non Expertissimo Viro, Chemiæ Professore VAN BOUCHAUTE. Horum relatione perpensa, cœterorumque in eadem Facultate Professorum, qui attentè opus pervolverunt, opinione audita, declarandum decrevit, prout declarat, primam Pharmacopœæ partem, seu *Materiam Medicam*, cœteras, quæ in Belgio huc usque prodierunt, facilè antecellere; nec sili dumtaxat nitore, atque ad captum Pharmacopœorum nostrorum accommodato, plurimum commendandam; sed & Auctorem ejus, præjudiciorum errorumque, qui in Medicinam ac præsertim *Materiam Medicam* irrepperunt, eique summoperè nocuerunt, hostem esse insensissimum, eoque adniti, ut sana ubique principia inculcet. Pauca quidem hinc inde desiderantur, quæ utiliter proliis fuissent inserta; at leves hi defectus per plura egregia, omni encomio dignissima, abundè compensantur. Cœterum hæc Pharmacopœæ pars referta est talibus ac tantis, quæ Medicum eruditum, *Materiæ Medicæ* peritissimum, ac practicum oculatissimum comprobent.

Quod ad alteram Pharmacopœæ partem attinet, hæc tum circa varia Medicamina Composita versatur, tum operationes Chemicas complectitur.

Quod priora spectat, neque hæc, quæ in hoc opere describuntur, neque ea, quæ ab aliis Auctoribus in suis Pharmacopœis extolluntur, approbanda judicamus; cum firmiter nobis persuasum sit, vix quidquam esse, quod in progressum Medicinæ cessurum sit magis, quam si pleraque, si non omnia, Composita ex Pharmaceuticis officinis rejiciantur, atque ex libris expungantur.

Operationes vero Chemicas, quando vix tales in libris huc usque editis reperire licet, quarum collectio nulla emendatione egeat; ægrè admodum Pharmacopœos adstringi posse arbitramur, ut hanc vel illam Pharmacopœam in operando ad amissim sequantur.

Datum Lovanii hâc 27. Augusti 1786.

*Signatum erat VAN LEEMPOEL Medicinæ
Doct̃or & Professor, atque hoc tempore
Facultatis Medicæ Decanus.*

APPROBATIO COLLEGII MEDICI.

Infrascripti Collegii Medici Director ejusdemque Assessores, Lectâ Pharmacopœorum ad id Commissorum Approbatione, Declaramus, Pharmacopœæ Gandensis NOBILISSIMI SENATUS jussu Renovata Materiem Medicam magno labore, acri Judicio Conscriptam, adque sanæ critices regulas Exaratam fore: in parte verò Pharmaceutico-Chemica, nobiliorum præstantiorumque Compositorum (rejecta inutilium effœtorumque farragine) selectum non minùs, quam concinnandi elegantiam eorumque virium doctam & concisam enumerationem elucere: quare, ut typis mandetur, omninò id opus dignum judicamus.

Datum in Collegio hâc 5^{ta} Martii 1787.

G. A. D'OLISY, TOPARCHA DE NOTAX.

J. SOMERS, M. L. *Assess.*

A. D. GOORMACHTIGH, *Pharm. Ass.*

L. B. VERSCHRAEGHEN, *Chir. Pensionat.*

J. JACOBS, *Chirurg. Pensionatus.*

Pharmacopœi à Collegio selecti.

G. VAN DEN HAUTE, *Pharm.*

J. DE VOS, *Pharm.*

Signatum erat

J. DE BEVER, *Pharm. & Collegii Assessor,*

*Loco Actuarii absentis, ad id a Collegio specialiter
Commissus.*

APPROBATIO tum Pharmacopœorum Assessorum
Collegii Medici Gandensis , cum Coadjutorum
a Collegio denominatorum.

Infrascripti Collegii Medici Assesores ejusdemque Coadjutores à
NOBILISSIMO SENATU GANDENSI per litteras decimi septimi Februarii
hujus anni Commissi ad revisionem & correctionem dispensatorii
Pharmaceutici Gandensis , testamur ~~maxima~~ cum circumspectione ,
& attentione , ut rei gravitas exigebat , in id opus incubuisse ; nec
non locupletem Materiae Medicæ ac Pharmaciæ thesaurum omni laude
mutatum , dignum , utilem , ac necessarium arti incumbentibus ju-
dicasse : quare ut typis mandetur , dignum judicavimus.

Laborem itaque nostrum , nullo neglecto tempore , qualiscumque
sit , vestro patrocinio suscipere dignemini , illisque favere , qui pro
vestra omnium , VIRI NOBILISSIMI ORNATISSIMIQUE , salute Arden-
tissima fundent vota & qui benevolentiae ac tutelæ vestrae se com-
dantes indefinenter palamque erunt.

*Vestri obedientissimi ac deditissimi Famuli
signatum erat J. DE BEVER Pharm.
macopœus & ejusdem Colleg. Assessor ,
A. D. GOORMACHTIGH Pharm. ,
G. VAN DEN HAUTE Pharm. , &
J. DE VOS Pharm.*

*Datum in Collegio Medico anno post Christum
natum 1787. die 3.^{ia} Martii.*



PHARMACOPŒA

GANDAVENSIS.



PROŒMIUM.



Substantiæ, quas tria Naturæ regna, Animale, Vegetabile & Minerale largiuntur, & quibus Medicus utitur, ut sanitatem præsentem tueatur, & perditam restituat, *Medicamenta simplicia* vocantur.

Horum Catalogus MATERIAM MEDICAM constituit, atque ea cognoscere, ad Medici præscriptum & mentem *selegere*, *præparare*, & *miscere* docet ARS PHARMACEUTICA.

Solet passim dividi hæc Ars in Galenicam & Chemicam: secundum hujus divisionis fautores sola posterior corporum Synthesim & Analysim sibi vindicat: sed hanc distinctionem is facile hodie rejiciet, qui noverit in simplicissimis præparationibus Pharmaceuticis, quas

Galenicas olim vocabant , plerumque præparandi corporis Analyſim & Chemicas Leges eſſe conſiderandas ; ita ut tota Ars Pharmaceutica , ut hodierno tempore excolitur , Chemiæ pars debeat haberi , quam nemo niſi Chemicam Artem probè edoctrus cum Bonorum exiſtimatione , & in Ægrorum commodum , *valeret* exercere.

Minus incongruè itaque , quamvis , re propiùs perſpecta , non diſtinctis etiam ſatis bene limitibus , Ars Pharmaceutica dividitur in *ſpeculativam* & *præcticam*. Utramque callere Pharmacopœus , illam ſaltem Medicus debet ; ni velit turpiter ſæpe , & quandoque in Ægri damnum in præſcribendis Formulis errare.

Uteriùs exſpatiari , & in hoc opere Pharmaceutica Generaliore Principia edocere , ut aliquibus aliarum Regionum Pharmacopœarum Editoribus viſum eſt , ſupervacaneum arbitramur : extant etenim hodie de hac Materia CELEBRIUM VIRORUM Opera , quæ Cordatos Pharmacopœos conſidimus adituros.



MATERIES MEDICÆ.

Pinus Sylvestris Lin.

ABIETIS RESINA. *De Harst van den Denneboom, Mastboom, Sperreboom.*

Est terebinthinaceus humor ex hujus arboris vulneratis tædis manans in aqua ad consistentiam siccam coctus.

ABROTANI MARIS Folia. *Averuit, Averoone-Kruid. arthemisia Abrotanum*

Soli ferè externo usui, tamquam antiseptica, jam dicata: fortis, non omnino ingrati, sunt odoris: gustus nauseosi, amari, stimulantis: omnis vis optimè extrahitur Spiritu Vini rectificato: exsiccationem patitur absque magna virium jactura.

ABSYNTHII VULGARIS, seu MAJORIS Folia. *De Bladeren van gemeenen Alsem. arthemisia absinthium*

Quamvis hæc planta meritò Stomachica audiat, & mucosæ Diathesi optimè medeatur, ob gravem virosū fœtorem paucior est ejus usus. Hunc tamen longa asservatione, ut etiam protractiori coctione, sine amaritiei jactura, penitus amittit.

ABSYNTHII ROMANI, seu MINORIS Folia & Summitates. *De Bladeren ende Toppen van Roomschen Alsem. arthemisia pontica*

Vulgari, odore & sapore, minus est ingratum: passim Absynthium maritimum illi in Officinis substituitur.

ACACIÆ SUCCUS inspissatus. *Het verdikte Sap van Acacia mimosa nilotica*

Acacia vera, Acacia foliis scorpioidis Arbor est magna, ramosa, aculeis instructa, numerosa in Aegypto: ex hujus immaturis fructibus contusis, additâ aquâ, succus elicitur, qui inspissatus, & in massulas tenuibus vesicis inclusas coactus, ad nos transfertur: fusci

subnigricantis exterius est coloris, rufi interioris: saporis est fortiter acerbis, non penitus ingratis: firmioris est consistentiæ, non friabilis: ore retentus liquefcit, totus tandem solvitur: quod idem fit in Aqua: nihil illi eripit Spiritus Vini rectificatissimus.

Ex Pruni sylvestris immaturis fructibus eodem modo succus extrahitur: is ex Germania sub eadem forma allatus *Acacia nostras* seu *germanica* vocatur, & *Acaciæ* veræ passim substituitur: differunt, quod *germanica* sit durior, ponderosior, coloris nigrioris, & saporis magis acidi.

ACETOSÆ VULGARIS five OXALIDIS Folia. *De Bladeren van gemeene Zurkel ofte Zuuring. Rumex acetosa*

ACETOSELLÆ five LUJULÆ Folia. *De Bladeren van Koekoek-Zurkel ofte Alleluia. oxalis acetosella.*

Utraque species largitur Sal essentielle acidum, quod sub titulo Salis Acetofellæ prostat in Officinis.

ACETUM. *Azyn.*

Est liquor acidus secunda fermentatione ex Vino, Cerevisia, aut aliis succis vegetabilibus Vinosis productus. Acetum Vini est reliquis purius & fortius: hinc perpetuus ferè ejus in Medicina usus: saturat ordinariò trigesimam quintam partem sui ponderis Salis Tartari: constat, præter Aquam & mucosum Magma, Spiritibus Ardentibus, acido Vini fixiori, & Vini Tartaro. Omnia Metalla, si Aurum, Argentum, & Platinam exceperis, rodit & dissolvit.

ACONITI CÆRULEI, seu NAPPILLI Folia. *De Bladeren van Moniks-kapkens ofte Wolsiwortel. aconitum cammarum.*

Nuper hanc plantam in usus medicatos primus introducere ausus est ILLUSTRISSIMUS STORCK: dicitur potentissimè lymphæ spissitudines solvere, & eandem in vasculis minimis aponevrosiùm & ligamen-

torum hærentem ad transpirationem disponere. Folia recentia, aliquo tempore gustata, acrimoniam sat evidentem produnt; exsiccata insipida sunt: in usu est horum recentium succus inspissatus, qui sub titulo extracti Aconiti prostat: falsum, acrem præbet saporem; odorem virosum: humidum ex aere attrahit. Paucis ejus granis apud varios curatæ leguntur Arthritides pertinacissimæ, & ad omnia alia rebelles: laudatur ad glandulas induratas, spinam ventosam, amaurolim &c.

ÆS, seu CUPRUM. *Koper.*

Est Metallum imperfectum, sed aliquibus Dotibus propiùs reliquis ad perfectà accedens: coloris est rubri; sapore præditum particulari, nauscoso; odore proprio: sonorum est, durum, ductile, & nonies ferè Aquâ specificè gravius: in Æruginem, certis observatis non innocuam, est pronissimum; ut Aqua, Oleum & Acida eam perpetuò producant.

Optima methodus pro detegendo hoc Metallo, etiam in parcissima quantitate in liquore aliquo dissoluto, est admixtio Alkali volatilis: hoc enim viridem Æruginis colorem mutat in cœruleum.

ÆTITES, LAPIS AQUILÆ. *De Arend-Steen.*

Ita perperam vocatus, quod in Aquilæ Nido inveniri creditus sit. Lapis est tophaceus, variæ magnitudinis & formæ, coloris ordinariò fusci, variis constans lamellis faciliè separabilibus: reperitur in plerisque ferri fodinis, & ferri ochra ejus crustas constituit: intùs plerumque cavus est, & argillaceum nucleum, qui *callimus* vocatur, & efformationis basis est, continet: hic exsiccatione contractus, liber jam & mobilis, agitato rudiùs lapide sonum edit.

Vires olim laudatissimæ: re jam propiùs & sine præjudicio perspecta, minus ad Materiem Medicam credimus pertinere.

AGARICUS, seu FUNGUS LARICIS. *De Zwam van den Lorkboom.*

Fungus arboreus, & vera planta parasita est, Larici jam senescenti.

Boletus Laricis L. & Sacc.

Boletus Laricis L. & Sacc. Boletus Laricis L. & Sacc. Boletus Laricis L. & Sacc.

accrefcens, non inorganica hujus Arboris excrefcencia, ut olim creditum: formæ subrotundæ eft: pugnum magnitudine æquat; modo major eft, & ad capitis infantilis magnitudinem excrefcit. Subftantia intus levis, alba, friabilis: extus cortex durior, cinereus, aut fubrufus, qui plerumque ablatus, dum ad nos transfertur. Odoris ferè nullius eft: faporis primò fubdulcis, poftca amaricantis & acris. Vis purgans in refina confiftit, atque Spiritu Vini diluto optimè extrahitur: fola Aqua fit extractum nullius valoris. Optimus e Tartaria adfertur, crefcit etiam in Gallie Delphinatu & aliis Regionibus, quarum Sylvæ Larices habent.

AGARICUS QUERCINUS, feu PEDIS EQUINI FACIE. *Zwam van den Eikenboom. Amadou. Boletus ungulatus. Bulliard. agaric de chevre. abstringent.*

*ignon
it sur les
preparé
caution*

Boletus, & fungus igniarius etiam vocatur, quia levi attactu ignem concipit, & accenditur: Quercubus præcipuè accrefcit: Laricis Agarico longè ponderofior eft: fuperficie dura, inæquali, coloris fufci: partim lignea, fibrofa; partim molli conftat fubftantia: colligitur mense Augufto, vel Septembri: tum totus Agaricus bene exficatus malleo contunditur, ut pars durior, lignofior redigatur in pulverem, à quo frictione inter manus purgatur, & remanet pars mollior, quæ fervatur in ufum.

Immediatè vafi fanguinem fundenti applicatus celebre ftypticum jam falutatur, cui tamen foli in magnorum vaforum vulneribus non fidendum; particulari enim virtute ftyptica non videtur pollere, fed agere, ut linteum carptum, fpongia & fimilia.

AGNI CASTI Semen. *Het Zaad van den Kuifchboom.*

Vitex Foliis anguftioribus, feu Agnus Castus in Italia, & terris meridionalibus ad Amnium Ripas abundat, hic in Hortis colitur: capsulas indè recipimus fphæricas, parvas, quatuor feminibus oblongis fectas: coloris funt cinerei; faporis fubadstringentis, parumper aromatici, & ad cardamomum accedentis.

Virtute antaphrodisiaca pollere olim creditum est, & hinc nomen recepit.

AGRIMONÆ Folia. *De Bladeren van Agrimonie ofte Boelkenskruid.*
agrimonia. Eupatoria

ALCANNÆ, seu ANCHUSÆ RADIX. *De Wörtel van roode Ossen-*
Tonge. anchusa tinctoria

ALCHIMILLÆ Folia. *De Bladeren van Leeuwen-Klauw, ofte onzer*
lieve Vrouwe Mantel.

✓ ALCIS UNGULA. *Elands-Klauw.*

Alce animal quadrupes est, è genere Cervorum, ruminans, corniferum, magnitudine Equo non multum inferius, habitans in Moscovia, Polonia, & aliis Regionibus septentrionalibus: Ungulæ ejus sunt bifidæ, nigrae, & figura proximè ad Bovinas accedunt; ab his tamen differunt nigredine & quod rasæ nullum fœtorem spargant.

Superstitiosi & nimis creduli rerum naturalium Scriptores traderunt hoc animal Epilepticis morbis subiectum, sinistrâ Ungulâ ad caput pone aures ductâ, consensum ab insultu liberari: acsi convulsus pro libitu id facere posset. Ex hac relatione, utut ridicula, nata tamen præjudicata opinio, quæ celebres etiam Medicos longo tempore detinuit, & commendatus, tam externus, quam internus hujus Ungulæ, præcipuè sinistræ, tamquam specifici antepileptici, usus: sed propiori indagine constat non solum vim nullam ad hunc morbum possidere; sed neque animal huic morbo subiectum esse.

ALKEKENGÏ, seu HALICACABI Fructus. *Krieken van oer de Zee.*
Physalis alkekengi. coqueret.

Fructus hi seu Baccæ Cerasis quoad figuram, magnitudinem, & colorem non absimiles saporem habent acidum, leviter vinosum, & non amarescunt (quod plerique Scriptores volunt) si prudenter cavetur, dum ex amarissimo calice desumuntur, ne ab eodem contingantur.

ALOË. *Aloë.*

Est succus ex foliis plantæ ejusdem nominis, partim sponte stil-
lans, partim expressus, & calore solis, vel leni igne inspissatus. Tres
species inferius annotandæ in Oslecinis prostant, quæ id commune
habent, quod eadem ferè virtute purgante gaudeant; quod nobis
afferantur in massis duris, fragilibus; quod saporis sint intensè amari,
calidi, nauscosi: odoris proprii, adversi: coloris, si frusta integra
considerentur, subfusco-rubentis, vel fusco-nigricantis; flavi verò
dum in pulverem redacta sunt.

Variata parùm pro diversâ specie proportionem, vix unam quar-
tam partem sui ponderis Resinæ continent; reliqua pars Gummea
est; optimè tamen solvuntur in Spiritu Vini rectificato; dein in
Spiritu Vini: ferè totæ etiam solvuntur in Aqua ebulliente; sed,
refrigerato menstruo, multum Resinæ subsidet: Resina hæc nullum
ferè præbet saporem, aut odorem; nulla pollet vi purgante: gum-
mosa tamen pars à resinosa separata mitius purgat; sed id unice
mutationi à calore inductæ videtur tribuendum.

Aliqui Autores scribunt omnes tres species ex una eademque
planta extrahi, & non differre nisi puritate succi; dum alii cuilibet
speciei suam plantam, & patriam tribuunt.

ALOË SOCOTRINA. *Socotrynschen Aloë.*

Ita vocata, quia ex Insula Socotora in Mare Indico ad Arabiam
felicem sita pellibus, aut vesicis involuta adfertur. Dicitur obtineri
ex *Aloë Succotrina augustifolia spinosa Flore purpureo, seu perfoliata*
dicta. Reliquis est purior; hinc ordinariò in usu: in lamellas fracta
splendens, pellucida est; hinc lucida etiam vocatur: reliquis odoris
minùs nauscosi est, ferè myrrathi: in pulverem trita subluteum,
erocceum, ac ferè aureum colorem præbet: hieme friabilis, æstate
parum lentior est, & digitis subacta mollescit: magis gummosa est,
quam hepatica; minùs quam caballina.

ALOË

ALOË HEPATICA. *Gemeene , ofte leverkleurigen Aloë.*

Dicitur ex *Aloë vera vulgari* obtineri: optima ex Insulis Barbadensibus advehitur: coloris obscurioris; odoris fortioris, magis nauseosi, & minus aromatici est, quam Socotrina; etiam magis sicca est, & texturæ firmioris: præfertur in usu externo, quia plus resinæ, à qua vis vulneraria pendet, possidet, quam Socotrina.

ALOË CABALLINA. *Stinkende , ofte Peirden-Aloë.*

Hepaticæ plurimis notis similis; ab ea tamen forti, & foedo odore facile distinguenda: obtinetur ex *Aloë guineënsi vulgari simili*, sed *tota maculata*: aliis duabus speciebus est ponderosior, crassior, & impurior. Aliqui eam ita à sordibus norunt repurgare, ut difficulter etiam à Socotrina possit distingui; prodit tamen eam foetor, à quo liberari nequit: vix ad usus Medicos adhibetur.

ALTHÆÆ Folia, Flores, Radix. *De Bladeren, Bloemen, ende Wortels van Heemst, ofte witte Maluwe.*

ALUMEN. *Aluin.*

Est Sal minerale, crystallisabile, ex acido vitriolico, & terra argillosa simul unitis ortum. Acerbum, & fortiter adstringentem saporem habet, odorem nullum. Fit ubicumque acidum vitriolicum liberum factum sese terræ argillosæ potest unire; hinc in materiis pyritosis in Suecia, Anglia, Italia &c. in aere efflorescentibus, aut calcinatis, facile gignitur: separatur tum facto lixivio, evaporatione, crystallisatione, & sub informi massa pellucida, ponderosa, glaciæ instar, ad nos transfertur: solvitur hæc duodecuplo circiter sui ponderis aquæ ebullientis, & post debitam evaporationem crystallos dat octoedras, quas ingens aquæ quantitas, & quam Chemici septem duodecimas totius ponderis dicunt constituere, ingreditur; hinc igni admotum funditur primò, ebullit, spumescit, & evaporata omni crystallisationis aqua, siccat in massam albam, spongiolam, ærem, quæ *Alumen ustum* vocatur, & usui chirurgico inservit.

Aluminis variae species sunt, ac primò *rupeum*, *glaciale*, seu *commune* Officinarum.

Secundò *romanum*, ita à patria dictum: coloris pallido-rosei est.

Tertiò *plumosum*, quod non in usu, & cum amianto ordinariò confunditur; quamvis generali Aluminum sapore ab eo faciliè possit distingui.

X AMBRA GRISEA. *Ambergrys*.

Est substantia bituminosa, levis, opaca, coloris grisei, aut cinerei; maculis albicantibus, flavescentibus, aut nigricantibus variegata: saporis non particularis; odoris suavissimi. Manu calida tractata instar ceræ mollescit; ad ignem liquefit, velut in oleum: dum bona, tota inflammabilis est: mollescit, non solvitur, in aqua ebulliente: eam tamen suavi suo odore replet: solvitur, sed difficulter, in Spiritu Vini rectificato, & oleis essentialibus.

De hujus substantiæ origine non constat inter rerum naturalium Scriptores: aliqui Balænarum productum, aut Avium excrementum asserunt, dum alii, & probabilius quidem, bitumen minerale credunt: id certiùs scitur ad littora Maris indici, præcipuè post magnas hujus pelagi exagitationes, aquæ supernatantem, aut jam ejectam reperiri, & in massis plus minusve magnis, quæ conchas, piscium spinas aliaque corpora heterogenea substantiæ suæ plerumque intermixta habent, colligi, & ad nos adferri; sed attendant Pharmacopœi à malevolis Mercatoribus variis additiis aliquando adulterari.

AMMEOS Semen. *Het Zaad van Bisschops-Kruid*.

AMMONIACUM GUMMI. *Gom Ammoniac*.

Est succus concretus, gummeo-resinosus, qui ex India orientali in magnis fructis, parvis granis, seu lacrymis constantibus, ad nos advehitur. Planta, cui debemus, necdum satis nota, dicitur ferulacea, & ex ea incisa succus lacti similis exstillare: semina anethinis

similia cum arena aliisque recrementis ei ordinariò intermixta inveniuntur. Coloris albi hoc Gummi est; sed acri expositum flavescit: ore retentum mollescit, albescit; saporem præbet primò subdulcem, mox amaricantem, acrem, pertinacem: recentissimum odorem habet castorei, vetus galbani: igni injectum flammam concipit. Solvitur aceto & aqua: solutio lac æmulatur, & eâ sibi relictâ, resinosa pars sensim subsidet: spiritus Vini Alcohol dissolvit fere dimidiam partem, quæ saporis ejusdem est ac Gummi ipsum, relictâ parte mucilaginosâ, insipida; ut tota virtus priori videatur adscribenda.

AMOMI Semen. *De Zaaden van Jerusalems-Kruid.*

AMYGDALÆ AMARÆ & DULCES. *Bittere ende zoete Amandelen.*

Sunt fructus arboris malo Persicæ similis, quæ *Amygdalus sativa* Botanicis dicitur: duplex est, solo gustu fructuum distinguenda: crescit in Sicilia, Italia, Hispania, aliisque locis calidioribus.

Amygdalæ propter oleum expressum præcipuè in Medicina notæ sunt: dulces fere dimidium sui ponderis largiuntur; amaræ longe minus, sed omnino simillimi: amarities, quæ pluribus animalibus venenosa est, & quæ Aqua, ac Spiritu Vini extrahitur, quin imo cum eisdem distillatis transit, videtur in parte mucilaginosâ, & terrestri hære.

Rejiciantur Amygdalæ graciles, rugosæ, quarum medulla flavescit, & à vermiculis exesæ. Diu asservatæ in loco præsertim calidiori etiam rancorem contrahunt, quod citissimè accidit expressio oleo: tum loco saporis subdulcis nauseosum, mordacem & non innocuum nanciscitur.

ANAGALLIDIS Folia. *De Bladeren van Guichel-Heil.*

ANETHI Folia, Semen. *De Bladeren ende Zaaden van Dil.*

ANGELICÆ Radix, Semen. *De Wortel ende Zaaden van Angelica ofte Engelwortel.*

Regionum septentrionalium propriè incolæ in hortis nostris in

usus Medicos colitur; sed quæ in Bohemia & Hispania crescit nostram virtute tam longè præcellit, ut Collegium Londinense illam solam præferibat, quæ ex posterius dicta Regione adfertur.

Radices, quarum præcipuè usus, faciliè mucidæ fiunt, & à vermiculis exeduntur: ab his vitiis dicuntur possè defendi, si post debitam exsiccationem Spiritui Vini ebullienti immergantur, aut ejusdem vaporì exponantur.

ANIME GUMMI. *Gom van Courbaril.*

Concretum hoc hætenus perperam Gummi Anime vocatum, cum integrum ferè resinofum sit, est productum Arboris in America meridionali crescentis indis *Courbaril* dictæ: adfertur sub frustis variæ magnitudinis, quæ arida sunt, friabilia, aliquatenus pellucida; coloris citrini; odoris suavis, dum accenduntur fragrantioris; saporis prima fronte nullius, mox resinosi, parum terebinthinacei.

Refina hæc difficulter, & solo ferè odore, à Gummi Copal distinguì potest: inflammabilis est, & tota, solis recrementis terreis relictis, solvi potest in Spiritu Vini rectificatissimo: aqua solvit unam decimam sextam.

ANISI Semen. *Anyszaad.*

ANISI INDICI, seu STELLATI Semen. *De Zaaden van Ster-Anys.*

ANTIMONIUM, seu STIBIUM. *Spiesglas.*

Est substantia mineralis, metallica, ponderosa, friabilis, igne volatilis; nullius ferè odoris, aut saporis; coloris plumbei; exhibens interius strias, seu fibras splendentes sibi mutuo secundum longitudinem adunatas; constans semimetallo, regulo Antimonii dicto, & Sulphure, vulgari non absimili, quod fere tertiam partem integræ massæ constituit.

Mineræ Antimonii effodiuntur in variis Europæ Regionibus: purificatur ab heterogeniis sola fusione, & vasis fustum recipientis figu-

ram conoideam ordinariò exhibet, dum ad nos transfertur: rejicitur pro usu Medico Britannicum, quod crebrò plumbi portionem sibi admixtam habet; præfertur Hungaricum, quod purius, ponderosius est, & strias majores exhibet.

APII Radices, Semen. *De Wortels ende Zaaden van Water-Eppe.*

APRI DENTES. *De Tanden van het wild Verken.*

Sunt Dentes hujus Animalis canini, magni, in arcus formam flexi, albi, toti cavi, ex maxilla inferiori desumpti, quibus se tuetur, & terram pro quærenda esca vertit.

Laudabantur olim ad pleuritidem, & illorum rasura compositiones aliquas ingrediebatur, quæ in Pharmacopœis sub miracula promittente, hinc ignaros seduciente titulo *pulverum pleuriticorum* hactenus profiterunt. . . exulent imposterus! quis enim à substantia absorbente aliquid boni ad morbum inflammatorium expectabit?

AQUA. *Water.*

Est corpus ad minimum caloris gradum, qui ad vegetationem requiritur, mobile, fluidum: defectu istius caloris in glaciem abiens, solidum: diaphanum, insipidum, inodorum; simplex, inalterabile, facile in vapores avolans, non compressibile, quod vegetabilia, animalia, & salina mineralia corpora tamquam elementum ingreditur.

Aquæ, ut eas nobis provida natura suppeditat, distinguuntur in *insipidas*, seu *dulces*, & *sapidas*, seu *minerales*. Dulces, quarum latissimus, & omnibus cognitus usus, vel ex terra desumimus, vel meteora nobis subministrant: hinc *fontana*, *putealis*, *fluvialis*, *pluvialis*, *nivalis* &c. quæ omnes, cum Aqua plurimorum corporum, præcipuè salinorum, gummosorum & gelatinosorum menstruum sit, variis in decursu suo imprægnantur substantiis, & nunquam puræ habentur; sed, ut tales reddantur præsertim pro usibus Chemicis distillationi debent subjici. Ex naturalibus purissima censetur pluvialis; ea scilicet quæ procedente jam imbre, in aere aperto,

procul ab hominum habitationibus, in vasis fictilibus & puris colligitur. In genere ea optima est, quæ levissima, cryſtalli inſtar pellucida, nullius odoris, aut ſaporis, quæ nihil ad latera vasis deponit, olera bene concoquit, ſaponem facilè ſolvit, quæque inſtillato Oleo Tartari per deliquium, aut ſolutione argenti cum Aqua forti facta non albescit, nihil præcipitat.

Aquæ ſapidæ, ſeu minerales hæc propriè ſunt, in quibus Chemica Analyſis ſubſtantias ſpirituofas, ſulphureas, ſalinas, aut metallicas detegit.

Harum variæ diviſiones: aut enim omni anni tempore calorem Atmosphæræ ſuperant, & *thermales* dicuntur: aut non ſuperant, & *frigida* appellantur. Distinguuntur deinceps à contentis in acidulas, alkalinas, ſulphureas, ferratas &c.

Aquarum mineralium variæ in Europa ſcaturigines: duarum potiffimum Aquæ ad nos transferuntur, & in uſu Medico ſunt.

AQUÆ SELTERANÆ. *Selter-Waters.*

Nomen ab Oppido in Alſatia inferiori ad Rhenum ſito, ubi earum Fons eſt, receperunt: adſeruntur in lagenis exactiſſimè obturatis, & plenis; alioquin citiſſimè corrumpuntur. Præter gas ſuum & aliquid terræ continent ſalis communis & alkali ſoſſilis unam centeſimam & vigeſimam partem ſui ponderis: hinc earum cum acidis efferveſcentia, & leviter lixivioſus ſapor: hinc etiam acido Auſtero in corpore dominantem meliora ſunt, & optime cum lacte aſſumuntur, cujus coagulum eadem virtute impediunt.

AQUÆ SPADANÆ. *Spa-Waters.*

È pluribus Fontibus, qui in ſat noto Oppido, à quo nomen receperunt, ſcaturiunt, unicus *Pouhontius* ſalvis viribus ad exterarum Regiones transfertur. Inſtituta Analyſi conſtat duodecim hujus Fontis Pintas continere Grana tredecim Ferri, Grana octo Alkali vegetabilis, & Terræ partim Argilloſæ, partim Calcarea Dragmam

Contenta hæc soluta sustinet, & Aquas has veluti vivificat gas, seu magna quantitas aeris fixi, à quo penetrans, vividus, quasi spirituosus harum Aquarum sapor, & vis inebrians: hinc hoc difflato, quod facile & etiam liberi aeris attactu fit, evanescunt hæc dotes, perit vis, & decomposita Aqua sensim contenta sua præcipitat.

AQUILEGIÆ SEMEN. *De Zaaden van Akelyen.*

ARGENTINÆ, seu ANSERINÆ Folia. *De Bladeren van Zilverkruid, of wilde Rynvaare.*

ARGENTUM. *Zilver.*

Est Metallum perfectum, album, splendens, sonorum, Auro durius, & parum fusibilius, post idem omnium Metallorum ductilissimum, & undecies Aqua specificè gravius.

Reperitur in America, & variis Europæ partibus vel sub forma naturali, jam malleabile, & *nativum* audit; vel sub Forma Mineræ. È Matricibus obtinetur, & ab additiis liberatur Amalgamatione, Fusione, & Cupellatione. His non obstantibus, ut ex Officinis Metallicis adfertur, unam decimam sextam Cupri habet. Pro vario usu proportionem hanc ulteriori Cupellatione mutamus. Optimè solvitur Acido Nitri puro: Solutio hæc accerrima, & deleteria excolor est, si Argentum purum adhibetur: ex hac Evaporatione inspissata fiunt *Cryalli Lunæ*, ex eisque CrySTALLIFICATIONIS Aqua Fusione orbatis fit *Lapis Infernalis*, quod unicum Argenti Præparatum in usus prostat. Vide in Chemicis Cryst. Lunæ, & Lap. Infern.

ARGENTUM VIVUM, seu MERCURIUS. *Kwik-Zilver.*

Substantia hæc Mineralis, quæ & *Hydrargyrus* vocatur, splendens est, coloris argentei, fluida, Plumbum fusum æmulans, mobilissima, penetrantissima, & maximè divisibilis. Caloris gradu, quo Aqua ebullit, abit in nocivos Nervis Vapores. Decies quinies serè Aqua ponderosior est; hinc soli Auro, & Platinae specifica gravitate cedit: Frigore valde intenso Consistentiam solidam acquirit, &

malleabilis fit; ut Experimentum in Muscovia captum comprobavit. In illam nec Aer, nec Aqua, nec utriusque vis juncta valet; neque hætenus ulla arte decomponi potuit; ut hinc pateat mirum, & singulare Corpus esse, essentialibus aliquibus dotibus Metallis, & quidem perfectis, posse annumerari; aliis ab omnibus differre.

Omniibus Acidis, facillimè Acido Nitri, solvi potest. Omnia metalla, excepto Ferro, præcipuè Aurum & Argentum penetrat, solvit, & cum eis mixtum efficit, quod *Amalgama* vocatur, pro quantitate Argenti Vivi plus minus molle. Hanc vim avidi Mercatores non neglexerunt, ut hanc Substantiam adulterarent. Plumbum Bismuthi intermedio ad dimidium ponderis ei addi potest, retenta omni fluiditate; ut etiam per densum Corium trajici possit, non detecta fraude. Nosci tamen potest his notis. 1º. Mercurius ita sophisticatus specificè levior est. 2º. Bismuthum sub forma Pulveris grisei sensim ad Superficiem ascendit. 3º. Globuli in scutella fictili, plana, leviter inclinata moti Pulverem Metallicum post se relinquunt, & caudam quasi trahunt. 4º. Dum parva quantitas in Cocleari ferreo Igni exponitur avolat Mercurius, & remanent addita metallica: hinc ergo patet optimam methodum pro depuratione hujus Substantiæ esse Distillationem, cui omnis, qui ad usus medicos adhibetur, necessario subjici debet.

Invenitur Mercurius, vel jam fluidus, *nativus* dictus, vel sub forma Mineræ, sulphuri præcipuè junctus, cum quo *cinnabarim* constituit, in Hungaria, Hispania &c.: magna quantitas ex indiis orientalibus adfertur.

ARISTOLOCHIÆ Radix. *De Wortel van Geboorte-Kruid.*

Plures Species passim in Pharmacopœis notantur: præcipuæ a figura Radicis *longa*, *rotunda*, & *tenuis* appellantur: eadem omnibus ferè Virtus amara, abstergens: adeoque sine damno una reliquis potest substitui: vires fixæ sunt & tam Aqua, quam Alkohole Vini extrahuntur.

Crescunt in Europa Meridionali.

ARNICÆ

ARNICÆ Folia Flores. *De Bladeren, en de Bloemen van Gembfen-Wortel ofte Scorpioen-Wortel.*

Doronicum Germanicum etiam vocatur, & revera *Doronici* species est: Folia habet utrimque tomentosa, Plantaginis foliis non multum dissimilia; Parum longiora tamen, & coloris dilutioris: Flores Lutei Coloris sunt.

Olim in Contusionibus, ad effusum congrumatumque Sanguinem resolvendum, unicè adhibita; jam commendatur ad omnes morbos à stagnantibus ab Inertia ubicumque Humoribus productos: videtur enim addito stimulo Motus, & Oscillationes Solidorum duplicando agere: hinc ad Paralyfim, Experimentis à CELEBRI COLLINO in Nosocomio Viennensi captis, multum inclaruit.

Flores Herbâ potentiores sunt: à minori Dosi v.g. dragma dimidia vel dragma una tribus quatuorve unciiis Aquæ vel Cerevisiæ infusa, præcipuè in Delicioribus, incipiendum; major enim Dosis Anxietates, Cardialgias acerbæ, Nauseas aliaque symptomata, larga Diuresi, Sudore, Alvi Fluxu, aut Vomitu tandem auferenda, excitasse visa est.

ARSENICUM. *Rottekruid.*

Arsenicum officinarum, quod & *album* vocatur, invenitur nativum, vel cum aliis Substantiis in glebas concretum in variis Europæ partibus: ferè omne, quod ad nos transfertur, ex Cobalto præcipuè in Saxonia sublimatione elicitur. Substantia est coloris albi, ponderosa, fragilis, non inflammabilis, sed fusilis, & cum rapacitate volatilis: carbonibus ardentibus imposita resolvitur in fumum album, allium redolentem: saporis est primùm leviter acris, demum exedentis: omnibus Metallis, & Semimetallis sese unit eaque reddit fragiliora: solvitur in decies quinies suo pondere aquæ ebullientis, dein in omni ferè liquido: acidum nitri expedit, se basi ejus unit, & speciem particularem salis neutri cum ea constituit.

Non obstantibus his dotibus, quibus salinam potius indolem exhibet,

vera tamen, quamvis ab omnibus aliis diversa, calx metallica est, & phlogisto unitum Semimetallum, *regulum Arsenici* dictum constituit.

Arsenicum cum sulphure mixtum, & cum eo sublimatum corpora suppeditat, pro varia proportionem sulphuris, varia, & varii coloris: dum sulphur decimam partem massæ efficit, exoritur *Arsenicum flavum*, seu *auripigmentum factitium*: duplicata hac sulphuris dosi, *Arsenicum rubrum*.

Corpora naturalia sulphure, & Arsenico constantia, & prædictis artificialibus non multum dissimilia e terræ visceribus etiam effodiuntur: prius flavum, *auripigmentum nativum* est; posterius rubrum, græcorum *Sandaracha*, arabum *Realgar*.

Arsenicum album potentissimum corrosivum venenum est. Multiplex experientia comprobavit à minima ejus dosi assumpta summos nasci stomachi, & intestinorum cruciatus; abdomen intumescere; lividum colorem hinc inde per habitum surgere; vomitu, syncope, convulsionibus torqueri hominem, & tandem gangræna extingui: quæ symptomata brevi post haustionem hujus veneni succedentia si superat, timor tamen remanet, ne postmodum lenta tabe consumatur. Neque tutus videtur externus usus: constat etenim infelicibus experimentis non solum partes, quibus applicatur, rodere; sed & intus resumi, atque omnem tragediam, ac si ore assumptum fuisset, posse agere.

His non obstantibus Medici extiterunt satis audaces, ut in usus medicos adhiberent: laudatur à pluribus ad profligandas febres intermittentes: commendaverunt tamquam Amuletum adversus Pestem, & externe ad Carcinomata adhibuerunt: quod ultimum temerariis Agyrtis adhuc in usu: funesti tamen hinc inde eventus docuerunt prudentius omnino abstineri.

Auripigmentum & Sandaracha Arsenico albo mitiora quidem sunt; tamen suspecta.

Omnibus remedio sunt obvolventia & diluentia; ut Oleum,

Lac &c. ad summam quantitatem continuo & diu hausta : Antidotum necdum notum.

ARTEMISIÆ Folia. *De Bladeren van Byvoet.*

ARI Radix. *De Wortel van Kalfsvoet.*

Plures hujus Plantæ species : pro usu medico præfertur illa , quæ *maculis nigris* distinguitur : crescit in locis sylvestribus , umbrosis , paludosis : radicem præbet tuberosam , albam , rotundam , farinaceam , magnitudinis circiter Nucis Avellanæ , odoris non particularis ; saporis , dum recens est , adeo pertinaciter acris , & urentis , ut à pluribus in venenorum classem reponatur , & Cardialgiam , Vomitum cruentum , &c. aliquando scribatur excitasse : acredo hæc , volatilis quasi , mora & exsiccatione sensim perit , donec tandem effœta , insipida evadat : pro usibus itaque medicis adhibenda est modicè exsiccata : ita in frigidis mucosis , tam Stomachi quam aliorum viscerum morbis , ubi exstimulanda est iners fibra , & attenuandi humores , præstans præbet remedium. Recentis Grana decem vel quindecim bis terve quotidie assumpta scribuntur Arthritides pertinacissimas , & inveterata Asthmata percurasse.

Venenosæ ejus acedini medela Oleum , Lac &c. Antidotum accutum dicitur.

ASARI Folia & Radix. *De Bladeren ende Wortel van Mansooren , of Haselwortel.*

ASELLI , vide MILLEPEDES.

ASPARAGI Radix. *De Wortel van Aspargies.*

ASPHALTUS , vide BITUMEN JUDAICUM.

ASSA FOETIDA , seu ASA FOETIDA. *Duivels-Dreck.*

Est succus inspissatus stillans è radice ferulæ , quæ à LINNÆO *foliis alternatim sinuatis , obtusis* distinguitur ; à KEMPFFERO *hingisch*

umbellifera, levistico affinis appellatur: extra Persiæ & Mediæ fines scribitur non reperiri: radix exterius nigricans, interiùs alba est; forma pastinacæ radicem æmulatur, sed volumine longè superat: excrescit etenim aliquando ad ulnæ longitudinem, & Femoris Humani crassitiem: ex ejus summitate vulnerata Assa Fœtida exsillat alba, pinguis, instar cremoris lactis, fœtidissima: tum collecta soli exponitur, ut condensetur: ibi flavum, subfuscum colorem induit; & magnam fœtoris partem deperdit.

Adfertur nobis in frustis variæ magnitudinis, è quibus pro usibus medicis eligantur illa, quæ splendent, flava sunt, & punctis albis variegata: saporem habet amarum, acrem, ingratum; odorem retinuit adhuc insigniter virosum, alliaceum, pertinacem, excretiones omnes assumentis inficiens, quem ætas ademptis simul viribus continuò minuit: ejus una tertia pars Resina est; duæ reliquæ Gummi: odor & sapor in resina præcipuè hærent.

Resolvens est, etiam extùs partibus induratis applicatum: laudatur ob vim antihelmenticam: antispasmodicum est efficacissimum, cui in multis casibus nullum par, nimis ob fœtorem neglectum.

AVENA. *Haver.*

AURANTIÆ MALI Folia, Flores, Fructus. *De Bladeren, Bloemen, ende Appelen van den Oranje-Boom.*

Regionum Meridionalium indigena apud nos in hortorum ornatum, adhibita cura ut, ab hiemali frigore maturè præservetur, frequens colitur: arbor duplex, solo fructu distinguenda: altera aurantia *dulcia*, *Poma Sinensia* dicta, quorum succus acido-dulcis, vinosus, gratissimus; altera aurantia *amara* profert: posterior Medicinæ præcipuè dicata est: ejus folia amara, aromatica nuper adversus convulsiones, & epilepsiam tentata sunt, & scribuntur laudes commeruisse. Flores suavissimè fragrantés, præcipuè dum recentes sunt, *aquam naphæ* suppeditant. Fructuum succus refrigerans, antisepticus: cortex nervinus, cardiacus, carminativus: ejus

odor, fapor, & omnes dotes *flavedini* inhærent, quæ Oleum Essentiale tam multum continet, ut etiam inter digitos exprimi possit. Multæ corticum vires Aqua extrahuntur, plures Spiritu Vini rectificato.

Aurantia immatura exsiccata sub nomine *aurantiorum curassavensium* aliquibus in usu sunt, & tincturam stomachicam Pharmacopœæ Edimburgensis ingrediuntur.

AURICULA JUDÆ. *Fooden-Oor.*

Est fungus membranaceus figura, & magnitudine aurem humanam referens, Sambuco præcipuè accrescens; hinc *fungus Sambuci* etiam dictus: coloris est ex cinereo nigricantis; saporis non particularis; odoris mucidi. Aqua maceratus mollescit, & turget instar Spongiæ.

Aliqui tamquam exsiccans, & adstringens remedium externè adhibitum in Ophtalmia, & Angina utilem prædicant: alii scribunt eum internè datum fortiter alvum laxare, & feliciter Hydropicorum aquas educere. CLUSIUS, & post illum varii Authores pro suspecto habent, & fungis venenatis annumerant.

Donec metus hic subsistet prudentius arbitramur omnino ab hoc remedio, saltem pro interno usu, abstinere: præcipuè quia plura alia medicamenta facile, & tutius viribus, quæ ei adscribuntur supplere possunt.

AURICULÆ MURIS, seu PILOSELLÆ MAJORIS REPENTIS Folia. *De Bladeren van Muisen-Ooren.*

AURIPIGMENTUM. *Oppermert, geele Rottekruid*, vide ARSENICUM.

AURUM. *Goud.*

Est Metallum omnium perfectissimum, ductilissimum, coloris noti, nullius saporis, aut odoris; nec aqua, nec aere, nec igne destruendum. Parum elasticum est, hinc vix sonorum. Pes cubicus

hujus Metalli continet 1326. libras, adeoque aqua vigesies ferè specificè gravius est, & omnium corporum hætenus notorum ponderosissimum. Solvitur directè solis Hepate Sulphuris, & Aqua Regia, sed è menstruo suo præcipitatum non solum omnibus acidis, etiam vegetabilibus, sed & Oleis Essentialibus, & præcipuè æthere solvi potest; quæ methodus *auro potabili* & ejus Tincturis parandis facillima. Solutio in Aqua Regia admodum caustica est. Si menstruum pro dissolutione Sal Ammoniacum recipit, vel Aurum præcipitatur admixtione Alkali volatilis, præcipitatum *Aurum fulminans* appellatur, quia mediocri calore, tritu, ut & fortiori compressione, instar Fulminis, detonat, & exploditur.

Arabes Aurum in Medicinam introduxerunt: hos secuti Alchemici miras ei vires cardiacas adscripserunt, omnibus fere morbis opposuerunt, & hujus ope vitæ terminos egregiè extendi posse promiserunt: hinc excogitata varia à variis præparata, quæ omnia vana, & nullius effectus esse non solum experientia demonstravit, sed & ratio & cognita hujus Metalli natura videntur dictare: inalterabile etenim viribus humani corporis mutari nequit, &, quocumque menstruo solvatur, non decomponitur: menstruis autem salibus gravidum suspectum: Aurum fulminans miras anxietates, & periculosa symptomata scribitur excitasse.

AXUNGIA. *Vet.*

Est substantia unctuosæ, inflammabilis, plus minùs solida, quæ in cellulosa tela omnium ferè partium corporum Animalium deponitur. Aqua levior est, ei non miscibilis: moderato colore liquefcit, velut in oleum: ut omnis pinguedo concretum oleum videatur posse dici: consistentiam debet acido penetranti, acri, partibus oleosis ita intimè immixto, ut nulla suæ præsentiae det indicia, tam diu, quam pinguedo recens, inalterata est: sed Chemica Analyfi facile separatur, & ætate, ut etiam ignis actione extricatur: tum pinguedo rancida fit, & acris, odoris fortioris, saporis nauseosi. Eam ab his pravis qualitatibus liberare potest Spiritus Vini, qui non pinguedini inalteratæ, sed parti rancidæ menstruum est.

Ut pura obtineatur à membranaceis cellulis, & vasculis, quibus adhæret, liberanda est: tum multâ aquâ lavanda, qua gelatinosæ partes ei auferantur: dein cum parva aquæ quantitate leni igne liquanda, & relinquenda donec omnis aqua avolaverit.

Superstitiosis Medicinæ sub Arabibus sæculis magnus axungiarum numerus in Officinas introductus est: ut Anatis, Gallinæ, Lupi, Ursi, Hominis &c. &c. Aliquæ Pharmacopœæ viginti octo Animalium pinguedines præscribunt: harum aliquibus virtutem resolvendi; aliis calefaciendi, & detergendi; aliis demum emolliendi tribuunt: sed re propius, & sine præjudicio perspecta parum omnes virtute differunt: omnes emolliunt, laxant partes, quibus applicantur: omnes transpirationem impediunt: ita ut Collegium Londinense, missis aliis, tres tantum Axungias in Officinis Pharmaceuticis retinuerit: *viperæ* scilicet, quæ ad oculos commendatur, & ejusdem Collegii Unguentum de Tutia ingreditur; *porci* & *sebum ovile*, quæ revera omni scopo videntur posse satisfacere.

BALSAMITÆ MARIS, sive COSTI HORTORUM Folia. *De Bladeren van groot Balsemkruid of Bâkkruid.*

BALSAMUM COPAIBA. *Balsen van Copaiba of Copahu.*

Est liquor resinofus ad incredibilem quantitatem ex incisa Arbore Brasiliensi, incolis *Copaiba*, *RAJO* & aliis Botanicis *Arbore balsamifera Brasiliensi fructu monospermo* dicta, defluens. Dum recens est hoc Balsamum oleum fluiditate æmulatur; splendens est, pellucidum; coloris pallido-citrini; odoris fragrantis, proprii, non ingrati; saporis amaricantis, acris, linguæ diu inhaerentis: diutius asservatum tenacius fit, mellis consistentiam acquirit, & retenta pelluciditate aureum colorem induit.

Præter hoc genuinum Balsamum aliud sub eodem nomine adfertur, albicans, minus pellucidum, crassioris consistentiæ, saporis magis ingrati, odoris terebinthinacci. Aliqui ex cortice, & ramis ejusdem

Arboris coctione id scribunt extrahi; alii & probabilius addititiis substantiis Genuinum adulteratum credunt.

Totum solvitur Spiritu Vini alkalifato & præ reliquis Balsamis tam multo oleo æthereo scatet, ut unciae quinque vel sex ex libra una ponderis civilis humida distillatione elici queant.

Externè adhibitum antisepticum, vulnerarium est; Indis præsertim ad consolidanda vulnera in usu: internè sumptum valet in frigidis quibusdam nervorum affectibus: laudatur in fluore albo, tussi, & suppurationibus pectoris internis sed ubique animadvertendum egregiè calefacere, & exstimulare: in majori dosi datum purgat. Urinam sapore amaro, non odore violaceo, ut terebinthina, inficit; diureticum est: hinc præscribitur in omnibus ferè Viarum Urinarum vitiis, & præcipuè harum partium ulceribus: hinc etiam multus ejus usus fuit in gonorrhæa virulenta; sed ab impestivè dato medicamento adeo calido, & quod ulcus consolidando venenosum pus cohibet, non nisi prava symptomata, & universalis Lues possunt expectari.

BALSAMUM GILEADENSE, vide OPOBALSAMUM.

BALSAMUM PERUVIANUM. *Balsam van Peru.*

Duplex: alterum *commune* Officinarum fere mellis consistentiam habens, coloris subrubro-nigricantis; odoris fragrantis, suavissimi, ad Styracis odorem accedentis, saporis subacris, aromatici, amaricantis: alterum *præstantius*, & quod rarissimè ad nos pervenit, fluidum, tenue, coloris albidum, pellucidum; saporis ejusdem ac commune, sed odoris fragrantioris. Posterius fluit ex inciso cortice Arboris, quæ in America Meridionali crescit, & Incolis *Hoitziloxitl*; peregrinatoribus per excellentiam *Arbor Balsami* dicitur: prius ex ejusdem Arboris cortice, & ramis coctione extrahitur. Humida distillatione largitur Olei Ætherei rubri unam decimam sextam circiter sui ponderis. Solvitur totum, si genuinum, in Spiritu Vini Rectificatissimo, & Oleis essentialibus. Aquæ, Lacti, Oleis expressis, Ani-
malium

malium pinguedini, vel Cerae immisceri nequit: optimè, ut alia Balsama, in Elaeosaccharo exhiberi potest, vel spissiori mucilagini Gummi Arabici longâ triturâ immixtum, affusâ postmodum sensim Aquâ in emulsione propinari.

Vires Medicæ hujus Balsami nervinæ &c. parum calefactus utiliter à Chirurgis instillatur in Nervorum, & Tendinum læsionibus.

BALSAMUM TOLUTANUM. *Balsam van Tolu.*

Fluit ex inciso cortice Arboris, Pinum æmulantis, *toluiferae* LINNÆO dictæ, in America Meridionali, præcipuè in Provincia Tolu, quam vulgò *Honduras* appellant. Adfertur ordinariò cucurbitis inclusum. Dum recens tenax quidem est, sed mediocris tamen fluiditatis, quam asservatum continuo deperdit: donec tandem Resinam æmuletur, & fragile evadat. Coloris ferè aurei est; odoris gratissimi, aromatici, Gummi Benzoini, & Limonum fragrantiam quodammodo referentis: saporem habet multò gratiores, quam alia Balsama, subdulcem, leviter stimulantem, & calidum. Olei Ætherei parum largitur: totum solvitur in Spiritu Vini rectificatissimo: solutio coloris flavescens est, & odoris suavissimi: vitello ovi, & saccharo subactum gratam emulsionem suppeditat.

Præter generales Balsami virtutes, multum ab Anglis commendatur ad Catharros rebelles, & Tussès inveteratas: laudatur etiam in Asthmate & Phthisi.

BARDANÆ Radix & Semina. *De Wortel en Zaaden van Kliffenkruid.*

BDELLIUM. *Bdellium.*

Est concretum gummeo-resinosum, quod nobis ex Arabia & Indiis Orientalibus in frustis variæ magnitudinis & figuræ adfertur. Arboris non bene hætenus notæ productum est: Colorem habet ex fusco rubentem: instar Myrrhæ genuinæ contactu quodammodo pingue

est : si fordibus expers, fractum pellucet: ore retentum mollescit, dentibus adhæret, tardissimè solvitur, & saporem præbet in initio vix ullum; dein subtilem, acrem, subamarum: odore grato aromatico Myrrham aliquantulum æmulari: calori expositum ductile fit: igni injectum Flammam concipit, eamque cum crepitatione fovet: fumus suavem odorem spirat: Aqua & Spiritus Vini Rectificatissimus æquales ferè portiones solvunt.

BECCABUNGÆ seu ANAGALLIDIS AQUATICÆ Folia. *De Bladeren van Water-Guichel-Heil.*

BELLADONNÆ, seu SOLANI LETHALIS Folia. *De Bladeren van doodelyke Nachtschaede.*

Innumerae observationes probant omnes plantæ hujus partes deleterias esse. Foliorum grana duo, vel tria aquæ infusa temulentiam, vertiginem & visus debilitatem produxerunt: major dosis maniam, soporem & mortem demum intulit. Similia exempla de radice extant: à duarum, vel trium Baccarum esu visi sunt interiisse. Nec tutus est externus usus: folia oculo applicata pupillæ relaxationem; in alio casu cæcitatem induxerunt.

His non obstantibus ob vim stupefacientem, qua in infortunatis his casibus elucet, tentatus est ejus usus: inceptum est à foliorum grano dimidio aquæ infuso, & sensim aucta dosi, donec oris siccitas, aut vertigo superveniret: dein extractum è foliis paratum, & eadem cautela exhibitum: ita cancro opposita, & ab aliquibus non solum tamquam innoxium, præcipuè in pituitosis, remedium; sed etiam in diro hoc morbo tamquam specificum, cicuta in pluribus casibus anteponendum, laudata est. In ulceribus etiam callosis, & Cacoethis; quin & in doloribus nephriticis tentata, & à fide dignis Scriptoribus magnis encomiis celebrata, spem dedit Medicis, sævis quibusdam & ad omnia cognita rebellibus morbis, forsan remedium fore: hinc per omnem Europam alacriter tentamini subjecta est; sed eventus tam parum his votis videntur satisfecisse, ut in venenosissima-

rum plantarum classem denuo relegata, ad usus Medicos ferè non ampliùs adhibeatur.

BELLIDIS MAJORIS Folia. *De Bladeren van Offen-Oogen of Madelieven.*

BELLIDIS MINORIS Folia. *De Bladeren van kleine of gemeine Madelieven.*

BENZOINUM. *Benzoin.*

Concretum hoc integrè resinofum, quod & *Asa dulcis* vocatur, adfertur nobis in massis, quæ juncei textus, involucris sui, impressionem in superficie exhibent, & constant Granis, seu Lacrymis flavescentibus, rutilantibus, aut albicantibus: optimum est, quod *amygdaloides* dicitur: quia moleculis albicantibus veluti dissectas Amygdalas refert. Substantiam exhibet aridam, duram, fragilem: saporem præbet primò subdulcem, dein leviter resinofum, pinguem, aromaticum; odorem, præcipuè dum inter digitos confringitur, aut accenditur, gratissimum, fragrantissimum. Calore liquatur: totum solvitur Spiritu Vini Rectificatissimo: vires suas odoratas Aquæ calidæ largitur, & post aliquod tempus in ea Salem suum essentialem, qui sub nomine *Florum Benzoini* venit, deponit: Sal hic, refrigerata Aqua, abit in Crystалlos Acus referentes: meliùs, & ad decimam partem Benzoini ponderis, obtinetur Sublimatione ordinaria methodo instituta: dotes habet ab omnium aliarum Substantiarum Salibus essentialibus diversas, & solvitur tam Aqua, quam Spiritu Vini. Vide in Chem. FLORES BENZOINI.

Benzoinum secundùm aliquos fluit in pauca quantitate ex inciso cacumine sexennis Arboris, quæ in utraque India crescit, & Incolis *Belzof*; LINNÆO *laurus foliis enerris, obversè oratis, utrimque acutis, integris, annuis* dicitur: alii hanc Substantiam ab aliis Arboribus repetunt: ut non mirum sit aliquos etiam dari, qui ignotam hæcenus Arborem esse sustinent.

BERBERIS Fructus. *De Vrugt van Barberisse.*

BETONICÆ Folia. *De Bladeren van gemeine Betonie.*

BETULÆ Succus. *Het Sap van den Berkenboom.*

Arbor hæc profundè incisa, vel perforata circa veris initium summam copiam fundit Succī subdulcis, quem aliqui in Medicinam adversus Scorbutum, & Morbos ~~cutaneos~~ introduxerunt: præscribitur ex altiori Arboris parte depromptus, per aliquas septimanas, omni matutino tempore, ad uncias quatuor vel sex: evidenter diureticus est; ut etiam Diabetem scribatur excitasse. Saltem præferri videtur debere decocto ligni vel corticis ejusdem Arboris, quod nostrates ad eodē ferè usus adhibent.

X BEZOAR Lapis. *Bezoarsteen.*

Hoc nomine insigniuntur Lapides, seu calculosæ concretiones in ventriculo Animalium, quæ de caprarum genere dicuntur, inventæ: duo potissimum in Officinis prostant: orientalis & occidentalis: id commune habent, quod figuræ sint variæ; ordinariò ad rotundam accedentis: quod nullum præbeant odorem, aut saporē: quod consistant lamellis concentricis, separabilibus, & quod in utriusque centro communiter corpus aliquod heterogeneum; ut lana, paleæ, corticis frustulum &c. quod efformationis basis est, lateat.

Orientalis, pretiosior, compactus, variæ magnitudinis est: ordinarii vix drachmam dimidiam, vel drachmam pondere æquant: rarissimi, & ingentis pretii sunt, qui ovi columbini, vel majori adhuc volumine gaudent: superficiem habet lævem, politam, splendentem, colorem ex viridi nigricantem: desumitur ex annosiori Capra Bezoardica, vel capricerva, gazella dicta, in Persia & India orientali.

Occidentalis in genere major est, figuræ magis diversæ: superficiem habet magis inæqualem, nec politam, nec splendens: lamellis constat crassioribus, quæ texturam habent minùs compactam; mollior, magis friabilis est: colorem habet cinereum plus minùs dilutum, cui sæpius aliquid viroris, aut nigredinis admixtum est. Obtinetur ex Capra Peruvina; secundùm plures ex vario Brutorum genere.

Bezoar præcipuè Orientalis, cum ingentis pretii sit, tam rarò genuinus occurrit, ut aliqui Authores, omnes, qui ad nos afferuntur, arte factos esse, contendunt: hinc in detegendis & describendis hujus Lapidis genuini notis characteristicis admodum scrupulosi fuerunt. Varia à variis in hunc finem citantur criteria: plura fallacia sunt: optimum, & unicum quod fraus hætenus non videtur potuisse imitari, sequens censetur: chartæ pauxillo cerusæ obductæ Bezoar affricatur: si genuinus, inductæ sub affricatu Lineæ luteæ fiunt, vel ex luteo viridescentes; si artificialis, color non mutatur.

Nomen & medicus usus Arabicæ originis sunt. Superstitiosi hujus sectæ Medici, qui artem, ex solis Naturæ legibus & fideli observatione petendam, tot ridiculis sigmentis deturparunt, utrumque, præcipuè tamen Orientalem, laudaverunt tamquam excellentissimum analepticum, cardiacum remedium; summè anxii in determinanda paucorum granorum dosi, tamquam sacram Anchoram omni morbo maligno opposuerunt, & pro Antidoto universali, utpote, quod aucta Diaphoresi Venenum per cutis poros propellere aptum esset, commendaverunt: sed ut paucis verbis omnium Medicorum, qui præjudicata opinione liberi, justo examine instituto, suum Naturæ, suum Medicamento tribuerunt, sententiam complectar, omnis virtus fabulis suffulta est, & non solum observata, sed & perspecta hujus Lapidis Natura ejus inertiam testatur: ut Calculus humanus etenim concrementum terreum, morbosum est, quod ipsum Animal, è quo desumitur, digerere nequit, & in quod humores nostri nihil possunt: ita ut post tantam Fa-

mam non alia virtus ei relicta sit, quam acida absorbendi; in quem finem, si quis experiri amat, ad drachmas etiam, sine aliis noxis quam quæ ab omnibus terreis timentur potest exhiberi.

BISMALVA, vide ALTHÆA.

BISTORTÆ Radix. *De Wortel van Hertstong of Slangenkruid.*

BITUMEN JUDAICUM, seu ASPHALTUS. *Jodenlym.*

Est Substantia levis, solida, friabilis, splendens; coloris fusci, vel nigri; saporis pauci, subamari; odoris, præsertim dum incallescit, igne liquatur, vel accenditur ingrati, fortis, bituminosi, velut Picis. Mari mortuo, seu lacui asphaltiti supernatans invenitur, & cruitor è terræ visceribus nonnihil adhuc molle & lentum in pluribus Ægypti partibus, sed rarò ad nos transfertur. Ei substituta in Officinis prostat alia Substantia bituminosa odoris fortioris, sed ejusdem omnino indolis, quæ è Gallia, Germania & Helvetia ut plurimum adfertur.

Ægyptiis ad condienda cadavera in usu: apud nos Theriacam olim ingrediebatur: Oleum inde paratum foetidissimum in ulceribus pulmonum laudatur.

BOLUS. *Bolus.*

Plures Terræ sub hoc nomine prostant: omnes *Bolares* & quæ natalis loci sigillum impressum ferunt, *Sigillatæ* dicuntur: omnes argillæ sunt, ad contactum molles, pingues: ore assumptæ linguæ adhærent cum adstrictionis sensu, & tandem liquefcunt: aquæ sese faciliè immiscent, sed in ea non solvuntur; nam sibi relictae illico subsident. Præcipuæ sunt sequentes

BOLUS ARMENA. *Armenische Bolus.*

Genuina reliquis minùs glabra & mollis est, coloris vividi rubri: cum acidis non effervesceit: ei in Officinis passim substituitur

BOLUS GALLICA. *Franſche Bolus.*

Magis mollis & pinguis , colorem habet pallido-rubrum , cum venis albis & flavis interſperſis : leviter cum Acidis efferveſcit : reperitur in Gallia , Italia & Germania.

BOLUS LEMNIA , TERRA LEMNIA , feu TERRA SIGILLATA Officinarum. *Lemniſche Bolus , gezegele Aerde.*

Coloris pallido-incarnati eſt : adfertur in trochiſcis convexo planis , lævibus , Characteribus Arabicis notatis : in Aqua cum ſtrepitu fatiſcit : cum Acidis leviter efferveſcit.

Præter hanc dantur diverſæ aliæ terræ ſigillatæ varii coloris & variis Characteribus notatæ ; ſed omnes ejusdem indolis ſunt : rarò genuinæ habentur.

Laudatæ fuerunt longo tempore tamquam remedia adſtringentia in Diarrhæa , Dyſſenteria , Hæmorrhagiis &c. commendatæ in morbis malignis , & humorum diſſolutionibus : ſed earum Natura probat inertiam , & ut SPIELMANNI verbis utar ” cur ſubſtantiis du-
,, biis , quæ non poſſunt non primis viis incommodo eſſe in
,, tanta certiorum & ſecuriorum refrigerantium & roborantium
,, copia noſtros ægros onerabimus?

BORAX. *Borax.*

Eſt Subſtantia omnes dotes Salis neutri præ ſe ferens. Proſtat nobis ſub Cryſtallis multilateris veluti Sal Gemmæ & Alumen , quæ colorem habent album , pellucidum : odoris eſt primò non ingrati , poſt alkalini , urinoſi ; ſaporis ſubdulcis , mox acris , ſtimulantis , cui aliquid lixivioſi junctum eſt. Cryſtallificationis ſuæ Aqua dimidiam ponderis partem ellicit : in Aere non liqueſcit , ſed evaporatâ ſenſim Cryſtallificationis Aquâ fatiſcit in pulverem album , qui nova operatione denuo in eaſdem Cryſtallos reduci poteſt : Igni expoſita funditur , ſpumefcit & tandem convertitur in vitrum durum &

femipellucidum, quod in Aqua ebulliente totum solvi potest: solutio hæc Cryсталlos ordinaria methodo obtinendas, & nulla qualitate ab ipsa Borace distinctas continet.

Borax vigeuplam circiter rationem Aquæ pro solutione exigit: id citius calida peragitur, quam frigida: decomponitur ab Acidis vegetabilibus & mineralibus, quæ sese ejus basi uniunt, & cum ea Salia constituunt omnino similia illis, quæ fiunt ex eisdem Acidis Alkali fossili junctis: sub hac operatione preparatur Substantia salina, particularis, ab Authore & Viribus *sul sedatirum hombergi* dicta, quæ dein Cryсталlificatione, ut & Sublimatione seorsim obtineri potest: ut hinc pateat Boracem Alkali fossili & Sale sedativo, illi indolem Salis neutri concilianti, constare.

Origo particularis hujus Substantiæ necdum nota est: aliqui potius Artis, quam Naturæ productum esse crediderunt: plures relationes conveniunt eam in India orientali ex Aquis ad Cupri fodinas reperiundis Evaporatione parari. Olim omnis Venetias ex Alexandria advehebatur; hinc Borax *Veneta* dicta est: jam omnis cruda, partim grisea partim obscure viridis, arenulis aliisque heterogeneis immixta, in Hollandiam adfertur, ubi solutione, filtratione ac nova Cryсталlificatione purificatur.

Mechanicus & chemicus Boracis usus multus: juvat etenim omnium Metallorum fusionem, & Terrarum vitrificationem. Rarò in Medicina adhibetur: ad drachmam dimidiam, vel scrupulos duos Emmenagogum scribitur & partum promovens Remedium; ut ideo *pulverem ad partum* Pharmacopœæ Edimburgensis ingrediatur: solutio aquosa laudatur ad crustas aphtosas Infantum.

BORRAGINIS Flores. *De Bloemen van Bernagie.*

BOTRYOS Folia. *De Bladeren van Duivenkruid.*

Planta hæc duplex est: *Mexicana* scilicet, & *Vulgaris*: prior omni dote præstantior ob raritatem vix hætenus adhibita est; crescit

crefcit tamen jam in Hortis noſtris, ut poſterior, quæ TOURNEFORTIO *chenopodium ambroſioides folio ſinuato* dicitur, & Hiſpaniæ propriè incola eſt. Baſſamicæ ſunt, totæ odoratæ; ſaporis ſubacris, aromatici: folia legentis manus inficiunt Mucilagine reſinoſa, qua obducta ſunt.

Oblivioni ſenſim traditæ in uſus medicos denuo revocatæ ſunt: tamquam carminativum remedium adhibentur in Cardialgia & Colica flatulenta: conſerva, vel infuſum uncia dimidiæ foliorum in libra Lactis, vel Aquæ quotidie hauſtum laudatur in labe viſcerum purulenta, & omnibus ferè Morbis Pectoris.

BRYONIÆ ALBÆ Radix. *De Wortel van wilde Wyngaerd; ofte witte Bryonie.*

Inter acerrima purgantia numeratur; hinc in Hydrope aliquam ſanam conſecuta eſt: recentis ſuccus adeo acris eſt, ut cutim brevi erodat: tutiùs adhibetur infuſum aquoſum. Externè adhibita efficaciter diſcutit, ut etiam cum Sale Ammoniaco mixta ad Strumas laudetur. Fortis & ingratus odor, ut etiam virtus, exſiccatione ſenſim perit: fæcula ferè iners.

BUFO. *De Padde.*

Hoc Animal ab omni ævo, præcipuè ejus Saliva & Humor, quem laceſſitum ad certam diſtantiã ejicit, quemque ejus Urinam aliqui credunt, inter Venena numerata ſunt. Recentiores & magis accuratæ Obſervationes timorem hunc videntur adimere: ut credendum ſit Animal, quod ob fœdum aſpectum & Veneni ſuſpicionem horrere ſolemus, non alio modo, homini ſaltem, nocere, quam apud ſenſiles præternaturales nervorum affectiones producendo.

Riſibile Præjudiciũ Bufonem exſiccatum tamquam amuletum adverſus Morbos malignos & contagioſos introduxit: idem remedium umbilico applicatum ſcribitur ab aliquibus Hæmorrhagias, præ-

cipue uterinas , fistere : si umquam fecit , horrore indè excitato videtur adscribendum. Hujus Animalis usti cineres *æthiopem animalem* , specificum contra Variolas , aliquibus constituunt : laudantur ad Hydropem: tenuem famam debent casibus fortuitis , & certè vires non habent ab aliis cineribus diversas.

BUGLOSSI Radix , Folia , Flores. *De Wortel, Bloemen en Bladeren van Offetong.*

BUGULÆ , five CONSOLIDÆ MEDIA. Folia. *De Bladeren van Wondkruid of Waalwortel.*

CACAO. *Cacao , Chocolaat-Nooten.*

Arbor Americana *Theobroma* Botanicis dicta fructum dat Cucumerem forma æmulantem , semipedem longum , tres quatuorve pollices crassum , novem aut decem costis prominentibus , ut melones , notatum ; coloris ea proportionem qua ad perfectam maturitatem accedit ex flavo in coccineum abeuntis. Quilibet horum fructuum triginta circiter Nucleos , Substantiâ pulposâ , albâ , succulentâ , saporis grati , acidi , inter se distinctos , continet. Hi nucleii *Cacao* simpliciter , *Nuces Cacao* & etiam *Avellanæ Mexicanae* dicuntur : formæ subrotundæ sunt ; Pistaciis , quas æmulantur , majores : sub putamine rufescente , fragili continent Medullam oleosam extus fulvam , intus fuscâ ; saporis amaricantis , leniter acerbi , non ingrati ; odoris proprii , levis. Ebullitione in Aqua ad superficiem deponunt unam tertiam circiter sui ponderis Olei albi , blandissimi , non facilè rancescentis , quod in nostro climate consistentiam spissam habet : hinc *Butyrum Cacao* appellatur. Obtinetur etiam expressione & distillatione. Prior methodus in longè minori quantitate & tenuius largitur ; posteriori obtentum ob contractum empyreuma , deposita nativâ dulcedine , saporis acris est , odoris fortioris & coloris rufescentis.

Vires Cacao nutrientes , analepticae sunt : præcipuus harum Nu-

cum ufus fatis notus est: toftæ fcilicet cum Aromatibus & Saccharo Choccolatam conftituunt.

Butyrum ab aliquibus ad omnes ufus *Spermatis Ceti* fubftituitur, & ob majorem gratiam præfertur; fed cum experientiæ docuerint à debili & languido ventriculo difficulter, & non fine maximis turbis, fubigi, ejus cum multo Saccharo mifcelam, ut folubilitas juvetur, arbitramur neceffariam.

CALAMINARIS Lapis. *Calamynsteen.*

Eft fubftantia mineralis, quæ *Cadmia nativa* feu *foffilis* à pluribus appellatur, & in Germania, Anglia & aliis Europæ Regionibus, fui juris aut aliis mineralibus juncta, eruitur. Plus minus compacta & friabilis eft: videtur Terra effe, quæ Ferrum & Zincum continet, & pro horum diverfa proportionem à gryfeo ad fufcum varii eft coloris: ob varias rationes antequam in Officinas noftras affertur Calcinationem fubit.

Ufus externus: in Excoriationibus & Ulceribus optimum deficcativum, & cicatricem juvans remedium eft: redigi debet in pulverem tenuiffimum.

CALAMINTÆ Folia. *De Bladeren van Calamint.*

Plures fpecies funt: *arvensis*, *montana*, *vulgaris* &c. ultima Theriacam ingrediebatur.

CALAMI AROMATICI, five ACORI VERI Radix. *De Wortel van welriekende Lifch.*

CALENDULÆ Flores. *De Goudbloemen.*

Exficcatione omnem odorem leviter balsamicum, quem recentes fpirant & à quo vis videtur pendere, exuunt. Numerati funt inter Alexipharmaca, Expellentia, Cardiaca, Sudorifera, Uterina: hinc commendati in Pefte, Febribus exanthematicis, Menfium Suppreffione &c.

Famam non videntur meruisse : quin imò ob ipsas eis adscriptas virtutes in supradictis morbis sæpe nocere debent : aniculis tamen & Medicastris præjudicii ordinariò tenacibus ad eosdem morbos adhuc in usu sunt.

CALX VIVA. *Levende Kalk.*

Multis productis chemicis nomen Calcis tribuitur : eo hic loci significatur Substantia alba, vel grysea, levis, sicca; saporis acris, caustici; aquæ avidissima, ex Lapidibus & Terris cum Acidis effervescentibus, seu *calcareis* dictis, sufficienti calcinatione producta.

Aqua huic substantiæ affusa eam penetrat cum violentia, ebullitione & insigni calore; eam solvit in pastam, & causticitatem ejus demit. Aqua, postquam huic operationi inservit, *Aqua Calcis* vocatur, & Calx ita tractata appellatur *extincta*, quæ, quamvis partem affusæ Aquæ fortissimè retineat, nova tamen Ignis violentia denuo in vivam reduci potest. Extinguitur etiam sensim in Aere, & in pulverem fatiscit subtilissimum: ejus humiditatem enim tam avidè & copiosè attrahit, ut volumen multum augeatur & pondus duplicetur. Cæterum Calx viva pluribus suis dotibus medium videtur locum tenere inter Terras absorbentes & Alkalina fixa.

Chemici Calce viva utuntur, ut ad varios usus vim causticam addant Salibus Alkalinis: introsumpta Veneni effectus edit: extus vis ejus ignea, urens, escharas inducens; hinc cum melle subacta commendatur ab aliquibus tamquam potens Cauterium adversus Rheumatismum inveteratum, & adhibetur tamquam Depilatorium.

Aqua Calcis, quæ scilicet recipit, quidquid statui salino proximum ea solvi potest, & in Operationibus chemicis eisdem planè effectus ac Calx viva ipsa exhibet, in Arte Medica multum jam inclaruit: exterius à Chirurgis adhibetur ad tineam, oedemata, abstergenda ulcera &c.: optimum Gargarisma præbet in ulceribus oris & gutturis: cum Oleis expressis Coagulum efficit ad ambusta

utilissimum. Multiplex experientia confirmat interiùs sine noxa, præcipuè in frigidis & obesis, ad plures etiam libras quotidie assumi posse: saporem habet acrem, urinosum; ea utentis fauces ordinariò siccantur, & alvus stipatur: agit sæpissimè per lenem Diuresim, vel Diaphoresim: remedium est adversùs acrimoniam acidam non solum in primis viis, sed etiam in humoribus nidulantem: humores viscidos solvit; hinc laudatur in Pallore cachectico, Obstructione viscerum, Scorbuto, Hydrope & Strumis non nimium inveteratis: scribitur putrefactionem arcere, & cum lacte Viscerum, præsertim Vesicæ, ulceribus prodesse: commendatur tamquam Anthelminticum &, præcipuè si è Conchyliis paretur, tamquam excellentissimum Lithontripticum.

Distinctio hujus Aquæ in *primariam* & *secundariam*, quæ dudum obtinuit, frivola videtur; cum decimæ infusionis easdem omnino virtutes possidere ac primæ, & Calcem plus quam millesies suum pondus Aquæ saturare constet.

Quamvis nihil volatile videatur possidere servanda tamen est in lagenis plenis & bene obturatis: alioquin materiam, quam dissolutam tenet, ad superficiem sub forma pelliculæ, quæ *Cremor Calcis* dicitur, deponit: ea sensim omnem salinam substantiam ita videtur attrahere, ut Aqua, si diutius Acri exposita maneat, tandem insipida evadat.

CAMPHORA. *Kamfer.*

Prostat nobis sub frustis, seu panibus concavo-convexis: candida est, splendens, crystallina; odoris proprii, fragrantissimi, caput obnubilantis: saporem præbet penetrantem, amarum, acrem; tamen evidenter linguæ frigoris sensum imprimit: tota inflammabilis est, ut etiam super Aquam, cui innatat, ardeat; flammam præbeat lucidissimam, & nullas fœces relinquat. Igni imposita liquecit, velut in Oleum, sed cito resolvitur in vapores fragrantissimos: adeo etenim volatilis est, ut integra, nullis sui vestigiis relictis, non so-

lūm in libero Aere, sed etiam chartæ, aut pixidi lignæ inclusa avolet: tota & sine alteratione sublimari potest: difficulter sine adjunctis terreis in pulverem redigitur: solvitur perfectè Spiritu Vini rectificatissimo, Oleis, Mucilaginibus & Acidis mineralibus. Hæc ultima in eam agunt sine effervescencia, aut calore: naturam ejus non immutant: solutio in Spiritu Nitri facta *Oleum Camphoræ* audit. Omnes has solutiones, excepta illa quæ Oleis fit, decomponit affusa Aqua, quæ se menstruo unit, & in qua Camphora dissolvi nequit: sub hac operatione lactescit mixtum, Camphora sub flocculorum alborum forma separatur, & ad superficiem ascendit: ope Calcis, methodo à celeberrimo MACBRIDE inventa, tamen Aquæ uniri potest.

Ex omnibus his patet particularis naturæ Substantiam esse; doctes aliquas cum Resinis & Oleis essentialibus communes habere; aliis differre: multis ad Ætherem accedere.

Camphora spontè stillat ex Arbore Japonensi, quæ Incolis *Cassura*; KÆMPFERO *laurus camphorifera* dicitur: sic obtenta *virginea* audit, sed ad nos non transfertur: quæ apud nos prostat ex ejusdem Arboris partibus conscissis & in lebetè, qui operculo stramine intus obducto tegitur, cum Aqua coctis sublimatur: sic cruda constans frustulis flavis, subfuscis, semipellucidis, quæ lutum aliaque heterogenea admixta habent, ex India in Hollandiam vehitur: ubi non bene nota methodo, probabiliter nova Sublimatione, purificatur. Obtineri potest in parca quantitate ex pluribus Plantis balsamicis omnium Regionum.

De viribus acriter disputatum est; donec experimenta evicerint corpora, quibus ingeritur, non tantum non exæstuarè, sed etiam evidenter refrigerare: à Drachma dimidia nec calorem intendi, nec pulsus accelerari, sed contrà frigoris sensum ad præcordia excitari HOFFMANNUS observavit: aliis drachmæ duæ eadem phænomena exhibuerunt, & Melancholicus unciam dimidiam quotidie per quin-

decim dies cum eodem eventu assumpsit. Ex his aliisque conclusum est virtutem primariam Camphoræ sedantem, seu motum Spirituum retardandi, esse; hinc Mercurii vim salivationem excitandi, evacuanes Drastringorum effectus, & vim irritantem Cantharidum infrangit: hinc in Mania aliisque morbis, in quibus inordinatus Spirituum motus peccat, ad magnam dosim exhibita ob pulchros successus magnam famam consecuta est: hinc etiam in juvanda sæpius expectoratione incomparabile præstat remedium. Præterea sanguinem phlogisticè spissum attenuat, & putredinem arcet; hinc in inflammatoriis morbis post Venæsectiones, & in malignis utilissima.

Externè adhibetur ad discutiendas Sugillationes, ad arcendas Inflammationes & Sphacelum: Denti carioso immissa, dolorem lenit.

CANCROCORUM CHELÆ. *Kreeftschaalen.*

CANCROCORUM OCULI. *Kreeftsoogen.*

Falsò *Oculorum* nomine insigniuntur, & meliùs *Lapides* dicuntur; cum propriè binæ parvæ lapidosæ concretiones sint, quæ inter tunicas stomachi *Astaci fluviatilis* inveniuntur: rotundæ sunt; parte, qua ventriculi cavum respiciunt, compressæ, alia parte convexæ: recentes cærulescunt; ætate albæ fiunt: fibrarum muscularium incumbentis tunicæ impressionem gerunt: fiunt ex lamellis sibi arctè incumbentibus: facilè in subtilem pulverem redigi possunt, & omnibus Acidis promptè solvuntur. Usus in Pisce ignotus.

Maxima pars horum Lapidum ex confiniis Tartariæ adfertur: ibi Cancros in acervos collectos putredini relinquunt, aut pistillis ligneis contundunt & carnes aqua eluunt, ut Lapides seorsim obtineant: prostant nobis tam vili pretio, ut Cancrocorum in illis Regionibus numerum mirari cogamur: tamen ex terra absorbente factitii adferuntur, qui à naturalibus distingui possunt, quod nec lamellis consent, nec stomachi tunicæ fibrarum impressiones exhibeant; quod veris friabiliores sint, aquæ avidiores, linguæ fortiùs adhæreant, & quod Acidis dilutis toti solvantur, aut in moleculas

fatiscant; dum interim genuinus integer Cancrorum Lapis eisdem Acidis commissus mollis, pellucidus sit, & figuram non mutat: Acidum enim ejus terram solvens totum gelatinosum textum intactum relinquit.

Lapis hic aliquibus arcanum remedium est, ut festucam aliaque corpora heterogenea, quæ in Oculum inciderunt, eximant: in hunc usum integer lapillus Oculo inditur; ita ut Palpebrâ comprehendatur, & compressâ pars Oculi bulbum tangat, convexa palpebram: dein digito exteriùs admoto circumrotatur, donec locum affectum tangat & secum, quod inciderat, auferat.

Vis interna est Acida absorbendi, cæque aliis in hunc finem laudatis facile palmam præripiunt: aceto saturati resolventes sunt, Diuretici, Diaphoretici. Eorum tamen in pulverem subtilissimum redactorum usus non omnino tutus videtur; cum glutinosis enim in massas difficulter resolubiles abeunt. In Actis Philosophicis Anglicanis prostat Historia Hominis, qui, Cardialgia infestatus, Oculis Cancrorum per plurimos annos usus fuerat, in cujus cadavere repertus est Calculus instar Lapidis Bezoardici. Virtus Chelarum eadem, sed inferior videtur.

CANELLA ALBA. *Witte Kaneel.*

Est cortex interior Arboris, quæ in Jamaïca aliisque Insulis Americæ crescit, & LINNÆO *laurus foliis enerviis, obversè ovatis, obtusis* dicitur: adfertur nobis in tubulos oblongos, Cinnamomo crassiores, convolutus: coloris est in superficie convexa seu extima ex albido sublutei, in concava seu interna albi: odorem præbet aromaticum, ferè instar Nucis Moscatae; saporem acrem, pungentem, subamarum, similem saporis mixturæ Cinnamomi, Zinziberis, & Caryophyllorum aromaticorum. Oleum essentiale calidum largitur, quod crebrò Oleo Caryophyllorum solent adjicere.

Vires medicæ calidæ sunt, stomachicæ, incidentes: hinc convenit in omnibus Morbis frigidis, mucosis.

Passim

Passim Cortici Winterano hic rarissimo, cujus vires æmulatur, substituitur: plures confundunt, & pro synonymis habent: origine tamen, viribus & aliis notis diversi sunt: qui id norunt Canellam albam *Corticem Winteranum Spurium* appellant. Vide WINTERANUS CORTEX.

CANNABIS Semen. *Het Zaad van Hennip, Kennip, of Kemp.*

CANTHARIDES. *Spaensche Vliegen.*

Sunt insecta, quæ ad Muscarum & magis propriè ad Scarabæorum classem pertinent: corpore oblongo sunt; magnitudinis variæ, ordinariò Muscæ majoris; coloris elegantis, splendentis, viridis, cœrulei, vel aurei; sæpiùs ex his mixti: quævis pars gustata saporem præbet acrem, causticum: odorem spirant recentes fœtidum.

Ubique in Europa, præter Regiones maximè septentrionales, occurrunt: in Hispania, Italia & meridionalibus Galliæ Provinciis maximè communes sunt, & ex dictis Regionibus ad nos afferuntur: inhabitant varias Arbores illarumque foliis vescuntur: aliquibus temporibus se sub terram condunt: Arbores concutiendo colliguntur & exsiccantur.

Cantharidum vis stimulans, acerrima est. Cuti applicatæ cantharides inflammant, & post paucas horas ab ea separant cuticulam, quam in vesicam multo Sero plenam attollunt: hinc tamquam primaria Rubefacientia & Vesicantia externè adhibentur. Introsumptæ idem primis viis damnum inferunt. Vim hanc debent Sali suo acri caustico, non bene notæ hætenus naturæ, qui partim Aqua; optimè Spiritu Vini Rectificatissimo ex eisdem extrahi potest. Pars hujus Salis, tam sub externo quam interno Cantharidum usu, sanguinem subintrat & circulo se tradit: tum stimulo suo Calorem, Febrem, Sitim accendit, & viis urinariis præcipuè infestus est: ita ut non solum à parca dosi introsumpta, sed etiam ab applicatis Vesicantibus renes quandoque inflammentur, intolerabilis Stranguria exci-

tetur, & Miſtus cruentus ſequatur. Quartam grani partem introſumptam crudelia hæc ſymptomata produxiſſe Exemplum proſtat.

Non immerito ergo earum uſus internus ſuſpectus eſt: poſſunt tamen, adhibita cautela, non ſolum tuto, ſed etiam ob vim ſtimulantem, quæ in vias urinarias præcipue determinatur, inſigni cum ſucceſſu adhiberi. In Subſtantia ad granum unum alterumve, vel melius in Infuſo ſpirituoso, commendantur in frigidis, mucosis quibusdam morbis ad alia rebellibus: à pluribus laudantur in Hydrope; in obſtinata Urinæ Suppreſſione & Retentione, ubi inertia ſunt organa, vel tenaci muco inſarcta; in Gonorrhæa pertinaci, in Herpete, Lepra, & in Hydrophobia. Scribuntur præterea Aphrodiſiacam virtutem poſſidere, & nuperrime earum Tinctura à CELEBERRIMO HOME in nervosis Febribus non ſine ſucceſſu tentata eſt. Earum virulentiam, omnes quotquot adhibent, corrigunt Camphora, Mucilaginosis, Diluentibus.

Ubi opus eſt ſtimulo; materia alicubi hærens movenda, revelanda, evocanda; Exanthema ſuſtinendum, vel retropulſum revocandum &c. variis corporis partibus Emplaſtro vel Fermento panis ſuperſperſæ extus applicantur. In Urinæ Incontinentia oſſi ſacro impoſitæ mira præſtant. Nocent ubi vaſa turgent in pletoricis & inflammatoriis morbis, non prægreſſa Venæſectione; ubi febris acrior; in temperamentis calidis, magnis ſuppurationibus, Heſticis &c.

CAPILLI VENERIS, ſive ADIANTHI VERI Folia. *De Bladeren van Venushair.*

CAPRIFOLII Folia, Flores. *De Bladeren ende Bloemen van Geitenblad, of Kamperfoelie.*

CARANNA: *Caranna.*

Eſt ſubſtantia gummeo reſinoſa, quæ in magnis maſſis, quibus extus reliquæ juncei involucri adhærent, nobis adfertur ex Car-

ragena, novæ Hispaniæ Provincia, ubi ex trunco Arboris, quæ Palmæ species creditur, & ab aliquibus *Arbor insaniæ* dicitur, scribitur decurrere. Recens ductilis, tenax est; vetustior dura, friabilis: colorem habet ex viridi nigricantem; saporem resinofum, aliquantulum amarum, ingratum; odorem spirat non ingratum; si fricetur, aut accendatur, fragrantem: tota ferè Alkohole solubilis est: Aqua solvit circiter quartam partem.

Rarò internè adhibetur: pro externo usu commendatur tamquam traumaticum, nervinum, discutiens: præcipuè laudatur ab aliquibus in frigidis articulationum doloribus.

CARDAMOMI Semen. *Cardamomzaad.*

Tres Cardamomi species in Medicina notæ sunt. Prima, *Cardamomum majus* sistens, filiquam largitur trilocularem, ficum ferè æmulantem, quæ plura continet semina angulosa, pipere minora, coloris extus rufescentis, intus albi; odoris aromatici, saporis acris, calidi, mordicantis, velut piperis. Semina hæc *Grana Paradisi* aliquibus dicuntur, quod nomen alii Amomi veri feminibus tribuunt.

Secunda species *Cardamomum medium*, aliquibus *majus Officinarum*; tertia *minus* audit: filiquarum magnitudine inter se & à majori differunt, & ab ea denominantur: cæterùm semina utriusque etiam angulosa, subrufa, intus alba; odoris & saporis grati, aromatici, evidenter ad Camphoram accedentis. His dotibus *minus* reliqua videtur præcellere: hinc meritò illis passim in Officinis substituitur. Quamdiu hæc semina in filiquis suis servantur præstantiora sunt & eorum color obscurior; exempta verò & ficcata multum de virtute sua amittunt, & color fit magis cinereus.

Plantarum necdum fatis accuratè descriptarum in Indiis Orientalibus crescentium producta sunt.

Virtus calida, aromatica, viscera non inflammans tam Aqua quam Spiritu Vini extrahitur, & cum illis distillatis transit: Tinctura

autem spirituosa limpidior, pellucidior, & longè gratior est, quam aquosa.

CARDIACÆ Folia. *De Bladeren van Moederkruid.*

CARDUI BENEDICTI Folia, Semen. *De Bladeren en Zaaden van gezegende Distel.*

CARICÆ. *Vygen. De gedroogde Vrucht van de FICUS COMMUNIS.*

CARPOBALSAMUM. *De Vrucht van den Boom, die den Opobalsam uitlevert.*

Sunt Fructus Arboris in Arabia crescentis, ob Opobalsami quod largitur excellentiam aliquibus *Balsami veri*; à LINNÆO *Amyris Opobalsami* dictæ. Figuræ sunt oblongo-rotundæ, pisum fere æmulantes, sed parùm minores: pendent e brevi pediculo: cortex quatuor lineis eminentibus distinctus rugosus, fuscus est; medulla albicans, balsamica, oleosa: perfectam maturitatem naçti odoris sunt grati, fragrantis, ad Opobalsamum accedentis; saporis valde calidi, aromatici.

Ut lignum & viscus Arboris præcipuam famam debent Opobalsamo: rarissimè ad nos adferuntur quique prostant effecti sunt: facile carere possumus: Theriacam & Mitridatium olim ingrediebantur: jam Cubebæ substituuntur.

CARTHAMI Semen. *De Zaaden van Basterdsaffraan.*

CARUI, CARVI, CARI, seu CUMINI PRATENSIS Semen. *De Zaaden van Karrewei.*

CARYOPHILLATÆ Radix. *De Wortel van Nagelkruid.*

CARYOPHILLI AROMATICI. *Kruidnagelen.*

Sunt cum calicibus suis exsiccata germina Florum Arboris, olim in omnibus Moluccis spontè crescentis; jam in sola Amboina cultæ, *Caryophylli aromatici fructu oblongo* dictæ. A Fumo, cui collecti

statim exponi scribuntur, coloris sunt rubiginosi, fusci : aliquot linearum magnitudinem habent; ferè quadrangulares sunt, & parvum clavum figura referunt: infernè obtusi, supernè stellatim dissecti sunt in quatuor æquales lacinias, quibus infidet pisi circiter magnitudinis globulus, futuri floris rudimentum, quatuor petalis convolutis constans. Odoris sunt aromatici, fragrantissimi; saporis proprii, fervidissimi, linguam & palatum adurentis, parum adstringentis, pertinacis. Masticanti salivam copiosè eliciunt, valde inflammabiles sunt, & Olei essentialis odoratissimi circiter unam septimam sui ponderis largiuntur, quod genuinum minori acredine aromatica gaudet, quam adulteratum, quale ordinario ex Hollandia adfertur. Tinctura spirituoſa fervidissima est.

Non inutile erit notasse à fraudulentis, pro obtinendo Oleo, Caryophyllos integros distillationi subjici eisdemque Oleo orbatos denuo ficcari, & recentibus ad augendum lucrum immisceri: fraus ægrè distingui potest, nisi vires debiliores aut color dilutior prodatur.

Vires medicæ, ubi magno stimulo opus, proficuæ. Oleum denti carioso immisſum nervum quasi adurit, destruit: in ossium carie agit instar Cauterii actualis.

CASCARILLÆ Cortex. *De Bast van Cascarille.*

Est Cortex, qui circa finem sæculi præteriti primum nobis innotuit: appellatur etiam *Cortex Eleutheriæ*, quia desumitur ex Arbore, quæ in omnibus Bahamæ Insulis maximè in illa, quæ *Ela-teria* vel *Eleutheria* dicitur, crescit. Adfertur nobis in tubulos tres quatuorve pollices longos convolutus. Lineam circiter crassus est; externa facie gryſeus, inodorus, insipidus; interna coloris fusco-ferruginei; saporis amari, acriusculi, aromatici; odoris grati. Ab omnibus aliis Corticibus differt, quod facillimè accendatur, & accensus odorem spiret gratum, fragrantem, instar Moschi. Magis fragilis & friabilis est, quam *Cortex Peruvianus*, coloris etiam minus obscuri, saporis non tam ingrati & minus adstringentis. Vires partim Aqua; integrè Spiritu Vini extrahuntur.

Primum Nicotianæ ob odoris gratiam, qua accensus pollet, adjectus est; post in Medicinam introductus, & ad fugandas febres Cortici Peruviano, præsertim à Secta Stahliana, cui summum illud & incomparabile febrifugum odio erat, substitutus: sed multum abest, ut ejus vires æquare valeat: optimum tamen remedium roborans, stomachicum, antisepticum est, in frigidis morbis, & debilibus à Diarrhæa, Dyssenteria &c. Visceribus, utilissimum: laudatur in Colica flatulenta, & Angli ad juvandam expectorationem cum successu adhibent: in febribus Cortici Peruviano sæpe jungitur, & illi, ubi vis adstringens nocere potest, substitui debet.

CASSIA FISTULA, vel FISTULARIS. *Cassia*.

Est filiqua Cylindrica, lignosa, fragilis, coloris, ex fusco nigri, pedem & ultra longa, pollicis fere diametrum habens. Interius Septis tenuibus, lignosis divisa est in plura loculamenta, quæ in superficie externa tamquam totidem circelli eminent, & quorum singulum semen fulvum, nitidum, subrotundum, compressum, durum continet, atque integrè obductum est pulpa nigricante, glutinosa; odoris aliquantulum ingrati, quasi oleosi; saporis valde dulcis, instar pruni, leviter subacris.

Desumitur ex Arbore, quæ idem nomen gerit, & in utraque India crescit: hinc distinguitur in *Orientalem* & *Occidentalem*: præfertur prior: posterioris filiqua major, putamen crassius & rugosum est; pulpa ingrator, acrior. Eæ filiquæ in genere eligi debent, quæ recentes, graves sunt; quarum semina, dum concutiuntur, ob deficientem medullam, non resonant; quarum pulpa splendens, nigra, non nimium exsiccata, & præter dulcem nullo alieno sapore instructa est.

Pulpa mitissime alvum lenit. Continuatus ejus usus scribitur ab aliquibus urinam viridem; demum nigram reddere: hinc conclusunt specificè in renes agere. Alii utrumque negant.

CASSIA LIGNEA. *De Bast van een soort van wilden Kaneelboom.*

Sub hoc nomine ex India Orientali afferuntur cortices, qui Cinnamonum omni dote æmulantur, sed sapore & odore remissioribus gaudent, & in eo se præcipuè ab eodem diversos exhibent quod masticati in viscedinem solvantur, & in Aqua cocti Mucilaginem largiantur: hinc in casibus, ubi nudior, calidior Cinnamomi vis suspecta est, utiles esse possent.

CASTOREUM. *Bevergeil.*

Sub hoc nomine veniunt duo glandulosi folliculi figuræ oblongo-rotundæ, magnitudinis ovi gallinacei & quandoque majoris, e Castore animali amphibio defuncti. Olim hujus animalis testiculi habiti sunt: jam constat rerum naturalium indagatoribus ad partes genitales non pertinere, nec ullo modo cum illis communicare: utrimque juxta anum alter in dextro alter in sinistro inguine sub cute, æquè in Castoribus fæminis ac maribus, ad particularem necdum bene notum usum, excrescunt. Constant membrana tenaci, coriacea, quæ substantiam excludit flavam, unctuosam, inflammabilem; odoris proprii, virosi, caput obnubilantis; saporis acris, amari: substantia hæc, quæ propriè Castoreum est, multis cellulis membranaccis distinguitur.

Totus folliculus exemptus, fumo exsiccatus, & induratus è pluribus borealibus Europæ regionibus, & ex America ad nos adfertur. A patria *Dantiscanum*, *Prussicum*, *Polonicum* &c. Castoreum denominatur: præfertur *Russicum*; infimum *Canadense* est. In genere folliculi majores, ventricosi, graves, substantiam siccam quidem, sed non totam aridam, & fortissimo odore instructam continentes, reliquis præferendi. Adulteratur sæpius immisso folliculis Gummi Ammoniaco, Opoponace, Sagapeno, Melle, Sanguine inspissato, Arenis &c. Discissione, odore, solutione fraus detegi potest.

Vires medicæ Nervinæ, Antihystericæ; non nullæ, sed multis

authoribus nimium laudatæ : tam Aqua quam Spiritu Vini extrahuntur: distillatio cum Aqua totum ferè Castorei odorem elevat: cum Spiritu Vini Rectificatissimo nullum.

CATECHU. *Cachou.*

TERRA JAPONICA etiam appellatur, dum tamen neque terra neque Japoniæ productum est: in India Orientali paratur, & succus est vegetabilis, levi coctione cum Aqua extractus, dein blando calore inspissatus. Ut nobis prostat est substantia sicca, dura, extus rufa, Nigricans, intus e rubro fusca, odoris nullius, saporis adstringentis primò amari, dein subdulcis & pinguis ut Boli. Tota, dum genuina est, in ore deliquescit, & solvitur Aqua; tres quartæ partes ferè Spiritu Vini rectificato: ut pateat substantiam esse gummeo-resinosam.

Cujus plantæ productum sit dudum ignoratum est: plures Auctores erididerunt extrahi e fructibus *Palmæ Arekifæræ*: celebris JUSSIEU ex alia arbore *Cat-Che* dicta desumit, & SPIELMANNUS ex variis *Mimosæ* LINNÆI speciebus, & diversis aliis plantis cortice adstringente & rubro præditis contendit parari. Speciem *mimosæ*, e qua obtinetur, & extracti præparationem describit D. KERR Nosocomii Bengalensis Chirurgus in relatione à Celeberrimo FOTHERGILL Societati Medicæ Londinensi communicata. Is testis ocularis litem videtur dirimere.

Vires medicæ leviter adstringentes & roborantes sunt: hinc in Diarrhæis, Hæmorrhagiis, Viscerum laxitate &c. utiles: laudatur in flacciditate Gingivarum, vacillatione Dentium, in Catarrhalibus Defluxionibus, Raucedine &c.

CENTAURII MINORIS Summitates. *De Toppen van klein duizend-gulden Kruid.*

CENTINODIUM, seu POLYGONUM. *Varkensgras, Knoopgras, of duizend Knoop.*

CERA.

CERA. *Wafch.*

Est substantia illa flava, concreta, flexilis, quam Apes è floribus collectam, & in stomacho suo elaboratam ad construendos favos suos adhibent. A Melle & reliquis heterogeneis separatur, & in panes redigitur expressione, lotionem & fusionem. Odorem habet, præcipuè dum recens est, melleum, non ingratus; saporem, præter lentum oleosum, nullum. Igne mollescit, funditur, volatilis fit: flammam alit: ex flava albissima fit unitis Aeris, Aquæ & Solis viribus. Videtur Oleum esse ab Acido densè coagulatum; nam distillationi subiecta primò Acidum largitur volatile, penetrans: tum Oleum spissum, albicans, quod ob consistentiam *Butyrum Cerae* vocatur. Id repetitis distillationibus, expulsa semper portione Acidi, mutatur in *Oleum Cerae*, Oleis unguinosis, blandis, expressis non absimile; quod ea proportionem, qua distillationes multiplicantur, continuo tenuius fit, Spiritu Vini dissolubilius, & magis blanda indole sese commendat. Solis hujus Olei dotibus Cera à Resinis videtur differre.

Ufus chirurgicus Cerae præcipuè flavæ seu citrinæ, ob vim emollientem, maturantem, multiplex: internus, quoniam viribus digestricibus nostris vinci nequeat, vix ullus: aliqui ad pertinaces Dysenterias commendant. *Butyrum* laudatur ad Hæmorrhoidum dolores: *Oleum* adversus labiorum aliarumque partium fissuras.

CERASA. *Karsen.*

Plures sat notorum horum fructuum species dantur, quæ colore & sapore succi distinguuntur. Illa præcipuè in Medicina, tamquam Antiphlogistica & Antiseptica, in febribus biliosis & putridis commendantur, quorum succus gratus acidus. Ut alii fructus horum in magna quantitate & continuo esæ vi resolvente morbos quosdam chronicos felicissimè curaverunt. Nigra nervorum morbis mereri, ut aliqui scribunt, fabula est.

CERUSSA. *Ceruis, Loodwit.*

Est Plumbum ope Aceti in vapores redacti erosum, & in pulverem album solutum. Creta aliisque aliquando adulteratur: levitas, vel effervescencia cum Aceto fraudem detegit.

Multum externè in Unguentis & Emplastris ob vim refrigerantem disiccantem adhibetur. Usus internus, ut omnia Plumbi producta, venenosus.

CETERACH. *Milkruid of Steenvaren.*

CHÆREFOLII Folia. *De Bladeren van Kervel.*

CHAMÆDRYOS Folia. *De Bladeren van Maanderkruid.*

CHAMÆPITYOS Folia. *De Bladeren van hoe langer hoe liever.*

CHAMOMILLÆ, seu CHAMÆMELI ROMANI ET VULGARIS Folia, Flores. *De Bladeren en Bloemen van roomsche en van gemeene Kamille.*

CHELIDONII MAJORIS Folia, Radix. *De Bladeren en Wortel van stinkende of groote Gouw, Zwaluwkruid, of groot Oogenklaar.*

Tota planta recens succum fundit croceum, graveolentem, amarum, acrem, qui ad abstergenda corneæ vitia commendatur: sed ejus acredo & organi sensibilitas requirunt, ut in hunc usum multum diluatur. Sine hac cautela ad Verrucas prius incisas adhiberi potest. Foliorum vires internæ stimulant, aperientes, diureticæ & diaphoreticæ sunt: famam habent in infarctu Pulmonum, in obstructione Viscerum Abdominalium & præcipuè in Ictero; dum nulla adsunt signa inflammationis. Laudantur etiam ad Hydropem, & aliqui suspicantur radicem, quæ reliquis plantæ partibus acrior est, HELMONTII adversus Hydropem ascitem specificum fuisse. Plantæ vis exsiccatione perit.

CHELIDONII MINORIS Folia, Radix. *De Bladeren en Wortel van kleine Gouw.*

CHERMES, vide KERMES.

CHINÆ Radix. *Chinawortel.*

Est radix plantæ, quæ in China potissimum crescit, & KÆMPFERO *Smilax minus spinosa, fructu rotundo, radice virtuosa* dicitur. Duplex est: una nobilior, quæ *China vera* vocatur, ex India Orientali adfertur: est radix crassa, ponderosa, nodosa, tuberculis pluribus obsita, texturæ lignoso-farinaceæ; coloris extus ex fusco rufescentis; intus ex albo rubescentis; saporis dum recens est leviter acris, dum vetustior est terrei, inertis; odoris nullius. Altera ignobilior, quam & *pseudochinam* appellant, adfertur ex nova Hispania, Brasilia aliisque Americæ partibus. Quamvis ejusdem plantæ productum ob diversam patriam levior est, minus nutrita; coloris extus nigrioris; intus magis rubri.

Circa annum 1535. in Europam adducta, & primum ad Morbum Articularem, Affectiones Cutaneas & Luem Veneream tamquam Specificum adhibita est: dicitur operari humores acres obvolvendo eosque per promotam insensibilem transpirationem & auctam Diuresim expellendo: sed cum nulla fida observatione constet, ut SPIELMANNUS notat, ejus solius ope vel Veneream vel aliam quamcumque Acrimoniam fuisse curatam, radicem insipidam & inodoram Medicamentis inertibus potius, quam activis arbitramur annumerandam: qui tamen ea uti amant, sciant facile à vermibus exedi, & Mercatores foraminula & lacunas pasta rubra, cui etiam ad augendum pondus Lythargirium quandoque admixtum inventum est, replere.

CICERA RUBRA. *Roode of Spaensche Ervten.*

CICHOREI Folia, Radix. *De Bladeren en Wortel van wilde Cichory.*

CICUTÆ Folia. *De Bladeren van Scheerling of dolle Kerrel.*

Adeo confusa sunt omnia , quæ ad Cicutæ historiam pertinent , ut probabile sit ei ob Botanices ignorantiam per plurima sæcula à pluribus diversas plantas substitutas fuisse : hinc non desunt Authores , qui Cicutam omni scelere absolvunt , dum interim alii varias plantas floribus umbellatis instructas , & quas malos effectus in corpus humanum producere observarunt , Cicutam appellant. Videntur etiam olim composita aliqua hoc nomine insignita fuisse : Atheniensium venenum Socratis morte infame , verosimiliter compositum , id probabile reddit.

His visis tutum videtur solis recentioribus & fide dignis Observationibus in dijudicandis hujus Plantæ viribus adhærere. Hæ evincunt omnes ejus species venenatas esse. Cel. BOERHAAVIUS à foliis inter digitos contritis & naribus admotis quasi ebrius stupidusque factus est. Pueris , qui Cicutæ fistulas aliquamdiu inter labia continuerant , eadem inflari & inflammari visa sunt : dum introsumuntur Vertigines , Stuporem , Convulsiones & horrendam Mortem denique inferunt. Secundum WEPFERI experimenta in Stomachum , quem inflammant & corrodunt , primariò agunt. Veneni Antidotum à pluribus Acetum creditur. Alii dubitant ; iique prudentiores ei soli , sine additis strenuè generalioribus , non fidendum putant.

Non obstante hac indole *Cicuta major* Medicamentis adscripta est. Externè tamquam sopiens & resolvens in Carcinomatosis Ulceribus multis abhinc annis adhibita fuerat , dum ILLUSTRISSIMUS STOERKIUS ad eisdem aliosque morbos hætenus incurabiles habitos internum usum tentare suscepit. Celebris hujus Viri experimenta docuerunt in minori & prudenter aucta Dosi non solum tutò posse adhiberi , sed etiam felicissimas curationes posse perficere : commendata itaque tanta autoritate per omnem Europam alacriter tentamini subjecta est , prodieruntque illico innumerae Observationes ,

quæ probant eam validissimè resolvere & non solum scirrosas glandulas referare & cancerum curare, vel saltem emendare; sed etiam Spinæ ventosæ, Ulceribus cacoëtheis, Morbis cutaneis, Cataractæ, Amourosi, Arthritidi, Cephalœæ chronicæ aliisque morbis ad alia omnia rebellibus aliquando medelam esse.

Non reticendum est plures eosque Celebres Medicos contra salutares hos Cicutæ effectus reclamasse & densam attulisse Observationum nubem, qua remedii inefficaciam stabilirent. Illust. Author varias promiscuè herbas substitutas, aut Extractum non ritè paratum fuisse respondit, & ut omnis error imposterum evitaretur Cicutam suam ænea Tabula expressit, addens eam esse *conium maculatum* LINNÆI; *cicutam majorem* TOURNEFORTII &c. monuit præterea eam ingrato Murium domesticorum foetore, dum digitis conteritur, vel in calidiori loco asservatur ab aliis Plantis, faciliè posse distingui.

Omnia hæc reclamantes non sedarunt: opposuerunt enim ab ipso CELEB. STOERCKII Pharmacopœo præparatum extractum, & Vienna ad exteros translatum efficacius sese non præstitisse. Si qua fides tamen plurium celebrium Medicorum Observationibus, mira prostant Curationum exempla: nequè ideo rejiciendum est Remedium, quia non perpetuò curat: adeoque quamvis tantum milesimo prodesset; præcipuè in Morbis, pro quibus nullum hæctenus erat cognitum Remedium, quales illi passim sunt, quos Cicuta curatos legimus, tentari meretur & debet.

CINERES RUSSICI. *Potafsch*.

Sub hoc nomine Sal Alkali fixum, quod ex cineribus lignorum duriorum, præcipuè querni & fagini, in Polonia & Moscovia paratur, ad nos transfertur. Sal Lixiviosum constituit admodum impurum: nam præter terram vegetabilium calcem vivam aliaque heterogenea admixta gerere Analytis probavit: hinc numquam in usus medicos, nisi debite primò purificatum, adhiberi potest.

CINERES CLAVELLATI, è fecibus Vini exsiccatìs & combustis in Gallia parati, ejusdem indolis sunt.

CINNABARIS NATIVA. *Bergvermilioen.*

Est minera Mercurii maximè occurrens, seu Mercurius Sulphure mineralisatus. Eruitur in Hungaria, Hispania, Japonia &c. optimam Hollandi ex India Orientali afferunt. Substantiam habet ponderosam, fragilem: nullo odore, nullo sapore præditam: in frustis integris strias exhibet splendentes, Longitudinales, & coloris est rubri fuscioris; dum in pulverem redacta est vividi, pulcherrimi. Chemica Analysis & Cinnabaris factitia probant eam constare sex septemve Mercurii partibus & una Sulphuris, igne subterraneo simul sublimatis, & unitis. Igni exposita volatilis est, & in vase clauso integra sine Decompositione sublimatur: in aëre libero verò, accenso Sulphure, deponitur, & Mercurius in vapores redigitur. Intermedio Alkali, Calcis, Ferri & aliarum substantiarum, cum Sulphure Majorem affinitatem habentium quam Mercurius, in vase clauso deponitur. Ita Distillatione MERCURIUS A CINNABARE REDIVIVUS, purissimus obtinetur.

Cinnabari vires absorbentes & sedantes aliqui adscripserunt. Has certò non possidet. Laudaverunt aliqui contra Epilepsiam, Morbos Cutaneos, Venereos, Leporam &c. dum alii humoribus nostris non solvi contendunt. Ejus usus salivationem tamen excitat. Nec defunt, qui internum Cinnabaris Nativæ usum omnino proscribunt ob arsenicales particulas vix separabiles, quas plerumque admixtas habet.

Basis est Fumigationum Mercurialium, & pro hoc usu retineri potest.

CINNAMOMUM. *Kaneel.*

Est Cortex interior Arboris, quæ in Zeylon seu Ceylon Indiæ Orientalis Insula crescit, & LINNÆO *laurus foliis oblongo-ovatis, tri-*

nerriis, nitidis, planis appellatur. Adfertur nobis in cannulas seu tubulos exsiccatione convolutus. Tenuis est: Coloris proprii, flavi, dilutè rubescentis; odoris suavissimi; saporis grati, aromatici, acris cui aliquid dulcis &, evanido aromate, adstringentis admixtum est: dotes hæ multæ aqua; plures spiritu vini extrahuntur. Olei distillati fragrantissimi, aurei coloris, gratissimâ acrimoniâ linguam ferientis circiter unam sexagesimam sui ponderis largitur. Æthereo hoc Oleo sola scatet pellicula interior hujus Corticis recentis: sed hoc sensim mora per totum Corticem sese spargit: hinc cannulæ tenuiores crassioribus præstantiores.

Hoc Aroma adjectis Corticibus aliarum Arborum Canelliferarum ignobiliorum, & præcipuè Cassia Lignea adulteratur: pro detegenda fraude vide CASSIA LIGNEA.

Vires in Morbis frigidis, ubi flaccida fibra exstimulanda, vel mucus iners domandus utiles.

CITREI MALI Cortex & Succus. *De geele Schel en het Zap van Citroenen.*

CITRULLI Semen. *De Zaaden van Citrullen of Watermeloenen.*

COCLEARIÆ Folia. *De Lepelbladeren.*

Nomen à foliorum forma fortita est. Apud nos in hortis colitur; sed circà maris littora, & in Borealibus Regionibus, ubi Scorbustus maximè humanum genus infestat, spontè & quidem maxima copia, ceu Antidotum divinitus concessum, crescit. Recens saporis est acerrimi, calidi, falsi. Oleum continet Æthereum, tenue, acre, pungens; adeo volatile, ut vix coerceri queat: ab hoc omnis plantæ sapor, odor & vis, quæ omnia in decocto pereunt, sola supersite amaritie: hinc optimè foliorum succus, vel infusum adhibetur. Vires extrahuntur Aqua & Spiritu Vini Rectificatissimo.

Hæc planta stimulo suo atoniæ medetur, & humores viscidos incidit: hinc summa laus in Scorbuto inertis, & Obstructionibus

ab hac causa pendentibus : hinc etiam omnes se & excretiones , præcipuè Diuresim juvat. Acredo in multis casibus temperari debet.

COLCHICI AUTUMNALIS Radix. *De Wortel van Tydeloozen , of naekte Vrouwen.*

Omnium ferè testimoniis venenatæ sunt omnes hujus plantæ partes. Radix , quæ sola in usu , odoris est aromatici , fortis , acris : Linguam afficit sapore caustico , stupore , rigiditate : eam Aceto infusam & Melle edolcoratam sub titulo *Oximellis Colchici* iterum in Medicinam introduxit CELEBERRIMUS STOERCK : internè , à parca dosi incipiendo , laudavit tamquam potentissimum diureticum , in Hydrope , ubi omnia alia & quidem scillitica fallunt , utilissimum : externè tamquam resolvens. Omnem vim tam venenatam quam diureticam inter alios tam positivè negat CELEB. KRATOCHVILL in Differtatione chymico-medica de hac radice , ut putares de diversa omnino Planta celebres duos Viros agere.

WEDELII Amuletum adversus Pestem aliosque morbos contagiosos hac radice paratum audaciam saltem animis addit. En omnem ferè Amuletorum vim !

COLOCHYNTIDIS Fructus. *Coloquintappelen.*

Sunt fructus plantæ è genere Cucurbitarum Armeniæ , Syriæ &c. indigenæ , LINNÆO *cucumis foliis multifidis , pomis globosis , glabris* dictæ. Forma & magnitudine Pomum Aurantium æmulantur : detracto cortice sola Medulla , seu Pulpa alba , spongiosa , levis ad nos transfertur & à seminibus repurgata in usu est : odorem nullum habet ; saporem mucilaginosum , nauseosum , amarissimum , acerrimum. Vires tam aquosis , quam Spirituosis extrahuntur.

Drasticum est violentissimum : amarore afficit os eam tractantis vel contudentis , & aliquando cum summa perturbatione alvum dejicit. Pauca grana non solum Hypercatharsim inducunt ; sed etiam
Intestinatorum

testinorum Hæmorrhagias, Inflammationes & Exulcerationes visa sunt proauxisse. Non mirum igitur aliquos dari, qui hanc Pulpam omnino e Medicina exulem volunt: alii interim prudenter adhibitam, in Morbis pituitosis, magnis encomiis extollunt: laudatur in Enematibus in Apoplexia serosa, & grani octava pars aliis pulveribus immixta omni trihorio vel quadrihorio exhibita in Morbis Chronicis egregium Alterans & Emmenagogum dicitur.

COLOMBO, seu COLOMBA Radix. *De Colombowortel.*

Licet hæc radix jam a triginta annis in Anglia in usu esse cœperit, ad quam plantam pertineat hæctenus tamen ignoramus. CELEB. PERCIVAL Itineratorum fide dignorum testimonio fretus assermat Asiæ propriè indigenam esse; hinc primùm in urbem Colombo dictam in insula Ceylon sitam; dein in totam Indiam translatam fuisse. Affertur nobis in taleolas secta, quæ semipollicis, pollicis, imò trium pollicum diametrum habent, &, a quarta pollicis parte ad duos pollices, Variæ longitudinis sunt: coloris est extus cinerei, fusci, subnigricantis; intus plus minus rufescentis: odorem habet, dum non nimis vetusta est, leviter aromaticum; saporem ingratum, intensè amarum, pertinacem & leviter stimulantem. Ejus vires aqua, & melius spiritu vini rectificato extrahuntur.

Multæ vires huic radici adscribuntur: secundum CELEBERRIMI PERCIVAL experimenta antiseptica est & præcipuè degenerem & putridam Bilem corrigit: hinc in Cholera morbo, Colica Biliosa, aliisque morbis a Bile excitatis, etiam non excusso fomite, summum est remedium. Laudatur dein in Vomitu Gravidarum, in Diarrhæa a dentitione, in Alvi fluxu & dyssentèria. Præsertur præterea Cortici Peruviano aliisque roborantibus in languido Ventriculo & in Vomitu Habituali a laxitate aut irritabilitate Stomachi: cumque calorem & circulum sensibilibus non intendat etiam in Phthisi pulmonari & Febre hæctica ad roboranda digestionis organa cum optimo eventu scribitur adhiberi. Dosis grana viginti, dragma

dimidia, dragma integra, in pulvere vel infuso, pluries de die: etiam omni trihorio in Cholera morbo.

CONSOLIDÆ MAJORIS, seu SYMPHYTI Radix. *De Smeerwortel.*

CONTRAYERVÆ Radix. *Tegengiftwortel.*

A CLUSIO etiam *Drakena* vocata est in honorem FRANCISCI DRAKE, qui eam anno 1581. in Angliam primus attulerat. Est radix Plantæ, quæ LINNÆO *dorstenia scapis radicatis*, C. BAUHINO *Cyperus odoratus Peruanus* dicitur, & in Nova Hispania, Regno Peruviano aliisque novi orbis locis crescit. Nodosa est; fibris hinc indè etiam nodosis obsita; unum alterumve pollicem longa; dimidium circiter pollicem crassa; extus coloris subfusco rubescentis, intus albicantis: odorem habet proprium, debilem aromaticum; saporem calidum, amarum, subadstringentem, cui tenuis & suavis acrimonia adjuncta est. Vires Aqua, melius Spiritu Vini rectificato extrahuntur.

Alexiteria, Sudorifera, Stomachica hæc radix est, & magni usus in Febribus, ubi exstimulanda Natura & erigendæ vires. Laudatur in Peste aliisque morbis contagiosis tamquam utilissimum Diaphoreticum, ubi scilicet vagum adhuc Miasma est. Quæ ei adscribuntur antihelmenticæ & febrifugæ vires minùs probatæ sunt.

CORALLINA Officinarum. *Zeemos.*

Formâ Plantam æmulatur e Muscorum genere: hinc a TOURNEFORTIO aliisque Botanicis Vegetabilium classi adscripta fuit: tamen, quidquid adhuc nuper contra conatus fuerit CL. PALLAS, videtur Polyporum fabricam & habitaculum esse; adeoque ad Regnum Animale pertinere. Ut ad nos adfertur fragmenta ramosa sunt, geniculata, quibus foliola exigua & tenerrima pinnatim adhærent; coloris grisei, albicantis, subviridescentis; odoris dum recens est piscosi, foetidi, ingrati; saporis falsi; dum bene lota est, insipidi:

sub dente concretam terream prodit Substantiam : cum omnibus Acidis effervesceat, & Absorbentem Naturam exhibet: Calcinatione fit Calx viva.

In Oceano Europæo & Mari Mediterraneo rupibus & conchis sub Aqua accrescit.

Viribus a Coraliis non distinguenda videtur : Antihelminthicæ enim non satis probatæ sunt.

CORALLINA CORSICA, seu LIMITHOCORTHON. *De Corsicaensche Zeemos, Wormmos.*

Est Musci species, quæ, cum vegetabilis omnibus notis videatur, & nullas Corallii proprietates possideat, propriè Corallinae nomen non meretur. Præcipuè in Mari Corsico conchis accrescit: unde VELSCHUS eam *Corallinam tenuifoliam conchæ adnatam* appellat. Invenitur in massulas conglomerata, quæ pollicis circiter altitudinem habent, & constant foliis capillaribus non ramificatis, sed in apice bifurcatis, vel in tres quatuorve filamenta divisis: folia hæc attactu mollia sunt, sub dente fibrosa, tenacia; coloris ex rubro fusci, veluti Castancarum: cæterum ejusdem odoris & saporis ac Corallina officinarum.

Hic a paucis annis nota est; verum in Insula Corsica adversus Vermes a sæculis in usu: hinc a Græcis hanc Insulam inhabitantibus *Limithocorthon*, seu *Herba contra Vermes* appellata est. Et revera omnibus hætenus cognitis Antihelminthicis faciliè palmam præripit: felicissimè enim, & sine turbis, intra spatium viginti quatuor horarum Intestinorum Vermes, præcipuè Lumbricos, expellit. Exhibetur dragmæ unius, duarum, uncia dimidiæ in Aqua ebulliente per noctis spatium infusum, Melle vel Saccharo edulcoratum, aut prædictarum quantitatum dimidium in pulvere. Medici Galli, pro more totius gentis, soliti aliorum inventis aliquid propriæ Sagacitatis addere, & pillulam, ut vocant, deaurare, ut Chocolatam &

Enemata Antivenerea, panes etiam biscoctos Antihelminticos ex hac Herba conficiunt.

CORALLIA, five *CORALLA ALBUM & RUBRUM*. *Wit en rood Koraal*.

Trunco, ramis, corticis specie arbusculam foliis orbatam ita æmulatur, ut omnes Naturæ Observatores inter vegetabilia longo tempore locum concesserint, vel tanquam Fruticem Marinum Petrificatum respexerint: constat tamen Polyporum etiam productum & habitaculum esse. Huic arbusculæ radix nulla est, sed arctè rupium aliorumque corporum superficiei sub aqua accrescit: trunci diameter rarò pollicem excedit: vix tota ad pedis altitudinem accrescit: inodora est & insipida: omni dote Terra Calcareæ est.

Corallum rubrum, quod communius & præcipuè in usu, invenitur præprimis in Mari Mediterraneo. Principium Martiale, a quo magnam virtutem expectabant creduli Scriptores, necdum probatum est: sola mansit vis Absorbens: cumque multum absit, ut hac dote reliqua Absorbentia præcelleret, Lapidariis & Curiis, quibus integræ Arbusculæ & magna frustra curæ sunt, minora etiam fragmenta, quæ ad Officinas nostras pro usu medico transmittere solent, relinquamus; nisi illa quis in Pulvere Dentrificio vellet retinere.

CORLANDRI Semen. *Korianderzaad*.

CORNU CERVI. *Hartshoorn*.

Rasura inodora est & insipida: Coctionis ope in Aqua ferè tres quartæ partes convertuntur in Gelatinam demulcentem, analepticam, quæ in Morbis Acutis, & ubicumque adest Diathesis ad Putredinem, noxia est: nam si paulisper digeritur in calore simili, qui in Ventriculo humano est, statim foetida fit & acris. Prodest hinc Acido in primis Viis laborantibus.

Rafura sub extractione Gelatinæ mollis coctione reddita, siccata denuo & in pulverem redacta vocatur *Cornu Cerri philosophicè præparatum*: dum Cornu pars, vel Rafura Calcinationi subjicitur gelatinosum principium resolvitur in fumum foetentem, & remanet Terra iners, absorbens: vocatur tum *Cornu Cerri ustum*. Laudatur tamquam Exsiccans, Demulcens, Acidum Absorbens: superiorum sæculorum somnia sunt, & iis facilè Medicina carere potest.

CORTEX PERUVIANUS. *Peruviaansche Bast, Kinkina.*

Est cortex Arboris in Regno Peruviano, præcipuè in montibus Oppido Loxæ vicinis, crescentis: vulgò *Gannaperis*; RAJO *Arbor febrifuga peruviana*, & LINNÆO *Cinchona Officinalis* dicitur. ejus delineationem & Historiam naturalem CEL. DE LA CONDAMINE ad Societatem Regiam Scientiarum Parisiensem transmisit, ut ex actis anni 1738. ejusdem Societatis videri potest.

Cortex Peruvianus adfertur nobis in frustis digitorum circiter longis, unam alteramve lineam crassis: horum quædam in tubulos convoluta sunt; quædam plana, vel magni circuli segmenta: hæc ex Arboris trunco; illa e ramis decerpta & præferenda dicuntur. Extus scaber est, fuscus, non rarò Musco cinereo obductus; intus lævis, flavus, ferrugineus, Cinnamomum ferè colore æmulans: odoris est leviter aromatici, mucidi, non ingrati; saporis amari, austeri, adstringentis, aromatici: aridus est, & quamvis firmæ texturæ sit, dentibus facilè comminui potest: dum diffringitur fractura exhibet particulas splendentes. Vires extrahuntur tam Aqua quam Spiritu Vini Rectificato: consistunt enim in principio gummeo-resinoso: duæ hæ Substantiæ tam intimè sibi adhærent, ut utraque, & quidem omnis Corticis vis, infusione satis protracta in Aqua frigida extrahi possit; probante hoc assertum Sale, falsò dicto, Essentiali COMITIS DE LA GARAYE: infusum hoc cum genuino Cortice paratum coloris aurantii est. Ut omnes virtutes retineat, nec nimium

evaporari nec ebullire potest; alioquin Resinosa Pars separatur, & partim quidem decomponitur.

Cortex Peruvianus adulteratur adjectis aliis Corticibus cum externis dotibus æmulantibus: fraus e qualitatibus genuino supra adscriptis detegi debet. Qui efficaciorē Corticis partem sibi comparare volunt, seponant Pulverem, qui primus sub contusione prodit: is enim utpote lignosæ partis inefficacior est, & pro conficiendo Extracto servari potest.

Hoc remedium, cujus eximiae vires Indis jam ab anno 1500. notæ erant, in Europam non pervenit nisi anno 1649. Scribunt aliqui Indigenas ejus efficaciam vindictæ ergo Inimicis & Oppressoribus suis studiosissimè celasse. COMITISSA DE CINCHON Proregis Peruviani Regni Uxor prima Europæa est, quam hoc Remedio anno 1638. curatam legimus. Admirata illa excellentiam in pulverem redactum passim Hispanis ægris, quos eo curandos sperabat, distribuit: hinc *Pulvis Comitissæ* dictus est, & illico multiplicatis Observationibus Febrifugum, cui nullum par in Europa existeret, sese exhibuit. Non diu ergo fugit solitam Jesuitarum perspicaciam: optimi hi Patres copiam pulveris CARDINALI DE LUGOS transmiserunt, in cujus primùm Palatio, dein in Jesuitarum Collegio Romano dispensabatur: hinc *pulvis Patrum*; *pulvis Jesuiticus*; & *pulvis Cardinalis de Lugos* appellatus est, & sub tantis nominibus sensim per omnem Europam cœpit innotescere.

Incomparabile Remedium ea alacritate tamen, qua merebatur, ab omnibus Medicis non susceptum fuit: aliqui enim nova quæque exosi, ut in maximè salutaribus (teste Variolarum Infitione) solet evenire, sine prævio examine rejecerunt; dum alii falsâ Februm & remedii ideâ obcæcati falsis indè diductis ratiociniis contendebant periculosum prorsus esse Remedium. Nec defuerunt qui inefficiæ accusarent: fecit enim plerumque justæ dosis & exhibendi methodi ignorantia, ut Febris vel non abigeretur, vel


abacta novo impetu rediret. Accessit his omnibus, & odium auxit Remedii primis illis temporibus caritas, & hinc nata Sophisticatio: ita ut ob omnes has causas mirari non oporteat perpauco-
tum fuisse, quibus justa foret Remedii existimatio; eorumque præconia Oforum numero & machinationibus adeo fuisse suffocata, ut corio humano ludere videretur quicumque Corticem præscriberet, & ut omnia mala, quæ deinceps Hominibus, etiam longo tempore post assumptum id Remedium acciderent, ei plerumque innocuo adscriberentur. Per plures ergo annos tam rarus ejus usus fuit, ut PATINUS eruditus alioquin Vir & numerosæ praxeos in Epistola, vegesima prima Septembris anni 1661. data, se numquam hætenus ægris suis hoc Remedium fateatur exhibuisse. Perstitit in toto suo vigore hoc Præjudicium, donec anno 1682. LUDOVICUS XIV. regia liberalitate Arcanum, *Febrifugum Anglicum* dictum, ab EQUITE TALBOT emeret, & publici juris fieri juberet. Hoc cum miras Morborum Curationes peregisset, & non constaret nisi magna dosi boni Corticis Peruviani, omnium ferè Medicorum oculos aperuit. Indies hinc ad nostra usque tempora ejus Fama crevit, tantique jam usus est, ut mancam omnino ante detectum Novum Orbem, præcipuè in curandis Febribus, fuisse Medicinam liceat asserere.

En summatim hujus Corticis vires: (1º.) Febres intermittentes quascumque & continuas ex illis factas omnesque Morbos periodicè recurrentes specificè &, adhibitis cautelis, tutissimè sopit. Ut id efficiat feliciùs pulvis ejus subtilissimus sine addito, quidquid aliqui imaginati sint, quam quodvis aliud ejus præparatum adhibetur. Juxta Experimenta CELEBERRIMI HOME promptius & certius agit, si declinante multùm paroxismo; aut immediate post eum propinetur, quam omni alio Morbi tempore. 2º. Princeps Tonicum est & Stomachicum: hinc genus nervosum optimè roborando Morbis Spasmodicis, Hystericis, Hypochondriacis sine labe viscerum, & quibuscumque Affectionibus a laxitate & debiliore viscerum actione

pendentibus felicissimè & radicitus medetur. 3^o. Antisepticum est potentissimum. Ex Pringlianis Experimentis carnem 120^{ies} diutius a putredine arcet, quam Sal Marinus: quin ejus Decocto restituta est caro putrida, & fibris reddita firmitas: hinc etiam omnium Observatorum testimonio nisi humorum in putredinem a quacumque causa nato optimè resistit, & dum in magna dosi introsumitur & extus applicatur mirabiles edit in curanda Gangræna effectus: in his casibus agit mortuum a vivo separando excitata bona suppuratione, quæ ubi requiritur perpetuus ejus effectus est; ut in Variolis, non ritè procedente Suppurationis stadio, etiam Anchora sit.

Non incongruum erit notasse sub usu hujus Remedii, in quemcumque finem adhibitum fuerit, Alvum aliquando stipari; plerumque veluti a purgante moveri, Medicosque Anglos, dum hos effectus nocere judicant, ei in priori casu Rheum, in posteriori Opium addere.

COSTI ORIENTALIS Radix. *De Wortel van Oostindische, eertyds Arabische Costus.*

 CRANIUM HUMANUM. *Het Bekkeneel van den Mensch.*

Habitu est a plerisque tanquam Specificum adversus Epilepsiam, & omnes ferè Pulveres compositos, qui contra horrendum hunc morbum in Pharmacopœis prostant, cum Socia & Virium œmula Alcis ungula ingreditur. Authores & Fautores hujus deliramenti somniaverant hanc efficaciam a Spiritibus Cranio inhærentibus pendere: adeoque statuebant desumendum esse non ex Homine Morbo aliquo demortuo, sed ex sano, violenta morte, ut Suffragio, Armis &c. perempto: addebant aliqui non humato: nec decrant, qui præstantiores vires ab Ossibus triquetris, quam ab omni alia Cranii parte, expectabant.

Omnia hæc luxuriantis & Hypothesibus indulgentis Ingenii Figmenta sunt, quæ facilè evertuntur, modò observatio accesserit.

Constat

Constat ergo corpus iners, inefficax esse, quod nihil ab aliis Humani Corporis Offibus diversum habet; præterea, dum quid assumat æger nescit, nauscosum, detestabile. Exulet ergo impostherum! & si alicubi, in solis fervetur Anthropophagorum Pharmacopœis.

CRASSULÆ, five TELEPHII Folia. *De Bladeren van Hemelsleutel.*

CREPITUS LUPI seu LYCOPERDON. *Bovist of stoffige Paddestoel.*

CRETA. *Kryt.*

Est Terra Calcareæ, communiter alba, nullum habens odorem nec saporem, Aquæ avidissima, & hinc Linguae adhærens, quæ in plurium Montium sinu sub Pulveris vel Lapidis mollis & friabilis forma invenitur. Omnibus Acidis integrè solubilis est: excepto tamen Vitriolico; quod, quamvis magnam Affinitatem cum ea habeat, exiguam tantum ejus portionem via directâ solvere capax est.

Ex dictis liquet ob Vires Absorbentes in Medicina usui esse posse: quin imo ob Compositum magis austerum, quod cum Acidis efficit, aliqui Authores, in Alvi Fluxibus pertinacibus ab Acido pendentibus, omnibus aliis Absorbentibus præferunt: monent tamen ob Stypticum mixtum, quod inde coit, a largiori ejus usu cavendum esse.

CROCUS. *Saffraan.*

Non est ipse Flos Plantæ, quæ *Crocus sativus* Botanicis dicitur, sed Pistillum intra hujus Floris Corollæ terminos enatum, in tres lacinias divisum, & a reliquo Flore separatum, dein modicè siccatum, quod sub Croci nomine in Officinis prostat. Adfertur in massis pressione adaectis, quæ filamentis constant fulvidis, seu potius aureo-purpureis. Odoris est proprii, non ingrati, fragrantis, penetrantis & leviter acris; ut etiam diu cum tractantium Oculi veluti a fumo afficiantur: saporem habet calidum, subamarum,

acrem: stamina sicca sunt, contactu tamen pingua videntur, & tractantis manus inficiunt. Tritu difficilis est.

Vires & color luteus extrahuntur Spiritu Vini Rectificato, Aqua & Aceto: quod solvitur nec Gummosum videtur nec Resinosum, sed particularis naturæ esse: nam Tinctura Spirituosa additâ Aquâ non lactescit, nec Aquea addito Spiritu grumescit.

Crocus sativus Regionum Orientalium propriè incola est: hinc Crocus *Orientalis* dictus est; jam in variis Europæ partibus colitur, & Orientali substituitur: reliquis præfertur Britannicus, dein Vastiniensis. A malevolis Mercatoribus adulteratur adjectis Floribus Carthami: pro evitanda omni fraude rejiciatur, cui alba aut lutea Filamenta immixta sunt; cujus Stamina arida, gracilia, & parum odorata sunt, & cujus exigua quantitas non tingit magnam Aquæ copiam.

Crocus externè adhibetur ad discutendum, emolliendum & concoquendum Tumores & Abscessus: hinc Cataplasmatibus & Emplastris in hunc usum immiscetur. Internè agit, ut Opium & Vinum: parca enim dosis, præter vires cum aliis Aromatibus communes, mentem exhilarat & Vires pulchre erigit; largior inebriat, Cephalalgiam, Tremores, Risum Convulsivum, Soporem & tandem Mortem infert. Cæterum speciatim adhibetur tamquam Emmenagogum & laudatur ob Vim Sedantem & Pulmonibus præcipuè amicam in asthma convulsivo.

Assumentium Urinam rubro colore inficit, & Nutricum Lactis tingit.

CRYSTALLUS MONTANA. *Bergkristaal.*

Est Lapis durissimus, instar Vitri pellucidus, nitidus, excolor, Adamantem splendore æmulans, inodorus, insipidus; dum perfecta conformatio est, ita angulatus, ut perpetuò Figura prismatis

tica hexagona fit, quæ utrimque Pyramide etiam hexagona terminetur.

In pluribus Europæ Regionibus e Terræ Visceribus, e Cavernis, e Fluviis, etiam ex aliis lapidibus eruitur. Pro admixto Metallo invenitur varii coloris; ut lapides pretiosos pulchrè æmuletur. Nullo Acido, nisi violenta Calcinatione vexata fit, solubilis videtur

Vires Absorbentes, Adstringentes & Lithontripticas huic Naturæ Producto adscripserunt: non videtur tamen alio modo posse agere, quam Vitrum contusum: si scilicet grosso modo pulverifatam exhibueris nocebit vulnerando; si in subtilissimum pollinem redactam, innocuum quidem, sed iners & inutile pondus erit ventriculo.

CUBEÆ. *Cubeben of Staartpeper.*

Sunt grana non bene notæ hætenus Plantæ, quæ nobis ex India Orientali, præsertim ex Insulis Java & Ceylon adferuntur. Parvo pediculo instructa sunt, & forma ac magnitudine a granis Piperis non multum abluunt: hinc ab aliquibus *Piper caudatum* appellantur. Extus rugosa sunt; coloris cinerei, vel fusci; odoris fragrantis; saporis acris, subamari, aromatici: in cavo suo continent Nucleum parvum, rotundum, foris fusciorufescentem, intus albicantem.

Vires Aromaticas fixo resinoso principio inhærentes, & Spiritu Vini Rectificato integrè extrahendas habent: dicuntur Aphrodisiaca, & præcipuè laudantur adversus Vertigines a Stomacho ortas.

CUCUMERIS HORTENSIS, seu VULGARIS SATIVI Semen. *Tuin-KomkommerzAAD.*

CUCUMERIS SYLVESTRIS, seu ASININI Fructus. *De Vrugt van de wilde Komkommers.*

Fructus bene maturus levi attactu Elatere suo dissilit, & vi Semina sua explodit in viciniam: ob hoc Phænomenon *Elaterium* a

Græcis dictus est. Eodem nomine amarus, nauseosus, virosus huius Fructus succus inspissatus insignitur. Ad pauca grana datus profursum & deorsum Purgante tam Draastico jam Veteribus cognitus erat, ut omnia valide evacuantia *Elateria* vocarent. Succus hic extus tamquam resolvens & pro ptarmico commendatus fuit: intus præcipue ad curandum Hydropem: sed, cum communi id peragat cum aliis Evacuantibus effectu, & præterea constet Morbum hunc minus feliciter Draasticis percurari, rarissime jam hoc Medicamentum, quod non innocuum esse Experientia comprobavit, adhibetur. Attenuandi tamen & resolvendi scopo in refracta dosi, ut alia Draastica, utile esse posset.

CUCURBITÆ Semen. *De Zaaden van Kauwoerden.*

CUMINI, seu CYMINI Semen. *Kommynzaad.*

CUPRUM, vide *ÆS.*

CURCUMA. *Kurkema.*

Sub hoc nomine prostant radices tuberosæ, geniculatæ; foris pallidi, sublutei; intus coloris crocei, quem Menstruis Aquosis communicant; odoris levissimi, aromatici, ad Zinziber accedentis, sed debilioris; saporis mucosi, amaricantis, cui Acrimonia quædam admixta est, quæ in gutture tardè se explicat, sed extricata pertinax est. Ejus vires. Aqua & Spiritu Vini Rectificato extrahuntur. Ex India Orientali adfertur. Pertinet ad Plantam LINNÆO *Curcumam foliis lanceolatis, nervis lateralibus numerosissimis* dictam.

Indis Condimento inservit: cibos flavedine tingit; hinc *Crocus Indicus* & *Crocus terrestris* aliquibus appellatur. Multus ejus usus est in Arte Tinctoria. In Medicina laudatur tamquam Incidens, Aperiens, Diureticum, Emmenagogum, & Partum Promovens Remedium; in Cachexia, Hydrope, Quartana Inveterata, Pulmonis

Morbis, & præcipuè in tollendo Ictero utilissimum. Urinam & Salivam affumentium colore tingit saturatè flavo.

CYANI Flores. *De blauwe Koornbloemen.*

CYDONIA MALA & eorum Semina. *De Kweeappelen en hunne Karnen*

CYNOGLOSSI Radix. *De Wortel van Hondstong.*

Multis hæc Planta narcotica & venenata habetur : negant alii, & omni scelere absolvunt : Experimenta ab utraque parte adferuntur, quæ neutri adhærere sinunt : repetenda itaque & multiplicanda sunt Tentamina , ut aliquid certi statui possit. Interim carere possumus.

CYNOSBAMOS, seu CYNORRHODOS Flores, Fructus & Spongia. *De Bloemen, de Vruchten en Spons van de Hondсроos of wilde Roos.*

DACTYLI. *Daadels.*

Sunt Fructus *Palmæ majoris Dactyliferae* , Arboris omni ferè sua parte utilissimæ, quæ in variis Regionibus Orientalibus singulari & admirando prorsus Naturæ Beneficio sponte crescit : colitur quidem in Meridionali & Occidentali Europæ parte , sed ejus Fructus ad debitam maturitatem non pervenit. Optimi adferuntur ex Syria, Ægypto, & Regno Tuncetano : oblongo rotundi sunt, magnitudinis Prunorum majorum : pelliculam habent exteriorem fulvam, rugosam, tenuem, quæ Pulpam includit ex rufo flavescens, viscidam, melleam, vinosam; in qua Officulum continetur convexo planum, oblongum, albidum, sulco notatum.

In Ægypto aliisque Regionibus, quibus *Palma major* indigena est, Nutrimeto inserviunt, ut integræ Familiæ & multi Itineratores illis folis vescantur. In Usu Medico scribuntur possidere Vires

Demulcentes, Inspissantes, & leviter adstringentes: hinc præcipuè in variis Morbis Pectoris utiles.

DAUCI CRETICI Semen. *De Zaaden van Krooten van Creta.*

DAUCI SYLVESTRIS Semen. *De Zaaden van wilde Krooten.*

DENS LEONIS, vide TARAXICUM.

DICTAMNI CRETICI Folia. *De Bladeren van Cretische Dictamnus.*

Sunt Folia Plantæ, quæ TOURNEFORTIO *Dictamnus Creticus tomentosus latifolius* dicitur, & Origani species videtur: crescit copiosissimè in Insula Candia, in Dalmatia & Morea: omnis, quæ apud nos prostat, ex Italia adfertur: Planta ægrè fert hiemes nostras: folia tomentosa sunt; odoris fragrantis; saporis calidi, acris, aromatici, subastringentis: recentia multum Olei Essentialis largiuntur.

Vires Aromaticæ, Alexipharmacæ, Expectorationem Juvantes.

DORONICI ROMANI Radix. *De Wortel van Zwindel, of Duizelkruid.*

DORONICUM GERMANICUM, vide ARNICA.

DULCAMARÆ, seu SOLANI SCANDENTIS Herba & Radix. *Het Kruid en de Wortel van houtagtige Nagtschaduw, of Bitterzoet.*

A sapore suo primùm dulci, dein amaro & acri nomen recipit: pertinet ad Venena Stupefacientia secundum aliquos Authores: Experimento a CELEB. FLOYERO capto canis, qui triginta baccas comederat, intra tres horas periit: reliquis Solanis tamen mitius agere certum est; ut etiam CELEBERRIMUS HALLERUS innocuum Medicamentum pronunciaverit. Stipitum uncia una, vel duæ in libra Aquæ decoquuntur, & pro Dosi adhibentur; sed salvis Viribus longam Decoctionem non ferre scribuntur. Laudantur in Phthisi Humoribus necdum colliquatis, in Contusionibus ad resolvendum

stagnantem alicubi Sanguinem, in Luc Venerea, Ictero, Arthritide vaga &c. Urinæ & sudoris secretiones juvant; plerumque per alvum agunt.

EBULI Folia, Cortex, Radix & Baccæ. *De Bladeren, Bast, Wortel en Vrugt van Hadig, of laage Vlierboom.*

EBUR. *Ivoir.*

Sunt duo magni illi Dentes Elephantis, qui utrimque ad latus Proboscidis proveniunt: ad quinque, sex, imò decem pedum longitudinem excrescunt: a Basi ampliori concava, ad Cuspitem solidissimam adsurgunt; eadem fere producta dant, & easdem omnino Vires possident, ac Cornu Cervi. Ebur ad albedinem ustum *Spondium* vocatur.

ELATERIUM, vide CUCUMIS SYLVESTRIS.

ELEMI GUMMI. *Gomelemi.*

Est Substantia, quæ in Brasilia & Nova Hispania stillat ex Arbore Incolis *Icicariba*, Botanicis *Elemifera* dicta: adfertur in massis foliis arundinaceis ordinariò inclusis: coloris est albescentis, subflavi, cui aliquid viridescentis immixtum est; aliquantulum pel- lucida est; odoris proprii, fragrantis, ad Fœniculi odorem acceden- tis: saporem præbet subacrem, amaricantem, balsamicum: inter digi- tos subacta pinguis videtur, lentescit, & leni calore ductilis fit: inflam- mabilis est: solvitur tota Alkohole; exigua omnino portio Aqua: Olei Essentialis Odorati unam decimam sextam largitur: patet hinc Sub- stantiam hanc perperam Gummi dictam Resinis annumerandam esse.

Externè adhibetur tamquam Vulnerarium, præcipuè in Partium Nervosarum & Tendinum læsionibus: usus internus hætenus nul- lus; asserunt tamen aliqui egregium esse Remedium in Ulcera- tionibus Internis, & pauca ejus grana tussis sedare. Asserta hæc nova Tentamina confirmant.

ENDIVIÆ Folia , Radix. *De Bladeren en Wortel van Andivie.*

ENULÆ CAMPANÆ , seu HELENII Radix. *De Galantwortel of Alantwortel.*

Hæc Radix satis nota ob Aroma quod possidet Decoctionem salvis Viribus non fert : multæ ejus Vires Aqua ; omnes Spiritu Vini extrahuntur : Distillatione humida Oleum Essentiale largitur , quod sub Flocculorum alborum forma , & ferè instar Spermatidis Ceti foliaceum ascendit , & Aquæ innatans , aut Receptaculi collo adhærens concrevit.

In Morbis Mucosis , Frigidis , & speciatim in Chlorosi præstans est Remedium.

EQUISETI , seu CAUDÆ EQUINÆ Herba. *Het Kruid van Paarde-staart.*

ERUCÆ Semen. *De Zaaden van Rakette.*

ERYNGII Radix. *De Wortel van Duivels Naagaren , of Zee Kruisdistel.*

ERYSIMI Folia. *De Bladeren van Heeschkruid of edele Rakette.*

EUPATORII CANNABINI Folia. *De Bladeren van Koninginnekruid of Boelkenskruid.*

EUPHORBIIUM. *Euphorbium.*

Ex Incisa Planta , Africæ Indigena , Tithymali specie , quæ *Euphorbia aculeata* , *nuda* , *multangularis* , *aculeis geminatis* LINNÆO dicitur , Succus lacteus , acerrimus exstillat , qui sponte inspissatus sub *Euphorbii* nomine ad nos transfertur. Grana , seu guttæ sunt diversæ figuræ & magnitudinis , extus plus minus flavicantes , intus magis albæ : plerumque cavæ sunt , vel Plantæ aliquam particulam includunt : saporis sunt acerrimi , caustici , pertinacis , nauscosi :
dum

dum diutius in Ore retinentur Linguam & Guttur inflammant: odorem vix ullum præbent; inter contundendum tamen muniendæ nares sunt contra pulvisculum volatiliorem: Errhinum enim est fortissimum. Substantia hæc in Igne liquecit, & inflammabilis est: constat partibus ferè æqualibus Resinæ & Gummi, solviturque tum Aqua, tum Spiritu Vini Rectificatissimo: Tinctura Spirituosa fervidissima, ignea est; Aquea debilis: ut hinc pateat urentem Acrimoniam præcipuè in Resinosa Parte hæerere.

Corpori externè applicatum Vesicans, Erodens est: patet hinc quam suspectus sit ejus usus internus: aliqui tamen in Hydrope aliisque Morbis Frigidis tamquam fortissimum Hydragogum commendant: infausi eventus ab Observatoribus hinc indè notati nova tentamina vetant. Prudenter adhibitum inter Errhina locum retinere potest: Oleo solutum laudatur externè adversus Tumores duros, & pulvis Ossi carie exeso a Chirurgis inspergitur ad promovendam Exfoliationem.

EUPHRASIE Folia. *De Bladeren van Oogentrooft.*

FABÆ STI IGNATII. *De Boonen van St. Ignatius.*

Ita a R. P. CAMELLO Jesuita, qui primus harum Fabarum videtur meminisse, appellata sunt viginti quatuor Semina, quæ in Fructu Plantæ in Insulis Philippinis crescentis, & Incolis *Cantara*, vel *Catalongay* dictæ, reperiuntur. *Igasur*, *Fabæ Indicæ* & *Fabæ febrifugæ* etiam vocatæ sunt: nuclei sunt subrotundi, nodosi, Nuccem Avellanam ordinariò magnitudine æquantes; illa quandoque majores; durissimæ & Corneæ quasi Substantiæ; coloris glauci, & saporis amarissimi.

Si Authori fides Incolæ Insularum Philippinarum Fabas has omnibus fere Morbis opponunt: ad nos delatæ in debellandis Quartanis, promovendis Menstruis, & roborandis Digestionis Organis

apud aliquos famam consecutæ sunt : plures tamen non infimæ notæ Medici, inter quos eminet BOERHAAVIUS, illas credunt viribus proximè ad Nucem Vomicam accedere : adeoque earum usum non omnino tutum esse : nec defunt qui illas Vomitum, Catharism, Tremores, Risum Sardonicum aliaque pessima Symptomata asserunt produxisse.

FARFARÆ seu TUSSILAGINIS Flores & Folia. *De Bladeren en Bloemen van Hoefblad of Paardschlaauw.*

FERRUM, CHALYBS, MARS Chemicorum. *Izer, Staal.*

Est omnium Metallorum durissimum & maximè elasticum, id præ reliquis omnibus hætenus cognitis Substantiis particulare habens, quod a Magnete attrahatur, & ipsum Vi Magnetica infici possit : sonorum est, ductile, tenax & difficillimè fusibile : oëties ferè Aqua specificè gravius est : hinc excepto Stanno reliquis Metallis levius. Aquâ solâ, non mutata ejus natura, dividi & attenuari potest in Pulverem nigrum, subtilissimum, *Æthiopem Martialem* dictum : sed unitis Aquæ & Aëris viribus decomponitur, Phlogisto orbatur, & mutatur in Calcem flavam, *Rubiginem*, & *Crocum Martis aperitivum* dictam : continuata Ignis violentia eandem mutationem subit, & Calcem producit *Crocum Martis adstringentem* appellatam. Omnibus Metallis, exceptis Plumbo & Mercurio, uniri potest. Solvitur omnibus Acidis, quin imò omni ferè sale : solutiones Acido Vitriolico & Spiritu Salis Marini fiunt cum vehementi effervescencia, & Gas emittunt inflammabile. Majorem reliquis Metallis cum Sulphure Affinitatem habet : hac unione ejus Fusibilitas juvatur : duæ hæ Substantiæ via humida agunt in invicem cum vehementia, Inflammatione, & se mutuo decomponunt. Fusione, vel Cementatione, separatis refractariis, heterogeneis, & aucta Phlogisti copia ex Ferro fit Chalybs ; Ferrum nobilius, durius, magis elasticum ; hinc in Mechanicis, sed non in Medicina, multum pretiosius.

Cum hoc Metallum tam variis Substantiis , & tam facilè decomponatur rarissimè invenitur sub Statu Metallico , seu Nativum ; sed Terra ejus Metallica , quæ scilicet addito Phlogisto Ferrum constituere apta est , ferè ubique non solum in Terræ Visceribus , sed etiam in pluribus Vegetabilibus & Animalibus reperitur : vix Regio datur , quæ suas Ferri mineras non habet : aliis Mineralibus , Metallis , Semimetallis , pyritibus ordinariò immixtum eruitur.

Præsentia hujus Metalli aliis Pulveribus immixti cognoscitur Magnete ; in Liquore aliquo dissoluti , Nucibus Gallis , aut aliis Adstringentibus , quæ liquorem nigricant ea proportionè , qua Ferrum continet ; vel certius & universaliùs addendo Liquori Alkalinum Phlogisticatum Cærulei Borussici Lixivium : cum enim ferrum basis sit hujus cærulei , si Lixivium antequam liquori addatur Acido saturetur , Cæruleum Borussicum ea proportionè præcipitabitur , qua Liquor Ferrum continebat.

Ferri introsumpti primaria Virtus Medica videtur fibris robur addere , quo validius reagant in contenta liquida : sub ejus usu observamus pulsum majorem , celeriores fieri ; corpus incalescere : adeoque Circulum manifestè intendi , Secretiones & Excretiones juvari , & Sanguificationem pulchrè instaurari , ut pallidis antea vividus sensim redeat faciei color. Ob hos effectus , quos tutissimè producit , præstantissimum est Remedium in Morbis Mucosis , Pallore Cachectico , Chlorosi , Mensum defectu & omni Morbo , qui dependet a debiliore Actione Solidorum. Optimæ ejus præparationes sunt Limatura subtilissima & Æthiops Martialis , dum Acidum in primis viis , quo dissolvi possint abundat : hoc deficiente , Acido , aliquo Vegetabili solutum debet exhiberi : sub ejus usu ergo cavendum ab Alkalinis : Solutio & Vis juvandæ Corporis Exercitio : Solutionis indicia statuuntur ructus nidorosi & Fæces Alvinae nigrae. Croci , quorum distinctio in Aperientem & Adstringentem frivola est , minus humoribus nostris solubiles sunt , & sortè non subigun-

tur, nisi Phlogisto in primis viis exiſtenti uniantur, quod quandoque fieri Fæces Nigræ ſub eorum uſu videntur probare.

Martialia nocent in Morbis a fibra rigida; Phthiſicis, Pletoricis, Bilioſis, Scirro Laborantibus &c.

FILIPENDULÆ Radix. *De Wortel van roode Steenbreken.*

FILICIS MARIS Radix. *Be Wortel van gemeene Mannetjes Vaaren.*

Planta *Polypodium Filix Mas* LINNÆI; CASPARIS BAUHINI *Filix non ramoſa, dentata* eſt: Radix fibroſa, extus nigra, intus ruſa, ſaporis adſtringentis jam a GALENO adverſus Vermes laudata fuit: HOFFMANNUS hanc vim confirmat, & aſſerit tres ejus dragmas ex Aqua Muſa exhibitas præſtantiffimum eſſe Antihelminticum. Non obſtantibus his Teſtimoniis parcior ejus uſus erat; donec in Gallia Regio Juſſu Arcanum NOUFFERIANUM adverſus Tæniam in publicum prodiret: En in quo conſiſtat: poſt levem cœnam, ſummo mane ægro tres hujus Radicis dragmæ ex quinque vel ſex unciiis Aquæ Diſtillatæ exhibentur: poſt elapſas duas horas aſſumat Bolus ſequentem

Rec. Panac: Merc:

Reſin: Scammon: Alepp: ana gr xij.

Gumm: Guttae gr v

Redigantur in Pulv: ſubtiliſſ: & cum f: q:

Conf: Hyacint: f: Bolus

Omnium Doſis augetur, vel minuitur pro Ægri Ætate & Viribus. Reliquas cautelas vide in Medicinæ Diario pro Menſe Septembri 1775.

FOENICULI DULCIS Semen. *De Zaaden van zoete Venkel.*

FOENICULI VULGARIS Folia, Radix, Semen. *De Bladeren, de Wortel en het Zaad van gemeene Venkel.*

FŒNI GRÆCI Semen. *Het Zaad van Grieksch Hooi, of Fenegriek.*

FRAGARLÆ Folia & Fructus. *De Aardbeziën en der zelve Bladeren.*

FRAXINI Cortex. *De Bast van den Esfenboom.*

FULIGO Lignorum Combustorum. *Roet van Hout; Bitter.*

Est Aggregatum omnium illorum, quæ vi Ignis sub Lignorum combustionem in Fumum redacta sublimantur, dein ad frigidos Caminæ parietes condensantur: coloris est nigri, splendentis; odoris fortis, ingrati; saporis acris, amari, empyreumatici: pro diverso Ligno diversa est: in genere distillata præbet Alkali Volatile, & Oleum Empyreumaticum: continet magnam partem Ligni ob Aëris contactûs defectum non combustam; hinc inflammabilis est: Vires extrahuntur tam Aqua, quam Spiritu Vini Rectificato: utrumque Menstruum unam sextam, secundum alios unam quartam partem solvit: Tincturæ rufæ sunt.

Externè commendatur ab aliquibus contra Scabiem, Tineam & Ulcera maligna: internè inter Antispasmodica, & speciatim inter Antihysterica locum obtinuit: Tinctura Spirituosa laudatur ab aliquibus tamquam Excellentissimum Diaphoreticum in Arthritide Vagatillissimum.

FUMARLÆ Folia. *De Bladeren van Duivekervel.*

GALANGÆ MAJORIS, & MINORIS Radix. *De Wortel van groote en van kleine Galanga.*

Radices nodosæ sunt, Circulis distinctæ; extus rufæ, intus pallidiores; odoris aromatici, ad Camphoram accedentis; saporis acris, calidi, piperati: MAJOR pollicis circiter crassitiem habet: MINOR, quæ odoratior, sapore fortior, & ideo sola in usu, prostat in frustis pollicem longis, semipollicem crassis. Vires, quæ in par-

tibus fixis videntur hæcere , partim Aqua , integræ Spiritu Vini Rectificato extrahuntur.

Reliquorum Aromatum effectus edunt : stomachicæ & uterinæ præcipuè creditæ sunt : masticatæ laudantur ad Linguae Paralyfim.

GALBANUM. *Galban.*

Est Succus concretus gummeo-resinosus , qui ex incisa Planta Ferulacea , quæ Africae Indigena est , & TOURNEFORTIO *Oreoselinum Africanum Galbaniferum* dicitur , stillat. Adfertur in Massis , quæ constant Lacrymis albis , flavis , rufis , vel ferrugineis : præfertur constans granulis albis , splendentibus & fere pellucidis : odoris est proprii , foetidi , gravis , latè se disseminantis , ferè ad Opoponacem accedentis ; saporis subacris , amaricantis : lentum , minimo calore ductile & inflammabile est : Oleum Essentiale ad unam vigesimam circiter sui ponderis largitur : pars ejus Aqua solvitur ; major pars Spiritu Vini Rectificato : integrè solvitur in Menstruo constanti duabus partibus Spiritus Vini Rectificati & una parte Aquæ : bene subigitur Vitello Ovi , Melle , Bile & Syrupis.

Galbanum internè datum ferè easdem , ac Gummi Ammoniacum , Virtutes possidet ; sed ob Vim magis Stimulantem & Calefacientem minùs laudatas : in majori dosi exhibitum Alvum laxat : numeratur inter Antihysterica. Extus ob Vim Emollientem , Maturantem & potenter Resolventem ad Tumores Duros , Scirrhoideos ; Clavos Pedum &c. : ob Vim Sedantem , Antispasmodicam aliquando cum effectû Hystericarum Umbilico imponitur , & CELEB. QUARIN Emplastro ex Galbano & Camphora Nuchæ applicato Sureditatem post Febrim Ardentem relictam asserit curari.

GALEGÆ Folia. *De Bladeren van Geitenruit.*

GALLÆ. *Galnooten.*

Corpora hæc satis nota , quæ plerumque inter Fructus referuntur , propriè Quercûs Excrecentiæ morbosæ sunt : Animalculum

etenim Insectum, *Cynips Quercus Folii* LINNÆO dictum, folia & teneriores dictæ Arboris partes aculeo, quo cauda armata est, vulnerat, & Ovum in vulnere deponit: humores ad vulnus copiosiores allati in Tumorem illum *Gallam* dictum excrescunt, dum interim ex deposito Ovulo Vermis excluditur, qui deinceps, dum vita & vires finunt, Carcerem erodit, & Foramen relinquit.

Gallarum vis, ut sapor, fortiter adstringens: antisepticam Virtutem majorem possident, quam Sal Marinus: hinc externè ad Ulcera Putrida & Morbos Topicos a Solidorum relaxatione pendentes ab aliquibus adhibentur: usus internus jam vix ullus.

GALLII Folia. *De Bladeren van onzer lieve Vrouwe Bedstroo.*

GAMBOGIA, seu GUMMI GUTTA. *Gambog, Gomgut.*

Substantia hæc, quæ etiam *Gutta Gamba, Gutta Gambodia & Gummi de Goa* vocatur, est Succus inspissatus gummeo resinofus, qui præsertim in China, Camboia & Ceylon stillat secundum aliquos ex incisa Arbore pomifera Indis *Coddampulli* dicta; secundum alios e *Tithymalo* Scandenti. Coloris est crocei, vel aurantii; dum diffringitur, splendentis; odoris vix ullius; saporis primò resinofi; per horam in ore detenta, acris, calidi, pertinaciter guttur exsiccantis. Quinque ferè partes solvuntur in Spiritu Vini Rectificato; magna etiam pars Aqua: posterius Menstruum Sale Alkali acuaturn solvit totum, & Tincturam efficit rubicundam, pellucidam: promptissimè & integerrimè solvitur Spiritu Salis Ammoniaci Dulci Pharmacopœæ Londinensis, & Tinctura hæc tam Aquæ, quam Spiritibus miscibilis est.

Gambogia, cujus vires in Resinosa parte præcipuè hærent, Hydragogum est violentissimum; si in majori dosi adhibetur sursum etiam purgans: qui eam præscribunt hanc Violentiam corrigere passim annuntuntur particulas resinosas dividendo Trituratione cum Saccharo, vel Sale Lixivioso: tutior foret solutio. A granis qua-

tuor ad decem, vel quindecim in curando Hydrope ab aliquibus laudatur; dum alii periculofissimum Medicamentum omnino non adhibendum judicant. Bolum purgantem pro expellenda tænia methodo Noufferiana ingreditur. Vide FILIX MAS.

GENISTÆ Folia, Flores, & Semen. *De Bladeren, Bloemen en Zaa-*
den van Brem, of Ginft.

GENTIANÆ Radix. *Gentiaaniwortel.*

Inter Febrifuga & Antihelmintica numerata est: Primas Vias pulchrè roborat, & vi pollet antiseptica. Vires meliùs Spiritu Vini, quam Aqua extrahuntur.

Aliquibus abhinc annis, prout in Pharmacopœa Londinensi refertur, Radicibus Gentianæ e Germania in Angliam allatis Radices aliæ venenatæ, externis dotibus Radices Gentianæ æmulantes, intermixtæ repertæ fuerunt: summas turbas, Morbos, imò Mortem aliquibus infelicibus earum usus intulerat: levi examine poterant dignosci: intus enim albæ erant, & nulla Amaritie instructæ; dum Gentianæ Radices flavæ sunt, & amarissimæ. Ex infausto hoc casu discant Pharmacopœi ab exteris allata Medicamenta scrupuloso examine prosequi.

GINSENG, vide NINSING.

GLYCYRRHIZÆ, seu LIQUIRITIÆ Radix. *De Wortel van Zoet-*
hout.

Est Radix Plantæ, quæ DODONÆO *Glycyrrhiza vulgaris*; LINNÆO *Glycyrrhiza leguminibus glabris, stipulis nullis* dicitur: sponte crescit in Italia, Hispania & omni Europa Meridionali: colitur in Gallia, Anglia, Germania & præsertim Agro Bambergensi: qui eam colunt suas Radices Exoticis præferunt, quia hæ mucidæ, situ corruptæ, vel non satis recentes advehi solent. Pulveri Liquiritiæ ab Exteris allato sæpe Farina admixta est.

In Hispania ex his Radicibus in Aqua coctis & expressis; Decocto dein Evaporatione inspissato, & in Sole ficcato fit Succus LIQUIRITIÆ, qui, si adustus, in Aqua non integrè solubilis, vel in Ore non totus deliquescens, rejici debet.

Ob Vim demulcentem, & Expectorationem juvantem, quam feliciùs quam varia magni nominis Medicamenta exercet, adhibetur in Morbis Pectoris & Renum: ob Vires saponaceas sitim sedantes meliùs, quam Saccharum, Potuum, vel Medicamentorum edulcorationi infervit: in hunc usum nocet Coctio protractior, quæ Amaritiem extricat.

GRAMINIS CANINI Radix. *Graswortels, de Wortels van Hondsgras.*

GRANATI Cortex, seu MALICORIUM. *De Schel van den Gra-naatappel.*

GRATIOLÆ seu DIGITALIS MINIMÆ Folia & Radix. *De Blade-ren en Wortel van Godsgenade of kleinste Vingerhoedskruid.*

Folia saporis amari, nauseosi sunt: ad Dragmam dimidiam in Pulvere, vel a Dragma una ad duas in Infuso validè Alvum & sæpe Vomitus movent: idem eadem ferè Radicis dosis efficit: aliqui hanc Plantam Foliis Sennæ & Radici Jalappæ substituere volunt.

GUAJACI Lignum, Cortex, Gummi. *Het Hout, Bast en Hars van Guajacboom, of Pokhout.*

Est Lignum Arboris in America Meridionali crescentis, quæ LINNÆO *Guajacum foliis bijugatis obtusis* dicitur: compactum est, ponderosum, resinosum; coloris fusci, nigricantis, vel viridescen-tis; odoris resinosi, non ingrati; saporis aromatici, stimulantis, amari; cingitur Alburno flavescente, quem tegit Cortex tenuis, extus griseus, e variis squammis efformatus; saporis & odoris ferè ejusdem ac Lignum. Aqua diuturna coctione, præcipuè dum

Sale Tartari acuata est, multas vires tam e ligno, quam e cortice extrahit, Spiritus Vini Rectificatus omnes.

Ex incisa Arbore GUMMI stillat, quod, cum tres quartas partes resinofas habeat, potius RESINÆ nomine insigniendum est: prostat nobis sub frustis irregularibus, quibus Corticis particulae hinc inde adhærent: colorem habet fusciorubicundum, quandoque viridescentem: friabile est, inter dentes tenax & saporem præbet acriorem, quam Lignum & Cortex, quorum vires ab hac potissimum parte pendent: in igne liquefit, inflammabile est, & accensum odorem spargit ad Balsamum Peruvianum accedentem. Integrè Spiritu Vini Rectificato solvitur, sed Tinctura additâ Aquâ grumescit, & separatur resina. Aqua Calcis Tincturam fortem Aquæ optimè miscibilem extrahit.

Lignum tamquam specificum Antivenereum circa annum 1508. ex America, unde paulò ante Morbus, in Hispaniam allatum est: ejus decoctum Indigenas hoc Morbo certissimè scribebatur liberare: captis in Europa Experimentis magna hæc spes pro magna parte evanuit, & constitit Vires possidere in genere Stimulantes, Attenuantes, Diaphoreticas & Diureticas: adeoque in Morbis ab abundantiori Sero, ab Humoribus Viscidis & ab Acrimonia eisdem irritata utile esse Medicamentum. Ob easdem generales virtutes in Morbis Venereis Inunctionibus Mercurialibus aut jungitur, aut immediatè post eas adversus residua Symptomata feliciter adhibetur: quin imò in desperatis quibusdam casibus, ubi Mercurii vis nihil amplius valet ULRICI HUTTENI methodo præscriptum mira quandoque efficit, & nullo alio Remedio expectanda. Laudatur præterea in omnibus Morbis a suppressâ, vel impedita Perspiratione, dum metus Inflammationis abest, & cum Lacte sumptum ob virtutem balsamicam & resolventem etiam Tabidos scribitur curasse.

Cortex, quidquid alii velint, easdem omnino vires possidet, ac Lignum; sed utroque efficacior Resina est, & fortè sola,

cum aliarum Arboris partium vires ab illa pendeant, adhiberi posset.

LIGNUM SANCTUM, quod, utpote coloris flavescentis & texturæ rarioris, aliqui diversum statuunt, ejusdem Arboris, sed junioris, productum est: ut etiam nomina jam confundantur.

GUMMI ARABICUM. *Arabische Gom.*

Stillat in Ægypto & Arabia ex *Acacia vera*, seu *foliis scorpioidis* dicta: adfertur in granis ad figuram rotundam accedentibus, extus scabris; variæ magnitudinis, ut quandoque Juglandem superent; coloris albi, flavi, pellucidi; odoris nullius; saporis fatui, viscosi. Solvitur integre Aquâ, quam in Mucilaginem inspissat: ex hac Dissolutione ab Alkali dejicitur. Nec Spiritu Vini, nec Oleis se solvi patitur. Raro apud nos prostat: ei substitutum est GUMMI SENEGALENSE e Guinea allatum, ejusdem omnino indolis & usus; & quod sola Patria ab Arabico videtur differre.

Ob Mucilaginem insipidam demulcentem, in quam aquosis Menstruis resolvitur, convenit, ubicumque tenues Humores inspissandi, Acre obvolvendum, aut Mucus naturalis abrasus restituendus est. Camphora, Moschus, varia Olea & Resinæ ejus intermedio Aquæ misceri possunt. Nutriens est.

GUMMI CERASORUM. *De Gom van den Karsenboom.*

Viribus cum præcedenti omnino convenit.

GUMMI TRAGACANTHÆ. *De Gom van Tragacanth.*

Stillat ex inciso Frutice, qui in Europa Meridionali crescit, & *TOURNEFORTIO Tragacantha cretica incana flore parvo, lineis purpureis striato*; *LINNÆO Asragalus caudice arborecente, petiolis spinulentibus* dicitur: adfertur in Lacrymis, quæ partim grana seu grumos exhibent; partim Vermium, vel Filamentorum in se retor-

torum figuram habent: coloris est albi, flavescentis; aliquando rufi, vel nigricantis; & tunc rejiciendum: odorem nullum præbet: in Ore lentescit, Mucilago fit, & saporem habet subdulcem, fatuum: in Aqua intumescit, integre solvitur, & eam multò magis inspissat, quam Gummi Arabicum: Dragma enim una Libram Aquæ ad Syrupi consistentiam reducit, quod Uncia dicti Gummi non potest.

Viribus medicis a Gummi Arabico non differt.

HÆMATITES Lapis. *Bloedsteen.*

Est meracissima Ferri Minera, quæ in Hispania, Suecia, Norwegia, Hassia &c. cruitur: Substantiam exhibet duram, ponderosam; coloris obscurè rubri, ferruginei, vel nigricantis; odoris ferè nullius; saporis terrei, subadstringentis: dum frangitur strias, seu fibras exhibet ferè ut Lignum: hinc *Ferrum Scissile* dicitur: a Magnete non attrahitur: cum Acidis non effervescebat. Ex Libris viginti quatuor addito Phlogisto quandoque novemdecim Libræ Ferri fiunt.

In Hæmoptoe, Vomitu Sanguinis & Mictu Cruento, Verbo in sistenda omni Hæmorrhagia famam olim habuit: eo processerat Præjudicium, ut etiam manu detentus, aut collo appensus id efficere posse crederetur: fortè nomen, quod procul dubio a colore acceperat, errorem induxit. Id saltem certum est hanc Virtutem Experimentiâ non probari, sed ea constare hunc Lapidem viribus medicis ad Crocum Martis accedere. Externè tamquam ficcans ad Ulcera commendatur, & in hunc finem quædam Emplastra ingreditur.

HEDERÆ ARBOREÆ Folia, Baccæ & Resina. *De Bladeren, Bezien en Hars van Boomveil.*

Resina depilatoriam virtutem possidere Veteribus credita est. Apud nos tamquam Stypticum & Traumaticum Emplastra aliqua ingreditur. Baccæ ex Aceto potæ in Peste Londinensi, tamquam

Prophylacticum, quod per Diaphoresim susceptum Miasma expellere aptum esset, famam habuerunt. Folia in pulvere exhibita ab aliquibus laudantur ad Atrophiam Infantum. Deligandis Fonticulis inserviunt. Pro ultimo hoc usu retineantur; sed timor est, si Observationis Lumen accesserit, ne reliquæ omnium partium Vires Medicæ evanescant.

HEDERÆ TERRESTRIS Folia. *De Bladeren van Aardveil.*

HELENIMUM, vide ENULA CAMPANA.

HELLEBORI ALBI Radix. *De Wortel van witten Helleborus, of wit Nieskruid.*

Est Radix Plantæ, quæ in Græcia, Italia, Helvetia, Germania &c. sponte crescit, & aliquibus *Veratrum album*; aliis *Helleborus albus flore subviridi* dicitur. Oblonga est, tuberosa, fibrosa, pollicem circiter crassa; coloris extus fusci, vel fusco nigricantis; intus albi: odorem nullum præbet; saporem amaricantem, nauseosum, acrem, calidum, Os & Guttur, dum diutius retinetur, inflammantem. Vires partim Aqua, omnes Spiritu Vini Rectificato extrahuntur.

In parcissima dosi sursum & deorsum violentissimè purgat: pulvisculus sub contusione evolans visus est Adstantibus Alvum turbasse: cuti applicata idem præstat: imprudens ejus usus tam sæpe Convulsiones aliaque pessima Symptomata; quin imò Mortem produxit, ut inter Venena constanter numeretur: Succum vulneri inditum omni Animali Mortem inferre, & illo aliquas Gentes Tela olim tinxisse plures Authores narrant. His non obstantibus non solum in minima dosi tamquam Alterans, sed etiam a granis sex ad scrupulum unum in Mania & Melancholia aliisque desperatis casibus, ad evacuandam præcipuè Atram Bilem, cum successu ab aliquibus adhibita est: veremur tamen, ut pauci felices casus periculum & infortunia, quæ apud Observatores ab ejus usu passim

occurrunt, compensent; & ob hunc timorem, licet ejus Virulentia Acidis Vegetabilibus corrigi dicatur, a prudentioribus Medicis e Medicamentorum classe excluditur. Aliis pulveribus immixta locum inter Sternutatoria retinere potest; ut etiam pulvis ejus in pollinem redactus, & Linimento immixtus ad Pforam, Tineam & Scabiem, ad quos Morbos ab aliquibus laudatur, adhiberi.

HELLEBORI NIGRI Radix. *De Wortel van zwart Nieskruid.*

Pertinet ad Plantam, quæ, quamvis idem nomen gerat, quod ignaris posset imponere, a præcedenti distinctissima est: sponte crescit in Helvetia, Austria, Styria &c.: colitur in hortis nostris: DODONÆO *Veratrum nigrum*; aliis *Helleborus niger flore roseo* dicitur. Radicem sistit, quæ e crasso capitulo, seu bulbo numerosas fibrillas extus nigras, intus albidas, ipso bulbo efficaciores, emittit: dum recens est odorem præbet subaromaticum, gravem; saporem amarum, nauscosum, calidum & adeo acrem, ut, dum per aliquot minuta masticatur, Lingua afficiatur stupore & sensu, ac si ab aliquo nimium actu calido adusta foret. Tinctura Aquosa mitis est; Spirituosa omnem ferè Radicis Acredinem possidet.

Collegium Londinense suavit, ut constanter nigerrima pro usu eligatur: hac cautela cavere voluit, ne suspectæ Hellebori species, quin imò ipsæ Aconiti Radices, ut aliquando evenit, Helleboro nigro substituerentur.

Veteres frequentissimè hanc Radicem tamquam Medicamentum validè Atram Bilem educens adhibuerunt: nostra tam parum id efficit, ut aliqui inter Purgantia ei locum denegent: meritò ergo dubitatur, quid Veterum Helleborus fuerit: id certum videtur, illorum Helleborum aut Album, aut a nostro Nigro omnino diversum fuisse. TOURNEFORTIUS speciem in Oriente detexit, quam *Helleborum Nigrum Orientalem*, amplissimo folio, caule præalto, flore purpurascente vocavit, & cujus Radicis scrupulum unum Convulsiones

excitare scribit. Hunc Veterum Helleborum esse ideo præcipue credidit, quod in Insula Anticyra, hac Planta olim celebri, crederet.

Qui omnibus his dubiis addere volet pro diversa Patria vires Hellebori differre; dein hujus Medicamenti usum, quia multis aliis certioribus supplere possumus, admodum apud nos esse neglectum, is minus mirabitur confusam esse integram hujus Radicis Historiam: ita ut pro eruenda veritate nova tentamina requirerentur. In eo interim maximus Authorum numerus convenit, Viribus cam ad Album accedere, sed longè mitius agere, atque in refracta dosi efficax alterans, attenuans & deobstruens esse Remedium: CELEB. FREINDIUS asserit ita exhibitum felicius, quam alia diuretica, in Hydrope urinas ciere: & efficacissimum esse Emmenagogum in Plethoricis, quibus Chalybeata nocent, CELEB. MEAD testatur. In similem scopum ejus Extractum BACHERI Pillulas ingreditur.

HEPATICÆ NOBILIS Folia. *De Bladeren van edel Leverkruid.*

HERMODACTYLUS. *Hermodaëtels.*

Est Radix Plantæ, quæ TOURNEFORTIO *Hermodaëtylus folio quadrangulo*; LINNÆO *Iris corollis imberbibus, foliis tetragonis* dicitur: ad figuram triangularem, seu cordiformem accedit: dura est, ab una parte compressa & sulco notata, ab altera convexa: coloris est extus flavi, intus albi; odoris vix notabilis; saporis subdulcis, viscosi, aliquantulum acris. Adfertur e Turcia.

Tamquam alterans, & vascula minima deobstruens adversus Morbos Arthriticos adhiberi, & Decoctis Antivenereis addi solet: vis leniter purgans ei tribuitur: alii omnem ei virtutem denegant, & inertibus Medicamentis annumerant. Fortè hæc opinionum diversitas utrimque fundata est, & pendet a diversa Radicis ætate; nam recens non solum Alvum sed & Vomitum scribitur ciere. Ut apud nos ordinariò proflat vix virtutem possidet.

HERNIARIÆ Folia. *De Bladeren van Duizendkoorn of Duizendgrein.*

HORDEI Semen. *Gemeine Garst.*

HORDEUM MUNDATUM seu DECORTICATUM. *Gepelde Garst.*

HORDEUM PERLATUM. *Paerlgarst.*

HORMINI SATIVI Folia. *De Bladeren van Tuinscharley.*

HYOSCIAMI ALBI Folia & Semen. *De Bladeren en Zaaden van wit Bilzenkruid.*

HYOSCIAMI NIGRI Folia & Semen. *De Bladeren en Zaaden van zwart Bilzenkruid.*

Folia habet oblonga, profundè incisa, foetida; præsertim dum inter digitos teruntur; saporis amari, acris, adversi & nauseosi. Semina parva sunt, rotunda, rugosa; odoris, dum recentia sunt, gravis; saporis oleosi, amari, acris & ingrati: multum Oleum per Expressionem largiuntur.

Utraque Species, eminentiùs tamen posterior, omnes partes venenatas, stupefacientes habet. Innumeris fide dignorum Medicorum Observatis constat eas in paulò majori dosi introsumptas Vertiginem, Sensuum Hebetudinem & Abolitionem, Infaniam, Furorem, Convulsiones, Somnum profundum & Mortem denique producere. Pessima symptomata a Seminum Fumo, vel Radicis Frustulo denti carioso in Odontalgia immisso secuta sunt: quin imò a Vapore solo, cum Emplastrum ex hac herba pararet, CELEB. BOERHAAVIUS Temulentiam passus est. A Foliis Ulceri applicatis visum est Delirium.

Non obstante hac infamia etiam hinc indè apud Veteres inter Artis auxilia locum invenerunt: solis noxis dein per plura sæcula celebres in Materiem Medicam reduxit CELEB. STOERCKIUS: hic, ut

ut plurimum aliarum venenatarum Plantarum, etiam Hyosciami Nigri usum internum tentavit: post multa pericula Foliorum Extractum, a grano uno sensim ad majorem dosim ascendendo, exhibitum commendat in vario Convulsionis & Epilepsiae genere: asserit dein se illud in Melancholia, Mania & Tussi sicca pulchro cum effectu exhibuisse. Alii celebres Viri laudant in Passione Hysterica, & CELEB. FOTHERGILL in Ulcere Viarum Urinariarum.

Externè, tamquam Anodyna & Resolventia, Folia Fomentationibus, vel Cataplasmatibus immixta adhibentur. Semen Oleum expressum habet aliquid proprii Anodynii.

HYPERICI Folia, Flores & Semen. *De Bladeren, Bloemen en Zaden van S. Jans-Kruid.*

Summitates floriferae hujus Plantae Spiritum Vini & intensius adhuc Olea expressa tingunt colore rubro. Ejus usus praecipue chirurgicus, vulnerarius est. Easdem vires possidet Oleum Infusione & Infolatione paratum. Ab aliquibus vires antihelmenticae ei tribuuntur, & famam olim habuit adversus Affectiones Hystericas, Hypochondriacas & Maniam: hinc barbaris Medicinae saeculis *Fuga Daemonum* appellata est: ignarum enim vulgus, dum symptomatum, quae satis mira quandoque in his Morbis se produnt, rationem reddere non poterat, ea Daemonibus adscribebat: Medici aliqui aut superstitiosi, aut qui hac fraude ignorantiam suam tegi gaudebant, errorem hunc intertinebant. Vilis haec secta necdum omnino periit.

HYPOCISTIDIS SUCCUS Inspissatus. *Het verdikte Zap van Hypocistis.*

In Turcia, Creta, Gallia Narbonensi &c. paratur, ut Acaciae Succus, e Planta Parasitica, quae Cisti Radici accrescit, & hinc *Hypocistis* aliquibus; LINNAEO autem *Asarum Hypocistis* dicitur. Substantiam siliit nigram, splendentem; saporis acidi, amari &

magis austeri, quam Acaciæ Succus, a quo præcipuè differt, quod integra ferè Spiritu Vini solvi possit.

Easdem cum Acaciæ Succo vires habet : hinc, si e Mithridatio & Theriaca ejeceris, usus vix ullus.

HYSSOPI Folia. *De Bladeren van Ysop.*

JACEÆ, seu VIOLÆ TRICOLORIS Folia: *De Bladeren van Penséekens.*

Vocatur etiam *Herba Trinitatis*. Vis demulcens refrigerans ei adscribitur. Infusum Foliorum nuper, tamquam Remedium Specificum, commendatum est adversus Crustas Lactæas & Tineam Infantum. Jam a longo tempore laudabantur ad eorum Motus Epilepticos: fortè dum a prædictis Eruptionibus repercussis pendent. Tentari meretur.

JACOBÆÆ Folia. *De Bladeren van St. Jacobskruid.*

Ab ignaris ad omnes Anginæ species tam internè, quam externè adhibentur: saporem tamen ingratum, amarum, acrem, adstringentem habent: hinc unicè Tumoribus frigidis & Anginæ serosæ videntur convenire.

JALAPPÆ, seu JALAPII Radix. *Jalap.*

Adfertur e Nova Hispania, & nomen ab ejus Oppido Xalapa, prope quod præcipuè abundat, accepit. Vocatur etiam *Mechoacanna nigra* & *Brionia Indica*. Pertinet ad Plantam Convulvuli speciem, quæ aliquibus *Convolvulus Americanus*; LINNÆO *Mirabilis*; CASP. BAUHINO *Solanum Americanum flore parvo* dicitur. Radix tuberosa, oblonga est instar raparum: recens intus alba est; succum fundit lacteum, & duodecim, imò plures libras ordinariò pondere æquat. Nobis adfertur in talcolas dissecta, fortiter siccata; coloris extus nigricantis, intus albidi, vel pallide flavescents, cum intermixtis Venis, seu Striis nigricantibus, resinosis: odorem præbet debilem; saporem in gutture subacrem, adversum. Talcolæ

compactæ sunt, tenaces & candelæ admotæ facilè Flammam concipiunt. His notis, ut etiam colore, a Brioniae Radicibus, quæ aliquando eis admixtæ repertæ sunt, facilè distingui possunt. Aqua dimidium ferè ponderis extrahit; Spiritus Vini Rectificatissimus duodecimam circiter partem. Proportio hæc pro diversa Jalappæ qualitate diversa est. Tinctura Aquosa debilis est, & potius per Diuresim, quam per Alvum agit: Spirituosa addita Aqua grumescit, & RESINAM deponit.

Pulvis hujus Radicis familiare & tutum, præcipuè pro subiectis pituitosis, Purgans & Antihelmenticum est: ut tenacitas resinosa imminuatur optimè cum Saccharo tritus præscribitur. In RESINA vis purgans præsertim hæret: dum mera tamen & in Substantia adhibetur, tormina potius & alia periculosa symptomata, quam Catharsim producit, quæ mala, quia pertinaciter sæpius Intestinorum parietibus adhæret, longo tempore aliquando protrahuntur. Ut dicta damna evitentur, & Solubilitas juvetur, Sapone, Vitello Ovi, Saccharo, vel Amigdalibus subigitur, & etiam in Emulsione propinatur: minùs torminosam sic & profusam Catharsim efficit. Bona etiam methodus videtur eam Spiritu Vini solvere, & addito aliquo Syrupo exhibere, vel hanc Resinam, loco Spiritus Vini Rectificati, Spiritu Vini simplici parare: ita enim magna Gummi pars extracta & Resinæ intermixta mitius Medicamentum constituit. Sed nonne omnibus his certius erit ab ejus usu omnino abstinere, & alia tutiora substituere? Suum cuique stet judicium; sed suademus prudentiam, & ut illi, qui præscribunt, curent, ut ab ipsis Pharmacopœis parata sit: quæ enim ab exteris adfertur aliquando Colophonia adulterata inventa est.

JAPONICA TERRA, vide CATECHU.

ICHTHYOCOLLA, seu COLLA PISCUM. *Fischlym.*

Est Colla e cute, ventriculo, intestinis &c. variarum Acipenseris Piscis specierum, præcipuè Husonis, in Muscovia excocta, &

evaporatione inspissata. Ante refrigerationem in Membranas tenues diducitur: tum in spiras cogitur, & exsiccat. Optima alba est, tenuis, pellucida, & quæ tota Menstruis Aquosis solvitur.

Ufus præcipuè mechanicus: demulcentem tamen, increffantem & obvolventem aquosis soluta Gelatinam præbet, quæ tam introsumpta, quam enematibus admixta, ab aliquibus laudatur in Diarrhæis & Dyfenteriiis: sed cum Gluten Animale fit, cautè adhibendum est, ubi metus putredinis adest. Emplastra quædam consolidantia ingreditur.

IMPERATORIÆ Radix. *De Meester-Wortel.*

IPECACUANHA. *Ipekuana.*

Duæ species indiscriminatim in usus medicos adhibentur, quæ, quamvis colore & patria differant, probabiliter ad eandem Plantam, *Violam* scilicet *Ipecacuam*, seu *loniceram caule procumbente, repente; foliis obversè ovatis, acutis, scabris* LINNÆO dictam pertinent. FUSCA, seu NIGRA, e Brasilia allata, Radices sinit parvum digitum longas, lineam & ultra crassas; variè flexas; rugis circularibus multum prominentibus notatas; coloris extus fusci, nigricantis; intus albi, vel flavi; odoris nullius; saporis leviter amari, subacris, nauseosi. Corticem habent proportionatè crassissimum, cujus Substantia dura, fragilis, resinosa est, & qui in Meditullio Nervum filiformem, ligneum, fibrosum, tenacem locatum habet. CINEREA, seu GRYSEA, Peruviana, Radices exhibet crassiores, minùs rugosas & minùs flexas coloris cinerei, vel pallidè fusci; reliquis dotibus Ipecacuanhæ fuscae omnino similes. Adjectis Apocyni Radicibus aliquando adulteratur: fraus e dictis detegi potest.

Præter duas has species, tertia, ALBA ab Authoribus describitur: lignosa est, æqualis, nulla amaritæ instructa: ad aliam Plantam pertinet, & etiam Viribus a Genuina diversissima est.

Circa medium sæculi præcedentis in usu esse cœpit, & præsertim circa annum 1690. HELVETII Tentaminibus, jussu & munificentia LUDOVICI XIV. institutis, celebritatem consecuta est. Vix fallens, promptissimè agens, & pro omni ætate tutum Emeticum est, quod adeo feliciter Dysenteriam in variis hujus Morbi Constitutionibus Epidemicis curare visum est, ut specificam Vim adversus illam possidere crederetur: non alio modo tamen effectum in hoc Morbo præstat, quam fomitem expellendo, motum peristalticum invertendo, & Perspirationem, magni momenti in hoc Morbo, promovendo. Ea omnia præ reliquis Emeticis cum majori regularitate, cum minoribus turbis & minori virium jactura, quin primis viis etiam tonum addendo, efficit. Tota Radix in usus medicos in pulverem redigitur, sed in ejus Cortice præcipua vis hæret. Ad Scrupulum unum, Dragma dimidiam, quin imò Dragma integram ordinariò præscribitur: constat tamen octo vel decem Grana idem omnino præstare, & Viribus prædictis Dosibus æquivalere: quin imò duo Grana plures etiam Vomitus constanter producere multis Observationibus Societati Regiæ Medicæ Londinensi CELEB. PYE probavit. Vide *Medical Observations and Inquiries tom. I. pag. 240.* Extractum Gummosum ferè iners est; Tinctura Spirituosa omnes Ipecacuanhæ vires possidet: ut hinc pateat Vim Emeticam Resinosæ parti deberi: cum tamen duo illa Principia tam arctè cohæreant, ut magna pars Resinæ cum parte gummea Aquosis Menstruis extrahatur, bene etiam Dragmæ unius, vel duarum Infusum Aquosum adhibetur. Grysea mitiùs agere, quam Fusca videtur. Utriusque Pulvis Effluvia emittit, quæ Lacrymas eliciunt; Tussim, Sternutationem excitant, & horrenda Asthmata produxisse visâ sunt: notabile hujus rei exemplum a CLARISS. SCOTT allatum in Commentariis Medicis Edinburgensibus anni 1776. prostat. Effluvia illa ad Principium Activum hujus Medicamenti videntur pertinere; nam Pulvis diu Aëri expositus multum de Virtute Emetica deperdit, & eâdem, protractiori Coctione, omnino privatur.

In minuta dosi Sudorifera , Diuretica , Emmenagoga , Alterans est: Fluorem Album & Hæmorrhagias, præsertim Uterinas, sistit.

IRIDIS FLORENTINÆ Radix. *De Wortel van Florentynsche Lisch.*

Pertinet ad Plantam, quæ in hortis nostris ob Florem colitur, sed Italiæ indigena est: appellatur *Iris Illyrica* & *Iris Florentina flore albo*: Radicem sistit, quæ, dum e Terra extrahitur, Cortice rubente tegitur: illo orbata ad nos transfertur: pollicem circiter crassa est, paululum compressa, hinc inde tuberosa; extus alba, punctulis fuscis notata; intus alba, vel flavescens: odorem præbet fragrantem, aromaticum, ad Violas Martias accedentem; saporem amaricantem, subacrem, calidum, pertinacem. Vires Aqua; melius Spiritu Vini Rectificato extrahuntur.

Recentis succus Vomitus excitans, purgans, & horum effectuum defectu Diureticus dicitur: hinc in curando Hydrope ab aliquibus laudatur. Has vires Exsiccatione, ut etiam Coctione, perdit, & solam retinet vim resolventem. Commendatur præcipuè in Morbis Primarum Viarum ab inertis Mucis, & adversus Affectiones Pituitosas Pectoris. Externè Ulceribus laxis inspersa carnem luxuriantem scribitur reprimere. Ptarmica est, inter Cosmetica numeratur, & ingreditur Dentifricia non solum ad abstergendas fordes, sed etiam ad Oris foetorem corrigendum.

IRIDIS NOSTRATIS, seu GERMANICÆ Radix. *De Wortel van Lisch.*

Hæ Radices figuram priorum habent, sed magis rugosæ & minùs compactæ sunt; extus rusæ, intus pallidæ; minùs odoratæ; saporis acris, amaricantis, calidi.

Vires easdem, ac Florentina, possidet: recentis Succus etiam Strumofos curare perhibetur.

JUBUBÆ. *De Jujuben, of Borspruimen.*

Sunt Fructus Arboris in Europa Meridionali crescentis, quæ DODONÆO *Zizyphus*; LINNÆO *Rhamnus Zizyphus* dicitur. Olivæ circiter magnitudinem habent: ut apud nos prostant, exsiccatae, rugosæ sunt, extus rubrae: Pulpam includunt flavam, dulcem, in qua Officulum reconditur utrimque acutum, quod Nucleum continet extus rubra Cuticula tectum, intus albam Medullam exhibentem.

Decoctis Pectoralibus, Demulcentibus addi solent.

JUNCUS ODORATUS, seu SCHÆNANTHUS. *Welriekende Bies, of Kemelshooi.*

Sub his nominibus prostant Culmi teretes, flavi, aridi, geniculati, pedem circiter longi; aliquot Foliis, Tritici Foliis similibus, arctissimè convolutis tecti; Medulla fungosa, ut Juncus communis, repleti; non rarò Floribus suis adhuc instructi, qui nobis e Turcia & Arabia afferuntur; ubi tanta copia proveniunt, ut commune Camelis Pabulum suppeditent, & hinc *Fœnum Camelorum* vocentur: odoris sunt fragrantis, aromatici, mixti veluti e Rosarum & Pullegii odore; saporis acris, amaricantis, leviter balsamici: dotes has, dum recentes sunt, in eminenti gradu possident, sed ætate sensim deperdunt. Parcā quantitatem Olei Odorati largiuntur, & eorum vires optimè Spiritu Vini Rectificato extrahuntur.

In Morbis frigidis & Viscerum Obstructionibus ab hac causa pendentibus commendatur. Vires particulares non possidet: hinc, si e Mithridatio & Theriaca ejeceris, usus vix ullus.

JUNIPERI Baccæ, Lignum, Gummi. *De Beziën, het Hout en de Hars van den Geneverboom.*

Omnes partes aliquid balsamici, terebinthinacci, sed mitioris continent. Baccis vires resolventes, incidentes, carminativæ &

diureticæ adscribuntur: Urinam Odore violaceo inficiunt: laudantur ad Hydropem & varia Renum Vitia, sed nimius usus non solum visus est Mictum Cruentum, sed etiam lethalem Diabetem produxisse. LIGNI Decoctum adversus Scorbutum valere, & multas Guajaci vires possidere creditur. Accensum gratum odorem Atmosphæræ conciliat, & infectum, gravem Aërem lustrat: hinc Pectus aliorumque contagiosorum Morborum tempore id commendatur: idem Baccæ præstant, & illarum Suffitus præcipuè ad laxas partes roborandas adhibetur. GUMMI, Arabum *Sandaracha*, Balsamum inspissatum est, & potius Resina appellari debet: in Ore enim non liquefit, inflammabile est, Aquosis Menstruis præter levem Amaritatem nihil communicat, & Spiritu Vini Rectificato, ut etiam Terebinthinæ Oleo pro Vernice, solubile est. Aliarum partium vires ab hac parte pendent: hinc fortè præferri deberet: vix tamen usum nisi in Suffitibus habet.

KALI Folia. *De Bladeren van Glaskruid.*

Olim ex hac Planta marina sola Cineres Clavellati conficiebantur, jam e variis Ligni speciebus. Hujus Plantæ Cinerum Sal crystallisabile, sive per se, sive in unione sua cum Acidis consideretur, Salis Alkali Fossilis dotes possidet.

KERMES, seu CHERMES Grana. *Kermes.*

Quamvis Foliis & Ramusculis *Ilicis aculeatæ cocciglandiferæ* CASP. BAUMI in Hispania, Italia & Meridionali Galliæ parte adnata inveniantur, tamen ad Regnum Animale pertinent: Insectorum enim Nidi sunt, seu Folliculi Ovulis rubentibus pleni, qui expressi succum rubentem fundunt. Pisi circiter magnitudinem habent: coloris rubrofusci sunt; odoris non ingrati; saporis amaricantis, leviter acris. Ante exsiccationem Aceto consperguntur, ut Ovulorum exclusio præcaveatur, & jam exclusa Animalcula, quæ, dum vires finirent, Folliculum vacuum relinquerent, enecentur.

In Arte Tinctoria jam indè Veteribus , sub Cocci *infectorii* & *granorum tinctoriorum* nomine , in usu videntur fuisse : hinc *color coccineus*. In Medicina laudantur tamquam modicè adstringentia. Vires tam Analepticae eis ab aliquibus tribuuntur , ut etiam Aphrodisiaca habeantur. Palpitationibus Cordis Remedio esse , Memoriam roborare , Partum juvare & Abortum præcavere scribuntur. Maxima harum Virium pars Fabulis innixa , & accedente Observatione facilè evertenda videtur.

LABDANUM. *Labdanum*.

Est Substantia resinosa , quæ in Græcia , Candia aliisque Archipelagi Insulis e foliis & caulibus Fruticis , qui *Cistus Ladanifera cretica flore purpureo* a TOURNEFORTIO vocatur , exsudat. Barbis Caprarum & Hircorum , qui inter hos Frutices gramine vescuntur , adhærescit , & ex illis pectine omne olim colligebatur : hinc *Labdanum de Barba* dicebatur. Jam Teste oculari TOURNEFORTIO virgam e pluribus loris coriaceis factam verberando Plantæ adfricant ; dein Labdanum Viscositate sua adhærens separant. Authores duas præcipuè species describunt : prior , quæ purior est & rarò in Officinis prostat , coloris est nigricantis , consistentiæ mollis , inter digitos lentescens & instar Picis ductilis ; odoris aromatici , fragrantis ; saporis amari , acris. Posterior , quæ passim ad nos adfertur , in spiras Cereorum instar contorta prostat : durior , minùs nigricans est ; odoris multò debilioris , & ordinariò magnam quantitatem Arenæ nigræ aliaque heterogenea a Collectoribus ad augendum pondus admixta habet. Substantia hæc inflammabilis est , & accensa gratum odorem , ad Ambram gryscam aliququaliter accedentem , spirat : ferè tota solvitur Spiritu Vini Rectificato , relicta octava circiter parte gummea , insipida : ut sic pura resina obtineri possit. Oleum Odoratum Distillatione largitur.

Veteribus adversus Defluxum Capillorum , Tussès inveteratas & Diarrhæas in usu fuit : apud nos , nisi in fustitibus , ad partes laxas

roborandas & Emplastris resolventibus, roborantibus, nervinis, vix adhibetur.

X LAC. *Melk.*

Est vera Emulsio, quæ ex Alimentis & Potulentis ope Viscerum Chylopoëticorum elaboratur, & dein in Animalis, ad quod pertinet, uberibus secernitur. Dum desumitur ex Animali proprio Alimento nutrito, candidus, blandus liquor est; nec acidus, nec alkalinus; odoris levis, proprii; saporis grati, leviter saccharini. Homogeneum primo aspectu videtur; tribus tamen inter se omnino diversis constat partibus. BUTYRUM scilicet notam, oleosam, blandam indolem possidens, ope Mucilaginis, seu CASEOSÆ PARTIS, ut in Arte factis Emulsionibus evenit, in SERO divisum & suspensum tenetur. Facile & variis causis hæ partes ab invicem secedunt, & Lac alteratur. Solà enim morâ Particulæ Butyraceæ, utpote leviores, sub CREMORIS nomine superficiem petunt, & dum diutius sibi relinquitur Lac, præcipuè accedente calore, speciem Fermentationis Acidæ subit, & coagulatur. Admixtione parvæ quantitatis cujusvis Acidi; Alkali tam Volatilis, quam Fixi; plurium Vegetabilium in neutram partem manifestè tendentium; ut etiam Spiritus Vini Rectificati eandem mutationem promptissimè patitur. Tum Butyracea Pars cum Caseosa simul Coagulum efficiunt, quod pro diverso Animali, e quo Lac desumitur, quantitate diversum esse illico monstrabimus. Interim notari meretur Coagulum Acidis obtentum additis Alkalinis, vel Aqua Calcis pro magna parte denuo resolvi; ut etiam Alkalinis obtentum addito Acido, & dispositionem illam Lactis, qua in Coagulationem tam proclive est, additis Salibus Neutris, vel Saccharo multum minui.

Ablato Coagulo, quocumque addito id productum fuerit, Serum seorsim obtinetur, quod, cum contineat quidquid in Lacte existit, quod Aquoso Menstruo solvi potest, chemicè considerari meretur. Ad dimidium itaque leni Evaporatione redactum, sapore dulci &

leviter falso Substantiam Extractivam prodit, quæ omni dote indolem Succorum Saccharinorum possidet. Ob hanc Serum Lactis Fermentationis Spirituosæ capax est: ut etiam ex illo Vini speciem parare Tartariæ Incolæ scribantur. Continuata Evaporatione, donec tres quartæ partes circiter ablatae sint; seu, quod exactius est, reliquo ad consistentiam Syrupi redacto & refrigerato, CrySTALLI formantur rufi, verum Sal Essentiale, ob saporem SACCHARUM LACTIS dictum, quod purificatum, saporem & colorem, quos a Substantia Extractiva tantum mutuaverat, penitus amittit, & Examini Chemico subiectum easdem dotes, ac Saccharum Candum exhibet.

Lac e diversis Animalibus desumptum diversum se præbet non solum ratione saporis, sed etiam ratione Principiorum. Experimenta CELEBERRIMI RUTTY circa hanc rem statuunt sequentia.

1 ^o . Lac Fœminæ -	}	a reliquis distinguuntur dulcedine saccharina: nam
Afinæ - -		
Equæ - -		

2 ^o . Fœminæ -	} Præbit Salis	duplo majorem quantitatem quam Lac Vaccinum.
Afinæ - -		plus quam triplam quantitatem quam Lac Vaccinum.
Equæ - -		triplo majorem quantitatem quam Lac Vaccinum.
Capræ - -		minus quam Lac Vaccinum, scil: ut 108. ad 152.
Ovis - - -		quantitatem omnium longè minimam.

3 ^o . Fœminæ - - -	Præbuit Cremoris	vix $\frac{1}{3}$ Lactis Vaccini.
Afinæ - - -		dimidiam partem Cremoris Lactis Vaccini.
Equæ - - -		infra dimidiam partem Cremoris Lactis Vaccini.
Capræ - - -		triplo majorem quantitatem quam Lac Vaccinum.
Ovis - - -		quantitatem plus quam triplo majorem quam Lac Vaccinum.
4 ^o . Fœminæ - - -	Præbuit Partis Caseosæ	infra unam sextam Crassamenti Lactis Vaccini.
Afinæ - - -		dimidiam partem Crassamenti Lactis Vaccini.
Equæ - - -		unam tertiam Crassamenti Lactis Vaccini.
Capræ - - -		Crassamentum se habuit ad Crassamentum Lactis Vaccini ut 3. ad 2.
Ovis - - -		duplo majorem quantitatem quam Lac Vaccinum.

Si tentamina hæc repetiturus differentiam aliquam in Productis inveniatur, minùs mirari debet: nam ejusdem etiam Animalis Lac diverso tempore obtentum pro Constitutione Corporis, distantia a pastu, & præcipuè pro Assumptis diversum est. Nutricum Morbis & Animi Pathematibus Lac variè alterari quotidiana Experientia evincit. Quod primum a pastu in Mammis colligitur crudum est, & ingestorum Naturam adeo retinet, ut etiam eorum odorem, saporem & Vires Medicas adhuc possideat. Quod duodecim horis post obtinetur, tenue, flavescens est, foetorem urinosum spirat,

& totum ferè jam animale est. Quod intermedio tempore ducitur media gaudet indole, & optimum est. Capræ Absynthio pastæ Lac amarum præbuerunt: Scammonco & Tithymalis nutritæ purgans. Hoc ultimum de industria quandoque imitamur, dum, ut ubera capienti Infantulo Alvum moveamus, Nutrici Purgans præscribimus. Quin ex his omnibus Observatis ad tollendum Luem Veneream, Scorbutum aliosque Morbos tam Nutricum quam Caprarum Lac Specificis Remediis imbuere, & medicatum reddere ab aliquibus excogitatum est.

Lac, præterquam quod materno non solum Homo sed plura alia etiam Animalia neo-nata nutriantur & crescant, donec digerendis cibis suæ speciei propriis apta sint, inter res cibarias primum locum tenet. Ejus indoles, usus ad quem a Natura destinatus est & Experientia probant Alimentum esse levissimum, saluberrimum; præstantissimum; quo solo integræ gentes vixerunt, & aliqui ad provectissimam & felicissimam senectutem pervenerunt. In hunc usum passim Vaccinum, quia facile & in magna copia obtineri potest, adhibetur; cum tamen alimentariæ Lactis partes sint butyracea & caseosa, ex iis quæ supra de ejus Productis diximus, Ovile & Caprinum magis alere debet concludi.

In Medicina duplici præsertim scopo præscribitur: dum enim Digestionis organa a quacumque causâ adeo debilia sunt, ut non sufficiant Nutrimento e Cibis parando, optimè ad hunc Liquorem jam ad Nutritionem a Natura paratum, & qui Viscerum actione vix amplius indiget, recurritur. Apud celeberrimos Observatores hinc inde videri potest multos Venere, Tabæ, Marasmo exhaustos, & jam Morti addictos hoc solo, missis aliis, vel integrè fuisse restitutos, vel saltem tam emendatos, ut Vitam deinceps tolerabiliorum multum protraherent. In hoc casu, utpote naturæ nostræ magis analogum, reliquis præfertur Lac Fœminæ sanæ, florentis ætatis, salubri motu corpus exercentis, & victu laudabili utentis. Ab ipso

Ægro e Nutricis Mammis, quatuor vel quinque horis post ejus pastum, duci debet; vel in vasculis bene clausis servatum protinus ebibi; ne spirituofo, volatili, restaurante Principio, quod Lac continere multæ rationes & authoritates suadent, privetur. Defectu Fœminini Afininum, Fœminino dotibus proximum, substitui potest. Ob majorem partem saccharinam hæc duo in universum præferri debent, dum Medici scopus simul est detergere & aperire.

Ob particulas oleofas & mucilaginosas, quibus blandam Emulsionem constituit, altero scopo præferbitur adversus omnem Acrimoniam, excepta Acida, tamquam præstantissimum obvolvans, incrassans & demulcens Remedium. Ex illis, quæ de principiis Lactis diversorum Animalium supra diximus, intelligi potest, huic intento Caprinum & Vaccinum melius reliquis satisfacere. Largo Vaccini usu acerrima etiam Venena obvolvi & innoxia reddi multiplici constat Experientia: ut hinc concludi possit, quam efficax in sanandis Morbis ab acris humoribus Medicina esse debeat, dum, DIÆTA utentes LACTEA dicta, illo solo, adjecto ad summum pane, tamquam Alimento & Medicamento, per plures menses, imò annos, vescuntur ægri: hinc etiam Podagram rebellem, Rheumatismum, Morbos Cutaneos pertinaces, Tussim chronicam, Hæmoptisim, Morbos Spasmodicos, Ulcera interna aliosque Morbos ab Acri pendentes sæpius vel penitus curavit, vel saltem multum emendavit. Sed cum sub tali vitæ regimine primæ viæ debilitentur, & solida digerere quasi defuescant, hinc non rarò, si ad pristinam Dietam Ægri redeunt, graviores recidivas experiri solent, nisi particulari cura roborante huic incommodo provideatur.

Si debilis Ventriculus Lactis usum non ferat, exstimuletur grato aliquo Aromate; decocto Aquoso Corticis Peruviani: vel Lac diluatur Aqua Hordei, Selterana &c. aut demum ex alio Animali desumptum tentetur. Cum tam facilè coaguletur, sub ejus usu abstinendum ab Acidis. Coagulum multum præcavetur addito Saccharo, Vitello Ovi, Sale Neutro vel Absorbente. Præsens Coagu-

lum demonſtrant Ruētus, Cardialgia, Preſſiones Ventriculi, Vomitus. Sæpiùs, ubi etiam bene fertur, duos omnino oppoſitos effectus ſolet producere: vel enim alvum adſtringit vel laxiorem reddit: in priori caſu Rheum; in altero roborans commendatur. Ejus uſum diſſuadent Febris fortior, Viſcerum Abdominalium Obſtructio, plethora &c. his, ob Vires Detergentes, Reſolventes, Refrigerantes & Diluentes, SERUM meliùs convenit.

Externè fomenta, Cataplaſmata, Balnea, Enemata, emolliendi ergò, ingreditur.

LACCA, ſeu GUMMI LACCÆ. *Gomlac.*

Eſt Subſtantia dura, obſcurè rubra, ferè inodora; ſaporis reſinoſi, amaricantis, ſubadſtringentis, quæ Ramulis, ſeu Bacillis accreta nobis ex India Orientali adfertur. Olim credita eſt ſtillare ex Arbore, quæ *Jujuba Medica*; aliis *Ber* vel *Bar Indica*, *Fruētū Jujubino* dicitur: jam certò ſcitur Formicarum alatarum, rubrarum ſpeciem hanc Materiam in Plantis jam paratam colligere, vel in Stomacho ſuo, ut Apes Ceram, elaborare, & dein Arboris Ramulis, ut etiam Baculis ab Incolis de induſtria in terram defixis, pro conſtruendis Cellulis uniformibus, in quibus Ova deponant, agglutinare. Ova hæc excluſa mutantur in Chryſalides rubras, quæ ſuis exuviis habitacula ſua colore rubro tingunt. Materia tingens conſequenter animalis eſt, & tam Aqua, quam Spiritu Vini in Artis Tinctoriæ uſus extrahi poteſt. Cæterùm Lacca liquabilis eſt, inflammabilis, & accenſa odorem ſpirat primò gratum, poſt animale, fœtidum. Aquâ nullatenus ſolvitur: adeoque perperam Gummi vocatur. Cera quidem origine & principiis videtur; ſed ab ea differt duritie, & præcipuè quod Oleis ſolvi nequeat. Ob eandem rationem Reſina dici nequit: quamvis integra ferè Spiritu Vini Rectificato ſolvatur. Ut hinc pateat ſingularem & nulli præciſè claſſi annumerandam Subſtantiam eſſe. Alkalina magnam vim in eam habent, & Spiritus Salis Ammoniaci, ut etiam Spiritus Coſcæ, ope Aluminis, Tincturam fortem, rubicundam extrahit.

Præter nativam hanc & primordiale Laccam in *Ramulis* seu *Baculis* dictam, duæ adhuc species adferuntur. Prior, in *granis* dicta, grana exhibet parva, irregularia, in Igne in Carbonem abeuntia, non fundenda. Adeoque a genuina Lacca omnino distincta videtur, quamvis passim credatur ex ea parari. Altera in *tabulis* omni dote videtur nativa fusa & Materia Coloranti privata.

Lacca in *baculis* rarò internè adhibetur: externè Fumigationibus, Dentrificiis, roborandis gingivis in scorbuto oris; in *granis* Vernici; in *tabulis* conficiendæ Laccæ Sigillatoriæ inservit.

LACTUCÆ Folia & Semen. *De Bladeren en Zaaden van Tuinlatuw.*

LAMII ALBI Flores. *De Bloemen van doore Netel.*

LAPATHI Folio acuto, plano, seu OXYLAPATHI DODONÆI Folia & Radix. *De Wortel en Bladeren van Patientie met lange, smalle, scherp gepunte, effen Bladeren.*

LAPATHI AQUATICI, seu HYDROLAPATHI Folia & Radix. *De Bladeren en Wortel van groote Water-Patientie.*

Plures Lapathi species dantur, quæ omnes congenere sunt, & iisdem ferè virtutibus medicis gaudent. Omnium Folia plus minus acida sunt: Radices saporis amari, plus minus adstringentis. Omnes incidentes, aperientes sunt, & in majori dosi purgant. Pro omnibus duæ species supra nominatæ passim in usu sunt. Laudantur adversus Scorbutum & præcipuè adversus Icterum. Lotio, Fotus, Unguentum e Radicibus paratum externè tutò in Scabie, Serpiginis aliisque Morbis Cutaneis adhiberi potest, & plerumque profuit; præcipuè si eodem tempore earundem Decoctum bibatur.

LAVENDULÆ Herba & Flores. *De Bladeren en Bloemen van Lavendel.*

Duæ species dantur; una minor, *angustifolia*; altera major, *latifolia*, quæ indiscriminatim in Officinis prostant, & in usus medicos adhibentur.

adhibentur. Prior odoris mitioris, suavioris est: posterior triplo majorem quantitatem Olei Essentialis, specificè gravioris & calidioris, quam prior, continet. Hinc e sola posteriori in calidioribus Regionibus, Lavendulæ patriis, hoc Oleum distillatur sub OLEI SPICÆ nomine, quod semper Oleo Terebinthinæ, Spiritu Vini aliisque adulteratum ad nos transfertur.

Vires Foliorum & præcipuè Florum calidæ, stimulant, nervinæ & præsertim cephalicæ sunt. Laudantur tam externè, quam internè in Vertigine, Memoriae Debilitate, Paralyfi aliisque Morbis a laxitate Solidorum & causa pituitosa, frigida pendentibus. Oleum Essentiale Tineas e vestibis arcet, & Pediculos Inguinales necat.

LAURI Folia & Baccæ. *De Bladeren en Beziën van den Laurierboom.*

LENTIS VULGARIS Semen. *De Zaaden van Linzen.*

LEPIDII Folia & Radix. *De Bladeren en Wortel van gemeene breede Ditander, Peperkruid, of arme Lieden Peper.*

Folia, & magis adhuc Radix, saporis sunt acerrimi, calidissimi, a sapore Piperis non multum absimilis, sed citius evanidi. Odor ad Nasturtium & Raphanum Rusticanum accedit. Dum masticantur Salivam copiosè eliciunt. Vires tam Aqua, quam Spiritu Vini Rectificato extrahuntur, cum utroque in Distillatione elevantur, & Exsiccatione pereunt.

Extus Vesicans est, & tamquam tale in Dolore Ischiadico laudatur. Intus ob nimiam Acredinem Ventriculum urit, & damna minatur: hinc vix in usu est. Videtur tamen ob dictas dotes tentamina mereri: præsertim cum Acredo Acidis corrigi, vel exsiccatione, ut & coctione, minui possit. Scribitur, & perspecta natura, admodum credibile est, potenter Cruditatem Glutinofam corrigere, Appetitum excitare, Urinas & Sudores movere, & adversus Scorbutum Frigidum egregium esse Remedium.

LEUCOJI LUTEI, seu CHEIRI Flores. *Muurbloemen.*

LEVISTICI Radix & Semen. *De Wortel en Zaaden van Lavas.*

LICHEN CANINUS, seu CINEREUS TERRESTRIS. *Afchkleurig Aard-Leverkruid.*

Muscus hic distinguitur foliis magnis, latis, sinuatis, quorum Margines deorsum fleētuntur: supernè glabra sunt; internè venoso textu notantur, tenuissima Lanugine obducuntur, & Fibrillas emittunt, quibus Terræ adherent. Coloris sunt cinerei, vel cinereo-glaucci; odoris non particularis; saporis mucidi, fastidiosi.

Hæc Planta adversus Rabiem Caninam apud Anglos magnam famam consecuta est. Primus CELEB. MOREY anno 1679. Observationes, quæ has vires stabilirent, Societati Londinensi impertiit. CELEB. DAMPIER postea Dissertatiunculam in Transactionibus Philosophicis No. 237. inveniendam de eximio effectu Pulveris ex partibus æqualibus Foliorum Lichenis Canini & Piperis conscripsit. His Calculum suum adjecit, & non immeritam laudem esse asseruit CELEB. MEAD. Hinc Mixtum hoc tamquam Specificum adversus Hydrophobiam sub *Pulveris Antilyssi* nomine in Pharmacopœa Londinensi anno 1721. locum obtinuit &, dimidiata Piperis dosi, in ultima hujus operis editione adhuc retinet. Præscribitur dragma & dimidia in Libra Lactis Vaccini quatuor diebus subsequētib; manè jejuno Stomacho assumenda. Sæpius fefellisse, adeoque pomposis his encomiis & titulis non fidendum esse CELEB. BOERHAAVII aliorumque autoritate constat.

LICHEN ISLANDICUS. *Islandsche Mos.*

Est Lichenis species CORDO primū observata, eique *Muscus Crispæ Lactucæ similis* dicta. Radicem habet nullam, sed ima Frondium extremitate Terræ, Lapidibus aliisve Muscis adheret. Frondes habet variæ parum latitudinis; coloris e viridi fuscescentis,

subtùs pallidioris; tres quatuorve digitos transversos altas, crectas, basi rubras, laciniatas, margine spinulis ciliato. His notis præcipuè ab aliis Lichenis speciebus differt. Crescit tam copiosè in Islandia, ut ab hac Insula denominetur: abundat tamen etiam in Groenlandia, Norvegia, Finlandia, Russia & omni Septemtrionali Orbis Terrarum Regione. Odorem spargit nullum, præter fungosum, quem cum aliis Lichenibus communem habet: saporem præbet amarum, tam Aqua quam Spiritu Vini Rectificato extrahendum. Decoctum aquosum gelatinosum est. Martiales Particulas hujus Lichenis mixtionem perpetuò ingredi Examen Chemicum probabile reddit.

Ufus hujus Plantæ apud Islandos aliasque gentes septemtrionales præcipuè alimentarius est. In hunc finem Lichenem per unum alterumve diem in Aqua pro extrahenda amaritie macerant & dein concisum, vel in Aquâ vel in Lacte, in pulvem gelatinosam coquant. Ita cibum sapidum, salubrem, facilis digestionis, ut etiam a Phthisicis optimè subigatur, & tam nutrientem, ut illo solo Operarii vivere possint, scribitur efficere. Vires Medicæ ei attribuuntur præsertim Roborantes & Obvolventes, in Tussi, Hæmoptysi, Phthisi incipiente aliisque morbis Pectoris a laxitate Pulmonum, vel Acri irritante pendentibus, utilissimæ. Antisepticum creditur Cortice Peruviano non multum inferius, & laudatur in Dysenteria tamquam tutissimum Obvolvens, quod præ aliis Mucilagimbus, edueto fomite, intestina pulchrè roborat. Decoctum in Aqua, vel, quod minus ingratum est, in Lacte ordinariò adhibetur. Ex partibus æqualibus Lichenis & Sacchari eadem methodo, qua Pasta Althææ, Pasta ex eo confici potest gratissima. Si ejus unciae duæ coquantur in Aquæ communis uncis viginti quatuor ad uncias sex, & Colaturæ addatur Sacchari albi libra, species Syrupi Gelatinæ pellucidæ consistentiam habens exsurgit. Utrumlibet Præparatum delicatulis, amaritiem aspernantibus, decocto substitui potest.

LICHEN PULMONARIUS, seu PULMONARIA ARBOREA. *Lom-germos.*

Hic Muscus majoribus Arboribus, Fagis præcipuè & Quercubus, adhæret. Folia habet variè laciniata, flavicantia, vesiculis eminentibus, quibus in altera facie totidem foveæ respondent, notata. Saporis est falsi, leviter amari; odoris nullius.

Adversus Tussim aliosque Pectoris Morbos laudatur. In curando Ictero pertinaci videtur quandoque efficacem se præstitisse: hinc vires, si quas possidet, resolventes habet.

LIGNUM ALOES, seu AGALLOCHUM. *Hout van Aloë.*

Plures species hujus Ligni apud Historiæ Naturalis Scriptores recensentur: præstantissima, Indorum *Calambac*, seu *Tambac*, sub dente instar Cerae mollis est, & in Igne tota funditur: adeoque potius Arboris Resina, quam Lignum credi debet. Ab Indigenis pro Odoramentis in deliciis habetur & magno pretio venditur; ut rarissimè ad nos deveniat. Quod sub hoc nomine ex India Orientali ad nos transfertur, frusta lignea exhibet variæ magnitudinis, ponderosa, dura & texturæ admodum densæ; coloris ferruginei, cum intermixtis venis & foraminibus nigricantibus, resinosis; odoris levis, non ingrati, balsamici; præcipuè si fricentur, aut igni admoveantur; saporis acris, amaricantis, aromatici. Vires optimè Spiritu Vini Rectificato extrahuntur. Parcam quantitatem Olei Odorati Distillatione largitur. Ad quam Arborem pertineat, & utrum communem cum Indorum *Calambac* originem habeat ignoratur.

Vires medicæ Roborantes, Nervinæ, Cephalicæ, Cardiacæ sunt; non fatis tentatæ.

LIGNUM QUASSI, seu QUASSIÆ. *Quassihout, of bitter Hout van Surinam.*

Ita appellantur frusta Radicis variæ longitudinis & crassitiæ e Surinamo allata. Lignum præbent coloris flavicantis; odoris nul-

lius; saporis amarissimi, non ingrati, quod tegitur Cortice tenui, gryseo, intus albicante, ad Simaroubam accedente. Vires tam Aqua, quam Spiritu Vini Rectificato extrahuntur.

Hoc Medicamentum, quod a paucis annis notum hic in usu esse cœpit, Surinami adversus Febres Putridas adhiberi solebat. In Europam allatum & tentamini subiectum Tonicum aliquibus se præbuit præstantissimum, quod præsertim in roborando Ventriculo ipsum etiam Peruvianum Corticem antecelleret: vi antiseptica tamen & febrifuga illo multò esset inferius. Laudatum est ab aliquibus in sudoribus nocturnis Hecticorum, Salivatione nimia, Diarrhæa colliquativa, in Hydrope, Podagra retropulsa & tamquam Antihelminthicum. Optimè præscribitur Infusum Aquosum, amarissimum.

LIGNUM RHODIUM. *Roozenhout.*

Ex Insulis Canariensibus, Rhodo, Cypro aliisque Regionibus sub hoc nomine adfertur Radix lignosa, ponderosa, in aqua subfidens, contorta; nodis duris, resinosis, intus flavis obsita; saporis amaricantis, subacris; odoris grati, rosei, quem tam Aquosis quam Spirituosis Menstruis impertit. Distillatione largitur parcam quantitatem Olei Essentialis fragrantissimi, quod pro Odoramentis in pretio est, & ob quod hoc Lignum in usu.

Omnia quæ ad hujus Ligni Historiam Naturalem pertinent confusa & incerta sunt: aliquibus Authoribus cum Veterum *Asphalto* confunditur; aliis planè differt.

LILII ALBI Radix & Flores. *De Wortel en Bloemen van witte Lelie.*

LILII CONVALLIUM Flores. *De Bloemen van Mey-Leliën, of Leliën van de Dalen.*

LIMONUM Succus & Cortex. *Het Sap en de Schil van Limoenen*

LINARIÆ Folia. *De Bladeren van Vlaskruid.*

LINGUÆ CERVINÆ Folia. *De Bladeren van Hartstongen.*

LINI VULGARIS Semen. *Lynzaad, Vlaszaad.*

Maceratione in Aqua calida Mucilaginem & per expressionem multum Olei in usus medicos suppeditat. Prius obvolvendi ergo adhibetur: posterius non facile rancescit; cito in Aëre ficcatur; addito Spiritu Nitri concentrato flammam concipit, & cum Alkalinis fixis in solidum saponem non coit. Ad uncias quatuor vel sex ab aliquibus in Pleuritide ad leniendum dolorem & sputa promovendum commendatur. Præterea ad magnam dosim assumptum in pertinacissimis Alvi Obstructionibus & Colica Nephritica præstans Remedium constituit.

LITHARGYRUS. *Litharge, Zilver-Glit, Goud-Glit.*

Est Calx Plumbi plus minus vitrificata. Omnis, qui ad nos transfertur, exsurgit e Cupellatione Metallorum nobiliorum Plumbi intermedio. Constat squammis plus minus pallidis, vel rutilis: in priori casu *Lithargyrus Argenti*; in posteriori *Auri*, ridicula denominatione, dictus est: dum tota differentia a majori, vel minori Ignis & Vitrificationis gradu pendet. Facile in Plumbum reduci potest. Ferè semper Metalla ignobiliora, quæ nobilioribus mixta erant, Cuprum præcipuè, continet: ut hinc pateat pro parando Extracto Saturni, Gallorum exemplo, melius Plumbum, quam Lithargyrium adhiberi.

Usus externus in Emplastris & Unguentis. Refrigerat, ficcatur.

LOPEZIANA Radix. *Lopeziaene Wortel.*

Ita a nobis appellatur, quia Lusitanis *Rais di Juan Lopez*, a primo verosimiliter illius Nationis, qui vires ejus medicas detexit, dicitur. Radicem sistit unum, duos pollices & ultra crassam, lignosam, siccam, levem; nullius ferè saporis, aut odoris. Sub-

stantiam habet versùs Medullam duriorē , ex albo subrufam ; versùs Corticem spongiosiorē & pallidiorē. Ipse Cortex rudis est , rugosus , fuscus , sat crassus , mollis , quasi tomentosus , tenui Cuticula pallidiorē extrinsecus obductus. Facile Carie exeditur. Ex India Orientali adfertur : sed ad quam Arborem pertineat non solum hætenus ignoratur ; sed etiam necdum constat de loco ejus natali : aliqui enim in Insula Malacca crescere asserunt , dum alii Goæ indigenam esse , & hinc in dictam Insulam deferri tantum , contendunt.

Indi adversùs Diarrhæas , Febres & Convulsiones adhibent. CEBERRIMUS GAUBIUS , qui omnium primus in Europa ejus usum tentavit , & in *adversariis varii argumenti* descripsit , post institutam Analysim fatetur se non potuisse expiscari quomodo , aut quo principio hæc Radix operetur ; sed asserit interim eam in domandis & sistendis quibuslibet Ventris Profluviis habitualibus eximiam sese præstare , & præcipuè in colliquativa Phthysicorum Diarrhæa tam promptam adferre opem , ut omnibus aliis remediis facile palmam præripiat. Quin imò casum ei a clarissimo DE MONCHY communicatum adfert , in quo homo Tabæ Pulmonali laborans & jam Diarrhæa aphthosa affectus hoc Medicamento tam bene se habuerit , ut non solum alvus illico comprimeretur , sed etiam Aphtæ evanescerent , & æger præter expectationem octiduo post a morbo suo revalesceret , etiam post expletum annum integerrima fruens sanitate.

Præscribitur in Pulvere ad dragmam dimidiam pluries de die , vel , ut Indis mos est , super Porphyrite trita , lævigata & in pul-
ticolam redacta. Tinctura Spiritu Vini Simplici parata omnes Radicis vires videtur retinere.

LUCII PISCIS MANDIBULA. *Het Kaekbeen van den Snoek.*

Quamvis omnia hujus Piscis Ossicula eadem vires videantur possidere , Mandibula tamen inferior præsertim in usu esse con-

suevit. Laudata est non solum in Calculo & Fluore albo, sed etiam tamquam Specificum adversus Pleuritidem. In usum ducta videtur ab affectis Systematis HELMONTII Spinam Pleuriticam, seu Acidum hostile Pleuræ & locis intercostalibus infixum accusantis. Iners & innocuum Remedium est: hinc Ægris, vel Medicis fiduciam in eo ponentibus, notante SWIETENIO, facile concedi potest: modo interim non negligentur efficaciora Auxilia, quibus solis in cura periculosi hujus Morbi confidere possumus.

LUMBRICI TERRESTRES. *Aardwurmen.*

Saporem habent mucilaginosum, subsalsum, nauseosum. Acidum ex iis distillari GEOFFROY testatur: sed id Terræ in eorum intestinis contentæ deberi judicat ALSTON, & probabile est.

Jam a GALENI temporibus in usu erant. Vino lavantur, purgantur, siccantur. Eorum succus vel pulvis internè anodinas, diureticas, antispasmodicas, resolventes, discutientes, in Podagricis & Arthriticis Affectionibus præcipuè utiles vires possidere perhibetur. Externè tamquam excellens Traumaticum laudantur. Quibus fidei Observatis omnia hæc Encomia fulta sint planè ignoramus. Nostrates Mulierculæ in Angina aliisque Morbis, variis locis sub Cataplasmatibus applicant; in eum finem, ut peculiari vi, qua illos pollere credunt, sic dictam illis Morbi Malignitatem attrahant. Optimè id effectum existimant, dum calore loci necessario putrefacti pessimum foetorem spargunt.

LUPULUS. *Hop.*

Turiones, seu Stolones hujus Plantæ ad rem cibariam pertinent. Flores, seu Strobuli e squammis flavescentibus uni communi axi affixis facti conficiendæ Cerevisiæ, cujus visciditatem tollunt & aciditatem præcavent, adhibentur. Saporis sunt amari, balsamici, odorem præbent aromaticum, gravem, qui caput obnubilat & vertiginem inducit. Ob has vires ab aliquibus pro conciliando somno
sub

sub pulvinari ponuntur. Rarò in Medicina adhiberi solent: scribuntur tamen internè Viscera egregiè deobstruere; Urinam & Menses ciere; Acidum corrigere & in Malo Hypochondriaco, Ictero, Scorbuto frigido, nec non Febre intermittente egregium esse Remedium. Externè discutiunt, roborant, anodini sunt. SIMON PAULLI horum fotu paroxysmum podagricum mitigatum vidit.

LYSIMACHIÆ PURPUREÆ Folia & Radix. *De Bladeren en Wortel van Wederik of Jodekruid.*

Salicaria TOURNEFORTIO dicta est, aut a simili Foliorum figura, aut quia inter Salices passim crescit. Vires non videtur possidere a Lutea diversas, quamvis in usu ordinariò præferatur. Utriusque Decoctum addito Sale Martis fit atrum: ut evidenter adstringant. Ob has dotes jam Veteribus perspectas commendatur ad quoscunque Alvi Fluxus & Hæmorrhagias a Laxitate. a Recentioribus tentamini subiecta famam sustinuit. Ad dragmam pluries de die præscribitur. Extus vulneraria est.

MACIS. *Foelie.*

Est cortex medius Nucis Moschatae, seu textum reticulare, quod sub primo carnosio cortice, putamen lignosum, in quo dicta Nux continetur, immediatè ambit, & eidem laxè adhæret. Substantiam exhibet in lacinias fissam, seu e laminis angustioribus contextam, oleosam, lentam, veluti membranaceam. Recens nondum diu aëri exposita, coloris est purpurei, elegantis; exsiccata, ut ad nos transfertur, crocei; odoris proprii, fragrantissimi; saporis aromatici, acris, amaricantis. Distillatione olei odoratissimi, fugacissimi unam quadragesimam, trigesimam & ultra sui ponderis largitur: per expressionem verò quintam circiter sui ponderis partem Olei bruni ad Axungiae consistentiam accedentis, tenuioris, quam quod e Nuce Moschata obtinetur. Hoc illi passim in Oslicinis substitutum

invenitur. Hæ proportiones pro ætate & qualitate hujus Aromatis variant.

Multus Macis pro condimentis usus. Vires medicas easdem ac Nux Moschata possidet. Eadem a nimio usu noxæ. Vide NUX MOSCHATA.

MAJORANÆ Folia. *De Bladeren van zoete Marjolein.*

Hæc Herba Europæ Meridionalis indigena in hortis nostris colitur. Odoris est grati, fragrantis: saporis acriusculi, subamari, aromatici. Vires Aqua, melius Spiritu Vini Rectificato extrahuntur. Olei odorati unam sexagesimam quartam sui ponderis largitur.

Cephalicas, nervinas, uterinas vires possidet. Extus roborat, discutit. Errhina est.

MALVÆ Folia & Flores. *De Bladeren en Bloemen van Maluwe, of Kaasjes-Kruid.*

MANNA. *Manna.*

Substantia hæc frusta exhibet variæ magnitudinis & figuræ; consistentiæ pinguis & friabilis; coloris candidi, vel leviter flavescentis, quodammodo pellucidi; odoris nullius vel debilis, saporis dulcis, saccharini, nauscosi, cum aliqua acredine. In aëre humido liquefit, rufescit. Solvitur integrè Aqua. Post solutionem ad pristinam consistentiam redacta coloris obscurioris est. Solvitur etiam Spiritu Vini, præcipuè adjuvante calore. Debitè exsiccata accenditur. Solutio ejus aquosa Fermentationi commissâ Liquorem spirituosum suppeditat. Plerisque aliis experimentis Saccharum æmulatur, & revera Sal essentialè Saccharinum continet. Minus tamen Saccharo solubilis est; ut triplum ferè sui ponderis Aquæ requirat.

In Calabria, Sicilia, Agro Romano aliisque Regionibus sponte vel factò vulnere stillat e trunco & majoribus ramis variarum

Fraxini specierum. „ A vigesima die mensis Junii, testante GEOFFROY,
 „ ad finem Julii a meridie usque ad vesperam sponte fluit liquoris
 „ limpidi adinstar, & sensim in varios grumos concrescit, indurescit
 „ & albescit. Illos postridie colligunt cultris ligneis abradendo,
 „ modo nox serena fuerit: pluvia enim aut nebula superveniente,
 „ Manna colliquescit & prorsus deperditur. Collectos grumos in
 „ vasculis terreis non vitreatis condunt, deinde super mensas in
 „ chartis nitidis foli exponunt, donec manibus non adhæreant.

Julio desinente Fraxini cessant hanc lacrymam sponte stillare:
 tunc Rustici hujus Arboris Corticem incidunt, & vulneribus festu-
 cas, paleas & virgas tenuissimas inferunt, ut Succus secundum
 illa corpora dimanans inspissetur. Ita elegantes lacrymas longiores,
 cavas, leves, intus veluti striatas, albicantes obtinent, quibus
 ad nos allatis paleæ adhuc aliaque heterogenea accreta inveniuntur.

Authores Mannam ob diversam patriam, variam frustorum figu-
 ram, varium colligendi modum & varias Arboris partes, e quibus
 obtinetur, multifariè distinguunt. His omnibus missis sufficiat dixisse
 duas diversas species ad nos adferri; unam scilicet in *lacrymis*,
bacillis, aut *granulis*, albam, siccam, levem; saporis dulcis, non
 ingrati: alteram *pinguem* dictam, in grumis, seu frustis crassio-
 ribus, minùs regularibus, melleam, minùs albam, magis humidam,
 minùs jucundam, multisque fordibus ordinariò inquinatam.

Posterior hæc plerumque adulterata est: mixtum etenim e Melle,
 Saccharo & parca Scammonci quantitate quandoque pro hac Manna
 divendi probatum est: ut hinc pateat quam perperam plerique
 hanc speciem, utpote majori vi purgante præditam, præferendam
 credant. Quo minùs fraus appareat, alii veræ Mannæ dicta addi-
 titia in majori vel minori quantitate adjiciunt: quin imò e Manna
 & Saccharo speciem albam & siccam, quæ ignaris pro optima
 facilè imponeret, consflare norunt. Fraus pondere, consistentia,
 pelluciditate, & sapore detegi debet.

Manna mitissimum Eccoproticum est, quod Infantibus & Gravidis etiam tutò porrigi potest. Ob vim solventem & demulcentem in Morbis Pectoris & calculo laudatur. Ut flatus præcaveantur, quam unicam noxam aliquando solet producere, bene carminativum ei adjicitur.

✕ MARGARITÆ. *Paarlen.*

Sunt corpuscula plus minùs rotunda, splendentia, alba, saporis & odoris expertia, e stratis sibi invicem incumbentibus facta, quæ in *Matre Perlarum*, seu testa *Mytuli Margaritifèri* inveniuntur. Pro diversa Patria distinguuntur in *Orientales* & *Occidentales*.

Arabes Cardiacas eis ac Alexipharmacas Virtutes adscribebant, & in Medicinam introduxerunt. Sinè præjudicio perspectâ causâ, præter Acidum absorbendi nullæ jam eis vires relictæ sunt: quibus cum Lapides Cancerorum aliaque multa, quæ faciliè & vili pretio obtineri possunt, non superent, Officinis Pharmaceuticis ejectæ Mulieribus pro Ornamentis jam relinquuntur.

MARRUBII ALBI Folia. *De Bladeren van Andoorn.*

Præter vires aromaticas satis notas, optimè resolventes, in Obstructione, quin imò Scirro Hepatis præcipuè utiles, vires ei attribuuntur. Laudatur præterea in Tussi inveterata, Asthmate aliisque Morbis pituitosis Pectoris. Non desunt, qui in Pulmonum Abscessu summis laudibus extollunt.

MARI SYRIACI Folia. *De Bladeren van Syrische Mastiek.*

MARI VULGARIS Folia. *De Bladeren van gemeine Mastiek.*

MARS, vide FERRUM.

MASTYX, seu MASTICHE. *Mastiek.*

Est Resina, quæ e Lentisco, præsertim in Insula Chio, effluit. Adfertur nobis sub forma granorum variæ magnitudinis: sicca est,

fragilis, pellucida; coloris pallidi, leviter citrini; odoris proprii; præcipuè calefacta, aut igni injecta, grati; saporis amaricantis, aromatici. Masticata dentibus adhæret, ductilis fit, albescit. Parcâ quantitatem Olei Odorati fundit. Præter odorem Aquæ nihil impertit. Solvitur in Oleis & integrè Spiritu Vini Rectificato. Solutio hæc calida est, valde stimulans. Aqua Calcis Tincturam fortem extrahit.

Interne adhibetur tamquam Roborans in Tussi inveterata, Morbis Ventriculi & Fluore albo præcipuè utile. Suffitus in Catharrhis & Ani prolapsu laudatur. Spiritu Vini soluta & super Alutam extensa adversus Ischiadem commendatur.

MATER PERLARUM, vide MARGARITÆ.

MATRICARIÆ Folia & Flores. *De Bladeren en Bloemen van Moederkruid.*

MECHOACANNÆ ALBÆ Radix. *De Wortel van Mechoacan.*

Mechoacan Americæ Meridionalis Provincia, e qua præsertim adfertur, huic Medicamento nomen dedit. Pertinet ad Plantam Indigenis *Jetucu*; Botanicis quibusdam *Convolvulum Americanum Mechoacan*; aliis *Bryoniam Mechoacannam Albam* dictam. Prostat in taleolas secta & siccata, quæ Jalappæ taleolis plerumque majores sunt. Corticem habet rugosum, gryseum, vel fuscescentem; Substantiam intus albidam, circulis quandoque notatam. Odorem nullum habet. Masticata viscosam se primò præbet & diu insipidam; donec tandem dulcedinem aliquam & levem Acrimoniam prodat. Continet parcâ quantitatem Resinæ, quæ Resinæ Jalappæ etiam viribus similis videtur. Vetusta vel diu decocta Vires deperdit. Adjectis Bryoniæ, vel Mandragoræ Radicibus aliquando adulteratur.

Ante cognitam Jalappam, tamquam tutissimum purgans, sub *Rhabarbari Albi* nomine multùm in usu erat. Hodie, quia tardissimè agit & alia plura efficaciora substitui possunt, vix adhibetur.

Infantibus tamen hoc Medicamentum, quia insipidum & tutum, commodè propinari potest.

MEL. *Honing.*

Est Substantia fluida, sed spissioris consistentiæ; coloris albi, vel flavescentis; granulata; saporis dulcissimi, noti; odoris proprii, non ingrati; cui plerumque varius a Vegetabilibus, e quibus hauritur, accedit. Ætate flavescit. Coctione protracta amarescit, & inspissatur in solidam consistentiam. Solvitur Aqua & Spiritu Vini Rectificato. Igne inflammabilis est: ut hinc resinosam cum multa intermixta Mucilagine indolem prodat. Fermentationis Spirituosæ admodum capax est, ut probat HYDROMEL. Omnes ferè Sacchari dotes possidet, & pluribus Experimentis Saccharum Candum Crystallifatum largitur.

Mel mediæ inter Animalem & Vegetabilem naturæ est: Apes etenim id jam paratum e Nectariis omnium Florum, non excepta Aloë & Colocynthide, proboscide hauriunt; primò suo Stomacho condunt, & partim in nutrimentum suum adhibent; dum superfluum in verum Mel probabiliter elaborant, & dein in Favorum Cellulas provido instinctu evomunt, ut Hieme, deficientibus Floribus, esca non deficiat.

Pro ratione Patriæ & Florum, e quibus ab Apibus colligitur, varium est: hinc loca, ubi Rosmarinus aliæque nobiliores Plantæ crescunt, optimum suppeditant, teste *Narbonensi*. Non solùm etenim balsamicum Plantarum odorem, sed etiam saporem & vires medicas adeo retinet, ut ex Absynthio amarum, e Plantis purgantibus purgans, & e venenatis venenatum obtineri pluribus testimoniis perhibeatur. Vernum præterea & æstivum, vigentibus scilicet Floribus obtentum, autumnali præferri debet.

Quod e Favis sponte exstillat *Virgineum* appellatur. Quod ex eisdem eluitur, ecoquitur, vel torculari exprimitur, Cera aliisque

inquinatum, & hinc ad usus medicos non adhibendum est. Adjecta Farina aliquando adulteratur. Fraus levi negotio detegi potest.

Ad culinarios usus Veteres Mel adhibebant, ubi nos Saccharum. Vires medicas possidet balsamicas, antisepticas & summè detergentes: ut hinc etiam Alvum laxet. Mucum tenacem detergendo & incidendo Expectorationem juvat, & optimè adhibetur in variis Morbis Faucium & Pectoris glutinosis. Extus ad digerendos & maturandos Abscessus a Chirurgis adhibetur. Ulcera detergit. Enematibus laxantibus passim additur. E Melle ad solidam consistentiam cocto Suppositoria fiunt.

MELILOTI Folia & Flores. *De Bladeren en Bloemen van Meliloten, of welriekende Klaver.*

MELISSÆ Folia. *De Bladeren van Melisse of Citroenkruid.*

MELONUM Semen. *De Zaaden van Meloenen.*

MENTHÆ VULGARIS, seu ANGUSTIFOLIÆ SPICATÆ Folia. *De Bladeren van Munt.*

MENTHÆ AQUATICÆ Folia. *De Bladeren van Watermunt.*

MENTHÆ PIPERITIDIS Folia. *De Bladeren van Pepermunt.*

Hæc omnes Menthæ species omni dote superat. Saporem præbet acrem, piperinum, sed fugacem. Simul sensum frigoris, ut Camphora, in ore & stomacho exhibet. Vires Aqua & Spiritu Vini Rectificato extrahuntur, & cum eisdem distillatis elevantur. Oleum Essentiale acerrimum largitur.

In Colica flatulenta, languore & omni affectione frigida primarum viarum promptissimus, tutus stimulus & excellens Remedium est.

Omnes Menthæ externè discutunt, roborant; balsamicæ, vulnerariæ, antisepticæ sunt.

MERCURIALIS MARIS & FOEMINÆ Folia. *De Bladeren van Binkelkruid.*

MERCURIUS VIVUS, vide ARGENTUM VIVUM.

MEI ATHAMANTICI Radix. *De Beernwortel.*

MILII SOLIS, seu LITHOSPERMI Semen. *De Zaaden van Paerlkruid, of Steenzaad.*

MILLEFOLII Folia. *De Bladeren van Duizendblad, of Geruwe.*

MILLEPEDES, seu ASELLI. *Duizendpooten, Houtluifen, Tichelbeesten.*

Nota hæc Insecta scatent multo Sale Volatili. Recentium itaque Succus melius, quam Pulvis adhibetur. Ob vim incidentem, attenuantem & aperientem a dicto Sale pendentem commendantur in Viscerum Obstructionibus, Hydrope, Morbis Pectoris aliisque pluribus a mucosa spissitudine ortis. Per Urinæ vias primariò creduntur agere; ut etiam in Suppressione Urinæ & ipso Calculo ab aliquibus laudentur. In incipiente Cataracta ad magnam dosim, etiam unciam integram, quotidie sumpta scribuntur aliquando profuisse.

Quamvis de dictis viribus omnino constaret, quod hætenus nobis non videtur, nauseosum semper Medicamentum efficiunt, cui alia non difficulter substitui possent & deberent: plerique etenim Ægri, quia hæc & similia quandoque in Medicos usus adhiberi non ignorant, omnia Medicamenta pertinaciter averfantur & respuunt.

Dum præscribuntur, Pharmacopœi eligant majores, nigros, in glomum contractos, utpote violenta morte preceptos.

MINIUM. *Menie.*

Est Plumbum ad lætam rubedinem, qua Cinnabarem æmulatur, calcinatum. Præparatur præsertim in Anglia, Hollandia & Germania. Sub operatione hujus Substantiæ pondus sensibiliter augetur. Secundum

dum varios Authores varia augmenti proportio est; ut id aliqui sextam partem, alii tantum vigesimam statuunt. Sub reductione Minii in Plumbum id augmentum amittitur. Differt a Lithargirio calcinationis gradu, quo hoc pro magna parte vitrificatum est.

Tamquam Refrigerans & Exsiccans Unguenta & Emplastra aliqua ingreditur.

MORI Fructus, seu MORA. *De Moerbeziën.*

MOSCHUS. *Muskus.*

Est Substantia granulosa, sicca, attactu pinguis, tota inflammabilis; coloris ferruginei, vel subnigricantis; sanguinem exsiccatum primo aspectu referens; saporis amari, subacris; odoris fragrantissimi, penetrantissimi, pertinacissimi & ferè indelebilis, qui, nisi distantia, aut aliis admixtis temperatus sit, caput gravat, obnubilat; Mulieribus nec non Hypochondriacis præsertim infestus est, & quandoque, si fides Itineratoribus, Narium Hæmorrhagias etiam lethales producit. Spiritus Vini Rectificatissimus solvit circiter tertiam partem hujus Substantiæ, Aqua duas quintas. Prius Menstruum, quamvis parum odoratum videatur, omnem tamen Moschi fragrantiam possidet, & cum aliis, quibus additur, communicat: posterius Distillatione abstractum Mosci odorem secum elevat: secus prius. Acida fragrantiam plurimum exaltant.

Animal in Muscovia, India Orientali & China degens, *Moschus Moschiferus* LINNÆO dictum, quod aliqui e Cervino, alii e Caprino genere crediderunt, sed quod propriè ad neutrum pertinet, & potius particularem speciem constituit, hanc Substantiam largitur. Dicto Animali inter Umbilicum & Genitalia Folliculus, Ovi gallinacei circiter magnitudinem habens & duplici extra corpus orificio instructus, excrescit, in quo Moschus secernitur & conservatur. Utrique sexui, in ignotum hætenus usum, hoc organum existit, sed solis Maribus verus Moschus videtur secerni, & præcipuè Oestri veneri

tempore magis evectus esse : tum Animal prurienti stimulo adaectum se lapidibus & Arborum truncis affricat ; donec irritanti hac Substantia se liberet. Ita perfectè elaboratus , optimus Moschus colligitur , qui rarissimè ad nos transfertur. Apud nos prostat cum toto Folliculo , etiam cute tecto , a Venatoribus excisso. Folliculi pilis badiis obfessi *Chinenses* sunt & optimi : pilis albis , *Russici* ; multum deteriores.

Moschus , cum magno pretio vendatur , & in parca copia magnam quantitatem cujuscunque materie fragrantia sua possit inficere , rarissimè non adulteratus prostat. Venatores etenim Folliculos minùs turgidos Sanguine , Arena ; quin imo Plumbo pro augendo pondere & lucro complent , vel sumpta quacunque alia Animalis Moschiferi pellis parte Folliculos tam artificiosè consuunt , & pauxillo Moschi aliisque additiis replent , ut naturales facillè mentiantur. Mercatores Indi , si odore aut gustu fraudem detegere nequeant , filum Allio imbutum per Folliculum ducunt , tuncque bonum existimant , quando Allii fœtor Moschi odore victus evanescit. Apud nos probatur , si forti & penetranti polleat fragrantia ; si super chartam cultro , vel spatula se totum extendi patiatur ; sicque extensus coloris flavioris sit , & splendeat ; si ferro candenti impositus flammam capiat & vix non totus consumatur , & certissimo demum criterio , si exigua quantitas magnam Alkoholis copiam fragrantia sua imbuat.

Multus hujus Substantiæ pro Odoramentis usus est. Arabes eam apud Europæos in Medicinam introduxerunt atque Calidum , Roborans , Lætificans , & Aphrodisiacum Medicamentum statuerunt. Exigua apud illos dosis erat. Constat jam multis celeberrimorum Medicorum testimoniis illam ad grana viginti , quadraginta , imò sexaginta , etiam pluries de die , exhibitam inordinatos spirituum motus potentissimè & sine ardore compefcere ; ut in Febribus , ubi Convulsiones , Singultus aliaque prava symptomata se produnt , præstantissimum Remedium sit. Laudatur præterea in Mania , Passione

Hysterica, Exanthematibus retropulsis, Podagra retrograda &c. Ordinariò mitem, refocillantem Diaphoresim excitat, quam placidus somnus excipit. In Hydrophobia desperatis jam ægri rebus, si fides observatis, tam promptè quandoque opem tulit, ut ab aliquibus Specificum adversùs hunc Morbum habita sit. Moschum collo appensum adversùs Variolas Prophylacticum Remedium CELEB. LINNÆUS credidit. Hoc ultimum experientia videtur improbare.

MYROBALANI. *Myrobalaenen.*

Sunt Fructus exsiccati, qui nobis ex India Orientali adferuntur. Quinque in Officinis prostant species tritis his versiculis expressæ:

Myrobalanorum species sunt quinque bonorum.

Citrinus, Chebulus, Bellericus, Emblicus, Indus.

Quamvis figura, magnitudine & colore inter se differant, ex eadem tamen Arbore, sed diverso tempore, peti aliqui contendunt. Alii quamlibet speciem ad diversam Arborem pertinere referunt. Utraque sententia testes Oculares adfert.

Ob vim leviter purgantem, quam possident, olim multum in usu erant. Jam alia multa tam feliciter substituuntur, ut e pluribus Pharmacopœis ejecti sint. Omni dote & evidenter adstringunt; hinc Indis ad atramentum conficiendum, & despenda coria inserviunt. Ob hanc vim, ea dosi ut purgare non possint, præcipuè Bellerici laudantur ad ani procidentiam. Eorum Decoctum dentes firmat.

MYRRHA. *Myrrhe.*

Est substantia resinoso gummea, quæ in frustis variæ magnitudinis & figuræ, mox Avellanas, mox Juglandes æquantibus; coloris flavi, rufi, vel ferruginei, ad nos adfertur. Subpellucida est, arida, fragilis, intus striis albicantibus notata; saporis subacris, amari, parum nauseosi; odoris aromatici, non Ingrati. Masticata tota serè in ore solvitur, & salivæ suas dotes impertit: hinc oris foetorem corrigit. Igni injecta flammam concipit, & fustitum non in-

gratum largitur. Spiritus Vini rectificatus solvit circiter unam tertiam. Tinctura hæc odorem aromaticum, amaritiem & omnes dotes hujus substantiæ possidet. Aqua solvit circiter duas tertias. Aqua Calcis Tincturam validam extrahit. Parcā quantitatem Olei Odorati fundit.

Adfertur ex Arabia, Æthiopia & Ægypto; sed cujus Arboris productum sit necdum liquet. Variis additiis adulterata ordinariò apud nos prostat, quæ, cum genuinis illico descriptis Myrrhæ dotibus careant, facile distingui possunt, & rejici debent.

Myrrha aperit, discutit, abstergit, roborat, & calefacit: hinc in Morbis Pulmonum & primarum viarum, a glutine spontaneo & laxitate solidorum pendentibus, præcipuè præscribitur, & prodest. Non desunt qui in ulceribus internis; quin imò in ipsa Phthisi commendant. Ubicumque tamen Febris adest, suspecta esse debet: motum etenim humorum tam manifestè incitat, ut Abortum & Mictum Cruentum aliquando produxerit. Extus, tamquam abstergens & putredinem potentissimè arcens Remedium, ad Gangrænam, Ulcera putrida & Cariem Ossium cum successu adhibetur.

MYRTI Baccæ. *De Beziën van den Myrtenboom.*

NARDUS CELTICA, seu SPICA NARDI CELTICA. *Celtische of Alpische Nardus.*

NARDUS INDICA, seu SPICA NARDI INDICA. *Oostindische Nardus.*

NASTURTHI AQUATICI Folia. *De Bladeren van Waterkers.*

NASTURTHI HORTENSIS Folia & Semen. *De Bladeren en Zaaden van Tuinkers.*

Eadem utrique speciei virtus, priori tamen eminentior est. Hanc omnem exsiccatione, ut & coctione perdunt: ut hinc pateat optimè ipsam Herbam ab Ægris comedi, vel ipsum Succum expressum præscribi. Cocleareæ æmulæ plantæ sunt & adversus Scorbutum frigidum aliosque morbos ab humoribus viscidis & solido-

rum laxitate pendentes optimum Remedium constituunt. Stimulo suo solidorum motus reduplicando agunt : ut hinc etiam Diureticae & Emmenagogæ sint.

NEPETÆ, seu MENTHÆ CATARIÆ Folia. *De Bladeren van Nip of Kattekruid.*

NICOTIANÆ Folia. *Tabakbladeren.*

Ita a Nicotio Regis Galliae in Lusitaniam Legato, cujus praesertim nutu haec Planta circa medium saeculi decimi sexti in Europa primum innotuit, appellata est. Hispani quia eam in Insula Tabago, seu Tabaco, in Mari Mexicano sita, primum detexerunt, *Tabacum* vocarunt. Americanis *petum* dicebatur; hinc CLUSIO *petum latifolium* dictum est, & ob æmulam vim narcoticam aliquibus Botanicis *Hyosciami Peruviani* nomine insignitur. Colitur jam per omnem Europam. Odorem praebet gravem, pungentem, sternutationem excitantem; saporem acrem, amarum, nauscosum, pertinacem, salivam copiose elicientem. Vires Aqua, melius Spiritu Vini Rectificato extrahuntur. Oleum distillatum fundit acerrimum, quod Animalium sanguini affusum ea brevi interemit.

Pica Nasi, pestis illa, ut & aliae plures, e novo Orbe delata, quæ contagio suo jam omnes gentes infecit, maximam partem hujus Plantæ sibi vindicat. Multi præterea ejus fumum per fistulam attrahunt, ore retinent, volvunt, & ejus stimulo delectati efflant; dum alii in eundem finem ipsa folia masticant. Ita Europæi omni modo consumendis Americae productis & multiplicandis suis necessitatibus videntur studuisse. Insuetos tamen hi omnes hanc Plantam adhibendi modi mirè turbant: caput etenim omnibus veluti ebriis obnubilatur, & a fumo præcipue sursum deorsumque violenter & quandoque non sine discrimine, purgantur. Narcoticas itaque & acres omnino vires prodit, easque introsumpta confirmat. Quin variis corporis locis in Cataplasmate vel fomento applicata eandem turbam visa est excitasse. His non obstantibus venenosus dotibus, in

Medicinam introducta est, & in pluribus casibus locum tenere potest. Pulvis enim naribus attractus infuetis Ptarmicum est fortissimum. Fumus ore haustus Sialagogum est Remedium, quod in laxis, obesis humidisque corporibus, & morbis a serosa colluvie pendentibus, opem sæpius attulit. Idem ano immissus Ascarides necat, & in pertinacissimis Alvi Obstructionibus, Ileo, nec non Hernia incarcerata, aliis remediis non auscultantibus, quandoque se præbuit efficacissimum. Folia masticata famem sedant, sitim extinguunt, Odontalgiam curant, & oris factorem corrigunt. Eorum effluvia Pediculos, Pulices, Cimices necant, &, teste DIEMERBROEKIO aliisque, a Peste & aliis morbis contagiosis præservant. Eadem cum Aceto in Cataplasma redacta optime resolvunt, & discutunt, illorumque Decoctum saturatum, in Act. Nat. Curios. Vol. IX. pag. 392., & Nov. Act. Physico-Med. Vol. primo pag. 99., laudatur ad Abscessus sinuosos & Fistulas.

Sed & interno usu explorata est. Compertum est itaque illam diuturna in Aqua coctione, dissipatis acrioribus, vim emeticam deponere, & solam purgantem retinere; eademque ulterius protractâ, detergens, aperiens, diureticum demum, & alterans exsurgere Medicamentum, quod, præsertim tamquam expectorationem juvans, in Asthmate & Tussi a mucro crasso, viscido, pulmones infarciante, ab aliquibus summis laudibus extollitur. Quin Decoctum unciae unius foliorum Tabaci in Aquæ libris duabus, ad medietatis consumptionem, addito in coctionis fine foliorum Malvæ, Brancæ Ursinæ, & Violarum aa manipulo uno, calidissimum pluries de die potum a celeberrimo RUTTY in Vomica Pulmonum, ad materiam purulentam evacuandam, & ulcus consolidandum, scribitur valere.

NIGELLÆ Semen. *De Zaaden van Fenkelbloem.*

NINSING, seu NISI Radix. *Ninsing- of Nisi-Wortel.*

Ita Japonensibus vocatur Radix, quæ Chinenſibus *Gens-Eng*, seu *Ginseng* dici ab aliquibus perhibetur. Alii diversis his nominibus,

figura & viribus ferè fimiles quidem, sed ad genere & specie diversas Plantas pertinentes Radices exprimi contendunt. Itineratorum & Botanicorum incuria fecit, ut, quid hic credi debeat, ægrè statui possit. Interim sub his titulis adferuntur e Japonia, China & Regno Siam Radices rugosæ; calami, vel ad summum Digiti Auricularis crassitiem habentes; unum duosve pollices longæ; plerumque bifurcatæ; ad basim fibrosæ; coloris albidī, vel flavescentis; adeo resinosæ, ut aliquando subpelluceant, & Cornu quasi referant; odoris leviter aromatici; saporis subdulcis, leviter amari & acris, non ingrati.

Similis Radix circa initium hujus Sæculi in Novo Orbe, & nominatim in Canada detecta est: differunt tamen, quod hæc crassior, magis rugosa, coloris obscurioris, & minùs resinosa sit.

Hæc Radix apud Chineses & Japonenses tanti habetur, ut libra una tribus Argenti Libris ordinariò vendatur. Ob hanc causam rarò ad nos transfertur. In Hollandia Uncia una quandoque centum & quinquaginta Florenis constitit. Multò minùs cara Americana est. Si Orientalibus fides, Cardiacum est, cui nullum par hætenus prodiit, & omnibus ferè Morbis Antidotum. Vitæ fons, secundum illos, si languerit, hoc Remedio promptissimè sustentatur & refuscitatur; ut in pluribus Cerebri Morbis, & præsertim in labefactione virium a nimia Venere inducta, certissima sit Medela. In Europa tentamini subiecta tam parum speciosis his promissis stetit, ut multis aliis Indigenis ei faciliè suppleri, & hinc illam in Patria sua sine Materiei Medicæ damno relinqui posse, sit decretum.

NITRUM. *Salpeter.*

Est Sal neuter constans Acido proprio, *Nitroso* dicto, & Alkali Fixo Vegetabili, ad Saturationem simul unitis. Crystallos exhibet prismaticas, sexangulares, utrimque simili Apice terminatas. Coloris est candidi, subpellucidi; odoris nullius, saporis salis, leviter amari, nauseosi, & simul sensum Frigoris Linguae imprimit. In Aëre

non deliquescit. Solvitur in sexies circiter suo pondere Aquæ, præsertim ebullientis. Sub Solutione Menstruum refrigerat, ut Thermometrum evidenter deprimatur: minùs tamen, quam sub Solutione Salis Ammoniaci. Peracta Solutione Thermometrum etiam ad pristinam altitudinem redit. Igni expositum fixum est, funditur, & CrySTALLIFICATIONIS Aquam pertinaciter retinet. Sub hoc statu cum Materia Inflammabili Flammam concipit, cum majori vel minori pro circumstantiis Fragore. Peculiare hoc Phænomenum, quod Nitrum ab omni alio Sale distinguit, *Detonatio* appellatur, & Acido Nitroso, quod cum Phlogisto *Sulphur Nitrosum*, de se in Aëre libero inflammabile, constituit, debetur. Sub Operatione liberatum Acidum avolat, & post illam remanet Alkali Nitri, quod falsò *Nitrum Fixatum* hac vel illa Substantia, quæ in hunc usum adhibita fuit, appellatur. Præter Phlogiston hunc Salem decomponunt Acidum Vitriolicum, etiam Basi Terreæ, aut Metallicæ junctum, Acidum Phosphoricum, Sal Sedativum & Arsenicum.

Origo hujus Salis inter Naturæ Arcana hætenus numerari debet. Naturale, totum præparatum, & unicè e Terra eluendum in India Orientali aliisque locis invenitur. Tale e quibusdam Plantis etiam apud nos in parca copia obtinetur. Passim in Europa e Parietibus & Terris diu substantiarum putrescentium vaporibus, in Aëre libero, expositis extrahitur: sed Basi tum constat Calcareæ; ita ut, quo crySTALLISABILE & genuinum Nitrum evadat, ulteriori Præparatione indigeat. Basi ergo Terreæ Alkali Vegetabile, simplici methodo ob majorem Affinitatem, facillè substituitur, & in hoc omne Artificium verum Nitrum conficiendi consistit. Latet interim nos, & æternùm fortè latebit, quomodo peculiare hujus Salis Acidum generetur & Basi Terreæ accrescat.

Nitri pro præparando Pulvere Pyrio multus usus. In Medicina ob varias dotes multum adhibetur, & laudatur: virtute enim, præ reliquis Salibus, pollet antiseptica, & evidenter refrigerat; ut
inter

inter Antaphrodisiaca numeretur. Sanguinem præterea fluidiorem, rubicundiorem reddit, & inflammatoriam spissitudinem pulchrè solvit. Ob hunc effectum sitim compescit. Diureticum etiam est, & Alvum laxat. In majori tamen dosi, aut diutius adhibitum languorem inducere, Stomacho nocere, in Vias Urinarias præcipuè agere easque dolore afficere scribitur. Quin etiam Dyspnœam & Paralysem aliquando produxisse perhibetur. Ob vim solventem nocet in Febre Hæctica cum signis colliquativis.

NUMMULARIÆ Folia. *De Bladeren van Penningkruid.*

NUX MOSCHATA. *Nootmuscaet.*

Ob frequentissimos usus culinarios satis nota est. Pertinet ad Arborem in omnibus Moluccis, & præcipuè in Insula Banda crescentem. Continetur in putamine ligneo, quod Macis immediatè cingit. Vide MACIS. Ut hi Nuclei melius conserventur, antequam ad nos transferantur, Aquâ Calcis aliquamdiu macerantur; dein fumo exponuntur. Præferuntur rotundi & ponderosiores: oblongi sylvestres creduntur. Multo turgent Oleo, ut, dum acu calido vulnerantur, illud fundant, & per expressionem circiter unam tertiam sui ponderis largiantur. Oleum hoc odoratum, flavum est, & frigefactum Sebi consistentiam habet. Quod ab exteris adfertur ordinariò variis pinguedinibus adulteratum est. Olei Essentialis unam vigesimam & ultra quandoque sui ponderis præbent. Vires optimè Spiritu Vini Rectificato extrahuntur.

Nux Moschata Virtutem possidet aromaticam, nervinam, stomachicam, anticolicam & emmenagogam. In Vomitu & Alvi Fluxu præcipuè laudatur, & revera sæpe in his morbis cum successu adhibetur: hinc Vires Adstringentes ei adscriptæ sunt. Ilas non videtur mereri; sed potius vi narcotica & stupefaciente in his morbis agere: nam in majori dosi, præcipuè dum recens est, has dotes adeo evidenter possidet, ut multiplici Experimento & Authoritate

Temulentiam, Stuporem, Delirium & Apoplexiam induxerit. HORTMANNUS c Nucce Moschata & Alumine Febrifugum conficit.

NUX VOMICA. *Kraeyenoogen.*

Ita vocantur Nuclei, seu Semina orbiculata, utrimque compressa, umbilicata, villosa; corneae duritiei; coloris cinerei; odoris nullius, saporis amarissimi, ingrati, quæ ex India Orientali & nominatim c Malabaria adferuntur. Quindecim numero in Pulpa cujusdam Baccæ, seu Fructus dicuntur inveniri: Arbor, ad quam pertinent, *Strychnos nux vomica* a LINNÆO nuncupatur. Spiritus Vini Rectificatus omnem amaritiam extrahit, quæ consequenter in Resinosa Parte videtur hære. Faba Sti Ignatii secundum aliquos Authores ad eandem familiam pertinet. Non satis liquet.

Canibus, Felibus, Gliribus aliisque multis Animalibus certissimis experimentis, vi narcotica, deleteria est. Ad pauca grana Stuporem, Rigorem, convulsionem inducendo brevi post assumptionem interimit. In Nervos videtur venenosam vim explodere: plerumque enim in Interfectis Brutis nec Inflammationis, nec Gangrænæ vestigia in stomacho reperta sunt. Neque Homini, si fides observatis, omnino tuta videtur; quamvis talis a Nostratibus passim credatur. In Materiem Medicam tamen introducta est, & suos commendatores invenit: Arabes itaque primi adversus Serpantum ictus laudarunt, si una, aut duæ quotidie per longum temporis spatium assumantur. In Insula Ceylan in eundem finem adhuc adhiberi scribitur: E recentioribus aliqui eam Febres Intermittentes obstinatissimas scribunt percurasse. Alii adversus Pestem Antidotum esse; antihelminthicam vim possidere; hystericas, hypocondriacas, maniacas, turbas sedare; Ulcera mali moris & ipsam Hydrophobiam curare contendunt. Nec desunt, qui in Gonnorrhæa Virulenta præsens Remedium esse, & in Dysenteria præmissis evacuantibus mira quandoque præstitisse perhibent. Non obstantibus his encomiis cum SPIELMANNO prudentis Medici esse ducimus, cum adversus hos

Morbos securiora prostant Medicamenta, ab usu suspecti desistere, & Nucces Vomicas non, nisi pro necandis Animalibus nocivis, adhibere.

NYMPHÆÆ ALBÆ Flores & Radix. *De Bloemen en Wortel van witte Water-Leliën.*

OCYMI Folia. *De Bladeren van Basilicum.*

OLEÆ FRUCTUS EORUMDEMQUE OLEUM. *De Vruchten van den Olyfboom en der zelfver Olie.*

Arbor hæc sponte crescit in Gallia Meridionali, Hispania, Italia aliisque calidioribus Regionibus. Fructus, *Olivæ* dicti, immaturi, virides, conditi ad nos adferuntur, & apud multos in deliciis sunt. Maturi multo scatent Oleo. Id Torculari exprimitur, quodque sic primò prodit, limpidum, insipidum, inodorum, Oleo Amigdalorum non absimile, præstantissimum est, & *Virgineum* appellatur: quod postea adjecta aqua, vel calefactis Olivis, Majori etiam adhibita pressione obtinetur, vilius est & amurcosum. Mucilaginosus liquor, qui ex immaturis Fructibus exprimi potest, olim sub *Olei Omphacini* nomine in usu erat.

Olivæ scribuntur Oris halitum emendare, Stomachum roborare, Appetitum excitare, & Viscerum Obstructiones potenter solvere. Earum *Oleum* omnium Pinguedinum Principia & Vires habet: ob fluiditatem tamen, quæ unicè a diversa principiorum proportione pendet, facilius adhibetur, & plerumque in usus medicos præferri debet. Præcipuæ ejus dotes sunt Acria obvolvere; irritatas, rosas partes demulcere; tensas, convulsas fibras laxare, & cum obviis Sali- bus Alkalinis, teste Sapone Hispanico ejus producto, innocuum Saponem constituere. Ob has virtutes non solum omnium Venenorum assumptorum, præcipuè acrium, effectibus optimè medetur; sed etiam Alkalinis verum Antidotum est. Præ cæteris in similibus ca-

fibus famam sibi conciliavit, quia, dum in majori quantitate assumitur, vomitum excitat, & assumptum venenum plerumque feliciter expellit. In hunc usum affatim ad plures libras inodorum, insipidum, optimum adhibeatur: rancidum enim ipsum Venenum est. In atrocissimis præterea primarum Viarum Doloribus ab alia causa pendentibus & in nephritide laudatur. Antihelmenticum est. Ejus inunctione Hydropem curari aliqui contendunt. Tepidi Olei Embrocatione & Balneo horrendissimæ Convulsiones sedantur. Laxandi, emolliendi, lubricandi ergo in Enematibus adhibetur. Plurima Emplastra, Unguenta, Linimenta & Olea composita ingreditur.

OLIBANUM. *Wierook.*

Est Substantia gummeo-resinosa, quæ grana exhibet variæ magnitudinis & figuræ, granis Mastichis ordinariò majora, pellucida, coloris citrini; dum vetustior est, rufescentis. Odorem præbet proprium, fortem, balsamicum: masticata Dentibus adhæret, lentescit, Salivam lacteam reddit, & saporis est subacris, amari. Fragilis est, Flammam faciliè capit, & sufflitum tum gratum spargit. Spiritus Vini Rectificatus tres circiter quartas partes solvit, & omnes Vires extrahit. In Aqua tota serè suspenditur eandemque lacteam reddit. Emulsio hæc odoris fragrantis est, terebinthinacci. Secundum plures Authores Arboris, quæ LINNÆO *Juniperus Lycia* dicitur, productum est. Alii dubitant. Teste celeb. HASSELQUIST in utraque Arabia colligitur.

Veterum Olibani distinctiones, a diversa Glebarum figura & magnitudine, in *Marem*, *Fæminam*, *Thus Orobæum* & *Mannam* frivolæ sunt.

Vix hodie internè adhibetur; quamvis Myrrhæ vires videatur possidere. Laudatur ab aliquibus in Alvi Fluxu, Tussi & Pleuritide, præsertim epidemica. An hic aliquid præstare possit dubitamus. Credimus potius Sufflitum ejus roborare, discutere. Emplastra aliqua,

tamquam Vulnerarium, ingreditur. Albumine Ovi subactum scribitur Maculas Faciei delere.

OPIUM. *Heulsap. Het verdikte Sap van de Maankoppen.*

Opium, quod ad nos transfertur, secundum KÆMPFERUM aliosque oculares Testes, est inspissatus Succus lacteus, stillans ex incisís Capitibus *Papaveris Albi*. Coctione ex eisdem Capitibus extractum, & hinc Veterum tantum *Meconium* esse, alii contendunt. Priorem sententiam, pro magna saltem parte, veram esse, & Opium coctione extractum tantam Resinae proportionem non continere, quantam Opium apud nos profans, aut ex effluente succo paratum prodit, probat CL. ALSTON in *Medical essays and observations* vol. V. adfertur in panes coactum, qui variis foliis teguntur. Consistentiae est solidioris; ut tamen facile subigi & duci possit. Coloris extus est obscurioris; intus e fulvo nigricantis; dum in pulverem redactum est, flavioris. Odorem prabet ingratum, virosum, caput gravantem; saporem amarum, calidum, acrem: ut diu ore retentum Linguam & Palatum inflammet & exulceret. Totum relictis solis heterogeneis solvitur Spiritu Vini tenuiori, Vino & Aceto; una tertia circiter Alkohole; duae circiter tertiae Aquâ: ut hinc pateat substantiam esse resinoso gummeam. Duae haec principia videntur uniri Oleo, quod protracta per plures menses, in fervida, digestionem sensim separatur. Hac methodo, ablato principiorum vinculo, Opium decomponitur, & pars ejus Gummosa libera obtineri potest. Vide *Elementa Pharmaceutica* CL. BAUMÉ.

Haec substantia adfertur e Persia & Ægypto. Commendari passim solet Opium Thebaicum: sed notante SPIELMANNO potius ad puritatem, quam ad patriam respiciendum est. Aliqui Opium, quod e Planta nostrate praeparatur, ab Orientali viribus non differre; alii multo inferius esse, asserunt. Pro priori parte pugnant CL. HALLERI tentamina. Quod coctione apud nos obtinetur saltem debilius esse Opio Orientali, & duplam quidem ejus dosim requiri, statuit ARNOT in *Medical essays and observations* vol. V.

In parca dosi, & opportunè exhibitum, præstantissimum, & sine quo Medicinam multi facere nollent, Medicamentum est; in majori quantitate assumptum, Venenum. A grano dimidio, vel integro in non assuetis pulsus fit plenior, frequentior; augetur corporis calor; rubet facies. Concomitantur hæc mentis serenitas, hilaritas; imaginatio vividior: hinc in aliquibus subiectis irritabilior fit & pronior in iram animus. Sequitur Temulentia, Delirium, Doloris, si quis ante adfuit, oblivio. Sensuum & motuum muscularium organa tum sensim obtunduntur. Nascitur Insensibilitas, Stupor, Somnus, sub quo Sudor erumpit, diminutis interim manifestè reliquis excretionibus. Post aliquot horas Somnus excutitur, & succedit sensus frigoris & Debilitas. Major dosis illico Delirium, Somnum inducit; pulsus, respirationem deprimit, & Lethargum, Apoplexiam, ac Mortem infert.

Fortè ob hunc interficiendi modum a GALENO & ejus schola frigidum in quarto gradu Opium pronuntiatur: intelligitur tamen ex dictis, partim calidas, stimulantibus; partim sedantes, narcoticas vires possidere, &, perspecta tota effectuum serie, ut Vinum agere. Orientalibus, qui perpetuo usu maximæ dosi, etiam plurium Dragmarum, sensim assuescunt, idem omnino videtur præstare, quod Nostratibus Spiritus Frumenti: Venerem scilicet illis exstimulat; animum eorum & audaciam erigit. Senim etiam longo ejus usu tristes, stupidi fiunt, & ad idem Remedium continuo coguntur recurrere. Egregium itaque in non assuetis est Cardiacum, quod podagricum, arthriticum, exanthematicum, & quodvis acre repulsus ideo, felicius aliis Remediis stimulantibus, ad exteriora repellit, quod comites Nervorum turbas, si hæc mali causæ sint, si effectus, sedet.

Ob vires sedantes & narcoticas præscribitur in omnibus doloribus non inflammatoriis, dum Medici mens est inducias Ægrorum tormentis pacisci. Doloris sensum tum quidem in mente sopit; sed, nisi excitato a Remedio sudore, vel relaxatà penitus fibrâ, cujus tensio dolorem creaverat, Morbus radicitus curetur, manet causa

doloris, qui, evanidis post aliquot horas Opii viribus, denuò, & aucto quidem cum impetu plerumque, redit: ut dolendum sit, non nisi palliativum in multis casibus esse Remedium. Ob easdem vires vigiliis nimis medetur, & inordinatos Spirituum motus felicissimè compescit: hinc in hysteriis, hypocondriacis turbis; omnibus motibus & constrictionibus spasmodicis maximi est usus: etiam, adhibitâ cautelâ, ubi materia eliminanda a spasticè contractis Colicatoriis retinetur: ut in omni ferè Colicæ genere, in difficili & dolorifica menstruatione, Hæmorrhoidum moliminibus, doloribus Partûs spuriiis &c. in irritata multum fibra; ut in Tussi inani, ferina, morbillosa, libera cæteroquin Respiratione, singultu, vomitu &c. princeps est Remedium. Profusiores evacuationes præsertim per alvum sedat. Cum successu in debellandis febribus intermittentibus additur Cortici Peruviano, cujus vires purgantes etiam infringit. Quin ad granum unum alterumve, in initio paroxysmî adhibitum, ejusdem violentiam & durationem minuit, nec non Ægri constitutionem inalteratam servat. Hanc methodum, non novam, CELEB. LIND reduxit; post eum plures affirmant. In Gangræna, præsertim illa, quæ Senum extremitatibus quandoque accidit, mira præstare CL. PERCIVAL POTT scripsit. Cum Cortice Peruviano in variis istiusmodi casibus stupendam opem tulisse vidimus. Cardiacas hic vires exercet. Variis præterea Couvulsionibus, Epilepsiæ sine materiâ, Episthotono & Spasmo Maxillæ inferioris cynico medetur. Plura hujus rei exempla prostant in *Medical observations and inquiries*. Tandiu in omnibus his casibus augenda dosis, donec Somnolentia altius ascendere vetet. Egregiam quantitatem his morbis detenti ordinariò ferunt. Nobis Mulier sedecim quotidie grana sine somno & cum optimo eventu assumpsit. Viginti, quin etiam viginti sex tempore viginti quatuor horarum dedit CELEB. FARR. *Medical observations and inquiries*. Vol. IV.

Cum Opium manifestè sanguinis circulum intendat, & calidum sit Remedium, proscribi debet in omni Inflammatione, in omni Hæ-

morrhagia, in Febre intensiori, & in omnibus Naturæ criticis & salutaribus moliminibus. Non desunt exceptiones. Eas adducere longum foret. Prudens Medicus, a quo solo hoc Remedium præscribi potest, has dignoscere debet.

Cuti applicatum eam irritat, rubefacit; nec sciri præcisè potest, quanta ejus pars corpus subintret: hinc externum usum CELEBERIMUS TRALLES rejecit. Glandulis tamen induratis & tumidis Testiculis maximo cum fructu ab Orientalibus adhiberi ocularis testis est CELEB. KERR. *Medical observations and inquiries*. Vol. V.

Adversus ejus Venenum proponuntur Vomitus aliaque generalliora; Acida.

OPOBALSAMUM; BALSAMUM JUDAICUM; BALSAMUM E MECHA, GILEADENSE, SYRIACUM &c. *Opobalsamum; Balsam van Gilead, Mecha &c.*

Est Balsamum Terebinthinâ fluidius; coloris citrini, paulò rubicantis; odoris varii pro ætate, suavis, aromatici, fragrantis, terebinthinacci, qui Corticum Citri, Lavendulæ & Seminum Anisi odores videtur adjunctos habere. Saporis est amari, acris, aromatici. Recens Lac coagulat.

Pertinet ad Arbusculam, quæ aliquibus *Balsamum verum*; LINNEO *Amyris Opobalsamum* dicitur, & Arabiæ propriè indigena est.

Tres hujus Balsami species notantur. Prior fluit ex incisa Arbore, pretiosissima est, & ad Principum duntaxat orientalium manus pervenit. Altera primâ & levi coctione e foliis & ramusculis elicitur. Tertia fortiori & protractiori. Hæc sola ad nos videtur transferri.

Balsamo canadensi, Terebinthinâ, variis Oleis Essentialibus, quin etiam Unguinosis plerumque adulteratur. Fraus agrè detegi potest. Recentis gutta Aquæ instillata se in Telam diffundit, quæ cohærens,

rens, alba se integram calamo auferri patitur. Id genuini Opobalsami criterium statuitur. Cum annosius Aquæ fundum petat, pro solo recenti hoc concludit.

Aliorum Balsamorum, in multis morbis frigidis utiles, vires possidet. Diureticum est, & urinam odore suo inficit. Commendatur in ulceribus Pulmonum, Renum & Vesicæ. Cum reliquis Balsamis minus calefaciat, tutior ejus usus videtur; reliquas laudes orientalium phantasiis & raritati suæ debet.

Externè vulnerarium est, Roborat; discutit Œdemata. Laudatur adversus Perniones.

OPOPONAX. *Opoponax*; het verdikte Zap van Angelika, of Panacè-Kruid der warmer Landen.

Est concretus Succus lacteus, gummeo-resinosus, qui in Oriente stillat è vulnerata, circa radicem, *Pastinaca Opopanace* LINNÆI. Adfertur nobis in granis, Juglande ordinariò minoribus, vel in massa e similibus granis conglutinata. Glebæ coloris intus albidi sunt; extus lutei, pro ætate obscurioris. Friabilis est: in ore pinguem tamen se præbet, solvitur, & saporem habet proprium, amarum, acrem, nauseosum. Odor ejus fortis est, & balsamicus. Una tertia circiter hujus substantiæ solvitur Alkohole. Tota, exceptis fordibus, quæ ordinariò non paucæ, suspenditur in Aqua, quam lacteam reddit. Flammam concipit.

Vires incidentes, resolventes, leviter stimulant; hinc in omnibus morbis a laxa fibra & obstruente viscido Muco utiles, possidet. Ob has dotes Urinas, Menses movet, & in majori dosi per Alvum purgat.

Externè Tumores frigidos emollit, resolvit, discutit.

ORIGANI Folia. *De Bladeren van wilde Marjolein.*

ORYZÆ Semen. *Ryft.*

Ita vocantur satis nota Semina Plantæ, quæ Indiæ, Nigritiæ, Insulis Philippinis, nec non Americæ indigena est, & LINNÆO

Oryza Sativa dicitur. Hodie colitur in omni Oriente, in Italia, Hispania &c.

Oryza videtur aliquid Acidi continere; nam Lac cum ea cruda coctum sæpe coagulatur. Fermentationis spirituosæ admodum capax est; & pluribus in locis non solum Cerevisia, sed & Spiritus Inflammabiles multum inebriantes ex illa parantur. Spiritus, qui sub nomine *Arrack* ad nos adfertur, passim ex illa confici creditur: asserunt tamen oculares Testes illum non e sola *Oryza*, sed e Nucibus Cocos, Canna Saccharifera & *Oryza* parari, Indosque omnem Spiritum Inflammabilem nomine *Arrack* insignire.

In Diarrhæa, Dysenteria, Hæmoptoë aliisque morbis, ab humorum acrimonia pendentibus, leve, inerasians, demulcens, obvolvens Nutrimentum & Medicamentum est. Sævissimi Stomachi dolores, etiam a Scirrho, vel Cancro hujus partis producti, quovis alio cibo exasperati, hoc Nutrimentum bene tulerunt, & multum tolerabiliores facti sunt. Vim alvum sistendi, quæ ei a nostratibus passim adscribitur, tunc tantum obtinet, quando alvus ab acri in Intestinis hærente laxior est.

OS E CORDE CERVI.

Osliculum variæ magnitudinis, & figuræ irregularis, quod non aliud erat, quam Cordis, vel magnorum circa Cor vasorum particula in hoc animali ossea facta, olim in Officinis Pharmaceuticis prostabat: acsi vires præstantiores, quam quodvis hujus, vel alterius Animalis Osliculum habuisset. Ad eandem deliramentorum classẽ pertinet.

OS SEPIÆ. *Zeeschuim, of de Schulp van Inktvis.*

In Gonorrhæa, Fluore albo, & Alvi Fluxu laudabatur. Absorbens est, quod a reliquis nihil diversum habet, & quo consequenter faciliè carere possumus.

X **OSTEOCOLLA.** *Osteocolla.*

Sub hoc nomine prostant corpora cylindriaca , extus alba , aspera ; intus perforata , vel substantiâ lignêâ repleta , quæ in variis Germaniæ locis e Sabulo effodiuntur. Stalactites sunt , vel Arborum Radices carie exesæ , & Terra Calcaria incrustatæ. Magnam Sabuli copiam ordinariò adjunctam habent.

Osteocollam Ossâ fracta consolidare MATTHIOLUS somniavit ; ut hinc nomen receperit. Tanta Autoritas hunc errorem in Scholas & Posteriores transtulit. Inter adstringentia numeratur , & aliqui ad Fluorem album laudant. Absorbens est , cui alia puriora facilè substitui possunt.

OSTREORUM TESTÆ. *OesterSchulpen.*

Inter optima Absorbentia numerantur. Vi Ignis in acerrimam Calcem convertuntur , cujus Aqua immerfos Calculos potentiùs solvere scribitur , quam Aqua Calcis ordinaria.

PÆONIÆ Flore pleno majore rubro , seu FÆMINÆ Radices , Flores & Semina. *De Wortels , Bloemen en Zaaden van Wyfjes Peonie.*

PÆONIÆ Folio nigricante splendido , seu MARIS Radices , Flores & Semina. *De Wortels , Bloemen en Zaaden van Mannetjes Peonie.*

Prior , quia Flore pulchriori est , passim in hortis nostris colitur , & sola ferè in Officinis prostat. Eadem tamen utrique Virtus est. Flores & Radix , præcipuè recentes , spirant aliquid papaverini , quod Caput gravat , & Narcoticum videtur. Aliqui Authores , inter quos eminet CULLENIVS , has partes omni Veneni suspitione non absolvunt. Laudantur tamquam Emmenagoga , & adversus Morbos Convulsivos : quin Radix Collo appensa Puerum epilepsia laborantem curasse a GALENO tot circumstantiis perhibetur , ut , nisi Experimentum fallax esse sciremus , vix dubium superesset. Hanc vim FORESTUS , FERNELIVS aliique comprobant. Notante tamen

SPIELMANNO „cam ne unica quidem, cui fidere possemus, confir-
 „ mavit Experientia. Noctu effodiendam esse jam THEOPHRASTUS
 „ præcepit. Alia absurda circa colligendi rationem addiderunt me-
 „ dio ævo Astrologi. Semina & Flores ad Radices accedere sibi
 „ persuaserunt. Medicamentum superstitione excitatum, Astrologia
 „ suffultum evilescece cœpit. „

PALMÆ OLEUM. Palm-Olie.

Adfertur e Guinea, Jamaica, Insulis Barbadosibus &c. ubi e Nu-
 cleis Nucum Cocos exprimitur. In aere nostro Unguenti consisten-
 tiam habet. Recens coloris est aurantii; odoris fortis, non ingrati;
 nullius serè saporis: vetustius factum sensim albescit, & fit inodorum.

Ufus internus nullus. Externè commendatur ad Rachitidem, Par-
 tes Paralyticas, Perniones &c. Aliquid adversus hos morbos posse,
 hætenus tam parùm probatum est, ut transferri non mereatur.

PAPAVERIS ALBI Folia, Capita & Semina. *De Bladeren, Koppen
 en Zaaden van witte Papaver, of groote Tuin Maankoppen.*

PAPAVERIS NIGRI Folia, Capita & Semina. *De Bladeren, Kop-
 pen en Zaaden van kleine Tuin Papaver, of zwarte Maankoppen.*

Duæ hæ species, quamvis Florum & Seminum colore differant,
 easdem tamen vires possident. Folia & præsertim Capita Succum
 continent lacteum, virosum, narcoticum. Vide OPIUM.

Utriusque semina saporis sunt dulcis, farinacei, unctuarii, & ex-
 pressa multum Olei insipidi præbent. Quod, præter generales Oleo-
 rum vires, nullas particulares possidet. Nec ipsa Semina somnifera sunt.

PAPAVERIS ERRATICI, seu RHÆADOS Flores. *De Bloemen
 van Koornroozen, of wilde roode Maankoppen.*

Succum possident obscure rubrum, qui tam aquosis, quam spi-
 rituosis Menstruis extrahitur. Odor, qui in recentibus observatur,
 in desiccatis perit.

Laudantur tamquam demulcentes & anodini; præsertim in Morbis Pectoris. Quibus Experimentis eorum Virtus probata sit, planè ignoramus.

PARALYSEOS, PRIMULÆ VERIS, seu VERBASCULI PRATEN-
SIS ODORATI Flores. *De Bloemen van St. Pieterskruid, of Hemel-
fleutel; Sleutelbloemen.*

PAREIRÆ BRAVÆ Radix. *De Wortel van Amerikaensche wilde
Wyngaerd.*

Pertinet ad Plantam, quæ in America meridionali crescit, & LINNÆO *Cissampelos Pareira*; RAJO *Convolvulus Brasiliensis Flore Octopetalo Monococcus*; Indigenis, & PISONI *Caapeba* dicitur. Nunc digiti, modò etiam brachii crassitiem habet. Tortuosa est, & rugosum habet Corticem, qui exterius, coloris est in juniore cinereo nigricantis, in annosiori verò omnino nigricat. Substantia interna lignosa est, & obscure flavescit. Transversim dissecta multos circulos concentricos exhibet, qui fibris a centro ad circumferentiam decurrentibus decussantur. Odorem vix ullum habet, saporem dulcamarum, quo radicem Liquiritiæ æmulatur.

Jam circiter a sæculo hic innotuit, & magnam illico famam consecuta est. Laudatur in Asthmate humorali, Obstructionibus Viscerum abdominalium, lètero; in variis Viarum urinarum vitiis a Mucò, vel Calculo pendentibus, etiam harum partium Ulceribus; in Podagra, Gonorrhœa, Fluore albo &c. Mite resolvens, diureticum, & innocuum semper Medicamentum videtur, quod aliqui etiam celeberrimi Authores ultra merita laudarunt. Tam parum ejus viribus credit BOERHAAVIUS, ut, qui multum ei tribuunt, nugaces Medicos appellare non dubitaverit.

PARIETARIÆ Folia. *De Bladeren van Muurkruid, Glaskruid*

PASSULÆ, sive UVÆ PASSÆ MAJORES. *Rozynen.*

PASSULÆ, five UVÆ PASSÆ MINORES. *Korenten.*

PASTINACÆ SATIVÆ, feu HORTENSIS Radix & Semen. *De Wortel en Zaaden van Tuinpastinaken.*

PASTINACÆ SYLVESTRIS Semen. *De Zaaden van wilde Pastinaken.*

PENTAPHYLLI, feu QUINQUEFOLII Radix. *De Wortel van Vyfblad, of Vyfvinger-Kruid.*

PEPONUM Semen. *De Zaaden van Pompoenen.*

PERLÆ. Vide MARGARITÆ.

PERSICARIÆ MITIS, feu MACULOSÆ Folia. *De Bladeren van Persikkruid, of Vlooi kruid.*

PERSICARIÆ URENTIS, feu HYDROPIPERIS Folia. *De Bladeren van Waterpeper, of bytend Persikkruid.*

Prior species vix in usu est, nec esse meretur. Posterioris Folia Succum possident calidum, & tam acrem, ut Cuti applicata eandem admodum rubefaciant. Acrimonia, hæc, ut Cochleariæ & Nasturtii, coctione perit.

Ob vim stimulantem & incidentem in Morbis a laxa fibra & glutinosis humoribus; ut Scorbuto frigido, Viscerum Infarctu, Chlorosi, Oedemate &c., laudem meretur, & Diuresim promovet. Vis lithontriptica ei tantis encomiis ab aliquibus attributa non satis probata est: quin in nuperis CL. HARTLEY Experimentis Aqua communis in dissolvendo Calculo plus effecit, quam Aqua distillata; Decoctum, vel Succus hujus Herbæ.

PERUVIANUS CORTEX. Vide CORTEX PERUVIANUS.

Nova hujus Medicamenti species, ab eo tempore quo Articulus CORTEX PERUVIANUS prælo datus est, in has Regiones sub Cor-

ticis Peruviani rubri nomine introducta est. Optima species dotibus externis ab ordinario Cortice adeo differt, ut in prima ejus auctione Ostendæ habita a Pharmacopolis fraudem suspicantibus despiceretur, & emptores non inveniret. Frustra exhibet magna, inter quæ non rarò pollicem & amplius lata occurrunt, crassa, non convoluta, manifestè majoris circuli segmenta. Tria in illis distinguuntur strata: extimum tenue, inæquale, coloris rubrofusci est & plerumque Musco tegitur. Medium crassius, magis compactum, coloris obscurioris, sæpè nigricantis, & ferè totum resinosum est. Intimum coloris rubri, magis rutili, fibrosam, ligneam exhibet substantiam. Frustra odore Corticem ordinarium æmulantur, sed Pulvis & alia hujus Corticis præparata odorem præbent magis aromaticum. Sapor magis amarus est, minùs acerbus & gratior. Dentibus facilius se patitur comminui, & Salivam tingit Colore rubro. Omnia ejus Præparata pharmaceutica rubicundiora, magis saturata & præstantiora sunt. Multò majorem quantitatem Extracti, ferè etiam dimidium sui ponderis, largitur.

Videtur eandem cum ordinaria specie originem habere, &, ut illa, ad *Cinchonam Officinalem* LINNÆI pertinere: sed e trunco & majoribus ramis, vel fortè e vetustioribus etiam Arboribus desumitur; dum vulgaris species manifestè ramusculorum Cortex est. E DALEI hujus Medicamenti descriptione, & clarius adhuc e LISTERI verbis patet, Corticem rubrum circa hujus sæculi initium in usu fuisse; & probabiliter eadem hujus Medicamenti species est, cujus paucis dragmis MORTONUS, SYDENHAMUS & eorum coætanei tam feliciter Intermittentes fugabant.

Vires easdem, sed multò præstantiores Cortice vulgari possidet. Uncia dimidia, etiam in febrium casibus obstinatissimis, ubi Corticem ordinarium in maxima quantitate datum parum elicere sæpe dolumus, rarò, si unquam, fallit; modo Cortex Ruber optimus, & ab omni lignoso purgatus adhibeatur.

PETASITIDIS Radix. *De Wortel van Dokke Bladeren.*

Hæc Radix, odoris gravis; saporis amaricantis & acris, commendatur tamquam cardiaca, alexipharmaca, incidens, diaphoretica in Peste, Febribus autumnalibus, Asthmate &c.

Externè in Ulceribus malignis & Bubonibus pestilentialibus laudatur. Ejus Pulvere Verrucas venereas felicius, quam Sabinâ, eradicari, & Folia hujus Herbaræ podagrico membro applicata solatio esse scribitur. Non fatis liquet.

PETROLEUM. *Steen-Olie.*

Est liquidum, quod omnia Bituminum principia videtur possidere, & è Terra, vel Rupibus in quibusdam Italiæ, Galliæ aliarumque Regionum locis effluit, & Fontibus supernatat. Variæ species memorantur, quæ colore, consistencia, puritate; non principiis videntur differre. Fluidissimum, album, Ignis rapacissimum, quod apud nos vix prostat, *Naphta* appellatur: crassius, lentenscens, flavum, fuscum, nigrum, simpliciter *Petroleum*, vel *Oleum Terræ*. Omnes species sunt odoris fortis, bituminosi, pertinacissimi; saporis acris, amaricantis, balsamici. En Naphtæ proprietates: Tincturam Violarum mutat in colorem viridem. Distillata tota, immutata, leviter tamen debilitata transit. Aquæ instillata se in latam telam diffundit, quæ in ipsa aqua flammam attrahit, accenditur, & consumitur. Omnibus Liquoribus Spirituosis, etiam Alkoholi innatat; neque illis solvitur, nisi mediantibus Acidis Mineralibus, quibus solvi, & inspissari potest; sed non accendi. Cum Oleis Essentialibus facilè miscetur: ut hinc Terebinthinæ Oleo frequenter adulteretur. Frigore sævissimo non congelatur.

E Carbonibus fossilibus Distillatione Oleum elicitur, quod Petroleo simillimum est.

Naphta vix ad usus medicos adhibetur: laudatur tamen ad juvandam Expectorationem, adversus Colicam Pictonum, dolores osteocopos,

osteocopos, & tamquam efficacissimum Antihelminthicum, quo solo, optimo cum successu, Teste CELEB. HASSELQUIST, contra tæniam Cairenses utuntur.

Externè ad Perniones scribitur valere, & Rheumatismo Remedium esse. Secundum aliquos, Lethargicorum, Apoplecticorum, colicis Doloribus vexatorum Temporibus, Naribus, Abdomini non sine fructu inungitur. Petroleum minus efficax est; ad eisdem tamen usus adhiberi posse scribitur.

PETROSELINI MACEDONICI Semen. *De Zaaden van Selderie.*

PETROSELINI VULGARIS Semen, Folia, Radix. *De Zaaden, Bladeren en Wortel van gemeene Pieterselie.*

PEUCEDANI Radix. *De Wortel van Boeren-Fenkel, of Varkens-Fenkel.*

PHU. Vide VALERIANA SYLVESTRIS.

PIMPINELLÆ SANGUISORBÆ Folia. *De Bladeren van Pimpenel.*

PIMPINELLÆ SAXIFRAGÆ Folia, Radix, Semen. *De Bladeren, Wortel en Zaaden van Steenbrekende Pimpenel.*

Prior adstringens, vulneraria censetur: posterioris variæ species, inter quas *Alba* numeratur, easdem virtutes possident. Calidum scilicet & acre Medicamentum præstant, quod in Morbis frigidis, mucosis maximæ utilitatis esse posset, & me iudice non satis ad usus medicos adhibetur. Ob vires lithontripticas primùm in Medicinam introducta est, & hinc *Saxifragæ* titulo celebrata. Hanc laudem non videtur mereri. Potiori jure Menses & Lochia movere potest. Laudatur adversus Morbos a Mercurio.

Radix masticata Sialogoga est, & Cuti applicata eam rubefacit, inflammat.

PIPER ALBUM. *Witte Peper.*

PIPER NIGRUM. *Zwarte Peper.*

Grana noti hujus Aromatis sunt Fructus Plantæ, quæ in Malabarica, Insula Java aliisque Indiæ Orientalis Regionibus crescit. Decerpuntur immaturi, virides, & exsiccano sensim nigrescunt. Maturi Fructus ex eadem Planta desumpti, lutescentes, in Aqua falsa macerantur; donec exterior cuticula decidat. Tum Sole indurantur, & *Piper Album*, tam naturitate, quam maceratione *Nigro* debilius, constituunt. Sapor hujus Aromatis non in Oleo Essentiali, ut aliorum, sed in resinoso & fixa parte videtur hære: nam Oleum mite HEISTERO, GAUBIO & SPIELMANNO suppeditavit, & Alcohol omnem saporem extrahit; dum interim Aqua ebulliens, vel etiam repetita coctio vix aliquid elevat, aut extrahit. Extractum Spirituosum fervidissimum, igneum est.

Condimento & Stomachi irritamento potius, quam Medicamento fervire solet: optimum tamen adversus Morbos frigidos, mucosos, præsertim Primarum Viarum, Remedium esse potest, quod ideo fortè nimis negligimus, quia omnium Culinas ingrediens familiarissimum est. Præcunte DIOSCORIDE adversus Febres Intermittentes laudatur, & aliquot horas ante paroxysmum adhibetur. Consideratâ ejus naturâ, in aliquibus casibus successum habet; in aliis non sine periculo adhibetur.

Externè rubefaciens est, & Sinapismis, revellendi ergo, adjicitur. Frigidos Uvulæ tumores discutit. Denti carioso immisum nudum Nervum adurit quasi, & dolorem adimit. Infecta necat.

PIPER LONGUM, seu MACROPIPER. *Lange Peper.*

Ad diversam Plantam, earundem Regionum indigenam, pertinet. Fructus exhibet cylindricos, semipollicem circiter longos, qui figuram Julorum Coryli habent, & coloris extus sunt cinerei, vel subnigricantis. E numerosis Granulis vermiculato plexu disposi-

tis , si faciem externam spectas , constare videntur. Odoris sunt aromatici ; saporis piperini , fervidi , Linguam adurentis.

Piperis nigri principia possidet ; sed fortius & præstantius ejus Aroma est , & ad usus medicos præferri debet.

PIX LIQUIDA ; CEDRIUM , seu CEDRIA LIQUIDA. *Teer of Terre.*

Est Substantia fluida , pinguis tamen & spissa , quæ in Succia præsertim & Norvegia e pinguioribus Pini Abietisque partibus vi ignis eliquatur. Coloris est nigricantis ; odoris gravis , empyreumatici ; saporis amari , calidi , acris. A meris resinosis succis ex eisdem Arboribus sponte effluentibus differt non solum nigredine ab Igne contracta ; sed etiam quod multa Salia contineat , quibus pars Olei Terebinthinæ , quod Pix continet , in Aqua fit solubilis. In Spiritu Vini rectificato ferè tota solvitur.

Succi hanc Substantiam in Variolis interno usu adhibent. Norvegici in Febribus malignis. Apud nos vix in usu erat ; donec *Aqua Picis* ex America deducta , Auctore CL. BERKELEY Episcopo Hiberno , innotesceret , & ubique tentaretur. Ex una parte Picis & duabus Aquæ simul mixtis , & per quadraginta octo horas in quiete repositis , conficiebatur. Decantabatur dein Aqua , quæ , continens supradicta Picis Salia & quidquid mediantibus eisdem in Aqua solvi poterat , balsamica , calida erat & acris. Ad unam duasve libras quotidie præscribebatur , & testante TRILLERO , „ credebatur tum ferè ab omnibus hoc Aurum quasi potabile „ non solum præsentem Sanitatem diutissimè custodire ; sed & jam „ amissam citissimè restituere , & omnis generis morbos certissimè „ profligare. „ Excussio demum post aliquod tempus præjudicii furore , & re saniori mente perspecta , constitit , hanc Aquam , ob vim calidam & stimulantem , Circulum intendere , perspirationem promovere aliosque Circuli aucti effectus producere : adeoque in frigidis , mucosis morbis utilem ; in calidis , biliolis nocivam esse :

ita ut, cum ejus utilitati aliis multis minus ingratis facile suppleri possit, penitus tandem eviluerit.

Externè digerere & Suppurationem promovere scribitur. Notante CL. RUTTY „ cum pannis laneis duplicatis, cruribus Hydro- „ picorum tepidè admota per tres, quatuor, vel quinque dies „ exulcerat cutim, & fluxum largum excitat, hocque singulare „ habet, quod nihil hinc metus sit Gangrænæ, secus quam in incisionibus.

PIX SICCA. *Pek.*

Nota hæc Substantia fit e Pice Liquida, quæ Evaporatione ad solidam consistentiam ducitur. Sub operatione, cum aquosis partibus, volatilia & præstantiora quædam principia avolant: hinc Pice liquida minus efficax est. Eadem cæterum principia easdemque vires possidet.

Emplastra digerendi, maturandi, conglutinandi ergo ingreditur.

PIX BURGUNDICA. *Bourgondische Pek.*

Mollior est, & facile subigi se patitur. Coloris est brunnei, rubicantis; odoris gratioris; saporis subacris, terebinthinacei. Teste CL. GEOFFROY fit e Resina pinea seu candida, *Galipot* dicta, liquata cum Terebinthina communi & Oleo Terebinthinæ.

Cum Pice arida ferè viribus convenit. Externè solùm adhibetur. Rubefaciens est, quod aliqui adversus Tussès rebelles, ab acri Pulmones irritante, inter scapulas non sine fructu applicari perhibent.

PLANTAGINIS LATIFOLIÆ, seu SEPTINERVIÆ Folia & Semen. *De Bladeren en Zaaden van gemeene breedblarige Weegbree, of Plantyn.*

PLUMBUM, seu SATURNUS. *Lood.*

Videtur omnium Metallorum imperfectissimum esse. Colore albidō, splendēte Stannum æmulatur; magis tamen cærulescit. Odoris,

ut etiam saporis, est particularis, proprii. Tenacitate, ductilitate, duritie, elasticitate reliquis Metallis cedit; eadem tamen, si Aurum, Platinam & Mercurium exceperis, specifica gravitate superat: ferè duodecies enim simili volumine Aquæ gravius est. Aëri expositum cito griscam rubiginem contrahit: unitis tamen Aeris & Aquæ viribus magis, quam Ferrum & Cuprum resistit. Ante candescentiam, quingentesimo quinquagesimo circiter gradu Farenheitiano, funditur. Sub hoc statu fumum emittit, cito pulvere cinereo tegitur, & tandem totum in eundem fatiscit. Calx est hujus Metalli, quæ continuato igne flavescit, & *Massicot* vocatur; eodemque protracto rubescit & appellatur *Minium*. Aucto igne Minium abit in *Lithargirium*; tandem in penetrantissimum Plumbi Vitrum. Omnes hæ Substantiæ adiecto Phlogisto facillimè in Plumbum reduci possunt. Hoc Metallum colliquatione reliquis Metallis, excepto Ferro, uniri potest. Solvitur omnibus Acidis, & cum eisdem Salia constituit pro diverso Acido diversa. Ex his ea sola, quæ Acidi Aceti unione nascuntur, in usus medicos recipiuntur. Vide CERUSA, ACETUM SATURNI, EXTRACTUM SATURNI, SACCHARUM SATURNI.

Hoc Metallum numquam nativum obtinet; sed varia ejus Terra & Minera sat copiosè per Europam occurrit.

Jam Veteres tamquam exsicicans & repellens externè adhibuerunt. Annotarunt simul internè sumptum venenatos effectus edere. Ab eo tempore usque ad nos continuis celeberrimorum Medicorum Observatis hæc Sententia stabilita est. Sævissimos scilicet Intestinorum dolores; Alvi pertinacem obstructionem, sub Colicæ Pictonum denominatione, Præcordiorum Angustias; Membrorum Tremores, Convulsiones, Debilitatem, Paralysem & totius Corporis Atrophiam producit. Longus vasorum plumbeorum usus, Vina Lithargyrio adulterata & præsertim hujus Metalli fusi fumus eandem omnino Tragœdias agit; ut passim probant ægritudines Opificum hoc Metallo multum illaborantium. Mercuriali principio hi effectus

passim adscribi solent: in Plumbo puro nulla tamen arte Argentum Vivum detegi potest.

Adversus vim ejus deleteriam laudantur pinguia, oleosa, Lac, Balnea aliaque emollientia continuò & diu, tam intus quam extus, applicata.

Usum externum frequentem & celebrem reddidit CL. GOULARD. Vide EXTRACTUM SATURNI, & AQUA VEGETO MINERALIS.

POLII MONTANI Summitates. *De Toppen van Bergpoley.*

POLYGALÆ VULGARIS Radix. *Melkwortel.*

POLYGALÆ SENEGÆ, seu VIRGINIANÆ; vel simpliciter SENE-
CÆ Radix. *De Wortel van Seneka, of Virginiaensche Melkwortel.*

Hæc Radix, pertinens ad Plantam Virginiae, Pensilvaniae & Marilandiae indigenam, ramosa est, fibrosa, nodosa, variè contorta, digitum minorem circiter crassa & longa, intus alba, lignosa; Cortice crasso, quasi resinoso, flavescenti, quem cinerea Epidermis investit, tecta. Odorem vix ullum præbet; saporem primò subacidum, mox acrem, inter Pimpinellam & Pyrethrum medium. Ore retenta Salivam elicit; fauces pungit, constringit, & tussiculam excitat. In Cortice præsertim vires hærent. Unam tertiam circiter Extracti Aquosi, omnem radicis acrimoniam possidentis; unam quartam ferè Spirituosi, debilioris, largitur.

Clarissimus TENNENT primam hujus Radicis notitiam, in Tractatu de Pleuritide anno 1736. Philadelphiae edito, nobis impertiit. Indigenæ Serpentis Cratolophori, seu Caudisoni morsui, omnibus Peripneumoniæ veræ Symptomatibus necanti, illâ felicissimè mederi solebant; quod cum Vir ille didicisset, ob convenientia symptomata, ad Inflammationes Pectoris Remedium transtulit. Faustus eventus paulò post a celeberrimis LEMERY, DE JUSSIEU, DU HAMEL, BOU-

VART, LINNEO aliisque comprobatus est, constititque repetitis & collatis Experimentis hoc Remedium inflammatoriam spissitudinem & quamlibet aliam humorum tenacitatem potenter solvere. Ut etiam adversus Rheumatismum, Arthritidem, Podagram & Febres intermittentes non inefficax Remedium a GRONOVIO inventum sit. Quandoque Vomitus excitat, solutosque humores per Cutis poros, Alvum & Urinæ Vias solet expellere: hinc in Hydrope, ubi omnia alia fefellerant, optimo cum effectu a BOUVARTIO tentata est. Post hæc encomia mirari oportet, eam in hac patria adeo neglectam esse, ut vix in Officinis pharmaceuticis prostet. Sæpe nimis properè de novi Remedii viribus judicamus, idemque, prout pauca prima Experimenta suadent, vel ultra merita laudamus, vel, quia illico non juvit, tamquam semper inutile rejicimus.

Præscribitur ad dragmam dimidiam in pulvere pro dosi, vel ejus uncia una cum duabus libris Aquæ, ad remanentiam unius libræ, coquitur, & omni hora coclear exhibetur.

Polygala vulgaris ab aliquibus *Virginianæ* substituta est, & ad ejus vires videtur accedere; sed easdem multò debiliores possidet. Adversus Pleuritidem se efficacem præstitit, & in Nosocomiis Viennensibus, auctore magno SWIETENIO, adversus Phtisim pulmonalem ulcerosam optimo hinc inde cum eventu est exhibita. In Hydrope tamen nihil effecisse, & Pleuritidis symptomata potius auxisse fateatur celeb. COLLIN.

POLYPODII Radix. *De Wortel van Boomvaren of Veelhoet.*

Hæc Planta ab articulis asperis, quibus Radix notatur, videtur nomen accepisse. Quercubus innascentem viribus medicis præstare fabula est. Recens in maxima & nauseosa dosi Alvum leniter subducit, & aperiens est: vetusta, sicca has dotes amittit, leviter adstringit, & ad eos usus, ad quos passim præscribi solet, sit planè inefficax.

POMPHOLYX, seu NIHIL ALBUM. *Witniet*, *Oogniet*.

Est substantia alba, quandoque flavicans, sicca, Calcem seu Terram referens, insipida, inodora, quæ sub deflagratione Zinci, vel Lapidis Calaminaris, ejus mineræ, cum Metallis, sub flocculorum forma, elevatur, & Fornacum parietibus adhæret. Quæ apud nos prostat constat Floribus Zinci & exigua quantitate Cupri. Internè sumpta vomitum violentum excitat; externè ficit. Exulet impostherum, & perpetuò ei Flores Zinci substituantur.

POPULI NIGRÆ Gemmæ. *De Knoppen, of Botten van de zwarte Populierboom.*

Hæ Gemmæ odoris sunt grati, balsamici; ad Storacein accedentis. Ad attactum pingues, glutinosas se præbent ob Succum, quem continent, balsamicum, resinofum, flavum, multis Balsamis exoticis facilè æquiparandum. Spiritus Vini omnem hunc Succum & vires extrahit. Hæc Tinctura laudatur ad Alvi Fluxus ad omnia alia rebelles. Earum dotes hætenus prætervisæ, & nimis neglectæ videntur; nam si Unguentum exceperis, cui nomen impertiunt, vix aut numquam adhibentur.

PORRUM. *De Porrey.*

PORTULACÆ Semen. *De Zaaden van Porfelyn.*

PRUNELLÆ, seu BRUNELLÆ Folia. *De Bladeren van Smeewortel, of Spekwortel.*

PRUNA GALLICA. *Fransche, of gemeene Pruimen.*

PRUNA DAMASCENA. *Pruimen van Damast.*

PRUNA SYLVESTRIA. *Sleepruimen; de Vrugt van den gemeenen zwarten Doorn. Vide ACACIÆ SUCCUS.*

PSYLLII Semen. *De Zaaden van Vlooi kruid.*

Quia *Pulicaris* ab aliquibus vocatur Pulices passim arcere creditur: sed has vires non possidet, & a Seminum figura nomen recepit.

cepit. Hæc Semina masticanti glutinosa se præbent & acria; in Aqua cocta multam Mucilaginem fundunt: eorum acredo in Cortice videtur hæerere, & Spiritu Vini extrahitur.

Mucilago laudatur ad fissuras labiorum, excoriationes mammarum &c. Internè inter Alvum ducentia numeratur, & teste ALPINO ab Ægyptiis adversus Febres ardentes, biliosas, Pleuritidem aliosque Morbos præscribitur. Non videtur diversas ab aliis Muciaginibus vires possidere.

PTARMICÆ Radix. *De Wortel van Nieskruid, of wilde Bertram.*

PULEGII LATIFOLII Folia. *De Bladeren van Poley.*

PULMONARIA ARBOREA. Vide LICHEN PULMONARIUS.

PULMONARIÆ MACULOSÆ Folia. *De Bladeren van gevlacht Longekruid.*

PULSATILLÆ NIGRICANTIS Folia. *De Bladeren van Keuken-schelle, Windbloeme, Paaschbloeme.*

Venenatam hanc Plantam, ut plures alias, tentaminibus subjecit, & in Medicinam introduxit illustrissimus STOERCKIUS, qui in Opusculo anno 1771. edito, ubi eam variis factis commendat, ut probè distingueretur, Iconem adjecit. Est *Anemone pratensis* LINNÆI, pedunculo involucrato petalis apice reflexis, foliis bipinnatis distincta; BAUHINI *Pulsatilla Flore minore, nigricante*, & *Pulsatilla vulgaris, saturatiore Flore* CLUSII. Ejus Folia vix odorem præbent; sed naribus diutius admota in eis ardorem excitant: effluviis suis oculos lædunt: masticata acrem, urentem saporem linguae imprimunt: cuti applicata eam inflammant, & in vesicam attollunt. Eorum Aqua Distillata acris est & penetrans. Auctor Extractum cum magna Sacchari quantitate in pulveres redactum passim exhibuit, Afferitque non solum sine noxa posse assumi, ut in se ipso illustrissimus Vir expertus est; sed etiam pauca hujus Extracti grana

in foedissimis Linguae & Faucium Ulceribus, etiam venereis, Ossium Carie, Gonorrhœa inveterata, Parotide scirrosa, Testiculis induratis, tumore lymphatico genu & hinc induc̃ta immobilitate se præstitisse efficacia. Scribit præterea levamen attulisse in Paralyfi, Melancholia & pertinacissimis Oculorum Morbis; ut Amaurosi, Glaucomate, Cataracta, Ophthalmia, Albugine & Corneæ Panno etiam post Variolas relicto. Tanta auctoritate commendata ab aliis & ubique tentata est; sed nullibi promissis videtur stetisse. In Oculorum Morbis ea se frustra usum esse conqueritur clarissimus BERGIUS. Nos Extractum ab ipso illustrissimi STOERCKII Pharmacopœo præparatum & huc Viennâ allatum nihil vidimus efficisse.

PYRETHRI Radix. *Vuurwortel; Speekselwortel; de Wortel van Bertram.*

Dum hæc Radix masticatur primò Aciditas, mox ignea illa Acredo, quæ Herbæ nomen imposuit, linguae imprimitur, & copiosa Saliva elicitur. Expressus e recenti Radice Succus mitis est, & ejus acrimonia in resinosa parte videtur hære: nam vix Aquâ; omnis Spiritu Vini extrahitur, & Distillatione non elevatur. Siccata etiam Radix recenti acrior est.

Planta, quæ hanc Radicem largitur, LINNÆO *Anthemis Pyrethrum* dicitur, & in Africa, nec non Europa Meridionali crescit. Craffiores & acriores Radices e Regno Tunetano afferri dicuntur.

Tamquam Masticatorium præsertim præscribitur, ac laudatur in Morbis Capitis & Dentium, nec non Linguae Paralyfi a causâ frigida; ubi stimulus & multæ Salivæ excretio utilis esse potest. Internè vix adhibetur: commendatur tamen ab aliquibus ad scrupulum unum vel duos tamquam Diaphoreticum & Diureticum adversus Morbos frigidos.

QUASSIA. Vide LIGNUM QUASSI.

QUERCUS Cortex & Glandes. *De Bast van den Eekenboom, en de Eekelen.*

Omnes hujus Arboris partes vires adstringentes possident. Ufu interno tam Cortex, quam Glandes laudantur adversus Diarrhæas, Dysenterias & Febres intermittentes. Data adstringendi & roborandi indicatione, in dictis Morbis Corticem Peruvianum certiùs agere, & præferri debere judicamus. Brunvicenses adversus Erysipelas Glandum dragmam dimidiam pro dosi in Cerevisia assumere, & mox in lecto sudorem exspectare, hocque Remedio post duodecim horas nec tumoris, nec ruboris vestigium superesse, asseritur. Earundem tostarum Decoctum nuper a clarissimo SCHROEDERO adversus Scrophulas, Atrophiam, Scabiem aliosque Morbos commendatum est. Addit celebris Vir, hoc Remedium producto tenaci foetido sudore curare. Hæc laus, notante cl. MURRAY, pluribus adhuc Experimentis indiget.

Ufu externo, qui interno frequentior est, & quo in pluribus casibus fortè Cortici Peruviano substitui posset, commendatur Cortex a celeb. PLENKIO in Ulceribus Oedematosis & Gangrænosiss. Addit illustris Vir assertum D. DESESSART: sacculum scilicet cum Pulvere Corticis Quercini aliquantum impletum & Vino rubro calido aliquamdiu maceratum loco hernioso imponi, Bracherio firmari, hacque applicatione quotidie renovata, Infantes intra quatuordecim dies, Adultos intra mensem radicaliter ab Hernia curari.

RANA. *De Kikvorsch.*

Ranarum Jusculum, tamquam demulcens Nutrimentum, Hecticis & Phtisicis ab aliquibus commendatur. Decoctum sex Ranarum boni habitus pro conficiendo Emplastro VIGONIS adhibetur. Ranarum etiam Sperma, substantiam scilicet illam viscidam, corpuscula

rotunda nigra continentem , quæ tempore verno Aquis innatat , somnium PARACELSI , tamquam efficacissimè externè refrigerans , in Medicinam introduxit. Oleum , Aquam , Emplastrum ex hoc Spermate conficere aliqui hanc Authoritatem cæcè secuti postea excogitarunt. Neglexerunt interim utrum aliquid præstet & in Materia Medica locum tenere mereatur , Experimentis evincere : quod si fecissent , jam dudum Ranæ Stagnis relinquerentur , vel saltem e Pharmacopœis exularent.

RAPHANI RUSTICANI Radix. *Mirkswortel* , *Capucynen Mostaert*.

Vocatur etiam *Radix Armoracæ* , & Planta , quæ eam largitur , vocatur LINNÆO *Coclearia Armoracia* , *Foliis radicalibus lanceolatis crenatis* , *caulinis incisīs*. Brachium crassa , ramosa , alba , cylindriaca est. Recens odore volatili , stimulante nares fortiter ferit ; saporis est acris , pungentis , penetrantis. Manibus tractata effluviis suis lacrymas ex oculis excutit. Comestia ructus multos foetidos alliaceos producit. Cuti applicata eam rubefacit. Hæ dotes in Cortice præfertim hærent , fugaces sunt , & tam Exsiccatione quam Coctione perduntur. Sub Siccatione saporem primò dulcem acquirit ; post sensim fit insipida. Aqua & Spiritus Vini sola Infusione omnes Vires extrahunt , easdemque Distillatione secum elevant. Cum Aqua paucum Oleum Essentiale , fundum petens , omnem Raphani Acrimoniam possidens ascendit.

Vires incidentes , stimulantes , diureticas possidet : hinc in Scorbuto , Asthmate , Hydrope , Arthritide aliisque Morbis , ubi vasa inertia exstimulanda , & humores visceri resolvendi sunt , tot encomia consecuta est. Eam aliqui non solum Calculos pellere , sed etiam dissolvere contendunt : alii Antihelmenticam asserunt. Nec his , nec illis credimus. Externè epispastica est.

RHABARBARI , seu RHÆI Radix. *Rhabarber*.

Plantæ , quæ hanc Radicem largitur , Lapathi species videtur , & LINNÆO *Rheum Palmatum* , *Foliis Palmatis acuminatis* dicitur.

Orientis & præsertim Imperii Chinenfis indigena est: ab aliquibus tamen annis in Angliam, Galliam & Belgium translata, harum Regionum Hiemes bene tulit.

Rhabarbarum, ut ad nos adfertur, frustra exhibet quatuor aut quinque pollices passim longa; variæ figuræ (pro maxima parte oblongæ, vel subrotundæ) tuberosa, ponderosa, Cortice orbata; extus coloris flavi; intus striis rubicundis, ut Nux Moschata, variegata; odoris proprii, non nihil aromatici, adversi; saporis acris, amari, adstringentis, nauseosi. Masticatum Salivam colore croceo tingit. Aqua ferè dimidium ponderis extrahit; Spiritus Vini circiter tres octavas. Vires purgantes in priori Tractura prævalent; in posteriori adstringentes & aromaticæ: illæ in principio volatili hæerere videntur; nam Coctione, ut etiam Tostione, multum deperduntur, & Aqua Distillatione aliquam virtutem purgantem secum elevat. Extractum hinc ferè iners est.

Partim Navibus directè ex India Orientali; partim terrestri itinere e China in Persiam & Russiam adfertur: ut omne Rheum ejusdem originis & patriæ videatur. Posterius tamen mollius est, texturæ laxioris, minus ponderosum, & vires, præcipuè purgantes præstantiores possidet. Hæ differentiæ a diverso Anni tempore, quo Radices colliguntur; vel a diversa methodo easdem tractandi & exsiccandi; vel a cautelis, quæ in Russia in hujus Medicamenti emptione adhiberi scribuntur; vel tandem ab ipso itinere pendere possunt.

Rheum faciliè mucidum fit, & carie exeditur. Russico præcipuè id accidit. Avidi Mercatores, ut hoc vitium tegant, Foraminula artificiosè implent, eademque exterius optimi Rhei Pulvere tam cautè celant, ut etiam exercitatissimi, nisi singula frustra scrupuloso examine observent, decipi possint.

Familiare, mite & semper innocuum Purgans est, quod optimè in substantia adhibetur, & Canalis Alimentarii tonum minimè deiecit:

quin in refracta dosi eundem roborat. Urinam, Sudorem colore croceo inficit. Antihelmenticum est.

RHAMNI CATHARTICI, seu SPINÆ CERVINÆ Baccæ. *De Beziën van Hartsdoorn.*

Nigræ, rotundæ sunt; pisum magnitudine æquant, & quatuor ordinariò femina continent. Hoc ultimo criterio a *Frangulæ* & *Corni feminae* Baccis, quibus adulterari, vel quæ eis substitui possent, distinguuntur. Implentur Succo e viridi nigrescenti, lurido, acri, adstringenti, nauseoso.

Tamquam Purgans, præsertim in Hydropæ & Arthritide, laudantur. Syrupus ex eisdem confectus, ob additum Saccharum & Aromata, ipsis Baccis, vel earum Succo minùs ingratus multùm SYDENHAMO in usu erat. Nulla tamen apparet ratio, ob quam hoc Medicamentum aliis Purgantibus deberet præferri: quin contra difficiliùs agit; tormina producit; Os & Fauces ficit.

RHAPONTICI, seu RHABARBARI ANTIQUORUM Radix. *Raponticum.*

Pertinet ad Plantam a PROSPERO ALPINO circa annum 1610. e Thracia in Europam ductam, quæ C. BAUHINO *Rhaponticum Folio Lapathi majoris glabro*; LINNÆO *Rheum Rhaponticum* appellatur. Radix est oblonga, duos circiter pollices crassa; Rhei veri Radice mollior, levior, magis spongiosa; intus & extus ejusdem coloris, flavicantis; odoris minùs averfi; saporis acris, adstringentis, minùs nauseosi. Diu masticata viscidam se præbet, & transversim dissecta strias exhibet, a centro ad circumferentiam porrectas, quibus à vero Rhabarbaro facilè distingui potest.

Ad duplam triplamve dosim exhibita vires easdem ferè, quas Rheum verum, edit. Parum tamen in usu est.

RHIUS OBSONIORUM. Vide SUMACH.

RIBESIA NIGRA, feu GROSSULARIÆ NIGRÆ Fructus. *Zwarte Aelbeziën.*

RIBESIA RUBRA, feu GROSSULARIÆ RIBES Fructus. *Roode Aelbeziën, Genevers.*

RICINI, feu CATAPUTIÆ MAJORIS Semen. *De Zaaden van gemeene Wonderboom.*

Semina hæc ovata sub Cortice nigro, striis gryseis pulchrè variegato, Medullam albam includunt, & saporis sunt acerrimi. Duplex habere Oleum perhibentur; unum mite & dulce; alterum acerrimum, igneum. Quidquid sit, coctione in Aqua, vel melius Expressione fundunt unam tertiam circiter Olei acris, quod *Oleum Ricini; Oleum Palmæ Christi; Oleum Cicinum, de Therva* &c. appellatur, & jam Veteribus cognitum erat. Id apud nos vix in usu medico est; sed teste celeb. FRASER (*Medical Observations and Inquiries* Vol. II.) in India Occidentali optimo eventu præscribitur in Morbis Biliosis; obstinatissimis Alvi Constipationibus; Colica Pictonum; Morbis renum, in quibus Alvum laxare convenit, & in ipsa Dyfenteria. Vires ab omni oleoso expectandas habet, & agit præterea tamquam mitissimum Purgans, quod etiam Infantibus recens natis ad evacuandum Meconium sine noxa porrigi potest. Alii non solum has vires confirmarunt; sed & Antihelminticas addiderunt. Omni hora coclear exhibetur.

ROSA PALLIDA. *Bleeke Roos.*

ROSA RUBRA. *Roode Roos.*

E pluribus Rosarum speciebus hæc duæ præcipuè ad usus medicos adhibentur. Ob fragrantiam suam analepticæ, refocillantes sunt, & Nervis conducunt; sed & ob idem principium quandoque Caput gravant, corpus mirè turbant; Abortum, vehementes Sternutationes, Lipothymiam, & lethalem Syncopen inducunt, ut hinc inde apud observatores legitur. Pallidæ his dotibus reliquas species

præcellunt. Cumque præterea multo humore saponaceo, solvente scateant, ad leniter laxandam alvum præsertim præscribuntur. Ophthalmicæ vires, quibus hætenus pollere creditæ sunt, nullo fido Experimento nituntur, & infirmo flant talo.

Rubræ evidenter balsamicæ sunt, & adstringentes. Tam extus quam intus has vires produnt. Teste clariss. MACBRIDE efficacius, quam Sal Marinus, putredini resistunt. Laudantur præsertim in Morbis Pectoris a laxo & debili Pulmone. Multos etiam Phtisicos earum Conservâ integrè curatos fuisse, legitur apud SCHENKIUM & in *Miscellaneis curiosis*. Optimè earum vis in his casibus, adjunctis aliquot guttis Spiritus Vitrioli, aut addito Cortice Peruviano, juvatur.

RORISMARINI Summitates & Flores. *De Toppen en Bloemen van Roosmaryn.*

Planta hæc Europæ Meridionalis incola in Hortis nostris colitur. Ejus Flores in Officinis passim *Flores Anthos* dicuntur. Tota Planta odorem habet fragrantem, balsamicum, camphoratum, proprium; saporem amarum, calidum, aromaticum, ad Lavendulam accedentem. His dotibus Flores Foliis cedunt. Vires aliquæ Aqua; omnes Spiritu Vini extrahuntur. Spiritus a Floribus Distillatione abstractus est *Aqua Reginae Hungariæ*. Oleum odoratum, viridescens largitur, quod aliqui ad guttas quatuor vel sex, in convenienti Vehiculo, ante paroxysmum exhibitum multas Febres intermittentes curasse perhibent.

Perspectis dotibus, in Morbis frigidis interno usu utilis Planta videtur: nec desunt, qui eam adversus Morbos Capitis, Paralytim, Hydropem, Fluorem album, Ventriculi Languorem, Menstruorum defectum aliosque Morbos summis laudibus extollunt. Vix tamen præscribitur.

Extus discutit, roborat.

RUBIA

RUBIA TINCTORUM. *Meekrap.*

Ita vocatur Radix Plantæ LINNÆO *Rubiae Foliis subseris*; CASPARI BAUHINO *Rubiae Tinctorum sativæ* dictæ. Oblonga est, calamum circiter crassâ, lignea, fibrosa, intus & extus rubra. Saporem habet primò subdulcem, tum leviter amaricantem & adstringentem; odorem vix ullum.

Multum ad usus tinctorios adhibetur, & in hunc finem præsertim colitur. In Medicina diureticum, detergens, aperiens Medicamentum creditur, & in Ictero præcipuè laudatur: at illi in hoc Morbo, sæpius a Calculis Biliariis pendent, non fidendum innuit celeberrimus CULLENII. Hæc Radix comesta, jam observante GALENO, Urinam colore rubro inficit. Fortè ob hoc Phænomenon Diuretici famam, ut plura alia Medicamenta, quorum aliquid immutatum per Urinas excernitur, consecuta est. Minimè tamen hic effectus hanc vim probat: nam Perspirabilis Materia & Lac Nutricum, quæ hanc Radicem assumpserunt, eodem colore tingitur; ut probavit celeb. YOUNG. Quin imo Ossâ Animalium, præsertim juniorum, eâdem pastorum multis clarissimorum Virorum Experimentis rubra evadunt. Probatum est nulli alteri solidæ Corporis parti, nequidem etiam cartilagini, id accidere, & Animal sub ejus usu languescere, ægrotare, ac intra paucos dies perire; substitutoque alio Nutrimeto, ut mors præcaveatur, sensim evanescere Ossium Rubedinem.

Ex his Phænomenis conclusum est efficax, penetrantissimum Remedium esse; quod ad difficillimos Ossium Morbos fortè aliquid posset. Tentata est itaque adversus Rachitidem, & revera in hoc Morbo efficacem se præstitisse testantur LEVRET, COSNIER, ROBERT, & alii. Observatis celebrium horum Virorum nec fidem nec famam detrahare nolumus: sed credimus cos non sat firmo talo ad Experimenta sua accessisse: nam constat quidem Materiam Colorantem ad Ossâ penetrare; at pendentne medicæ vires hujus Radicis ab ipsa Materia Coloranti? nonne etiam Ossâ tinguntur ab *Asperula*

Cynanchica ; a *Galio vero* ; *Galio mollugine* aliisque , quibus tamen ideo eadem Virtus non adscribitur ?

RUBI IDÆI Fructus. *De Braambeziën.*

RUBI VULGARIS Folia & Fructus. *De Bladeren van gemeine Braam, en zwarte Braambeziën.*

RUTÆ Folia & Semen. *De Bladeren en Zaaden van Wynruyt.*

Hæc Planta multum apud nos culta , & hinc satis nota odoris est gravis , aduersi , penetrantissimi ; saporis amari , calidi , acris. Hæc dotes , præcipuè priores , exsiccatione multum minuuntur. Olei Essentialis , frigore consistentis , parvam quantitatem largitur. Multæ Vires Aqua ; plures Spiritu Vini extrahuntur. Prius Menstruum Distillatione Rutæ odorem & partem acrimoniæ secum elevat ; posterius nihil , ut Vis in fixa parte videatur hæerere.

Tamquam resolvens , Flatus discutiens , Venenis resistens ; imò Pestem arcens a Veteribus summis laudibus elata est. Apud nos stimulantem , nervinas , discutientes Vires retinuit , & in Affectionibus Hystericis , Epilepsia , Morbis frigidis ; ubi solida exstimulanda , & Humores resolvendi sunt , commendatur. Antihelminthica est , & optimè in Enemate ad Ascarides præscribitur.

Externè , præsertim recens , rubefaciens est ; Vires antisepticas edit , & tamquam discutiens ad contusâ præscribitur. Ultimam laudem non solum factis , sed etiam a ratione videtur mereri : nam solida leniter exstimulat , & Sanguinem e Vena missum , teste celeb. SCHWENCKE , attenuat.

SABINÆ Summitates. *De Toppen van Zevenboom , of Zavelboom.*

CASPARI BAUHINO *Sabina Folio Tamarisci* fruticosa & perpetuò virens hæc Planta appellatur ; LINNÆO *Juniperus Sabina*. Sponte crescit in Europa Meridionali , & Oriente ; apud nos non difficul-

ter colitur. Ejus folia odoris sunt validi, gravis, aromatici, resinosi; saporis acris, calidi, amari. Libra una fundit circiter uncias duas & dimidiam Olei Essentialis calidissimi. Vires partim Aqua, optimè Spiritu Vini extrahuntur.

Introsumpta ob Oleum acre & calidissimum stimulat potenter Solida, & Sanguinem exagitat. Eundem præterea, juxta celeb. SCHWENCKE Experimenta, fluidiorem & rubicundiorē reddit. Ob duos hos effectus, teste illustrissimo HALLERO, in Puella Hæmopthi-
sim produxit. Ob eosdem, non ob vim peculiarem, qua in Uterum agit, Menstrua pellit. Id præsertim efficit in iis, quibus laxa Fibra est & Humores visceridi. A GALENI tempore Hæmorrhagias uterinas & Abortum producere credita est. Hanc vim illustres Viri confirmant, & non sine Matris discrimine id agi asserunt: alii negant. Stupendam Foliorum quantitatem a gravida Puella devorata, & ab alia unciam integram Olei Essentialis assumptam vidimus sine abortu. Utramque tamen invasit Cardialgia, summus Ventriculi Ardor, Sitis inextinguibilis & validissima Febris: ut hinc suspectam saltem debere haberi concluderemus. Parca tamen ejus dosis in Morbis frigidis utilis esse potest. Ad dragmam dimidiam in Pulvere, aut ad duplam quantitatem in Decocto laudatur in Paralyfi, Fluore albo, Asthmate &c.

Externè commendatur ad Scabiem; Ulcera fordida, callosa, spongiosa; adversus Gangrænam, Cariem Ossium & Cerebri Fungum. Verrucæ venereæ, Condylomata &c. insperfo ejus Pulvere pulchre subiguntur. In Aceto decocta laudatur ad Strumas. Antihelminthica est: ut etiam Folia umbilico imposita, & Oleum Ventri inunctum Vermes necare credatur.

SACCHARUM. *Suiker.*

Est Sal Essentiale sapore dulci, grato instructum, quod, teste celeb. MARGRAF, e Betæ tam albæ quam rubræ, Dauci ac Siseri Radicibus extrahi, & probabiliter e multis aliis Vegetabilibus ob-

tineri potest. Quod apud nos in usu est pertinet ad *Arundinem Sacchariferam*, Plantam scilicet inter Tropicos sponte crescentem, & in variis aliis Asiæ, Africæ & Americæ Regionibus feliciter cultam. Ejus expressus succus, ut clarificetur, & secundum celeb. BERGMAN superfluo Acido liberetur, pluries cum Aqua Calcis & Cinerum Lixivio coquitur: tum evaporatur; donec maxima pars frigore coaguletur, & confusam Crystallisationem subeat. Id concretum, *Saccharum Crudum*, seu *Thomacum* est; ob multas adhuc adherentes extractivas & mucilaginosas partes coloris rufi seu brunnei, attactu pingue, in Aëre deliquescent.

Sub hac forma magnis doliis inclusum passim in Europam transfertur; ubi ulteriori Operatione, quam *Refinationem* vocant, & quæ egregiè ab illustri DU HAMEL descripta est; novâ scilicet Solutione in Aqua, coctione, additione Calcis, Sanguinis Bovini & Albuminum Ovorum depuratur; ut in Panes Conicos, vel in Crystалlos regulares, *Saccharum Candum* dictas, & pro puritate adhibiti Sacchari albas vel brunneas, efformetur. Sub vario depurationis gradu Saccharum colorem mutat, & consistentiam; ut tandem ultimo labore in Panes Pyramidales redactum niveum, durum, sonorum, splendens se præbeat; in Aëre ficcum maneat, & *Canariense*, seu *Regium* appelletur; vel crystallisatum Saccharum candum largiatur albissimum, pellucidum.

Sub variis his varium Saccharum conficiendi processibus semper defluit major vel minor copia Syrupi, qui pro multiplici puritatis Gradu diversum se præbet, & ratione Sacchari, quod continet, in Fermentationem Spirituosam pronus est. Ex eo in India distillatur *Spiritus Rum*, seu *Taffiâ* dictus.

Saccharum ita heterogeneis liberatum & sui juris factum, secundum experimenta clarissimorum MARGRAF, LA ROUELLE, BERGMAN & SCHRICHEL, constat Acido peculiari, forti, unito Terræ tenuissimæ, & Olco blando. In igne liquefit: inflammabile est.

& Fermentationis Spirituosæ admodum capax. Solvitur Spiritu Vini & in dimidio sui ponderis Aquæ. Misceri etiam potest Oleis, quæ, ut Resinas, Aquæ miscibilia reddit: hinc coagulationem Lactis impedit.

Tamquam gratum Condimentum multum ad usus culinarios adhibetur. In Pharmacopœis gratiæ vel conservationis causâ Trochiscos, Confervas, Conditâ, Rob, Syrupos &c. ingreditur. Tamquam saponaceum, blandissimum resolvens, abstergens & potentissimum antisepticum in Medicina laudatur. Ob has dotes, & præsertim cum in Aciditatem vergere constet, tam in inflammatoriis, quam putridis Morbis optimè & cum fructu adhibetur. Ob easdem vires, quibus demulcens addi potest, laudatur in Morbis Pectoris, & quidem ob vim detergentem in Pulmonum Ulceribus. In his casibus Sacchari cum Rosis connubium utilissimum est. Testibus BECHIERO, PRINGLE, MACBRIDE optimum est antiscorbuticum, cujus usu famulari Lepra & Morbi putridi jam rarius, quam olim, incidunt. Ejus usum HELMONTIUS, DOLÆUS aliique illustres Viri condemnarunt, & ejus Acidum Dentibus, Stomacho, Nervis inimicum esse perhibuerunt. Maximam interim Sacchari quantitatem quotidie sine noxa, quin potius cum emolumento, devorari posse SWIETENIUS, HOFFMANNUS, TRILLERUS exemplis probant. Fatendum tamen est nimia ejus quantitate ingesta Fermentationem in primis viis oriri posse: hinc extricato Acore molestias posse adferre. Caveant ergo ab ejus usu Infantes, Virgines chlorotice, Hystericæ, Hypochondriaci, in quibus plerumque jam indè Acidum prædominatur, & quorum præsertim dentes ejus usu denigrescunt. Vermes generare & Gluten producere passim a nostratibus Mulierculis creditur: sed utrique potius remedium esse celebres Medici testantur. Nimie obesitati mederi perhibetur. Si verum sit, id efficit solvendo Olea. Macilentis ergo nocere, & ut ab aliquibus scribitur, eosdem tabidos reddere potest.

Thomæum Clysmatibus additur, ut Alvus sollicitetur. Carbonibus ardentibus inspersum Aërem depurat, & hic Vapor laudatur

ab aliquibus ad corysas. Pulvis ejus tenuissimus per Calamum scriptorium Oculo inflatur ad delendas Corneæ maculas. Ulcerum Carnem fungosam reprimat, eademque consolidat.

SAGAPENUM, seu GUMMI SERAPINUM. *Sagapenum.*

Est concretus Succus gummeo-resinosus, qui in Media, Persia aliisque orientalibus Regionibus ex inciso Frutice, necdum satis Botanicis noto, stillat. Adfertur in granis, vel in massis, quæ evidenter e lacrymis compactæ videntur. Coloris est exterius rufescentis; intus albidus, subpellucidus. Odorem habet gravem, virosi, ex Assâ foetida & Galbano compositum; saporem calidum, stimulantem, acrem, pertinacem. Digitis subactum mollescit, eisdemque adhæret. Inflammabile est prunisque injectum foetorem spargit ad Porum accedentem. Trituratione suspenditur in Aqua, & cum ea redit in nativam formam lacteam, sub qua e frutice stillat. Ferè tres quartas sui ponderis Extracti Aquosi largitur; unam tertiam Spirituosi. Posterius plures Sagapeni Vires retinet.

Attenuans, resolvens, aperiens est, in Viscerum obstructionibus Morbisque frigidis ab hac causa pendentibus; ut Hydropes, Asthmate, Mensium defectu &c. utilissimum. Laudatur præterea, ut Assâ foetida, in Morbis spasmodicis a Spirituum Ataxia. Ad magnam dosim, v. g. dragmas duas vel tres, purgantes vires edit. Foetum expellere; hinc gravidas ab eo debere abstinere, Arabum figmentum est.

Externè resolvendi, discutiendi, maturandi ergo ad Glandulas induratas commendatur. Ut alia Gummata acris Cutim rubefacit, Pustulas excitat.

SAGO, seu SAGU. *Sago.*

Sub hoc nomine e variis Indiæ Orientalis Regionibus; nominatim ex Insulis Moluccis, Amboina & Ternate, ad nos adferuntur Grana Hordei mundati Granis ad aspectum non absimilia; paulò tamen

minora; coloris extus pallidi, vel flavicantis, intus albi; odoris expertia; saporis vix ullius. Sub Dente tenacia se præbent, & vix in Pulverem redigi possunt: sponte tamen solvuntur in Mucilaginem in ebulliente Aqua, Lacte, Vino.

Grana hæc artificialia sunt: Medulla scilicet Arborum, quæ ab Itineratoribus, & Botanicis *Palmæ* species statuuntur, contunditur, Aquâ eluitur, & in Panes redigitur, ut Indis Nutrimento sit; vel in Grana figuratur, & ad nos sub nomine *Sago* transfertur.

Circa initium hujus sæculi primùm in Europa in usus medicatos adhibita sunt. Leve Nutrimentum præbent, quod Infantibus præfertim & Phtificis commendatur. Cæterùm nullas particulares virtutes possident.

SAL AMMONIACUS. *Ammoniak Zout, Salmiak.*

Est Sal neutrum constans Acido Marino & Alkali Volatili ad saturationem invicem unitis. Reperitur quidem *Nativum*; sed aliis plerumque junctum & in parca copia. Quod passim in Officinis prostat *Artificiale* est, & ex Ægypto sub forma Panum rotundorum, variæ diametri; tres, quatuor, quinque libras ordinariò pendentium; una parte convexorum, alterâ concavorum adfertur. Paratur ope Sublimationis ex Fuligine combustorum excrementorum, quæ Animalia multo Sale communi pasta deponunt. Substantiam exhibet salinam, ex striis paralelis concretam, pellucidam; sed quæ in Panibus ad nos allatis plerumque fordida, nigra, fuliginosa admixta gerit. Saporem præbet salinum, amarum, omni alio Sale neutro magis acrem, & penetrantem. Frigoris sensum Linguae imprimit. Solvitur in duplo circiter pondere Aquæ, eamque sub solutione ad Thermometrum multò frigidiorum reddit. Evaporata solutione Sal Ammoniacus in Crystallos lanuginosas, penniformes concrevit. Solvitur etiam in trigies bis suo pondere Spiritus Vini Rectificati. In Aëre humido deliquescit. Calori persè expositus non

mutatur; sed majore, quam Aquæ ebullientis, adhibito, sublimatur. Decomponitur tam Acido Nitroso quam Vitriolico. Hæc, expulso Acido marino, se basi ejus jungunt, & cum ea *Salia Ammoniacalia* constituunt, ab adhibito Acido denominanda. Contra, Alkali fixum, tam vegetabile quam minerale, & vi ignis Terræ calcareæ se Acido Marino uniunt, ac Alkali Volatile expellunt; quod ita concretum obtinetur. Sal Ammoniacus cum Calce mixtus, & Distillationi subiectus Alkali Volatile largitur magis causticum, semper liquidum, quod Nares fortiter ferit, & in Officinis sub *Spiritus Salis Ammoniaci Volatilis urinosi*, vel *caustici* titulo prostat. Plures præterea Substantiæ Metallicæ hunc Salem decomponunt, & sub omni Decompositione a liberata volatili Basi percipitur odor urinosus.

Ab aliquot retro lustris hic Sal Brunsvigæ paratur. Ibi in Panes conicos, ut Saccharum pyramidale efformatur; purior, albißimus est, &, teste SPIELMANNO, minorem proportionem Alkali Volatilis continet.

Vires habet leviter stimulantés, incidentes, attenuantes, aperientes, & antisepticas: hinc utilis est in Viscerum Obstructionibus & omnibus Morbis a Vasorum inertia & Mucosæ spissæ pendentibus. Ad scrupulum unum alterumve per Sudores, vel Urinas agit: major dosis purgat: ad tres quatuorve dragmas exhibitus excitat Vomitus. Famam habet in Febribus Intermittentibus, &, attentis diætis dotibus, & intermittentium naturâ, plerumque meretur. Optimè Cortici Peruviano jungitur, dum fuganda Febris est, & tamen Viscerum Obstructiones Corticis usum suspectum reddunt. Sanguinis Coagulum impedit.

Externè ob vires antisepticas Gangrænæ opponitur. In Gargarismatibus adversus Anginam mucosam & Linguae Paralysem laudatur. Tamquam resolvens & discutiens applicatur Tumoribus frigidis. Celeb. PLENK præscribit ad Scabiem.

SAL CATHARTICUS AMARUS ; SAL ANGLICANUS , EBSHAMENSIS, vel EPSOMENSIS. *Engelsch Zout; bitter buikzuiverende Zout.*

Hi tituli propriè significant Salem neutrum , nativum , e variis Fontibus , nominatim ex Anglico illo Urbi Epsomenfi vicino , evaporatione obtentum , constantem Acido Vitriolico unito Terræ omnino particulari , tenuissimæ , levissimæ , & albiſsimæ , quæ , adjuncto Alkali liberata , *Magnesia Anglicana* dicitur , & tam natura quam præstantioribus viribus , omnino diversa est a *Magnesia* illa ordinaria , quæ e Lixivio Nitri , aut Salis communis , post horum Sallium Cryſtallificationem & ablationem , obtinetur. Sal Epsomensis albus , pellucidus est ; cryſtallis reſtangularibus priſmaticis Salem Glauberi æmulatur , & ſaporem præbet ſalinum , parùm acrem , amarum , non adſtringentem. Aëris humiditatem attrahit. Nullatenus in Spiritu Vini reſtificato ; ſed in æquali pondere Aquæ , præcipuè ebullientis , facilè ſolvitur. Ejus Cryſtallifatio magnam Aquæ quantitatem requirit : nam Igni expoſitus primò liqueſcit ; dein continuato calore , & evaporatâ Cryſtallificationis Aquâ , concreſcit in maſſam albam , opacam , ſpongioſam , friabilem , quæ dimidium ſui ponderis amiſit , & denuò in Aqua ſolvi poteſt.

Ei in Officinis paſſim ſubſtitutum proſtat mixtum ſalinum , poſt Salis marini Cryſtallificationem & ablationem ex ejus Muria obtentum , quod conſtat Sale Glauberi , Sale communi , & Sale ex Acido Marino & Terra calcarea factò ; vel merum Sal Glauberi , cujus Cryſtallifatio , ne fraudem proderet , de industria turbata eſt. Facile tamen hæc ſubſtitutiones dignoſci poſſunt : nam Alkali Solutioni genuini Salis eſpomensis adjectum eandem turbat , & quantitatem *Magneſiæ Anglicanæ* adhibito Sali proportionatam præcipitat : cum verò Salem Glauberi non decomponat , ejus Solutionem non immutat. Idem , Solutioni Salis e reſidua Muria Salis marini obtenti additum , decomponit quidem Salem marinum Baſi calcarea , & Terram albam deſciit ; ſed paucum eſt , neque adhibito Sali proportionatum , & diverſæ indolis Præcipitatum.

Sal ephronienſis ad unciam unam , aut unciam unam & dimidiam exhibitus mite , ſemper tutum purgans eſt , cui plurimæ Aquæ medicatæ vim Alvum laxandi & ſuam Celebritatem debent. In minori doſi tutiſſimum Alterans eſt , quod , ut alia , pro diverſis circumſtantiis , hic non notandis , per diverſas vias agit. SAL SEDLITZENSIS ab Ephronienſi Origine , non Natura , diverſus eſt.

Clariffimus COTHENIUS anno 1775. Academiae regiae Scientiarum & elegantiorum Litterarum Berolinenſi retulit , & chemicis Experimentis probavit , magnam hujus Salis quantitatem quotannis in Comitatu aſtenſi , prope Vicum *Canal* dictum , e Telluris ſuperficie efflorefcere.

SAL COMMUNIS, vel MARINUS; SAL GEMMÆ, vel FOSSILIS.
Gemein Zout, Zeezout.

Eſt Sal perfectè neuter conſians Acido proprio , *Marino* dicto , & Alkali particulari , quod *Alkali Marinum* , vel *Minerale* appellatur. Dotes externas exhibet ſat notas. In figuras regulares , ſemper cubicas , cryſtalliſari poteſt. Solviter in ter ſuo pondere Aquæ , tam frigidae , quam ebullientis. In Aëre humido liqueſcit. Igni , etiam violentiſſimo , expoſitus non decomponitur , ſed primò decrepitat ; id eſt , ejus Cryſtalli cum fragore in fruſta diſſiliunt ; poſt aucto Igne funditur , eodemque amoto concreſcit in ſolidam albam maſſam , quæ parum ſui ponderis amiſit : ut hinc conſtet parcam eſſe Cryſtalliſationis Aquam. Sal ſedativum , Acidum nitroſum & vitriolicum , expulſo Acido marino , ſe ejus baſi uniunt : poſterius cum ea Salem Glauberi conſtituit.

Obtinetur ex Aqua marina , & Fontibus ſalinis ope Evaporationis , quæ in calidioribus Regionibus ſolo Sole , in frigidioribus Igne promovetur ; vel jam ſub forma ſolida eruitur e Terræ viſceribus in variis Regionibus : tunc *Sal Fossilis* , vel *Gemmæ* vocatur. Utrumque iteratis Solutionibus & Cryſtalliſatione a fordibus , Sale Glauberi , quem ſemper continet , aliſque depuratur.

Cibis adjectus eorundem saporem evehit, non mutat; Stomachum ad munus excitulat, comestorum & humorum in primis viis nidulantium viscositatem corrigit; antisepticus est. Ob has dotes tam necessario Culinæ nostras ingreditur, ut ejus penuria funestissimos tandem morbos producat. Ut alii Sales neutri vires incidentes possidet; sed os ficeat, & sitim creat. In majori dosi, ut Sal Epsoniensis, vires purgantes edit.

Externè putredinem arcere quotidiano usu notum est. In minori tamen dosi eam potius accelerare docent Experimenta clar. PRINGLE, MACBRIDE & GARDANE. Fomentis adjectum Sugillationes discutit, contusiones curat. Stimulandi ergo Enemata ingreditur.

SALEP, seu SALAB RADICES. *De Wortels van Persisch Balletjes Kruid, of Standelkruid.*

Sub hoc nomine e Persia & Turcia adferuntur Radices bulbosæ, Epidermide orbatae, plerumque sphaeroideæ; variæ magnitudinis; compactæ, duræ, hinc inde corrugatae; coloris albi, vel flavescen-
tis; subpellucidæ; odoris nullius; saporis farinacei, mucilaginosi, ut Gummi Tragacanthi. Earum septem octavæ partes aquosis Menstruis, & juvante Calore, solvuntur in Mucilaginem.

Pertinent ad Plantam, quæ orchidis species est, & LINNÆO *Orchis morio* dicitur. Collectæ Radices, teste GEOFFROY, detractâ cuticulâ, Aqua paulisper decoquuntur; dein exsiccantur. Ita ventricosæ manent, & subpellucidæ fiunt. Radices *Satyrii*, seu *Orchidis nostratis* methodo celeb. MOULT & PERCIVAL præparatae easdem dotes & vires habent.

Persæ analepticas, aphrodisiacas eis vires tribuunt. Has non videntur possidere; sed copiosa sua Mucilagine egregiè demulcent, & obvolvunt: hinc in Morbis, ubi acres Humores involvi, aut solida partes adversus qualemcumque Stimulum defendi debent;

ut in Dyfenteria , Scorbuto , Vitiis Renum & Veficæ , moleſta Tuſſi &c. optimè præſcribuntur. Leve Nutrimentum, Heëticiſ & Phtificis utiliſſimum , præbent. Earum Mucilago multum laudatur adverſus Morbos convulſivos Infantum.

SALVIÆ HORTENSIS MAJORIS, ſeu LATIFOLIÆ Folia. *De Bladeren van gemeene Salie.*

SALVIÆ HORTENSIS MINORIS, ſeu ANGUSTIFOLIÆ Summitates & Folia. *De Toppen en Bladeren van kleine Salie.*

Promiſcuus in Officinis harum ſpecierum uſus eſt : poſterior tamen dotibus externis præſtantes vires ſpondet. Olei eſſentialis viridis parcam quantitatem largiuntur. Vires optimè Spiritu Vini rectificato extrahuntur : nam extractum aquoſum leviter tantum amarum & adſtringens eſt ; ſpirituolum aromaticum præterea , camphoratum. Haſ Plantas ab accolentibus Buſonibus venenatas reddi fabula eſt. Ob Inſecta tamen in Foliis nidulantia ſubinde periculoſas fuiſſe , hinc ante uſum lavari debere , a cl. RUTTY notatur.

Salviam Veteres Materiæ medicæ Scriptores a *Salvando* nomen perhibent recepſiſſe : eorum aliqui eam *Herbam Sacram* appellarunt, eandemque tot encomiis celebrarunt, tantisque viribus præditam crediderunt, ut mirarentur, *cur moreretur homo, cui Salvia creſcit in horto.* Præcipuè adverſus Venena , Peſtem , alioſque contagioſos Morbos , tamquam præſtantiffimum & vix fallens prophylacticum & alexipharmacum Remedium laudarunt : donec tandem Obſervatio ſenſim præjudicium excuſſerit. Remanſerunt ergo ſtimulantes, calidæ , nervinæ , leviter adſtringentes , in Morbis frigidis , præſertim Uteri , Pulmonum , Generis nervoſi , utiles Vires. Ab illuſtriſſimo SWIETENIO præſcribitur ad fudores nocturnos a laxitate poſt Morbos relicta pendentes , & in fluxu ſeroſo Mammarum poſt ablactionem ſuperſtite.

Ufu externo discutit Tumores frigidos, Œdemata. In Gargarismate lautatur ad Aphthas, Ulcera Oris &c. Antiseptica est; nam Carnem diutius, quam ipse Peruvianus Cortex, a Putredine arcet.

SAMBUCI Folia, Flores, Baccæ & Cortex. *De Bladeren, Bloemen, Beziën en Bast van den Vlierboom.*

Folia & præsertim *Gemmæ* purgant, minùs tamen quam Cortex medianus. Extus laudantur ad dolores Hæmorrhoidum, Erysipelas, Combustiones, & Ulcera Phagadænica.

Flores volatili, leviter aromatico gaudent principio, quod Distillatione cum Aqua elevatur, & spirituosus Menstruis extrahitur. Id sub umbra Sambuci decumbentibus soporiferum esse, & nocere perhibetur: ut apud LINNÆUM, & in *Miscellaneis Curiosis* Februm hinc ortarum Exemplaprostant. Eodem principio Vasa blandè excitulant, & Humores resolvunt. Internè itaque Sudores movent, & in Sero Lactis aliove Vehiculo infusi Commendantur ad Morbos a perspirabili retento, Erysipelas &c. Lac Nutricibus augere ETMULLERUS, & WERLHOFF testantur.

Extus discutunt, resolvunt, anodini sunt, & Inflammationibus, Erysipelati, omnibusque serè Doloribus opponuntur.

Baccæ Succum continent antiphlogisticum, resolventem. Exsiccatæ *Grana actes* dicuntur.

Cortex medianus ad unciam dimidiam assumptus purgat per Alvum; in majori dosi Vomitus excitat; in minori alterat, aperit, & per Urinas vel Sudores agit: hinc Hydropicorum Aquas quandoque feliciter expellit, & apud Nostrates adversus hunc Morbum Specifici Famam obtinuit.

SANDARACHA. Vide ARSENICUM.

SANGUIS DRACONIS. *Drakenbloed.*

Ita vocatur Substantia resinosa, sicca, dura, friabilis: coloris extus obscurè rubri, intus paulò vividioris; dum in Pulverem re-

ducta est, sanguinei; odoris & saporis serè expers, quæ ex India orientali in Massis, seu Lacrymis ovalibus, junceo tegmine tectis, & Filo inter se nexis, ad nos transfertur. Dum genuina est in Igne liquefit, inflammabilis est, & accensa Suffitum spargit leviter balsamicum, subacidum, non ingratum. Solvitur tota in Spiritu Vini Rectificato; nullatenus in Aqua. Cl. FOTHERGILL *In Medical Observations and Inquiries. Vol. I.* Speciem hujus Medicamenti e Gambia allatam describit, cujus minora Frusta pulchrè pellucunt, quæ saporem magis adstringentem prodit, & in Aquâ tota solvitur. Hæc, si ad Nos perveniret, ad usus medicos præstantior foret. Species, quam hic descripsimus, stillat e variis Arboribus. Inter illas una COMMELINO *Draco Arbor Indica filiquosa*, populi folio; LINNÆO *Pterocarpus Draco* dicitur. Ex hac Origine & Colore Medicamentum nomen recepit.

Plerumque Minio, Bolo armena, & variis Resinis adulteratus prostat. Qui in Tabellis extus & intus splendentibus, unciam unam alteramve pendentibus ex Hollandia præsertim adfertur, videtur fusionem subiisse, & constat variis Gummatibus cum genuino Sanguine Draconis mixtis. Igne, vel Solutione in Spiritu Vini rectificato fraus detegi potest.

Hæc Substantia, tamquam adstringens, ad Hæmorrhagias, Diarreas, Gonorrhœam, Fluorem album &c. passim laudari solet; sed, cum aquosis Menstruis non solvatur, hinc Sanguinem nostrum subintrare nequeat, quid inde boni sperari potest? Absurdissimè in casu ab alto commendari SPIELMANNUS notat. Ergo, nisi quis eam pro Dentrificiis fervare vellet, sine damno e Materia medica ejici posse credimus.

SANICULÆ Folia. *De Bladeren van Sanikel of Wondkruid.*

SANTALUM ALBUM. *Wit Sandelhout.*

Ita vocatur Lignum ponderosum, ex India in magnis frustis allatum, quod omni dote ad Santalum citrinum mox descri-

bendum accedit; sed debilius est, & Coloris albi. Fibras exhibet rectas.

Vix ad usus medicos adhibetur.

SANTALUM CITRINUM, seu FLAVUM. *Geel Sandelhout.*

Est Lignum durum, solidum, ponderosum, coloris citrini, fibras exhibens rectas; odoris, præcipuè dum fricatur, vel raditur, fragrantis, aromatici, grati, e Moschi & Rosæ odoribus compositi; saporis, dum diutius masticatur, amaricantis, resinosi, subacris & non ingratè stimulantis. Distillatione cum Aqua largitur unam sexagesimam quartam Olei fragrantissimi, frigore ad Balsami consistentiam coëuntis. Vires in resinosa parte præsertim hærent; nam Spiritu Vini rectificatissimo optimè extrahuntur. Tinctura hæc spirituosæ flava est, eaque inspissata Balsamum præbet coloris brunnei, odoris grati, ad Balsamum peruvianum accedentem.

Adfertur ex India orientali, & pertinet ad Arborem, quæ incolis *Sercanda* dicitur. Ejusdem Arboris *Santalum Album* alburnum esse; *Flavum* Medullam aliqui asserunt. Alii duo hæc Ligna ex eadem quidem Arboris specie; sed album e juniore; flavum ex antiquiori desumi, hinc posterius colorem magis evectum habere, & dotibus præstare, contendunt.

Ob vires stimulantibus, analepticas, sudoriferas, quas, testibus Oleo essentiali & Tinctura spirituosæ, revera possidere videtur, ab Arabibus in usus medicos receptum est: sed cum alia plura eaque præstantiora hujus Classis Medicamenta possideamus, & præterea non rarò aliis Lignis adulteretur, ejus usus sensim evuluit, nec meretur reduci.

SANTALUM RUBRUM. *Rood Sandelhout.*

Adfertur etiam ex India orientali, & Medulla est Arboris, quæ Indigenis *Pantaga*, vel *Pantoga* dicitur. Fibras habet hic rectas,

illic crispas. Compactum est, ponderosum; ut Aquæ injectum illico fundum petat. Coloris est exterius e rubro nigricantis, intus sanguinei. Odorem vix ullum; saporem leviter adstringentem, & dum diu masticatur, subacrem prodit. Tinctura spirituosâ intensè rubra est; aquosâ sublava. Hoc Criterio, ut etiam pondere & soliditate, a Ligno *Bresilio*, cujus Tinctura aquea intensè rubra est, & quod ei passim substituitur, distingui potest.

Adstringentes, roborantes, in Hæmorrhagiis, nimis Sudoribus aliisque profusioribus Evacuationibus utiles vires ei adscriptæ sunt. Nos e Pharmacopœis expellendum, & omne Tinctoribus cedendum credimus.

SANTONICI SEMEN; SEMEN SANCTUM; SEMEN CINÆ; SEMEN ZEDOARIÆ; SEMEN CONTRA VERMES, vel simpliciter SEMEN CONTRA. *Wurmzaad*.

Sub variis his nominibus prostant Semina parva, oblonga, e pluribus Tunicis squamosis facta; coloris viridescens; Odoris balsamici, fortis, nauseosi; Saporis amari, subacris. Tam aquosis quam spirituosis Menstruis Odor & Sapor extrahitur. Stipites, Arenulas aliaque heterogenea plerumque admixta gerit: quin additis variis Seminibus quandoque sophisticatur.

Adfertur ex Oriente; sed nondum præcisè constat, cujus Plantæ productum sit: teste enim CARTHUSIO, multi recentioris ævi, Scriptores hanc Plantam Absynthii speciebus accensent, eamque cum CASPARE BAUHINO plerumque *Absynthium Santonicum Judaicum* & *Alexandrinum* vocant. CLEYERUS, D. DE JAGER & complures alii eandem inter Abrotani species referunt. Immo nonnulli; uti v. g. ETMULLERUS, Semen Cinæ modernum neque Absynthii, neque Abrotani Santonici; sed Tanacetii Semen esse, opinantur.

Tamquam Carminativum, Roborans, Emmenagogum, & præsertim tamquam Antihelminthicum, nec immeritò, præscribitur.

SAPO

SAPO DURUS , ALBUS , HISPANICUS ; SAPO VENETUS. *Witte Spaansche Zeep ; Venetische Zeep.*

Omnis Substantia orta ex unione cujuscumque Olei cum Sale tam acido , quam alkalino , Aquâ & Spiritu Vini solubilis , *Saponis Artificialis* nomine insignitur , & pro diverso adhibito Oleo , vel Sale varia est , ac varias recipit denominationes : hinc Sapo amigdalinus , starkeianus , acidus , alkalinus &c.

Sapones , de quibus hic agitur , & qui passim promiscuò ad usus medicos adhibentur , fiunt ex Oleo Olivarum & Sale alkalino addita Calce viva caustico reddito. Substantiam exhibent albam , duram , in Aëre humido non deliquescentem. Solvuntur Aqua & Spiritu Vini rectificato ; sed prior Solutio turbida , flocculenta , lactea est ; posterior limpida. Cum Resinis , Oleis & Balsamis subacti eadem Aquæ , & consequenter Humoribus nostris , miscibilia reddunt : ut hinc optimè cum eisdem ad usum medicum internum præscribantur. Decomponuntur omnibus Acidis , quæ se alkalino Sali uniunt , & Oleum liberant. Idem præstant etiam Acida aliis Substantiis , quam Alkali , vel Phlogisto juncta : ut hinc plures aquæ puteales ob Salem selenitosum , quem continent , Saponem decomponant.

In Laboratoriis saponariis unio Olei cum Alkali Coctione peragitur , & Sapo adjecto Sebo , vel vitiata proportionem plerumque adulteratur : hinc omnis , qui ad usus medicos adhibetur , ab ipsis Pharmacopœis viâ frigidâ deberet componi. Facilis operatio est. Sumuntur partes duæ Sodæ Hispanicæ , una Calcis vivæ , & duodecim Aquæ : coquuntur paulisper simul in Vase ferreo : tum collata Solutio Evaporatione concentratur ; donec ejusdem undecim dragmæ contineantur in Mensura , quæ præcisè tenet unciam Aquæ. Parti uni hujus Lixivii adduntur partes duæ Olei Olivarum , vel Amigdalorum. Mixtum subinde agitatum sensim inspissatur , albescit , & spatio septem vel octo dierum optimus exsurgit Sapo.

Juxta Analyſim a celeb. GEOFFROY inſtitutam , unciæ duæ Saponis albi communis continent unciam unam , dragmas tres , & ſcrupulum Olei ; dragmam unam , & ſcrupulum Salis Alkali ſoſilis omni Aqua Cryſtalliſationis orbat , & dragmas circiter duas Aquæ. Omnes ejus vires dependent a Sale Alkali, quod hic magnam virium partem retinet , & Oleo ſaturatum in magna doſi tutò aſſumi poteſt. Optimè hinc Sapo Acido in primis viis nidulanti Morbiſque ab eodem pendentibus medetur , & , aſſumptis Venenis acidis ; ut Aqua forti , Sublimato Corroſivo &c. , præſentiſſimum & tutiſſimum Remedium conſtituit. Efficaciſſimum præterea Aperiens & Detergens eſt , quod non ſolùm optimo cum effectu Viſcerum Obſtructionibus ; ſed etiam Calculo opponitur. Ultimum hunc effectum Arcanum Domicillæ STEPHENS præſertim docuit , quod , quamvis Calculum non diſſolvat , ejus augmentum tamen impedit , & , ſolvendo neceſſens Gluten , ad miſerum hunc Morbum diſpoſitos ab eodem immunes ſervare videtur. Plerumque in doſi peccamus , & Saponem avara nimis manu præſcribimus : ut enim hic aliquid præſtet , ad unciam dimidiam , aut majorem adhuc Doſim , donec Alvum laxam reddat , adhiberi debet. Notandum tamen eſt longum ejus uſum , Humores ſolvendo eodemque alkalinos reddendo , Scorbutum , Dyſenteriam , quin imò Phtifiſim induxiſſe.

Externè aquoſis , vel ſpirituoiſis menſtruis ſolutus locis Rheumatismo , Arthritide , Podagra aſſectis , Mammis Lacte coagulato induratis , & ubicumque materiam impactam ſolvere mens eſt , applicatur.

SAPONARIE Folia & Radix. *De Bladeren en Wortel van Zeepkruid.*

Folia hujus Plantæ cum Aqua agitata , Saponis more , eandem viſcidam , ſpumofam , & tam detergentem reddunt , ut Monachos hac herba loco Saponis uti ad Pannos eluendum TRAGUS ſcribat. Ab his dotibus *Saponaria* dicta eſt , & ab aliquibus *Herbæ Fullonum* ,

ac *Lychnidis Lanariae* nomina recepit. Viscida illa & detergens Materia, quam continet, in eo a Mucilagine diversa videtur, quod tam Spiritu Vini, quam Aqua solvatur.

Radix longa, tenuis, fibrosa est; coloris extus flavescentis, intus albi; saporis primò dulcis, dein calidi, & acris; odoris vix ullius.

Folia vim resolventem possident; vix tamen in usu sunt. Externè tamquam Ptarmica & Cosinetica laudantur.

Radices ab aliquibus summis laudibus extolluntur. CARTHEUSERUS eas ad satis activa attenuantia, aperitiva, diuretica, diaphoretica, Sanguinem purificantia, emmenagoga, & pectoralia Medicamenta spectare & in curandis multis Morbis Radices Sarsaparillae multum superare contendit. Inter eos Luem veneream enumerat: sed suspicamur celebrem hunc Virum potius SEPTALII, STAHLII, & NEUMANNI Authoritatibus, quam propriis Experimentis, & Observatis credidisse. Nuperrimè tamen celeb. SEGUY hanc Plantam revera Luem veneream curare se expertum asserit. In multis casibus non nocebit Tentamina repetere. Foliorum unciam dimidiam, & Radicum unciam & dimidiam coquit in tribus pintis Aquae ad tertiae partis consumptionem. Aeger pintam unam, vel duas quotidie assumit. Author pro ratione symptomatum præter Decoctum Aegris Pulverem, vel Extractum etiam exhibet, & ad mala topica, Fomenta, vel Cataplasmata ex eadem Herba parata præscribit. Vide *Affiches, Annonces & Avis divers. Vel Esprit des Journaux. Juin 1784.*

SARCOCOLLA. *Sarcocolla, Vlesch-Lym.*

Sub hoc nomine e Persia & Arabia adferuntur grana parva, rugosa, friabilia; coloris, dum recentia sunt, albicantis, dum vetustiora, flavicantis cum adjuncta rubedine. Odorem præbent vix ullum; saporem subdulcem, amaricantem, subacrem, nauseosum. Igni injecta primò in bullas inflantur, tum accenduntur, & odorem suavem emittunt. Tota solvuntur in Aqua; aliqua pars in Spiritu Vini.

Testante LINNÆO fillant e Planta , quæ ei *Penæa Sarcocolla* appellatur.

Hanc substantiam vulnera consolidare GALENUS credidit , & ab hac Virtute nomen recepit. Laudatur præterea tamquam Cosmecticum , & cum Lacte ad Ophtalmiam serosam. Varias partes a Pituita liberare ; sed simul suspectam esse , quia Stomacho nocet , & Calvitium gignit , MESUE reliquit. In magna dosi exhibita revera vires purgantes edit : reliquas laudes imaginarias , & ejus vires necdum satis exploratas credimus.

SARSAPARILLÆ Radix. *Salsaparille*.

Ita vocantur Radices farmentosæ , aliquot pedes longæ , Calami anserini circiter crassitiem habentes , flexiles , tenaces , Fibrillas Capillares hinc inde emittentes. Corticem habent rufescentem , qui Substantiam cingit albam , farinaceam , Nervum medullarem album tenacem includentem. Fibras exhibent longitudinales , & facile secundum totam longitudinem findi possunt. Odorem præbent vix ullum ; saporem farinaceum , diu masticatæ glutinosum , leviter amaricantem. In Aqua coctæ eandem colore rubro tingunt , eique omnes vires impertiunt.

Pertinent ad Plantam , quæ in pluribus Americæ meridionalis Provinciis sponte crescit , & CASPARI BAUHINO *Smilax aspera Peruriana* , seu *Salsaparilla* ; LINNÆO *Smilax Salsaparilla* dicitur. Multæ numero e Capitulo pollicem circiter crasso emergunt. Adferuntur in Gyros flexæ , Corbibus coercitæ , vel in fasciculos ligatæ. Varias fordes heterogeneas plerumque admixtas ferunt. Rejici debent fragiles , extus nigre , intus non albiſsimæ , cariosæ.

Hæc Radix tamquam potentissimum adversus Lucem veneream Medicamentum circa annum 1563. ab Hispanis primum in Europam allata est. Hanc virtutem negarunt multi celebres Viri ; alii allatis Experimentis comprobarunt. Celeb. FORDYCE , in *Medical Observations and Inquiries Vol. I.* plures casus venereos adducit , in quibus

hoc Remedium, Mercurio & Ligno Guajaci frustra tentatis, opem attulit. Cl. HUNTERUS, STOERCKIUS, PLENCKIUS aliique hanc rem confirmant. Omnibus sine præjudicio perpensis, videtur revera optimum aperiens, resolvens Medicamentum esse, quod in humorum spissitudine, & Morbis ab ea pendentibus, ut Rheumatismo, Arthritide, Morbis pluribus cutaneis &c. in quibuscumque Subjectis, etiam Infantibus & Phtificis, tutò adhiberi potest. Non desunt, qui in incipiente Cancro laudarunt, & sanationum exempla attulerunt. Optimè Mercurio jungitur, vel adversùs Luis reliquias post eum præscribitur. Radicis recentis uncia tres in Aquæ libris tribus ad tertiæ partis consumptionem decoquuntur, & hæc quantitas quotidie ab Ægro assumitur. Eodem Decocto Ulcera, si quæ adsunt, lavantur.

SASSAFRAS Lignum ejusque Cortex. *Het Hout en den Bast van Sassafras.*

Sub hoc nomine ad nos adferuntur longa frustra Radicis Arboris americanæ, quæ LINNÆO *Laurus foliis integris trilobisque*; CASPARI BAUHINO *Sassafras arbor ex Florida ficulneo folio* appellatur. Lignum leve est, fibrosum; coloris ex albido flavescentis; odoris aromatici, non ingrati, ad Fœniculum accedentis; saporis subdulcis, subacris, balsamici. Cortex crassus, rugosus, spongiosus, extus cinereus, intus ferrugineus odore & sapore Lignum superat. Olei odorati, stimulantis, penetrantissimi, in Aqua subsidentis circiter unam trigessimam secundam sui ponderis largitur. Vires optimè Spiritu Vini rectificato extrahuntur: protracta coctione in Aqua deperduntur.

Circa medium sæculi decimi sexti hoc Medicamentum in Europam allatum est. Ob Aroma, quod continet, calidas, stimulant, in Morbis frigidis, ubi ob laxam fibram excretiones torpent, utiles vires exercet. In hoc casu, cum diaphoreticum, diureticum, resolvens, carminativum, roborans quandoque se præbeat, tot titulos natum est. Eadem virtute non rarò Morbos cutaneos a prædicta

causa pendentes curavit. At potestne aliquid adversus Luem veneream? dubitamus. Arbitramur potius aliquos Morbos a spissis humoribus & torpida fibra, ob symptomata communia, pro Lue venerea imposuisse, & quia hoc Remedio curati sunt, fecisse, ut hætenus creditum sit specifics contra hunc Morbum vires possidere.

SATUREIÆ Folia. *De Bladeren van Keule, of Peperkruid.*

SATYRII MARIS Radix. *De Wortel van Satyrion Orchis.*

Pro viribus, vide SALEP.

SAXIFRAGÆ ALBÆ Folia & Radix. *De Bladeren en Wortel van Steenbreken met witte Bloemen.*

SAXIFRAGÆ VULGARIS Folia & Semen. *De Bladeren en Zaaden van gemeine Steenbreken, of Steenbreken der Weiden.*

SCABIOSÆ Folia. *De Bladeren van Aposteumkruid.*

SCAMMONIUM. *Scammonie.*

Est Substantia sicca, levis, spongiosa, minimo nisu in pulverem redigenda; coloris grysci, subnigricantis; odoris ingrati, nauseosi, putridi; saporis amaricantis, acris. Igni injecta flammam concipit. Tota solvitur in Spiritu Vini probato: in Aqua suspenditur, velut Emulsum lacteum. Extracti resinosi ultra dimidium sui ponderis largitur; gummosi circiter tres octavas.

Est Succus concretus Plantæ asiaticæ, quæ LINNÆO *Convolvulus Scammonia* dicitur. Teste oculari Celeb. RUSSEL, qui exactam Plantæ delineationem Societati Medicæ Londinensi transmisit, & eandem in congruis Americæ locis coli curavit, mense Junio Indigenæ Radicis summitatem Terrâ liberatam obliquè discindunt, & infra plagam Concham radici adaptant, in qua exsillantem lacteum Succum colligant, qui exsiccatu Scammonium constituit. Addit celeb. Vir, optimi Scammonii colorem varium esse, eumque a sic-

candi modo pendere: cæterum hoc Medicamentum, quia quælibet Radix paucas tantum dragmas largitur, raro genuinum ad nos pervenire; sed adjec̃tis Farina, Sabulo, Cineribus ut plurimum adulterari; indigenasque idem approbare, si leve, friabile sit, & digito madido tractatum lacteum se præbeat: melius tamen pro detegenda fraude Solutioni subjici.

Præter Scammonium hic descriptum, quod a Patria *Aleppense* vocatur, altera species, sub *Smyrnæi* nomine, quia eò ex Galatia & Capadocia adfertur, in Officinis pharmaceuticis prostat. Distinguitur a priori, quod magis compactum, ponderosius, minus friabile sit; strias exhibeat latas, nigras, splendentes; minorem longè Resinæ quantitatem possideat, & impurius, frequentiusque adulteratum sit.

Validum purgans est, quod in substantia exhibitum plerumque satis mite se præbet, quandoque tantas turbas excitat, ut aliqui venenatum crediderint. Non desunt Scriptores, qui posterius ex eo fieri statuunt, quod hinc indè Euphorbio adulterari putent. Id tamen Testes oculares negant. Videtur potius ob diversam primarum viarum dispositionem diverso modo agere. Aliqui Acidis mineralibus virulentiam corrigere annisi sunt: hinc *Diagrydium*. Correctore tamen non videtur egere, modò cum Saccharo, vel Amigdalibus bene subactum & solutum exhibeatur. Smyrnæum perpetuò exulare deberet.

SCHOENANTHIUS. Vide JUNCUS ODORATUS.

SCILLÆ, seu SQUILLÆ Radix. *De Wortel van Zeeajuin.*

Est Radix bulbosa Plantæ, quæ ad littora Maris, præsertim in Hispania, Sicilia, aliisque Europæ meridionalis arenosis locis crescit, & LINNÆO *Scilla maritima*; CASPARI BAUHINO *Scilla vulgaris*; aliis *Cepa maritima* appellatur. Non raro hic Bulbus ad aliquot pugnorum magnitudinem excrescit: inferius multas fibras emittit: consistat

Lamellis, seu Squammis crassis, multo Succo mucilagineo, pertinaciter amaricante, acri, nauseoso plenis. Recens Cuti applicata eandem rubefacit, & in vesicam attollit; discissa odorem Ceparum prodit, & volatili principio Lacrymas excitat: sub exsiccatione sensim volatilem hanc acrimoniam diperdit, & fit inodora. Vires tam aqueis, quam spirituosis Menstruis extrahuntur.

A colore dividitur in *Albam*, seu *Marem*, & *Rubram*, seu *Fœminam*. Eadem utrique virtus est, & præjudicata opinio est, quæ hanc hætenus prætulit.

Solida exstimulat, Humores potenter incidit: sic optimum resolvens est: sed tantâ scatet acrimoniâ, ut in majori dosi venenatos effectus edat. Ut hoc vitium corrigatur, præcepit DIOSCORIDES, ut pastâ farinaceâ obducta in Clibano coquatur. Ad grana decem vel duodecim exhibita per Emesim, vel Alvum agit; ad granum unum alterumve per diuresim, vel sudores. Sic in Asthmate, vario Hydrope, Nephritide mucosa aliisque hujus generis morbis optimum Medicamentum efficit, quod multò adhuc præstantius foret, si Ventriculi tonum non dejiceret. Optimè cum Salibus neutris præscribitur. Ejus acredo, quæ passim alkalinae indolis credita est, teste CARTHEUSERO, Salibus alkalinis mutatur, & corrigitur.

SCOLOPENDRIUM, Vide LINGUA CERVINA.

SCORDII Folia. *De Bladeren van Waterloo.*

SCORPIONES. *Scorpioenen.*

Vulnera ab his Animalibus inflicta venenata & lethalia censentur, eorumque Oleum hujus Veneni antidotum statuitur. Prius, faltem hic in Europa, falsum est; posterius ubique somnium. Idem oleum, lumbis illitum, aut Urethræ injectum, Calculum solvere Arabum figmentum est.

SCORZONERÆ

SCORZONERÆ Radix. *Scorzoneelen.*

SCROPHULARIÆ VULGARIS Folia , & Radix. *De Bladeren en Wortel van Speenkruid, of Kankerwortel.*

A Radice tuberosa & nodosa primò verosimiliter nomen adepta est; dein a nomine adversus Scrophulas laudata. Similis error multis aliis Medicamentis virtutem adscripsit. Quin eò quondam Medicorum figmenta processerunt, ut fortè a figura ad Hæmorrhoides commendetur. Quidquid aliqui probare nitantur, nec in hunc, nec in illum Morbum videtur aliquid posse, & vires, si quas habet, hæctenus ignotæ sunt.

SEBESTEN. *Een soort van Borstpruimen.*

Sunt Fructus ex India orientali allati, prunis similes, sed minores. Pulpa carnosæ, dulcis, mucilaginosæ arctè Officulo, Neucleum dulcem includenti, adhæret.

Inter pectoralia demulcentia numerantur. Vix amplius in usu sunt.

SEDI MAJORIS, seu SEMPERVIVI MAJORIS Folia. *Donder-Bladeren, de Bladeren van Huislook.*

Succus Foliorum clarificatus, cum æquali quantitate Spiritus Vini per se rectificati mixtus, Coagulum prodit album, quod ope filtrationis a Liquore separatum Cremorem Lactis aspectu æmulatur; saporis herbacci, acris est, & libero aëri expositum citò avolat. Celeb. BURGHART, qui primus hoc phænomenon videtur detexisse, cum crederet Spiritum Vini liquorem esse ad Acidorum naturam accedentem, ex eodem conclusit, Sedum in se continere Salem maximè volatilem, urinoso præ cæteris similem: sed celeb. CARTHEUSERUS, Alkoholis indolem melius doctus, contrarium ex eo deduxit, & institutis ulterioribus Experimentis probavit, Sedi Succum acidæ potius indolis esse: nam ab addito Alkali, tam volatili, quam

fixo, idem præterpropter nascitur Coagulum, & ab adjectis quibuscumque Acidis non mutatur. Vide CARTHEUSERI *Fundamenta Materiae Medicæ*. Tom. I. pag. 474.

Aliqui usum Succi internum, titulo refrigerandi, suadent in Febribus, & adversus Diarrhæas putridas. Non sine fructu Aphthis & Ulceribus laxis, putridis, præcipuè scorbuticis, adhibetur. Commendatur etiam ad Clavos Pedum & Verrucas.

SEDI MINORIS, seu ILLECEBRÆ Folia. *De Bladeren van Muurpeper.*

Hæc Planta est *Sedum acre* LINNÆI; *Sedum minus*, *vermiculatum*, *acre* CASPARIS BAUHINI; *Sedum parvum acre*, *flore luteo* TOURNEFORTII; *Illecebra*, seu *Sempervivum tertium* DODONÆI. Saporis est acerrimi, pertinacis: introsumpta Vomitus excitat, & cuti applicata eandem rubefacit; in vesicam attollit, & exulcerat. Ejus acrimonia fixa est; nec ab Alkalinis, nec ab Acidis mutatur, & tam aquosis, quam spirituosius Menstruis extrahitur.

Viribus ad præcedens Sedum accedit; sed longè majori pollet acrimonia. Ab aliquibus proponitur tamquam insigne Antiscorbuticum.

Extus Tumores scrophulosos scribitur resolvere, & Cancrum saltem multum emendare.

SENEKA Radix. Vide POLYGALA SENEGA.

SENNÆ Folia & FOLLICULI. *Zenebladeren en Zaadraten.*

Plures species Foliorum a varia Patria variè denominandæ ad nos adferuntur. *Alexandrina* folia sunt quartam pollicis partem lata: pollicem circiter longa; sine acuto terminata, firma, lævigata; coloris ex viridi flavescentis; odoris proprii, languidi, non ingrati; saporis amari, subacris, nauseosi, dum diu masticantur, viscosi.

Vires tam spirituosas, quam aquosas Menstruis extrahuntur, & Extracti aquosi unam quartam, spirituosi unam octavam CARTHEUSERO & NEUMANNO dederunt.

Sæpè Foliis his alexandrinis substituuntur 1^o *tripolitana*, quæ majora sunt, viridiora, sine terminantur magis obtuso, & odorem habent debiliorem; 2^o *italica*, majora, rotundiora, tenuiora, fragiliora, magnis venis distincta; 3^o *mokana*, angustiora, longiora, acutiora. Tres hæ species viliores censentur: pertinent tamen ad eandem Arbusculam, LINNÆO *Cassiam Sennam* appellatam, eadem ferè Principia largiuntur, & viribus ad Sennam alexandrinam tam prope accedunt, ut aliqui, inter quos eminet LINNÆUS, malè post-poni asserant.

Folliculi sunt Capsulæ feminales, semilunares, compressæ, virides, plura Semina oblonga, nigricantia includentes. Saporem Foliorum, sed debiliorem habent; odorem vix ullum. Reliquis dotibus vix differunt.

Tam Folliculi, quam Folia familiarissimum Purgans constituunt, & præsertim præscribuntur in Decocto, quod tamen per se ingrati odoris & saporis est. Hæc vitia aliqui additione Foliorum *Scrophulariæ aquaticæ* corrigi volunt: melius & certius odor leni coctione; sapor addito Aromate emendatur. Sæpè tormina producant. Id non a Stipitibus, ut passim creditur, sed a Resina Intestinis adherente pendet, & multum præcavetur, si in majori quantitate Vehiculi decoquantur. Protractiorem Coctionem non ferunt.

SERPENTARIÆ VIRGINIANÆ Radix. *De Virginiaensche Slangenwortel.*

Est Radix Plantæ perennis in Virginia & Carolina crescentis, quæ Aristolochiæ species videtur, atque hinc LINNÆO *Aristolochia serpentaria* dicitur. Multæ tenues fibrillæ e communi capite emissæ hanc Radicem constituunt. Dum ad nos adfertur ei hinc indè

Plantæ folium adhuc adhæret. Coloris est extus brunci, intus flavescens; odoris aromatici, camphorati, ad Valerianæ Radicem accedentis, sed gravioris; saporis amari, calidi, acris. Hæ dotes tam aquosis, quam spirituosis Menstruis extrahuntur; Tinctura spirituosâ aquosâ tamen acrior est. Olei essentialis acris parcamus quantitatem largitur.

Circa medium præcedentis sæculi, tamquam præstantissimum Alexipharmacum, ad nos allata est. Ab Americæ Incolis, tam introsumpta, quam extus adhibita, adversus Venenum Serpentum summis encomiis celebrabatur: hinc videtur nomen recepisse; sed de hac virtute dubitamus. Ob vires aromaticas & antisepticas, quas certò insignes possidet, laudatur a celeb. PRINGLE in Febribus exanthematicis & malignis, ubi vis Vitæ exstimulanda est: sed monet ipse clarissimus Vir ob vires calidas in parciore dosi debere præscribi. Fatetur celeb. CULLENUS se optimos hinc inde hujus Medicamenti effectus observasse: sed notat simul in merè nervosis febribus nocere, malignas rarius occurrere, aliaque dari minus incendiaria, quæ tutius adhiberi possunt; ut asserat demum, se ab ejus usu omnino destitisse. Aliqui adversus Febres intermittentes utiliter Cortici peruviano jungi asserunt. Nec desunt, qui tantam, vim febrifugam ei attribuunt, ut non rarò quartanas pertinacissimas, frustra etiam adhibito Cortice, percurare contendant. Virtus diaphoretica, quæ passim ei adscribitur, pendet ab Aromate. WIL-
LIUS commendat ad Motus convulsivos.

SERPILLI Folia. *De Bladeren van wilden Thym.*

Virtutem habent aromaticam, ad Thymum vulgarem accedentem, sed debiliorem: sine damno itaque exulare posset: nisi quis ob vim specificam, qua, teste LINNÆO, Cephalæam a Crapula inductam tollit, retinere vellet.

SESELIS VULGARIS, seu SILERI MONTANI, vel LIGUSTICI Semen. *De Zaaden van Sefelikruid.*

SESELIS MASSILIENSIS Semen. *De Zaaden van italiaensche Holwortel.*

Aromaticis his Seminibus multa alia sine damno substitui possunt: hinc vix adhibentur. Posterius Cicutæ Antidotum esse SCHRODERUS somniavit.

SIGILLI SALAMONIS Radix. *De Wortel van Salamons Segel.*

SIMAROUBÆ Cortex. *De Bast van Simarouba.*

Est Cortex Arboris in variis Americæ meridionalis locis crescentis, sed necdum satis bene distinctæ. Adfertur in frustis latis, longis, in lacinias divisis, fibrosis, tenacibus, quibus non rarò portiones Ligni albi, levis, insipidi adhærent. Extus leviter rugosus est, coloris flavescentis, intus pallidioris: odorem habet nullum, saporem amarum. Vires optimè Aqua extrahuntur: coctione eandem lacteam, spumofam reddit. Hoc criterio ab aliis Corticibus, quibus quandoque adulteratur, dignosci potest. Cum Vitriolo Martis nullam adstringentiam prodit.

Tamquam Specificum adversus Dysenteriam anno 1713. e Guiana in Europam allatus est. Medici galli in epidemica Dysenteria anni 1718. cum jussu regio primi tentaminibus subjecerunt, & ejus virtutem laudarunt: hanc postea plures celebres Viri non solum confirmarunt, sed & addiderunt, hoc Medicamentum specifica quadam vi Morbi fomitem corrigere & eliminare; nullatenus verò adstringendo agere. Considerata varietate Dysenteriae ab Observatoribus allata, specifica hæc vis difficulter concipitur. Datur sub forma Pulveris; vel dragmæ duæ in duabus Aquæ libris decoquantur, ad tertiæ partis consumptionem, & tertiâ quaque horâ unciae quatuor exhibentur. Non obstante hac celebritate candidè fatemur, nos pluries in Dysenteria annorum 1731. & 1732. hoc Decoctum, præmissis strenuè evacuantibus, tentasse, idemque nihil nobis effecisse. Vires Medicamentorum tam densis meritis adhuc la-

tent tenebris, easdemque stabilire res est tot difficultatibus, tot erroribus obnoxia, ut saltem suspicari liceat, hujus Corticis effectus necdum satis bene evictos esse, & ejus famam præjudicata hætenus niti opinione. In magna dosi Vomitus excitare, & Alvum potenter solvere scribitur: si fides relatis, ad tantam dosim Guiani exhibent: sic illi morbi fomitem fortè felicius, quam quovis alio Remedio, expellunt. Turbis verò hac methodo excitatis perterriti Europæi Medici dosim correxerunt, & illam fortè tum demum salubritatis punctum attigisse crediderunt, quando inefficax facta est. Certè Guianorum methodus apud nos non satis probata videtur, & a Viris præjudicio liberis deberet repeti.

Nostri dosi varios alios Alvi fluxus, Colicam habitualement, & Uteri Hæmorrhagias scribitur curasse. Fortè potiùs viribus alterantibus, quam roborantibus.

SINAPIS Semen. *Mostaerdzaad.*

Nota hæc Semina Distillatione cum Aqua Oleum fundunt limpidum, acerrimum, Aqua specificè gravius: expressione verò ordinariâ Oleum mite, insipidum; quo ablato, pasta remanet acrior. Lacti addita idem coagulant, & Serum largiuntur acre. Eorum vires optimè aquosis Menstruis extrahuntur.

Introsumpta Stomachi fibras exstimulant, & viscidum Gluten primarum viarum parietibus adhærens attenuant: hinc non inutile Condimentum constituunt. In majori dosi Vomitus excitant: dragma una alterave eorum Pulveris id efficit; dum tamen integra Semina ad unciam dimidiam, vel integram assumpta non Vomitus, sed Alvum movent. In minori dosi diureticam, vel diaphoreticam vim exercent. Videtur eorum stimulus citò per totum corpus diffundi, & in Nervorum Morbis a causa frigida; ut Paralyti, Apoplexia &c., meritò laudari. Vi antiscorbutica Cocleariam amulantur, celebri Rupellensium exemplo: ob hanc causam ad Hydropem, & adversus Febres intermittentes per se, vel cum Cor-

tice peruviano ab aliquibus commendantur. In nimia copia assumpta sanguinem adeo attenuant, ut lethales Hæmorrhagias scribantur produxisse.

Externè attrahunt, revellunt, rubefaciunt: hinc Supplantariis frequentissimè adduntur. Tumoribus duris imposita eisdem discutiant, vel eorum Suppurationem adjuvant.

SOLANUM LETHALE. Vide BELLADONA.

SOLDANELLÆ, seu BRASSICÆ MARINÆ Folia. *De Bladeren van Zeewinde of Zeekool.*

SOPHILÆ CHIRURGORUM Semen. *De Zaaden van Harikskruid.*

SORBI SYLVESTRIS Cortex & Fructus. *De Bast en Vruchten van den Sorbenboom.*

SPERMA CETI. *Spermaceti.*

Ita perperam vocatur substantia alba, sicca, quæ sub Squammarum, vel Lamellarum nonnihil splendentium & subpellucidarum forma ad nos transfertur. Tenera est, fragilis; saporis pinguis, mitis; odoris proprii, levis, non ingrati. Ætate flavescit, & fit rancidum. Hoc vitium tamen Lixivio alkalino & Spiritu Vini auferri potest. Minimo calore funditur, & faceseit in verum Oleum, denuo concreescens Calore evanido. Sulphuri uniri potest; inflammabilis est: Aquæ connubium respuit: solvitur omnibus Oleis, Mucilaginibus, Vitello Ovi. Duabus posterioribus substantiis juncta Aquæ miscibilis fit. Cum Saccharo subacta, affuso aquoso Vehiculo, separatur. Spiritus Vini rectificatissimus parum Olei subtilioris extrahit, reliquam substantiam intactam relinquit. Hoc præ aliis Pinguedinibus peculiare habet, quod Alkali parum in eam possit, & quod Distillationi subiecta, tota sine vestigio sere Empyreumatis, sub forma materiæ butyraceæ, transeat.

Defumitur e Cerebri & Medullæ spinalis Balænarum Oleo, in quo ex Animali exempto velut in Cryſtallos concreſcit. Liberatur ab admixto Oleo heterogeneo additione Lixivii alkalini, Lotione &c.

Recens vires habet demulcentes, relaxantes, obvolventes, ab aliis blandis Oleis non diverſas: ut eadem, rancidum factum etiam irritans, acre, venenatum eſt. Reliqua encomia imaginaria ſunt.

SPICA VULGARIS, ſeu LAVENDULA ANGUSTIFOLIA. Vide LAVENDULA.

SPICA NARDI. Vide NARDUS INDICA.

SPIGELIA ANTHELMIA, ſeu ANTHELMINTICA. *Braſiliaenſch Wormkruid.*

Ita a celeberrimo LINNÆO vocatur Planta annua ſpontè creſcens in America meridionali & præſertim in Braſilia. A clariffimo BROWNE, qui primus Plantæ Iconem dedit, & eandem Europæ notioſiorem reddidit, appellatur *Spigelia quadrifolia, ſpicis terminalibus*. A multis ſæculis tamquam potentiffimum Remedium adverſus Vermes, præſertim Lumbricos, apud Indigenas celebris erat. In hunc orbem allata, & europæorum Medicorum tentaminibus ſubjecta hanc famam videtur ſuſtinuiſſe: ut dolendum ſit, Remedium, adverſus Morbum quælibet nota ſæpius eludentem, hactenus in noſtris Pharmacopoliis non inveniri. Integra Planta adhibetur. Cl. DAHLBERGI Medici ſucci methodo præſcribitur in pulvere ad ſcrupulum unum ter de die; vel ad triplam quantitatem in Infuſo, quod addito Saccharo & Succo Limoniorum gratius reddi poteſt. In ejus uſu pergitur per quatuordecim dies, & omni triduo Ægro lene purgans exhibetur. Diſta doſis perpetuò, etiam ſub Febre & Convulſionibus, innocua viſa eſt: major oculos obnubilare, ſomnum inducere, & vehementer ſurſum deorſumque evacuare ſcribitur.

SPIGELIA

SPIGELIA MARILANDICA. *Marilands Wurmkruid.*

Est Planta perennis crescens in Carolina australi, LINNÆO *Caule tetragono, foliis omnibus oppositis* distincta; adeoque cum præcedenti, quamvis etiam, ut illa, ob vires antihelmenticas celebris sit, non confundenda. Non obstante fama, necdum etiam ad nos delata est. Videtur priori efficacior esse, & fatentur LINNING & GARDEN, celeberrimi in hujus Plantæ patria Medici, se certius Remedium antihelmenticum non cognoscere. Ejus Radix præsertim in usu est. Præscribitur vel in pulvere ad unam alteramve dragmam, vel in Infuso aquoso ad duplam triplamve quantitatem. Hoc Saccharo, vel Lacte tam gratum reddi potest, ut ab Infantibus facillimè assumatur. In majori dosi vomitum excitare; in minori, ut Rheum, Alvum laxare scribitur. In quocumque casu, etiam in Febribus tutò exhibetur, & Vertigo, Caligo Oculorum eorundemque Motus convulsivi, quæ symptomata quandoque produxisse fertur, brevi cessant, vel adjectis paucis guttis Olei cujusdam essentialis præcaveri possunt.

SPINA CERVINA. Vide RHAMNUS CATIARTICUS.

SPONGIA. *Spons.*

Est substantia levis, mollis, fibrosa, tenax, compressilis; coloris fusci, vel flavi; odoris proprii, piscosi; saporis vix ullius. Frusta exhibet variæ magnitudinis, quæ multis foraminibus, plus minus magnis, totidem canalium undique Spongiæ fabricam percurrentium orificiis, perforata sunt. Liquori immissa his canalibus eundem haurit, & intumescit.

Spongia peculiarium Vermium opus & domicilium est, & consequenter animalis originis; probantibus id non solum rerum naturalium Indagatorum Observatis; sed etiam chemica Analyti: nam Distillationi subiecta magnam quantitatem Alkali volatilis largitur, & in Cineres redacta multum Alkali fossilis. Rupibus accreta in Mari mediterraneo præsertim invenitur.

Spongiæ usæ usus antiquus est. Vis resolvens ei passim adscribitur, & ad Strumas etiam apud nos famam retinuit. Præscribitur ad scrupulos duos, aut dragmam quotidie. Quod potest soli Sali videtur debere. ARNOLDUS DE VILLA NOVA, qui primus eam in hunc scopum laudavit, lunæ phasibus ejus usum accommodandum voluit. Cautela hæc nostri sæculi non est.

Quidquid aliqui de viribus internis probare nitantur, ejus usus externus nobis magis rationalis videtur. Utiliter, ut Agaricus, vulneratæ Arteriæ ad sistendum Sanguinem imponitur. Cerâ præparata, multum compressa, dein figurata, ob vim intumescendi, dilatandis Vulneribus & Ulceribus immittitur. Ejus Lamellæ latis & multum suppurantibus ulceribus, ut Puris tenuiorem partem imbibendo ejusdem absorptionem impedian, optimè imponuntur. Vide *Medical observations and inquiries*. Vol. II.

STANNUM.

Est Metallum colore albido & splendore Argentum æmulans, ut Plumbum, molle, malleabile, vix elasticum, vix sonorum; odoris, ut etiam saporis, proprii, sed vix notandi. Dum flectitur Stridulum sonum edit. Omnium Metallorum levissimum est: nam in Balance hydrostatica septimam circiter partem sui ponderis amittit. Igni commissum citius etiam, quam Plumbum, & ante candescentiam funditur; odorem emittit sulphureum, alliaceum, arsenicalem, & mox pulvere tegitur gryseo, qui Calx Stanni est, & addito Phlogisto denuò in idem Metallum redire potest. Stannum cum Nitro Igni expositum inflammatur, & detonat. Solvitur omnibus Acidis; optimè tamen Acido marino & Aqua regia. Ab his Menstruis adjecto Alkali liberatum vocatur *Magisterium Stanni*. Aceto solutum, dein in Cryсталlos redactum appellatur *Sal Joris*. Omnibus Metallis uniri potest iisque ductilitatem demit; præsertim Auro & Argento. Tam arctum cum Arsenico, quamvis volatili, connubium contrahit, ut numquam posthac, nisi fortè Solutione in Aqua regia & Cryсталlificatione, ab eo separari possit. Ob hanc

rationem hoc Metallum, cum omnes ferè ejus Mineræ venenosam hanc substantiam admixtam habeant, vix Arsenico liberum occurrit.

Eruitur in India, Germania, Anglia. Hoc ultimum passim optimum censetur. Constat tamen Experimentis cl. VIRO-rum BAYEN & CHARLARD Stannum indicum in Insulis Malaca & Banca erutum purissimum esse, nec ullo Arsenico contaminatum. Omne ferè, quod ad nos adfertur, Plumbo adulteratum est.

Ob dicta aliqui omnem Stanni usum, etiam mechanicum pro mensa & culina, suspectum habent. In Medicina vix adhibetur. Clarissimus MEAD laudavit tamquam Antihelminticum, & celeb. ALSTON, in *Medical Essays and Observations Vol. V.*, præsertim adversus Tæniam. Non desunt observata, quæ hanc vim confirmant. Clarissimus Author hoc Remedium credit agere se interponendo inter Tæniam & Intestinum; ut sic Vermis minus adhærens dato postmodum purgante facile expelli possit. Calx Stanni *antihecticum* poterit ingreditur: sed hoc Medicamentum, iners saltem, si innocuum, ejici debet.

Pulverem Stanni tenuissimum, cum dupla quantitate Sacchari & pauxillo Vitrioli communis, oculo ad granum unum inflatum commendat celeb. PLENCKIUS ad deterenda Corneæ Leucomata, additque hunc pulverem magni BOERHAAVII arcanum fuisse.

STAPHIDISAGRIÆ seu HERBÆ PEDICULARIS Semen. *De Zaa-den van Kattenpeper, of Luiskruid.*

STIBIUM, seu ANTIMONIUM. Vide ANTIMONIUM.

STOECHADOS Flores. *Stechasbloemen, Rhynbloemen.*

STRAMONII Folia. *De Bladeren van Doornappel, of Dollenappel.*

Est *datura Stramonium* LINNÆI, *Pericarpis spinosis, erectis, ovatis, foliis ovatis, glabris distincta; Solanum fœtidum, Pomo spinoso oblongo* CASPARIS BAUHNI. Planta annua est americanæ originis, sed

quæ jam nimis frequens in Europa occurrit. Ejus folia magna sunt, ovata, lætè viridia, glabra, in latas lacinias divisa: odorem habent ad Sambucum accedentem, sed magis virosum, narcoticum; saporem amarum, subacrem.

Omnes hujus Stirpis partes venenatæ videntur. Clarissimus GME-LIN, qui in *Nov. Act. Natur. Curios.* Vol. VI. historiam Venenorum vegetabilium Sueviæ Indigenorum impertiit, e collectis undique Observationibus, sequentibus verbis Stramonii noxas describit:

„ Vegetabilis hujus & herba, ejusque vapores in conclavi clauso
 „ exhalantes, & flores, & fructus, & semina, præcipuè eorum-
 „ que torrescentium exhalationes, nunc malo dolo, nunc ex
 „ imprudentia ingesta, in Asia & America, æque ac in Europa,
 „ pro alia atque alia dosi, forma, mixtione, corporis, in quod
 „ recipiuntur, constitutione inebriant, memoriæ exercitium aut
 „ suspendunt aut tollunt; deliros, amentes, insanos, quin
 „ rabiosos reddunt homines; Sagarum somnia inducunt; Con-
 „ vulsiones, Tremores, Sudores frigidos, Sopores, Tendinum
 „ plerumque subsultibus stipatos, ipsum Morbum attonitum exci-
 „ tant; artuum vigorem, mobilitatem & sensibilitatem supprimunt,
 „ vel delent; siccitatem & sitim creant intolerabilem; vires cordis
 „ mirificè minuunt; sensuum aut aciem obtundunt aut exercitium
 „ tollunt; vertiginem, præternaturalem pupillæ camque refracta-
 „ riam dilatationem, oculorum scintillationes, rigores & loquendi
 „ impotentiam, nunc immodicos in universo corpore ardores,
 „ nunc membrorum frigus generant; nonnumquam etiam inanes
 „ vomendi conatus, atque in regione ventriculi pruritum ad
 „ scalpendum excitantem, temporarios abdominis tumores, atroces
 „ capitis dolores, faciei rubores, menti horrorem, impudentissi-
 „ mam libidinem, dentium fridorem, inspirationem diuturnam,
 „ expirationem celerrimam inducunt, atque haud ratò subito vel
 „ brevi tamen temporis spatio occidunt. Externè etiam oculis im-
 „ polita ejus folia tristissimam pupillæ produxere paralyin.

Non obstantibus his effectibus, quibus hæc Planta se dirissimum, præsertim stupefaciens, Venenum probat, etiam in usus medicos ducta est: illustrissimus enim STOERCKIUS, cui multa alia tentamina circa Venena vegetabilia debemus, cum hanc Stirpem mirè corpus humanum asficere, & præsertim sensorium commune ac nervos mutare videret, probabile judicavit, eandem in minori dosi, quam ut noceret, adhibitam adversus earundem partium morbos posse salutem esse: tentavit itaque ejus Succum leni igne ad Extracti spissitudinem redactum in Mania, Epilepsia & Convulsionibus, eo cum eventu, ut in prioribus duobus morbis auxilio foret; convulsionibus vero exasperaret. Hæc tentamina orbi medico anno 1762 communicata plures celebres Viri illico repetierunt; sed cum tam vario successu, ut de hujus Medicamenti viribus vix aliquid certi hætenus statui posse videatur. In Nosocomio Stockholmiensi e quatuordecim ægris Epilepsia & Convulsionibus detentis octo fanati & quinque emendati leguntur. Plures alii celebres Medici similia sanationum exempla attulerunt; dum interim celeb. GREDDING aliique variarum Regionum sagaces Medici non solum doceant vix aliquid illis effecisse, sed etiam conquerantur hoc Remedium quorundam Ægrorum mala exasperasse; aliquos etiam miseræ & immaturæ morti dedisse, pluriesque, licet a grano uno incipientes sensim tantum dosim augerent, symptomata produxisse, quibus acrimoniam proderet & virulentiam. Si alicubi juvat, spectatâ Observationum summâ, in Epilepsia præsertim id præstare videtur.

Externè folia ad tumores duros & præsertim Mammæ induratas commendantur: eorum Succus laudatur ad ambusta. Non perpetuò sine noxa externè adhiberi supra allatum est.

STYRAX CALAMITA. *Storax, Joden Wierook.*

Est substantia gummeo-resinosa, coloris e badio rufi; odoris suavis ad Balsamum Peruvianum & Benzoinum accedentis: saporis amaricantis, subacris. Adfertur in massis, quæ præli. in quo pressæ sunt, vesigia adhuc exhibent. Inter digitos facillè conteritur: in ore

non solvitur, sed ductilis fit. Igni injecta primò liquefcit; dein accenditur, & suavem fuffitum fpargens tota deflagrat. Scrobem ligneam, nescio in quem usum, adjectam aliaque heterogenea admixta gerit. Aqua Tincturam extrahit aureo luteam, saporis amari, balsamici, nauscosi, & circiter quartam partem solvit, eademque Distillatione abstracta multum odoris secum elevat. Spiritus Vini rectificatus, heterogenea & gummosam partem relinquens, Resinam solvit, quæ ita pura obtineri potest, & ter gummosæ partis pondus adæquat. Hæc Resina Benzoino analoga est, & Distillationi subiecta cum Oleo empyreumatico etiam Salem, Flores Benzoini æmulantem, largitur. Idem Sal coctione in Aqua etiam ex illa obtineri potest.

Præter hanc Styracis speciem, quæ sola passim in Officinis obvia est, duæ aliæ a Materiæ Medicæ Scriptoribus memorantur, & in Curiosorum Museis asservantur: prior in *Granis* appellatur: lacrymas exhibet albidas, subpellucas, purissimas, pisi magnitudinem habentes. Odoris est suavissimi, fragrantissimi; reliquis dotibus & principiis parum a vulgari styrace diversa. Altera species massam exhibet e rubro fuscâ, pinguem, tenacem, facîle liquefcentem, cui interiùs particulae, seu lacrymæ albæ, quas diffractas Amigdalas diceres, intermixtæ sunt. Pura est; dotibus ad duas alias species accedit, aliquibus *Storax in granis* appellatur, & sub hoc nomine nuper a Pharmacopœis anglis divendita est.

Pertinet hoc Medicamentum ad Arborem, quæ CASP. BAUHINO *Styrax folio mali cotonei* dicitur. Species, in *Granis* meritò appellata, e vulnerata hac Arbore stillat, & nativum ejus productum videtur; aliæ duæ verosimiliter artificiales sunt. Ex Arboribus in Gallo-Provincia & Agro tiburtinò crescentibus scribitur stillare; sed quæ in Officinis prostat orientalis originis est, & e Turcia per Massiliam ad nos transfertur. Veterum *Styrax* videtur in *granis* fuisse, & ne vires deperderentur, calamis inclusa adferebatur: hinc *Calamita* illis dicta est.

Vires possidet balsamicas, secundum aliquos, in Tussi, raucedine, Astmate aliisque Pulmonum vitiis utiles. Quidam etiam ad suppuratas vias urinarias laudarunt: sed tam parum ejus usus successit, ut jam rarò internè adhibeatur.

Externè Suffimigiis nervinis, roborantibus, discutientibus, Aërem corrigentibus recipitur. Ob vim balsamicam, antisepticam, consolidantem varia Unguenta & Emplastra ingreditur.

STYRAX LIQUIDA. *Zagte Storax.*

Est species Balsami habens consistentiam melleam, viscosam; coloris grysei, fuscescentis; odoris fragrantis, ad Styracem calamitam accedentis; saporis balsamici, acris. Aquæ vix aliquid impertit: in Spiritu Vini rectificato pro parte solvitur: tinctura hæc coloris flavescentis est

Quid propriè sit necdum satis liquet: genuina secundum aliquos Authores pertinet ad *Liquidambar Styracifluam* LINNÆI, arborem odoratam, altam, in America crescentem, quæ incisa Resinam *Liquidambram*, seu *Ambram liquidam* dictam fundit. Ut Styrax liquida ex illa obtineatur, referunt Arboris Corticem in Aqua marina decoqui, donec decoctum Visci consistentiam habeat: tum resinofam supernatantem partem separari, eamque Styracem liquidam esse. Quæ passim in Officinis prostat adulterata, fœculenta, sordida est, & mixtum e Styrace calamita in Vino & Oleo soluta, cum adjecta resina laricea, creditur.

Vix internè adhibetur: externè ob vim balsamicam, vulnerariam, antisepticam Unguenta aliqua ingreditur & præsertim Gangrænæ opponitur.

SUCCINUM. *Amber, Barnsteen.*

Est substantia, quæ in variis Regionibus, præsertim ad littus Maris balthici in Borussia, reperitur. Sub forma glebarum variæ magnitudinis & figuræ e locis arenosis in stratorum pyritosorum

vicinia eruitur, vel ex illis translatus in Mari invenitur. Coloris est albi, citrini, vel obscurioris; plus minus pellucidum. Consistentiam habet duram; ut ab aliquibus Authoribus Lapidibus pretiosis adscriptum fuerit, & pulchrè lævigari possit. In pulverem redactum odoris est grati; saporis resinosi. Fricione vim acquirit electricam, & paleas attrahit: hinc, cum Veteribus *Electrum* diceretur, Recentiorum *Electricitas*.

Hæc substantia nihil Aquæ; Spiritui Vini odorem & Saporem aromaticum impertit: sed in eo solvitur partim tantum, & difficulter. Oleis satis bene subigitur. Nihil in eam possunt Acida, si vitriolicum exceperis, in quo tota solvitur: hinc pro conficienda ejus tinctura Collegium Edinburgense Spiritum Vitrioli dulcem adhibet. Dum Igni exponitur mollescit, intumescit, inflammatur, & fumum spargit fragrantem, gravem. Distillationi subiectum Spiritum largitur acidulum, Salem volatilem, solidum, acidum, & multum Oleum, pro vario ignis gradu, plus minus empyreumaticum, petroleo non absimile. Hæc producta reiterata operatione purificari possunt. Post peractam Destillationem in retorta remanet massa nigra, fragilis, Bitumini judaico similis, & quæ pro eo quandoque divenditur.

Ex hac analysi patet Succinum constare præsertim Oleo; idque admixto acido, quod vegetabilis naturæ esse Celeb. POTT evicit, in solidum corpus concrevisse; adeoque Bituminibus esse annumerandum. Ejus substantiam quandoque liquidam fuisse probant variae substantiæ & præsertim Insecta in glebarum centro reperta.

Absorbentis famam olim habuit. Hanc, cum solum Acidum vitriolicum aliquid in hanc substantiam possit, conservare non potuit. Jam nervinas, antispasmodicas, roborantes, in multis morbis frigidis utiles, vires ei passim a celeberrimis Viris adscribuntur. Has laudes tamen non mereri judicat clar. TRALLES. In humoribus nostris non

non solvi statuit celeb. FOTHERGILL. Ejusdem sententiæ non solum est clar. CULLENUS, sed etiam asserit, in multis tentaminibus hoc Medicamentum se omnino iners præstitisse. Ex hac opinionum diversitate saltem licet concludere, facta, quæ Succini vires stabili-
rent, hætenus desiderari.

Ejus Suffitus roborat, discutit, Aërem corrigit.

SUCCISÆ, seu MORSUS DIABOLI Herba & Radix. *De Bladeren en Wortel van Duivels Beet.*

SULPHUR. *Solfer, Zwavel.*

Est substantia dura, sicca, fragilis; coloris e viridi flavi; saporis & odoris proprii, quæ frictione vim electricam acquirit, & moderato calori subito exposita desilit in frusta. Adhibito igne facile liquefit, funditur, & aucto calore sublimatur. Sublimatum *Flores Sulphuris* audit, a priori Sulphure sola puritate diversum. Ignis contactu accenditur, flammam dat cæruleam, totum consumitur, & vapores spargit acidos, pulmonibus inimicos, suffocantes, qui condensati *Spiritus Sulphuris per Campanam* vocantur. Ex hac operatione, & ex eo præterea, quod via directa e phlogisto & acido vitriolico omni humiditate orbato, Sulphur sublimari possit, conclusit celeb. STAHLIUS & post eum omnes Chémici, Sulphur constare acido vitriolico & principio inflammabili sibi invicem unitis. Libram Sulphuris vix duas dragmas phlogisti ingredi NEUMANNUS statuit.

Aqua, Acida, Spiritus Vini vix aliquid in Sulphur possunt; sed solvitur Salibus alkalinis & Oleis, facilius tamen pressis: cum prioribus, mixtum *Hepar Sulphuris* dictum, consutuit, & Aquæ miscibile sit; cum posterioribus *Balsama Sulphuris* a vario adhibito Oleo variè denominanda efficit.

Distinguitur passim in nativum, seu vivum, & factitium: prius varii coloris, & plus minus pellucidum est: e fodinis variarum

regionum variis aliis substantiis mixtum eruitur, & in quibusdam fontibus medicatis reperitur. Posterius, quod ordinariò in officinis proflat, sublimatione, vel eliquatione præsertim in Saxonia e pyritis martialibus obtinetur. Fusione in baculos cylindricos efformatur.

Plures celebres Viri Sulphur in humoribus nostris, utpote aquosis, non solvi crediderunt: hinc ejus usum internum inutilem judicarunt. In illis tamen, qui hoc Medicamentum assumpserunt, perspiratio Sulphur olet, & argentum nigro colore inficit. Videtur itaque secundas vias subintrare: sed simul vix subigi, vel mutari. In majori dosi alvum blandè subducit, & olidissimas fæces facit; in minori aperiens & perspirationem juvans Remedium creditur: hinc laudatur in morbis cutaneis, affectibus pulmonum, aliisque, in quibus morbi materiam per cutis poros juvat expellere.

Externè in scabie in linimentum redactum tutò adhibetur. Vis percussiva, quam aliqui in hoc casu metuunt, falso nititur argumento. Cum succo citri in unguentum redactum laudatur ad tincam capitis. E calce viva & sulphure aquæ fervidæ infusis balneum paratur, quod ad rheumaticos, arthriticos affectus, & ad scabiem commendatur.

TABACUM, Vide NICOTIANA.

TACAMAHACA. *Takamahak.*

Quæ passim in officinis proflat, est substantia resinosa, sicca, fragilis, subpellucida; coloris pro ætate varii; albidus, flavus, fuscus, viridescens; odoris non ingrati, balsamici, præsertim dum accenditur; saporis resinosi, subacris. Tota, solis relictis heterogeneis, solvitur in Spiritu Vini rectificatissimo, præcipuè dum solutio blanda digestionem juvatur. Aqua, præter debilem odorem & saporem ingratum, vix aliquid extrahit.

Adfertur in glebis variæ magnitudinis ex America meridionali, & pertinet ad Arborem, quæ LINNÆO *Populus Balsamifera* dicitur.

Species nobilior, vix in officinis pharmaceuticis invenienda adfertur in dimidiatis cucurbitis. Distinguitur dotibus præstantioribus, puritate, & colore magis pallido.

Ad usus internos hætenus vix adhibita est: extus laudatur ob vires resolventes & roborantes. In nova Hispania imponitur tumoribus duris, resolvendi, vel maturandi ergo. Apud nos in fuffitu laudatur ad partes laxas roborandas, & discutiendos variarum partium dolores rheumaticos. Emplastra quædam stomachica ingreditur.

TAMARINDUS. *Tamarinden.*

Est fructus filiquosus Arboris in utraque India, Ægypto & Arabia crescentis, quæ LINNÆO *Tamarindus Indica* appellatur. Ejus pulpa nigra, mucilaginea; saporis dulcis, acidi, vinosi; varia filamenta & Semina angulata, nitida, Cassiæ Seminibus majora, coloris spadicei continens, ordinario exempta adfertur. Rejectis Seminibus & filamentis, sola pulpa bene depurata in usus medicos adhibetur. Secundum experimenta clarissimorum TOURNEFORT & BEAUMÉ Salem largitur essentiæ, Tartaro Vini non abfimilem.

Facile mucorem contrahit, & adjectis pulpa Prunorum, Saccharo, Aceto frequenter adulteratur. Hæc sapor debet detegere. Æs solutum continere quandoque inventa est. Periculosissimum hoc vitium viridis efflorescentia in Pulpæ superficie nata, aut cultri lamina ei immersa colore cupreo prodet. Tutius semper in filiquis profaret.

Ad aliquot dragmas assumpta alvum laxat: vi præterea pollet saponacea & antiseptica: hinc in morbis acutis, præsertim biliosis & putridis, optimo cum successu adhibetur.

TAMARISCI Folia & Cortex. *De Bladeren en Bast van de Tamaris-Boom?*

TANACETI Folia, Flores & Semen. *De Bladeren, Bloemen en Zaaden van Rynvaart, of Rynvaaren.*

TARAXACI Folia & Radix. *De Bladeren en Wortel van wilde Chicorée, Konynekruid, Pисbloemen, of Paardebloemen.*

TARTARUS. *Wynsteen.*

Est sal essentialis, acidus, qui sensim, lenta Vini fermentatione, ad dolii latera deponitur, & concrescit. Pro diverso Vini colore vel albus est, vel ruber; quia Vini fœces & partem colorantem admixtam gerit. Ab his heterogeneis, præsertim Monspeli, liberatur, & album colorem induit, solutione in Aqua, coctione cum Terra argillosa, filtratione & crySTALLIFICATIONE. Hæc ultima operatio peragitur partim evaporatione; partim Menstrui refrigerio. Crusta priori methodo obtenta *Cremor Tartari*, posteriori *CrySTALLI Tartari* vocatur. Prius nomen pro significando quovis Vini Tartaro jam invaluit.

Cremor Tartari parum solubilis est: uncia Aquæ distillatæ frigidæ vix tria grana solvit; & vigesies quater suum pondus Aquæ ebullientis requirit. Itaque refrigerato Menstruo pro maxima parte denuo concrescit. Omnium aliorum acidorum notas exhibet, & omnibus substantiis, quæ cum aliis acidis Salem neutrum constituunt, uniri potest: debili tamen vinculo: nam omnia alia acida illum excutiunt: ita ut perperam Tartarus solubilis & Sal rupellensis cum aliis acidis præscribantur. Ob oleosam admixtam partem igni injectus flagrat. Hac operatione mutatur in Salem alkalinum. Distillationi subiectus impetuosos aëris vapores emittit, & abstracto Spiritu acido, carbonem relinquit alkalinum. Præterea cum acidis mineralibus tractatus, secundum experimenta cl. MARGRAFF & ROUELLE, Salem largitur neutrum, cujus basis est Alkali vegetabile. Continet itaque Alkali jam præparatum, & ob solum superabundans acidum, acidi notas exhibet.

In refracta dosi tutissimum aperiens est, quod plerumque felicissimè per diuresim agit, & optimo cum effectu in Hydroke præscribitur. Ejus uncia dimidia sine turbis alvum ducit. Ob dotes

acidas , refrigerantes , antisepticas convenit in acrimonia alkalina , putrida.

TEREBINTINA. *Terpentyn.*

Est species Balsami nativi , seu succus resinofus , diversus pro diversis Arboribus , e quibus stillat : quatuor sequentes species , ab Arbore & patria denominatæ , passim a Materiæ Medicæ Scriptoribus recensentur.

TEREBINTHINA CHIA , vel CYPRIA. *Terpentyn van Chio , of Cyprus.*

Variam , ordinariò Mellis crassioris , consistentiam habet : ætate inspissatur , & tandem fit solida : glutinosa est , splendens , pellucida ; coloris albicantis , flavescentis & viridescentis ; saporis calidi , stimulantis , amari ; odoris balsamici , præ reliquis Terebinthinæ speciebus gravioris.

Stillat ex incisa , Arbore , quæ CASPARI BAUHINO *Terebintus vulgaris* ; LINNÆO *Pistachia Terebinthus* dicitur. Vix umquam in Pharmacopoliis prostat.

TEREBINTHINA ARGENTORATENSIS , seu ABIETINA. *Strasburgsche Terpentyn.*

Pluribus dotibus præsertim odore , ad præcedentem accedit : sed ordinariò fluidior ; pellucidior est , & coloris flavicantis : saporem præbet magis amarum , at minus acrem , quam aliæ species.

Stillat in Alsatia & Sylvis Tyrolensibus ex Arbore , quæ TOURNEFORTIO *Abies taxi folio* , fructu sursum spectante ; CASP. BAUHINO *Abies conis sursum spectantibus* , & LINNÆO *Pinus picea* dicitur.

TEREBINTHINA LARICEA , seu VENETA. *Veneetsche Terpentyn.*

Multis dotibus ad præcedentes accedit : sed paulò magis limpida est : colorem habet album , vel pallidè flavicantem : ut aliæ

Terebinthinæ, ætate inspissatur, & flavescit: saporis est pinguiusculi, acris, amaricantis; odoris fortis, gravis, resinosi, minus balsamici, quam Chia & Argentoratensis. Passim sola Officinas ingreditur, & aliis speciebus substituitur.

Circa montes Apenninos, Alpes &c. fluit e terebrata Arbore, quæ J. BAUHINO *Larix folio deciduo, conifera*; LINNÆO *Abies foliis fasciculatis obtusis* dicitur.

TEREBINTHINA COMMUNIS. Gemeene Terpentyn.

Species hæc viscosa, fordida, minus pellucida est: colorem habet rufum; odorem fortem, ingratum; saporem nauseosum.

Fluit e variis Pini sylvestris speciebus.

Omnes Terebinthinæ integrè solvuntur in Spiritu Vini rectificatissimo & in Æthere, eisdemque odorem suum & saporem impertiunt: in aquosis Menstruis ope vitello ovi vel cujusvis mucilaginis etiam suspendi possunt: tam per se, quam cum Aqua distillationi subjectæ multum Oleum æthereum, penetrantissimum largiuntur, quod in priori casu, protracta præsertim operatione, crassius, magis tinctum est, & simpliciter *Oleum Terebinthinæ* vocatur; in posteriori tenue, limpidum se præbet, & frivola distinctione *Spiritus Terebinthinæ* nomine insignitur. Abstracto penitus hoc Oleo, remanet Resina arida, rubro fusca, effæta, *Colophonia* appellata. Ex his intelligitur Terebinthinam, coctione, cum Oleo multas vires amittere.

Omnes species aliorum Balsamorum vulnerarias, antisepticas vires possident: ob has dotes, quibus *Chia* & *Argentoratensis* alias præcellit, commendantur in ulceribus internis: sed vires incendiariæ ab Oleo calidissimo pendentes maximas cautelas postulant: ubi inflammatio adest, aut febris, a prudentioribus Medicis omnis Terebinthina rejicitur. In morbis pectoris sine febre, ubi viscidum expellendum & expectoratio excitanda est, juvare potest. Peculiari vi in

vias urinarias videntur agere , diuresim movent & urinam satis constanter odore violaceo inficiunt. Id præ cæteris *Veneta* præstat, hinc in multis harum partium vitiis adhiberi solet: in Gonorrhæa inveterata, Fluore albo, aliisque morbis, adversus quos stimulo suo aliquid potest, revera encomia meretur: sed ob id ipsum in multis casibus suspecta est: parva olei Terebinthinæ dosi validos viarum urinarum spasmos, Diabetem, & Miſtum cruentum produxit. Terebinthina *Communis* ad usus internos non adhibetur. Omnes in majori dosi assumptæ alvum laxant. Longus Terebinthinæ usus ab aliquibus adversus Podagram, Rheumatismum, & ischiadem proponitur.

Externè pus movet, detergit, & vulnerarium, antisepticum Remedium est, quod plurima Emplastra & Unguenta ingreditur, ac Vitello Ovi solutum, sub *Digestivi* nomine, multum a Chirurgis adhibetur. In intestini recti Ulceribus & Fistula ani desperata, sub clysmatis forma injecta, scribitur opem tulisse. Commendatur adversus Scabiem & Tineam. Externus ejus usus etiam urinam odore violaceo imbuat.

TERRA JAPONICA, vide CATECHU.

TERRA LEMNIA, vide BOLUS LEMNIA.

THUS, vide OLIBANUM.

THYMELÆÆ Cortex. *De Bast van Garou, Springkruid, of groote Wolfsmelk.*

Est *Thymelæa foliis lini* CASP. BAUHINI; *Daphne gnidium* LINNÆI, cui *Thymelæa Mezereum*, seu *Daphne Mezereum* LINNÆI videtur posse substitui. Utriusque baccæ & semina vocantur *Grana Cnidia*, diversa a granis ejusdem nominis, quæ apud HIPPOCRATEM in usu erant. Sursum & deorsum summa vi evacuant, & tantam possident acrimoniam, eorumque usus tot tragicos casus produxit, ut tandem tamquam infamia e materie medica ejecta fuerint.

Cortex recens, tam radicis quam ramorum, vix odorem habet aut saporem: diu tamen masticatus pertinaciter se præbet acrem, ut fauces tandem inflammet, & ardor vix elui possit. Aqua vel Aceto maceratus, ut flexilis reddatur, & cuti applicatus inflar vesicantis agit, & sublata epidermide multum serum attrahit. Idem folia præstant. Exsiccatione acrimonia multum imminuitur.

Internè non adhibetur: si tamen cl. RUSSELIO fides, decoctum unciae unius hujus Corticis in duodecim Aquæ libris, ad tertiæ partis consumptionem, ad uncias octo quater de die sumptum nodos venereos felicissimè curavit. Externè, extollentibus multum in dissertationibus suis clar. LE ROI & ROOS, jam a Chirurgis in morbis a sero acri retento ortis frequentissimè cuti applicatur, & optimè Fonticulo substituitur. Laudatur præsertim in Ophtalmia pertinaci, Serpigine, dolore capitis, morbis Pectoris, &c.

THYMI VULGARIS Folia. *De Bladeren van gemeene Thym.*

THYMI CITRATI Folia. *De Bladeren van Limoenthym.*

TILLÆ Flores. *De Bloemen van den Lindeboom.*

Hi flores recentes odorem habent suavem, leniter aromaticum; saporem subacrem, amaricantem, subdulcem, mucilaginosum. Omnes hæc dotes Aqua extrahuntur, & sola remanente amaritie, exsiccatione pereunt.

In Nervorum morbis, ut Vertigine, Cordis palpitationibus, malo hysterico &c. tamquam anodini laudati sunt. FREDERICUS HOFFMANNUS casum adfert Epilepsiæ chronicæ horum infuso radicitus sublata. Veterem famam, hac autoritate stabilitam, plurimi Medici cæcè sequuntur, & eorum Aquam distillatam, aut Infusum gravissimis etiam casibus opponunt. Nova tentamina methodo celeberrimi HOME instituta eos verosimiliter e Pharmacopoliis ejicerent.

TORMENTILLÆ

TORMENTILLÆ Radix. *Tormentilwortel, den Wortel van Zerenblad.*

Radix hæc contorta est, nodosa, fibrillis plurimis obsita, extus nigra, intus pallidè rubra; odoris leviter aromatici; saporis adstringentis, austeri, amaricantis, os exsiccantis. Omni dote & experimento vim adstringentem prodit: ut etiam in Infulis feronensibus, defectu Corticum quercus, ad rem coriariam adhibeatur. Vires Aqua & Spiritu Vini, melius tamen posteriori, extrahuntur.

Non ingratum, tutum, & efficax adstringens roborans Medicamentum est, quod reliquis vegetabilibus hujus tituli faciliè palmam præripit. Celeberrimus CULLENUS hanc Radicem, ut & alia adstringentia vegetabilia, in substantia præscribi debere judicat: credit etenim infusione, ut etiam levi coctione, tam spirituofo quam aquoso Menstruo vix vires extrahi, & protractiori, pro parte deperdi.

Extus Ulceribus laxis, putridis opponitur, & adhibetur ad quosvis morbos ab atonia ortos.

TRAGACANTHA, vide **GUMMI TRAGACANTHÆ**.

TRIFOLII FIBRINI, seu PALUDOSI Folia. *De Bladeren van Waterklaver, of Waterdryblad.*

Hæc Herba continet succum amarum, penetrantem, saponaceum: hinc in morbis a solidorum atonia & humorum spissitudine pendentibus efficacem se præstat. Laudatur præsertim in laxitate primarum viarum, Scorbuto, Febribus intermittentibus, viscerum abdominalium obstructione, Hydrope, & Paralyfi. Optimè Succus vel infusum aquosum saturatum & in ampla dosi præscribitur. Errant nostrates, dum Spiritum frumenti, in quo pauca hujus Herbæ folia infusa sunt, efficax Remedium arbitrantur.

TURPETHI Radix. *Turbithwortel.*

Ordinariò solus Cortex ab interna lignosa parte separatus adfertur in frustis digitum circiter longis & latis, lineam crassis. Exterius coloris est cinerei, vel fuscescentis, interius albidum. Sub-

stantiam exhibet compactam, ponderosam, resinofam, fragilem. Odorem habet vix ullum; saporem subdulcem, diutius masticatus subacrem, nauscosum. Interdum partes totius Radicis prostant.

Pertinet ad Plantam Indiæ orientalis indigenam, quæ CASP. BAUHINO *Turpethum repens foliis Althææ*, LINNÆO *Convolvulus Turpethum* dicitur.

Insidum purgans est, quod olim in Morbis serosis multum laudabatur. Ejus usus jam eviluit.

TUTIA, seu NIHIL GRYSEUM. *Gryse Niet*, *gryse Oogenniet*.

Est substantia ponderosa, coloris cinerei vel fusci, insipida, inodora, e Zinci Mineris sublimata. Hujus mineralis Flores continet, & ad Pompholigem accedit: sed ob alia admixta terrea impurior est.

A Chirurgis in Unguentis & Collyriis exsiccantibus adhibetur.

VALERIANÆ HORTENSIS MAJORIS Radix. *De Wortel van grooten Tuin Valeriaen*.

VALERIANÆ SYLVESTRIS Radix. *De Wortel van wilde Valeriaen*.

Hortensis plu DIOSCORIDIS videtur: SYLVESTRIS duæ varietates sunt: una CASP. BAUHINO simpliciter *Valeriana Sylvestris major* audit, foliis latioribus splendentibus distinguitur, & in locis humidis provenit: altera eidem *Valeriana Sylvestris major Montana* appellatur, distinguitur foliis angustioribus, & crescit in locis siccis montanis. Sola prior varietas in hac patria provenit: posterior alias Valerianæ species viribus longè præcellit, sola meretur in usu esse, & quia ex Anglia ad nos adfertur, *Anglicanæ* titulo distinguitur. Ejus Radix brevis est, crassiuscula, multas fibras tenues emittens; coloris grysei vel albidi; odoris aromatici, fœtidi, penetrantis, pertinacis; saporis amaricantis, subacris, calidi. Incipiente vere e terra eximi & in vase bene clauso servari debet. Vires optimè Spiritu Vini rectificato extrahuntur.

Aliae Valerianæ species Radices sistunt ferè similes; sed passim majores; coloris extus nigricantis, intus albidus; odoris multò debilioris.

FABIUS COLUMNA hac Radice, frustra tentatis pluribus, se ipsum ab Epilepsia liberavit, & primus eam celebrem reddidit: hanc vim plures celebres viri, suis observationibus confirmant; ut nunc adversus quosvis morbos spasmodicos commendetur. Nihil tamen clar. HOMIO præstitit, & fatetur celeb. CULLENII, se hoc Medicamentum, pluribus institutis tentaminibus, etiam ad unciam dimidiam pro dosi præscriptum vix efficax observasse: suspicatur clarissimus Vir has Radices passim adulta æstate collegi, easque asserit tum minùs efficaces esse. Quidquid sit, HALLERUS, CRUGERUS, TISSOTUS, SAUVAGES, HILL, FORDYCE, WHITT aliique adferunt curationum exempla, quæ, nisi notum foret quam arduum sit Medicamentorum vires stabilire, vix de harum Radicum viribus dubium relinquerent. Reliquis dotibus ad Serpentariam virginianam accedit; sed debilior est. In majori dosi alvum laxat.

VERATRUM, vide HELLEBORUS ALBUS.

VERBASI; seu TAPSI BARBATI Folia & Flores. *De Bladeren en Bloemen van Wollekruid.*

Foliorum infusum, tamquam emolliens & demulcens, in morbis pectoris passim adhiberi solet. Celeb. HOMIUS eorum decoctum in diarrhæis inveteratis & intestinorum torminibus efficax invenit. Idem in enemate laudat ad tenesmos, & foliorum cataplasma ad Hæmorrhoidum dolores.

VERBENÆ Folia. *De Bladeren van Tzerkruid.*

Tota historia virium hujus Plantæ superstitiosis fictionibus innitur. Ejus tertium a terra geniculum cum ambientibus foliis in Decocto vel Infuso exhibitum tertianâ laborantes; quartum verò quartanâ vexatos scribitur percurare. Tamquam Amuletum collo appensam miraculi instar pertinacissimos capitis dolores auferre jam

ab ARCHIGENE allatum est. Hanc vim adducta Observatione FORESTUS confirmat, & huic virtuti tam firmiter credit SIMON PAULLI, ut omni Remedio adversus capitis dolores parando Verbenam admiscendam esse censeat. Nos, donec experimenta saniori indagine instituta aliud persuaferint, hanc Herbam præ reliquis leviter amaris nihil proprii habere credimus.

VERONICÆ MARIS Folia. *De Bladeren van Mannetjes Eerenprys of Veronica.*

Hæc Herba odoris debilis est, non ingrati; saporis amaricantis, subadstringentis. Ejus Tinctura præsertim spirituosâ aliquid balsamici prodit, quo principio ejus Aqua distillata etiam imbuta videtur. Ex his dotibus leniter balsamicæ, roborantes, adstringentes vires clucescunt, & ob has in morbis pectoris, ut Tussi, Asthmate &c., in quibus ob debilem laxum pulmonem languens expectoratio juvanda est, fortè laudes meretur: sed specificè aliquid in pectus posse, aut ulcera interna felicius, quam alia ejusdem classis, curare, ut etiam phthisicos restituat, credat *Judeus apella*. Medici dubitare nescii sanationes, quæ plerumque solis Naturæ viribus medicatricibus debentur, Medicamentis ultimò adhibitis passim adscribunt. Ita celebritatem nacta sunt plurima, quæ sine præjudicio perspecta e Pharmacopœis ejicerentur.

SIMON PAULLI multo sermone Veronicam adversus sterilitatem commendat. Aliqui laudant adversus Scabiem, Podagram, Calculum &c. Ignoramus has vires: sed illis Viris applaudimus, qui Theæ chinensi bene substitui posse & debere judicant. Extus vulneraria est.

VINCETOXICI, seu MIRUNDINARIÆ Radix. *De Wortel van Zwaluwkruid.*

Fibrillæ multæ, longæ, tenues, contortæ, ex uno capite prodeuntes hanc Radicem constituunt: coloris est exterius pallidè

flavescentis, vel fuscescentis; intus albidus; odoris gravis, aromatici, ad Valerianam sylvestrem non nihil accedentis, præsertim dum recens est; saporis primò subdulcis, dein acris, amaricantis, nauseosi. Vires ficcatione continuò minuuntur, & optimè spirituosus Menstruis extrahuntur.

Ab insigni Venenum vincendi facultate, qua Radix pollere credebatur, Herbae nomen olim impositum est. Excusso hoc errore, passim jam solida exstimulando & humores attenuando, diureticum, diaphoreticum, egregiè resolvens Medicamentum creditur, quod ab aliquibus in obstinatissimis quibusdam morbis opem ferre perhibetur. Scribitur, Alpium incolas ejus Decocto se a strumis liberare. Hanc virtutem confirmat celeb. ELSNER. Desperatos hydropicos curasse, emmenagogum & antihelminthicum esse ab aliis asseritur. Tamquam alexipharmacum olim in Germania ad pellenda exanthemata, in febribus malignis, & in ipsa peste præscribebatur: hinc *Germanorum Contrayerva* dicitur.

VIOLÆ Folia & Flores. *De Bladeren en Bloemen van Violetten of enkele Maartviolen.*

VIOLA TRICOLOR, vide JACEA.

VIPERA. *De Adderslang.*

Est coluber Viviparus, pollicem circiter crassus & sesquipedem longus, frequens in Ægypto, Italia aliisque locis calidioribus: caput habet tenuius, compressum; caudam teretem; pellem contectam squammis, quæ maculis ferrugineis, nigricantibus variegatae sunt: venter flavicans, cinereus, aut rubellus est. In vesicula retro dentes posita liquorem servat, qui introsumptus, ut tota Vipera, innocuus videtur; ipso morfu autem expressus, & vulneri, præsertim ab irritato serpente factò, instillatus dirum se præbet venenum, & miseram mortem homini infert. Pro Antidotis laudata sunt ipsarum Viperarum Sal volatile, quod præ multis aliis animalibus

videtur in majori copia continere, earundem Axungia, Oleum Olivarum, Alkali fluor &c. Horum omnium inefficaciam experientia evicit, & probabiliter sola methodus omnem curam quantocytus in vulnus, utpote omnis mali principium, dirigendi, & efficiendi, ut venenum cum carne, in qua nidulatur, auferatur, fiduciam meretur. Id Butyro Antimonii optimè peragi in Dissertatione de Rabie canina nuper probavit cl. LE ROUX.

Viperæ ab antiquitate omni veneno oppositæ sunt: in hunc finem famosam ANDROMACHI Theriacam ingrediuntur. Postea adversus Scabiem malignam, Elephantiasim, Luem veneream, ulcera alioquin insanabilia, etiam interna, ipsamque Tabem commendatæ sunt. Per diaphoresim agere credebantur, & eò procedebat risibile præjudicium, ut gallinas Viperis pastas adversus eosdem morbos præscriberent. Jam ordinariò adhibetur earum jusculum, quod e Vipera, capite & cauda abscissis, in Aqua vel gallinæ jusculo cocta paratur. Non obstante magnorum virorum approbante autoritate meritò dubitari potest, an alias, quam nutrientes, vires possideant. Saltem earum Gelatina & Sal volatile ab eisdem aliorum Animalium productis nihil diversum habent.

VIRGÆ AUREÆ Folia. *De Bladeren van goude Roede, of gulde Wondkruid.*

VISCI QUERCINI, seu VISCI ALBI Folia & Lignum. *De Bladeren en het Hout van Mistel.*

Licet hic frutex parasiticus omni Arborum speciei innascatur, præscribitur tamen passim *Quercinus*: quia ex hac Arbore decerp-tus præstantiores vires habere creditur. Non omnino præjudicium esse, & aliquam revera differentiam dari celebres Viri asserunt; alii negant. Operæ pretium foret hanc litem dirimere, si melius de viribus constaret: sed virtus antispasmodica & præsertim anti-epileptica, jam a PLINIO celebrata & ab ejus tempore hinc inde

ab observatoribus laudata, non satis firmo stat talo. Sapor acer, subadstringens, satis pertinax videtur tamen aliquid promittere: ut doleamus clarissimum HOME, qui optimè sua methodo hanc rem illustrare potuisset, unicum tantùm tentamen adferre.

VITRIOLUM. *Vitriol.*

Omni fali nato ex unione Acidi vitriolici cum quodam Metallo jam a Chemicis hoc nomen tribuitur. Tres infra recensendæ species a natura suppeditantur, & passim in Materia Medica locum habent. Omnes tres saporem habent acrem, adstringentem. In crystallos regulares polyedras reduci possunt. Sic reductæ subpellucent, sed aeri expositæ brevi farinaceam superficiem & opacitatem contrahunt. Omnes igni expositæ primò funduntur; post fugatâ crystallisationis Aquâ, quam multam continent, abeunt in massam porosam, friabilem. Omnes facîle in Aqua solvuntur, & adjectis alkalinis decomponuntur.

VITRIOLUM ALBUM, vel VITRIOLUM ZINCI. *Witte Vitriol, of Vitriol van Spiauter.*

Habitu externo saccharum in panes coactum æmulatur: saporis est subdulcis, acris, adstringentis, nauseosi; odoris expers. Constat Acido vitriolico & Zinco. Ut in officinis prostat, ordinario Ferrum & Cuprum admixta gerit. Paratur Goslariae e Minera, quæ e Monte Rammelsbergensi effoditur: in ea passim sub forma albæ efflorescentiæ, quandoque in frustis subpellucidis, existit. Separatur a reliquis solutione in Aqua, filtratione & crystallisatione, quæ protractiori evaporatione & continua agitatione, nescio in quem finem, turbatur.

Ad scrupulum unum, vel dragmam dimidiam assumptum promptissimè emesim excitat. In alios fines ad usum internum rarissimè præscribitur. Externè stipticum est, & repellendi ergo Collyriis additur.

VITRIOLUM CŒRULEUM, seu CYPRINUM. *Blauwe Vitriol*; *Vitriol van Koper*, of *van Cyprus*.

Cryſtallos exhibet rhomboidales, depreſſas, ſubpellucas; odoris æruginoſi; coloris cœrulei; ſaporis accerrimi, adſtringentis, nauſeoſi & horrendi. Ejus baſis Cuprum eſt, & teſte NEUMANNO unam octavam hujus Metallī, unam ſextam Acidi & dimidium ſui ponderis Aquæ continet. Proportio hæc videtur inconfans eſſe; nam aliam omnino CARTHUSIUS habet. Invenitur *Nativum* in variis regionibus, vel ex Aquis cæmentatoriis ope cryſtalliſationis obtinetur, vel, quod fortè frequentius, via directâ ex Acido vitriolico & Cupro paratur. Adjecto ferro decomponitur.

Intus ſumptum Emeticum eſt violentiſſimum, periculolum: nam externè eaſdem, quas Lapis infernalis, vires exercet, & ei plerumque ſubſtituitur. Tam ſanguinem coagulando, quam vaſa conſtringendo Hæmorrhagias fiſit.

VITRIOLUM VIRIDE, seu MARTIS. *Groene Vitriol*; *Vitriol van Tzer*, *Koperrood*.

Cryſtallos exhibet cubicas; coloris viridis; ſaporis ſubdulcis, adſtringentis, minùs acris, quam duæ aliæ ſpecies: odorem vix ullum prodiſcit. Conſtat ex Acido vitriolico & Ferro. Ejus ſolutio additis nucibus gallis nigra evadit. Igni expoſitum inſtar Aquæ funditur: forti calcinatione, fugata Aqua & excuſſo Acido, mutatur in pulverem rubrum *Colcothar Vitrioli* dictum.

Ubicumque liberum Acidum vitriolicum Ferrum invenit & aggreſſi poteſt, hoc vitriolum reperitur: hinc eruitur e terræ viſceribus, & ex aquis ſubterraneis obtinetur. In variis regionibus e Pyritidis reſolutis ope ſolutionis & cryſtalliſationis paratur: ſed ſerè ſemper aliqua Cupri portione inquinatum eſt; ut pro uſu interno ſemper *Vitriolum Artiſciale* adhiberi deberet. Poteſt tamen hoc vitium Vitriolum ſolvendo, & ſolutioni purum Ferrum addendo auferri: Ferrum enim, cum majorem aſſinitatem cum Acido vitriolico

vitriolico habeat, quam cuprum, posterius hoc metallum excutiet. Quod in Anglia paratur reliquis purius censetur.

Internè roborans, antihelminthicum est: externè ejus solutio adhibetur ad ulcera putrida & gangrænosa.

ULMI Cortex interior. *De binnenste Bast van den Olmboom.*

Decoctum hujus Corticis aquosum, quod præsertim in usu est, Mucilaginosum, amaricans se præbet, & adstringens; ut etiam addito Vitriolo Martis nigrum evadat. Laudatur tamquam lentum, sed tutum & efficacissimum Remedium in pertinacissimis cutis morbis. In scabie, ubi omnia alia, etiam salivatio mercurialis, frustra tentata fuerant, scribitur sæpe opem tulisse. Celeb. tamen HOMIUS hoc Medicamentum in Herpete tentavit, & vix efficax invenit. Aliqui ad Ischiadem & Rheumatismum commendant. Jam a RAJO fots ex eodem cum una tertia parte Spiritus Vini ad priorem morbum præscribebatur. Paratur hoc Decoctum uncias quatuor Corticis interioris ramulorum Ulmi decoquendo in libris duabus Aquæ ad libram unam: ægro bis de die commendantur unciaë octo. Cel. HOMIUS eandem Corticum quantitatem in dupla Aquæ copia ad medietatis remanentiam decoqui jubebat, & quater quotidie uncias tres, quatuor, vel quinque ægris suis exhibebat.

. Extus idem Decoctum, tamquam subadstringens & consolidans, ab aliquibus vulneribus & ambustis adhibetur.

URTICÆ MAJORIS VULGARIS Folia & Semen. *De Bladeren en Zaaden van groote Netel of Brandnetel.*

URTICÆ ROMANÆ Folia & Semen. *De Bladeren en Zaaden van Romeinsche Netel.*

UVÆ URSI Folia. *De Bladeren van Beirendruiv.*

Ita a CLUSIO vocatus est frutex semper virens, in locis aridis, sterilibus, præsertim montanis, omnis ferè Europæ crescens, qui

LINNÆO *Arbutus Ura Urſi* dicitur. Ob ſimilitudinem a pluriſque Botanicis , etiam a CASP. BAUHINO & CAMERARIO *Vitis idæa* appellatur , & confunditur cum fruticulo ſemper virenti , qui LINNÆO *Vaccinium Vitis idæa* nominatur. Ob hanc rationem a J. BAUHINO *Radix idæa Putata & Ura Urſi* dicta eſt. Caules habet pedem circiter longos , procumbentes ; folia parva , ovato oblonga , ad baſim & ad finem anguſtata , craſſa , dura , glabra , integerrima , ſupernè viridia , infernè pallidiora , quæ odorem nullum habent ; ſed ſapore & omni experimento vim adſtringentem produnt ; ut etiam apud Succos ad rem coriariam adhibeantur. Eorum vires optimè aquoſis menſtruis extrahuntur :

Hæc folia a quinquaginta circiter annis adverſus Calculum alioſque viarum urinariarum morbos in uſu eſſe cœperunt. Primò quidem , teſte LINNÆO , a Monſpelienſibus Medicis adhibita ſunt , ſed præſertim clariffimo DE HAEN celebritatem debent. Celeberrimus enim ille Vir , tentaminibus ſuis in *Ratione Medendi* , Tom. II. , anno 1756. publici juris factis , omnes Europæ Medicos exſtimulavit , ut , quid in calamitoſo malo hoc Remedium poſſet , experirentur. Undique itaque paulò poſt relatum eſt , illo cujuſvis ætatis homines , ſive veſicali , ſive renali Calculo vexatos , & peſſima quæque ante paſſos , non ſolùm vitam deinceps duxiſſe multò tolerabiliorẽ , ſed quosdam etiam integrè fuiſſe curatos. Si fides innumeris variorum celebrium Medicorum obſervatis , aſſumptis quotidie duabus tribuſve dragmis pulveris horum foliorum , in aliquibus promptiſſimè , in aliis tandem poſt longum uſum mitigati ſunt dolores ; Stranguria , Dyſuria , Iſchuria Ceſſavit ; emendata eſt urina ; neque amplius ſanguinolenta , aut purulenta fluxit , & omnia quandoque diſparuerunt Calculi ſymptomata. Id tam perfectè in quibuſdam caſibus videtur præſtiſſe , ut aliqui tamquam verum Lithonripticum laudarent. Experimenta tamen cum Calculis humanis extra corpus inſtituta hanc vim ei denegarunt , & poſt optimos effectus exploratio Cathetere facta , atque hinc inde cadaverum ſectio pre-

baverunt, superstitem & immutatum mansisse Calculum: ut satis constet, palliativum tantum esse Remedium, quod probabiliter vi tonica in vias urinarias praesertim agit, iisque sensibilitatem & irritabilitatem demit. Observata, in quibus Uva Ursi urinæ incontinentiam, vesicæ Paralysem, aliosque morbos, non a Calculo, sed laxitate pendentes perhibetur curasse, hanc vim vias urinarias roborandi satis evincunt, illamque admittit quidem celeb. CULLENIIUS, sed simul credit, hoc medicamentum urinæ acrimoniam, quæ perpetuò Calculum comitatur, & quam omnium ferè symptomatum causam putat, primariò emendare.

Ex hætenus dictis aliquis posset concludere, hoc Remedium perpetuò prodesse, & suos contradictores non habere. Multum sanè abest. Plures celebres Medici, & inter eos omnes ferè angli, ejus inefficaciam adeò conqueruntur, ut diversam omnino Plantam eos crederes adhibuisse. Aliqui etiam asserunt sæpe nocuisse. Hoc hætenus non sumus experti, & ferè omnes negant.

WINTERANUS CORTEX; CINNAMOMUM WINTERANUM;
CORTEX MAGELLANICUS. *Winters Bast.*

Adfertur in frustis tres quatuorve pollices longis & latis, semipollicem quandoque & amplius crassis; coloris cinnamomæi, sed obscurioris; odoris aromatici, grati; saporis calidi, acris, aromatici, pertinacis. Teste celeb. MORRIS, qui hunc Corticem chemicæ analysi subjecit, & tentaminum summam Societati Medicæ Londinensi impertiit, vires ejus satis bene spirituosus Menstruis, melius tamen aquosis extrahuntur, & partim distillatione cum Aqua elevantur: nullum tamen oleum essentielle præbet. Vitriolum Martis ejus infusioni additum vires adstringentes prodit.

Pertinet ad arborem in Insulis ad Fretum Magellanicum sitis crescentem, quæ CLUSIO *Arbor Aromatica Magellanica*; CASP. BAUMINO *Laurifolia Magellanica* Cortice acri; SLOANE *Periclymenum*

rectum foliis Laurinis , Cortice acri , Aromatico ; aliis Winterana Aromatica dicitur. Eam anno 1578. primus detexit, & Cortici denominationem reliquit JOANNES WINTER Naclerus anglus. Ab eo tempore Itineratores hinc indè quidem hujus Arboris mentionem faciunt , sed tam parca hujus Medicamenti copia in Europam allata est, ut *Canella Alba* ab omnibus ferè Materiæ medicæ Scriptoribus cum eo hætenus confusa , & ei passim in Officinis pharmaceuticis substituta fuerit: quantum tamen, externa saltem facie, differant e collata utriusque descriptione facillè patebit. Tandem anno 1768. Naclerus WALLIS e Freto Magellanico redux non solum Magnam veri Winterani Corticis copiam in Angliam attulit, sed etiam Arboris ramum, cujus delineationem Societati Medicæ exhibuit clarissimus FOTHERGILL: ut videri potest in *Medical Observations and Inquiries* Vol. V.: ubi simul succincta Medicamenti historia & botanica Arboris descriptio a celeb. SOLANDER facta poterit inveniri.

Vires Canellæ Albæ, sed multò præstantiores, habet.

ZEDOARIÆ Radix. *De Maagwortel, of Wortel van Zedoaria.*

Duas species sinit, quæ nec dotibus nec viribus medicis, sed figura differunt, & secundum aliquos ejusdem Radicis diversæ partes sunt; juxta alios ad diversam Plantam pertinent. Una *Longa*, altera *Rotunda* audit: prior, quæ passim in officinis profiat, leviter rugosa & tuberosa est; duos tresve pollices longa; minimum digitum crassa; extus grysea; intus lutea, vel subfusca; odoris proprii, fragrantis, camphorati, penetrantis; saporis acris, amaricantis, aromatici. Facillè carie exeditur. Aqua ex hac Radice colorem rufum, partem saporis & omnem odorem; Spiritus Vini rectificatus colorem e luteo rubescentem, vix quidquam odoris, sed omnem acredinem & amaritiam extrahit. Distillatione cum priori Menstruo largitur Oleum æthereum spissum, ponderosum, partim Aquæ fundum petens, & Sal Volatile, quod sub forma nivis Aquæ supernatat, & vera Camphora videtur.

Adfertur ex India orientali , & pertinet ad *Kæmpferiam foliis Lanceolatis* , *Petiolatis* LINNÆI. Rotunda , quæ , quia aut rarior est , aut præjudicata opinione alteri viribus creditur cedere , minùs adfertur , crassior , multò brevior , hinc rotundior est.

Passim tamquam præstantissimum Incidens , Roborans , Alexiphar-
macum laudatur. Celeb. CULLENIVS ex odore hujus Radicis in ea
vires antispasmodicas suspicatur.

ZINCUM. *Spiauter* , *Zink*.

Est substantia semimetallica coloris ex albo cærulescentis , splen-
dens , non omnino immalleabilis , hinc difficulter in pulverem redi-
genda ; saporis & odoris expers ; aqua septies circiter specificè
gravior. Stanni exemplo Aeris & Aquæ viribus multum resistit.
Difficulter & vix ante candescentiam funditur : sub hoc statu gry-
seâ pelliculâ tegitur , quæ mox mutatur in flavam Calcem , facili
opera denuo in Zincum reducendam. Igne & excandescencia auc-
tis , accenditur , & flammam emittit pulchram , albam , phosphori-
cam : hæc inflammatio tanto impetu peragitur , ut ejus Calx , alio-
quin fixa , ut aliæ Calces , sub flocculorum alborum forma eleve-
tur : hoc Sublimatum vocatur *Flores Zinci*. Porro Zincum nec
cum Sulphure nec cum Bismutho connubium contrahit : aliis tamen
substantiis metallicis , præsertim Cupro , uniri potest. Dissolvitur
omnibus Acidis : ex ejus unione cum Acido vitriolico exsurgit Vi-
triolum album.

Nativum , sed rarò , inveniri passim creditur , & in filamentis
vel frustulis apud rerum naturalium Curiosos aliquid pro tali asser-
vatur. Verum nativum Zincum esse necdum tamen satis probatum
reperio. Lapis calaminaris frequens ejus Terræ Minera est. Quod
ad nos adfertur pro maxima parte e Mineris Plumbi Rammelsber-
gensibus ope sublimationis , sub nomine *Cadmie Fornacum* , obtine-
tur. Fusione in panes efformatur. Ferè semper adhuc Plumbo adul-
teratum est.

Ob *Flores* suos in *Materiam medicam* introductum est. Vide in
Chemiciis FLORES ZINCI.

ZINGIBER, vel ZINZIBER. *Gember.*

Est *Radix* brevis, tuberosa, compressa, nodosa; extus flavicans, intus albida, vel e rubro fusca; resinosa; odoris proprii, non ingrati, aromatici, dum discinditur, fortioris; saporis acris, fervidi, piperini, aromatici. Ejus vires *Aqua*, melius tamen *Spiritu Vini* rectificato extrahuntur. *Oleum* largitur *essentiale* ipsa *Radice* minùs fervidum.

Planta, ad quam *Zinziber* pertinet, vocatur LINNÆO *Anomum Zinziber*, & distinguitur *Scapo nudo*, *Spica ovata*: crescit in *India orientali* & in *America meridionali*.

Viribus *Piper* æmulatur, & in morbis frigidis, præsertim *primarum viarum*, utile *Condimentum* & *Medicamentum* constituit.



C A N O N I C

P R O

ELIGENDIS, COLLIGENDIS,

E T

CONSERVANDIS SIMPLICIBUS.

☼☼☼☼☼ *Implicia tum e vegetabili tum ex animali regno ad*
S *usus medicos desumenda eligantur, quoad colorem,*
S *odorem & saporem, in sua specie, perfectiora;*
S *non morbosa. Colligantur tempore Balsamico, seu in summo*
vigoris puncto.

PLANTÆ AROMATICÆ legantur e Solo sicco, elevato,
 radiis solaribus expósito; acres e loco humido, paludoso.

FOLIA decerpantur ante Plantarum efflorescentiam, cœlo
 sicco & sereno; rore & omni humiditate heterogenea ope ra-
 diorum solarium fugatis.

RADICES primo Vere, antequam folia germinant; me-
 liùs adhuc Autumno eradicandæ sunt: crassiores conscindendæ
 in taleolas, & statim siccandæ calore centum circiter gra-
 duum Thermometri Farenheitiani, aut quadraginta Reau-
 muriani.

FLORES & SUMMITATES colligantur, quamprimum incipiunt se expandere. Labiatis odorati Calices conserventur.

SEMINA colligenda, dum sponte a planta secedunt. Adhibeantur recentia, sana, bene nutrita, ponderosa.

FRUCTUS decerpantur maturi: nisi expressè immaturi præscribantur.

STIPITES & CORTICES colligantur tempore vernali: LIGNA hiemali.

Nullum horum omnium præceptum tam generale est, quin quasdam exceptiones patiatur. Has doceat Botanica.

Omnia bene siccata, heterogeneis sordibus liberata servantur in capsis ligneis charta intus obductis: ea, quorum vis facilè perit, in lagenis vitreis bene obturatis.


Vegetabilia, cum horum multa sine virium jactura diutius conservare difficile, quædam etiam impossibile sit, sæpiissime renoventur.

MINERALIA vix cautelas & nullum particulare anni tempus pro collectione sibi vindicant: sed sint genuina & omni additio libera.

PHARMACOPŒÆ

GANDAVENSIS.

PARS ALTERA.



PONDERA ET MENSURÆ.

Pondus nostrum dicitur medicum, & sequenti ratione dividitur.

LIBRA - - - habet uncias duodecim,

UNCIA - - - - - drachmas octo,

DRACHMA - - - - - scrupulos tres,

SCRUPULUS - - - grana viginti.

Libra five unciaë duodecim pendent Uncias novem ponderis parisi *Poids de Marc* dicti.

Mensuras nostras constituunt PINTA civilis ejusque divisiones: Pinta hæc continet Libras duas, five Uncias viginti quatuor Aquæ distillatæ.

Omnia, tam liquida quam sicca, ponderanda, nisi mensura expressa sit: pro liquidis verò, quæ ad Uncias in medicorum formulis occurrunt, mensuræ, quæ præscriptorum liquorum Unciam unam vel duas tenent, adhiberi possunt.

SIMPLICIUM QUORUMDAM PRÆPARATIONES.

ÆTHIOPS MARTIALIS.

Limaturæ Ferri purissimæ vasi vitreo sive porcellaneo commissæ affundatur Aqua ad quatuor digitorum transversorum supereminentiam: agitetur quotidie sub Aqua spatula lignea vel ferrea, & Aquæ evaporatione spontanea absumptæ novam substitue: continetur hic labor per plures hebdomadas: magna sic Ferri pars in pulverem nigrum in Aqua per aliquot minuta suspensilem redacta erit; Aqua tum illo turbida decantetur, ut quieta dimittat pulverem, quem ab ea separatum celeriter sicca & in vasis vitreis optimè obturatis serva.

ALUMEN USTUM.

Immitatur Alumen vasi terreo amplo non vitrato, & igne valido urgeatur, donec omni privatum crySTALLIFICATIONIS Aqua massam opacam, albam, spongiosam, friabilem exhibeat.

ANTIMONIUM PRÆPARATUM.

Antimonium crudum pulverisatum committatur vitro cylindraco; affundatur ei larga Aquæ quantitas, & cum ea probè agitetur: Aquam dein polline tenuissimo turbidam in vas idoneum decanta; pulvis residuus crassior super porphyritem lævigetur & cum Aqua eodem modo tractetur: omnem tandem pollinem, ubi subsederit, Aquas decantando separa & sicca.

Eodem modo Præparantur

CALAMINARIS LAPIS.

CHELÆ CANCRORUM.

CORALLIA.

CORNU CERVI USTUM.

LAPIS HÆMATITES.

LITHARGYRIUM.

OCULI CANCRORUM.

OSTREORUM TESTÆ PURÆ.

OVORUM TESTÆ, membrana adhærente separata.

TUTIA.

CORNU CERVI USTUM.

Cornuum Cervi frustra inter prunas, vel igne reverberii calcinentur, usque dum intus æquè ac extus penitus albescant.

MEL DESPUMATUM.

Addatur Melli sufficiens Aquæ bullientis quantitas, ut colum transeat: coquatur dein, spumam inter bulliendum auferendo, ad syrupi spissioris consistentiam.

MERCURIUS VIVUS PURIFICATUS.

Ut Mercurius vivus obtineatur ab omni labe alieni Metallii purus, destillet e Retorta vitrea in recipiens, cui ad dimidium sit indita Aqua, cum tantum adhibendo calorem, qui ad ejus elevationem requiritur: destillatione peracta, separetur ab Aqua, ac omne ei adhærens humidum lintheo puro, sive charta emporetica abstergatur.

Mercurius vivus pulveris grisei forma Aquæ superficiem inhærens collectus & in cochleari ferreo mundo Igni expositus formam fluentem recuperabit.

NITRUM DEPURATUM.

Fiat nitri rafinati in aqua bulliente faturata diffolutio, & ad cryftallifandum reponatur: natæ dein cryftalli fuper chartam bibulam ficcentur: lixivium verò fuperfites evaporatione & cryftallifatione tractetur, donec cryftallis pryfmaticis exhaustum fit. Prima cryftallifatione obtentæ cryftalli pro ufu interno, ac operationibus chemicis, quæ Nitrum puriffimum requirunt, feponantur.

OPIUM COLATUM five EXTRACTUM OPII

Solvatur Opium in fufficiente quantitate Aquæ bullientis, coletur forti expreffione per linteum, & vaporet balnei maris calore ad extracti folidioris confiftentiam.

PULPA CASSIÆ.

Pulpa e Caffiæ Fiftulæ leguminibus longitudinaliter apertis feperatur unâ cum feminibus & feptis tranfverfalibus, a quibus, eam cochleari ligneo per cribrum fetaceum tranfprimendo purgatur. Eodem modo parantur

PULPA TAMARINDORUM.

- - - - - PRUNORUM.

Posterior fit prægreffâ fructus coctione in Aqua donec mollefeat, & trajecta pulpa dein leni calore ad debitam confiftentiam reducitur.

PULVERES SIMPLICES.

Solida Medicamenta , probè ficcata in Mortario ferreo , non æneo , pulverata , & per Cribrum densum sericum trajecta valis clausis , ne ab humiditate lædantur , ferventur.

Saccharum , aliaque , quæ a Ferro inquinari possunt , in Mortario e duro lapide confecto pulverentur pistillo ligneo.

Variis substantiis pulverandis adjici solent Amygdalæ earumve Oleum , ut pulveris subtilioris impediatur dispersio : pulveres verò ita præparati intra paucos dies rancorem contrahunt , & sæpe alios effectus edunt , quam quos inde expectat Medicus : possent quidem alia minus contaminantia adhiberi ; quum verò opereculo ligneo , cujus centrum pistillum transeat , mortarium tegendo pulveris jactura pro majori parte evitetur , medium hoc qualicumque additamento præferri meretur. -

Si in pulverem redigenda sint acria , ut Euphorbium , Cantharides , &c. , a quorum disperso pulvere læderetur Operator , Mortarium opereculo coriaco ipsi & pistillo fortiter alligando muniatur.

SAL AMMONIACUM DEPURATUM.

Fiat Salis Ammoniaci in sufficiente quantitate Aquæ dissolutione : filtretur liquor per chartam bibulam , & vaporet in vase vitreo leni calore ad ficcitatem.

SCILLA SICCATA.

Scillæ bulbi , cortice exteriori ablato , transversim secantur in taleolas tenues , & calore lenissimo , ne amaritiam & acrimoniam perdant , siccantur.

SERUM LACTIS.

Ebuliant Lactis vaccini pintæ duæ in vase terreo , & adjiciatur cremoris tartari drachma una semis : fiet partis calcosæ & butyracæ separatio : liquor dein colatus clarificetur unius ovi albumine in spumam agitato , & denuo coletur.

SPONGIA PRÆPARATA.

Spongiæ finissimæ , siccæ , in laminas sectæ immergantur ceræ flavæ liquefactæ : prælo deinde fortiter expressæ & frigefactæ ferventur.

SPONGIA USTA.

Spongia in frustula concisa immittatur in fictile non vitreatum , quod ita operiatur , ut liberior quidem aëris accessus arceatur , vaporibus verò elasticis sit exitus : reponatur tum vas in igne , donec Spongia nigra & friabilis sit ; dein in pulverem trita vase vitreo bene obturato fervetur.

STANNUM PULVERATUM.

Stannum malaccense liquefactum , in pixide lignea , creta intus obducta , & operculo munita , sive in Mortario ferreo parum calefacto celeriter agitetur , donec redigatur in

pulverem cribro sericeo separandum a metalli particulis grandioribus, quæ liquefactæ eodem modo tractentur.

SUCCI EXPRESSI.

Succus e vegetabili recenti inciso & contuso torculari expressus clarificetur albumine ovorum : ille verò qui e plantis antiscorbuticis expressus est, cum scateat partibus volatilibus, quibus vires antiscorbuticæ debentur, in vasis vitreis clausis, uti succus pomorum citri, aliorumque fructuum, per subsidentiam depurandus est.

Succus per aliquod tempus asservandus committatur lagenis vitreis, quæ eo repletæ, superaffuso paululo Olei Olivarum optimi, & probè obturatæ reponantur in loco frigido.

VITRUM ANTIMONII CERATUM.

Ceræ flavæ drachmæ uni in cochleari ferreo liquefactæ adjiciatur Vitri Antimonii præparati uncia una, & detineatur super lenem Ignem, spatula assiduè agitando, horam dimidiam : frigefacta dein materia teratur in pulverem.

PULVERES COMPOSITI.

Pulveres plures simplices pulverem constituunt compositum : solent fieri omnia ingredientia integra, ad præscriptum pondus commixta, simul terendo in pulverem ; hac verò methodo rarò servatur ingredientium proportio : sæpe enim multum de pulvere leviori inter pulverisandum in auras

diffipatur, vel aliquid residui, quod cribrum transire renuit, abjiciendum est : præstat ideo omnia separatim pulverisata & per cribrum sericeum trajecta ad præscriptam quantitatem, trititando in Mortario marmoreo, exactissimè miscere. Pulverem compositum si ingreditur opium, illud ad determinatum in formula pondus receptum lenissimo calore sicceatur; tum, pulveris pauxillum primò, reliquum dein partitis vicibus addendo, teratur, donec uniformiter per totum pulverem dispersum sit.

Serventur pulveres compositi in Vitris probè obturatis.

PULVIS ABSORBENS ANODYNUS.

Rec. Pulveris Lapidum Cancrorum . . . unc. tres semis,
 - - - Cinnabaris factitiæ . . . drachm. unam,
 Opii colati;
 Olei essentialis caryophyllorum . . ana drachm. semis:
 Misce.

Fires titulo respondent. Drachmia una hujus pulveris continet granum unum opii.

PULVIS ANTARTHRITICUS

DUCIS PORTLANDIÆ, sive MIRANDOLÆ.

Rec. Pulveris radicum Aristolochiæ rotundæ,
 - - - - - Gentianæ,
 - - - - Summitat. centaurii minoris . ana unc. unam.
 - - - - - Chamædrys . . . unc. duas;
 Misce.

Circa

Circa initium præcedentis sæculi adversus Rheumatismum, Arthritidem & Podagram laudari cœpit. Quid possit ignoramus. Datur ad dragmam mane jejuno stomacho.

PULVIS ARI COMPOSITUS five STOMACHICUS.

Rec. Pulveris Radicum Ari,

- - - - - Calami Aromatici . ana unc. duas,

- - - - - Lapidum Cancrorum,

- - - - - Cinnamomi,

- - - - - Tartari Vitriolati ana unc. semis;

Misce.

Vires stimulantès Radicum Ari citò pereunt : hinc convenit, ut hic Pulvis recens adhibeatur. Præscribitur in morbis a fibra laxa, torpida, muco lento obruta, præsertim primarum viarum. Dosis est dragma pluries de die.

PULVIS CACHECTICUS.

Rec. Croci Martis unc. unam,

Pulveris Cinnamomi unc. duas,

- - - - - Sacchari albi unc. tres :

Misce.

Palet ad Viscerum Atoniam, & assumi potest ad plures dragmas de die.

PULVIS CORNACHINI five CATHOLICUS.

Rec. Pulveris Scammonci Aleppensis ,
 - - - - Antimonii Diaphoretici ,
 - - - - Cremoris Tartari . . . ana part. æquales :
 Misce.

Aliquibus Pulvis de Tribus , aliis Pulvis trium Diabolorum appellatur. Contendit celeb. TRILLERUS posterius nomen non immerito ei tributum esse , atque asserit , se ab usu hujus pulveris diu asservati summas Cordis angustias , acres vomendi conatus , Vomitus laboriosissimos , sævas Cardialgias , vehementissimas Hypercatharses &c. observasse. Has turbas celeb. Vir Antimonio diaphoretico diu asservato adscribit ; alii soli assumentis dispositioni tribuunt. A solo Scammoneo pendet vis purgans hujus pulveris : addita , præter resinosarum ejus particularum divisionem , nihil præstant. Dosis scrupulus , scrupuli duo , dragma.

PULVIS PECTORALIS.

Rec. Pulveris Radicum Althææ unc. duas
 - - - - - Ireos Florentinæ ,
 - - - - - Liquiritiæ ,
 - - - - - Gummi tragacanthæ ,
 - - - - - Sacchari albi ana unc. unam :
 Misce.

Demulcens , obvolvens est : vicem supplet speciei diatrageanthæ frigidæ , speciei diaireos , & pulveris haly. Assumē potest ad uncias

PULVIS PURGANS AROMATICUS.

Rec. Pulveris Caryophyllorum ,
 - - - - Radicis Zingiberis ,
 - - - - Cinnamomi ,
 - - - - Scammonei Aleppensis . ana part. æquales:
 Misce.

In morbis frigidis, ubi laxa, torpida fibra exstimulanda est, ad dragmam unam, vel scrupulos quatuor pro purgante exhiberi potest.

PULVIS SUDORIFICUS five DOVERI.

Rec. Pulveris Tartari Vitriolati . . . unc. quatuor semis,
 - - - - Radicum Ipecacuanhæ ,
 Opii colati ana unc. semis:
 Misce.

Alterans est potentissimum, quod præsertim per sudores agit: adversus Rheumatismum inveteratum aliosque similes morbos ad omnia alia rebelles Medicis anglis familiaris est. Undecim grana hujus Pulveris continent granum unum Opii: datur tamen sine noxa ad dragmam dimidiam, vel scrupulos duos.

PULVIS TEMPERANS STANILI.

Rec. Pulveris nitri depurati,
 - - - - Cremoris Tartari . . . ana unc. duas,
 - - - - Cinnabaris factitiæ . . . drachm. duas:
 Misce.

Immoderatum calorem temperat, antiphlogisticus est. Hæc etiam præstaret sine Cinnabare, quæ in humoribus nostris non videtur solvi.

P I L U L Æ.

PILULÆ ALOËTICÆ.

Rec. Pulveris Aloës Succotrinæ unc. duas,
 - - - - Salis Polychresti unc. semis:

Mixtis adde

Extracti gentianæ unc. duas,

Et fiat cum

Syrupi simplicis suffic. quantitate

Massa Pilularis.

Lentos, spissos humores solvunt; solida exstimulant, roborant; ad scrupulos duos, aut dragmam purgant. Præsertim Cachecticis conveniunt.

PILULÆ ASTHMATICÆ BOERHAAVII.

Rec. Galbani,

Gummi Ammoniaci ana drachm. unam:

Terantur cum

Pulveris Myrrhæ drachm. una semis,

- - - - Castorei Ruffici drachm. una:

Dein addantur

Saponis albi drachm. tres,

Olei Succini gutt. decem:

Et fiat cum

Balsami Peruviani suffic. quantitate
 Massa Pilularis.

Titulus authorem ejusque mentem exprimit. Antispasmodicæ, resolventes sunt.

PILULÆ BALSAMICÆ MORTONI.

Rec. Gummi Ammoniaci unc. semis,

Balsami Peruviani sicci scrup. unum :

Terantur cum

Florum Benzoës drachm. una,

Pulveris Croci scrup. uno :

Dein, instillatis

Olei essentialis Anisi gutt. viginti,

Addatur

Syrupi simplicis suffic. quantitas,

Ut fiat massa Pilularis.

Millepedes præparati apud celeb. Authorem dimidiam ferè harum pilularum massam consituebant : cum autem nulla fida observatio vires his Insectis passim adscriptas probet, aliorum clarorum Virorum exemplo, majorem Gummi Ammoniaci quantitatem eis substituere consultum duximus. Laudantur ad dragmam dimidiam, vel scrupulos duos quotidie adversus Tussim chronicam, scrophulosam, ubi tubercula suspicari licet. Fortè meliùs in laxo, debili Pulmone, sputis glutinosi infarcto.

PILULÆ BENEDICTÆ FULLERI.

Rec. Galbani drachm. unam ,
 Macis drachm. femis ,
 Salis Martis drachm. sex :

Terantur cum

Pulveris Aloës Succotrinæ unc. femis ,
 - - - - Foliorum Sennæ drachm. duabus ,
 - - - - Myrrhæ drachm. una ,
 - - - - Croci drachm. femis :

Dein , additis

Affæ Foetidæ drachm. una ,
 Olci Succini gutt. quadraginta ,

Fiat cum

Syrupi de Artemisia suffic. quantitate

Massa Pilularis.

Eccoproticæ , aperientes , leviter laxam fibram exstimulantes , roborantes , antihysericæ sunt : ob has dotes ad scrupulum , vel dragmam dimidiam quotidie præsertim in Chlorosi præscribuntur.

PILULÆ COCHIÆ.

Rec. Pulveris Aloës Succotrinæ unc. duas ,
 - - - - Colocynthis drachm. tres ,
 - - - - Scammonei Aleppensis drachm. quinque ,
 - - - - Salis Polychresti drachm. duas ,

Misceantur , & instillatis

Olci Caryophyllorum gutt. sexaginta ,

Fiat cum

Syrupi de Stœchade suffic. quantitate
 Massa Pilularis.

*Fortiter alvum ducunt, & prudenti manu præscribi debent:
 dragma continet circiter grana viginti sex Aloës, grana quin-
 que Colocynthis, & grana octo Scammonei.*

PILULÆ FŒTIDÆ.

Rec. Galbani unc. semis :
 Teratur cum
 Salis Succini,
 Pulveris Castorei Ruffici . . . ana drachm. una :
 Dein, addita
 Assæ Fœtidæ unc. una,
 Fiat, sub validis Pistilli ictibus, ut Assa Fœtida uniformi-
 ter immisceatur, cum
 Syrupi simplicis suffic. quantitate
 Massa Pilularis.

*Adversus morbos spasmodicos, & præsertim hystericos,
 præscribuntur. Dosis grana decem, viginti, etiam pluries de die.*

PILULÆ MARTIALES.

Rec. Æthiopis Martialis unc. unam :
 Redigatur cum
 Extracti Absynthii suffic. quantitate
 In massam, ex qua formentur Pilulæ granorum quinque.

Pro viribus vide in Materia medica FERRUM.

PILULÆ MERCURIALES.

Rec. Mercurii Vivi purificati unc. unam,
 Cremoris Tartari unc. semis :
 Triturentur in mortario marmoreo five vitreo, donec ex-
 tinctus sit Mercurius ; tum addantur
 Pulveris Scammonci Aleppensis,
 - - - - Radicum Jalappæ ana unc. una :
 Mixta formentur cum
 Syrupi Capillorum Veneris suffic. quantitate
 In massam Pilularem.

Has pilulas chirurgus BELOSTE olim in arcanis habuit, & per omnem Europam celebres reddidit. Vir ille Saccharum, quo Mercurium exstingueret, adhibebat: sed hoc medio tam parum dividitur, ut citò denuò in globulos coeat, & sub hac forma e Pilulis hac methodo præparatis exprimi possit. Celeb. ergo BEAUMÈ Cremorem Tartari, quo Mercurius non solum optimè exstinguitur, sed qui etiam cum eodem Sale in humoribus nostris facile solubilem efficere potest, non sine ratione substituit.

Humores spissos attenuant, resolvunt: ad scrupulum unum, vel dragmam dimidiam purgant, anthelminticæ sunt: in minori dosi alterant. Laudantur præsertim in morbis cutaneis a causa venerea ortis, His solis in confirmata lue non videtur fidendum.

PILULÆ.

PILULÆ PECTORALES.

Rec. Extracti ficci Liquiritiæ unc. unam,
 Styraçis Calamitæ unc. semis :

Terantur cum

Pulveris Opii scrupul. octo ,

 - - - - - Croci scrupul. quatuor ,

Redigantur dein, addita

 Syrupi Balsamici suffic. quantitate ,

In massam Pilularem.

Dragma una harum Pilularum continet circiter grana octo Opii: hinc in tam parca dosi ordinariò præscribi debent, ut reliqua ingredientia vix effectum præstare valeant. Vicem supplent PILULARUM DE CYNOGLOSSO & AD TUSSIM SCRODERI.

PILULÆ PLUMERI.

Rec. Mercurii dulcis ,

 Sulphuris Aurati Antimonii ,

 Pulveris Gummi Guajaci . . . ana drachm. duas:

Trituratione probè commixta reducantur cum

 Syrupi simplicis suffic. quantitate

In massam , ex qua formentur Pilulæ granorum trium pondere.

Ad grana duodecim, octodecim, viginti quatuor efficacissimè alterant, resolvunt, diaphoreticæ sunt; in majori dosi per emesin, vel alvum agunt. Laudantur in Lue venerea, etiam ubi Frictiones mercuriales fefellerunt, Rheumatismo in-

veterato, Scrophulis, Tinea, Herpete aliisque morbis chronicis pertinacissimis a lymphæ vitio ortis.

PILULÆ PURGANTES HAENII.

Rec. Extracti Catholici drachm. duas,
 Refinæ Jalappæ,
 Pulveris Scammonci ana drachm. unam:
 Probè trita formentur cum
 Syrupi simplicis suffic. quantitate
 In massam, ex qua formentur Pilulæ granorum quatuor.

Aid grana viginti, viginti quatuor, aut viginti octo pro tuto Purgante præscribuntur.

PILULÆ RUFI.

Rec. Pulveris Aloës Succotrinæ unc. unam,
 - - - - Myrrhæ unc. semis,
 - - - - Croci drachm. duas:
 Fiat, addita
 Syrupi simplicis suffic. quantitate,
 Massa Pilularis.

Hæ Pilulæ apud Authorem continebant duplum Croci: hæc quantitas, aliquibus nimia & pessimos posse effectus producere visa, postea dimidiata est: non videtur tamen hæc mutatio observatis niti: nam Colegium Londinense, in ultima Pharmacopœæ suæ editione, pristinam dosim restituit. Ad dragmam dimidiam, vel scrupulos duos fortiter per alvum agunt; in minori dosi eccoproticæ, alterantes sunt.

PILULÆ SAPONACEÆ HAENII.

Rec. Gummi Ammoniaci,

Terræ Foliatæ Tartari ana unc. semis :

Probè tritis addantur

Massæ Pilularum Rufi unc. semis ,

Saponis albi unc. una ,

Et fiat, addita

Syrupi simplicis suffic. quantitate ,

Massa, ex qua formentur Pilulæ granorum quinque, in lagena obturaculo vitreo munita, ne humiditatem attrahant, servandæ.

Resolvunt, eccoproticæ sunt. Ad dragmam, vel dragmam unam & dimidiam præscribi possunt. Vicem supplent PILULARUM TARTAREARUM SCRODERI.

PILULÆ SCILLITICÆ.

Rec. Gummi Ammoniaci unc. unam :

Teratur cum

Pulveris Scillæ unc. semis :

Adjecta dein

Saponis albi unc. una .

Cogantur

Syrupi simplicis suffic. quantitate

In massam Pilularem.

Præcipua harum Pilularum vis pendet a Scilla, quæ quintam totius massæ partem constituit, & sic a multis commodè

assumi potest. Vide itaque earum vires in Materia Medica, ubi etiam rationes, ob quas aliorum exemplo Millepedes egerimus, videri possunt.

PILULÆ TONICÆ BACHER.

Rec. Extracti Hellebori nigri,
 - - - - - Myrrhæ ana unc. femis,
 Pulveris Cardui Benedicti scrupul. quinque:
 Miscantur in massam, ex qua formentur Pilulæ grani dimidii ponderis.

Vis harum Pilularum pendet ab Helleboro: addita, considerata præsertim dosi, ad quam ordinariò præscribi debent, vix aliquid præstare possunt. Prudenti manu quotidie ad grana decem, quindecim, aut viginti exhibitæ potentissimè alterant, resolvunt. His titulis laudantur præsertim in Hydrope, & in obstinatissimis casibus quandoque opem tulerunt. In majori dosi ardorem Stomachi, Cardialgiam aliasque turbas excitant, & per vomitum, vel alvum agunt. Vide in Materia Medica HELLEBORUS, NIGER.

CONSERVÆ, ELECTUARIA ET CONFECTIOES.

Conservæ dicuntur medicamenta, quæ vegetabilium partibus recentibus cum Saccharo, vel variis pulveribus cum Syrupo, Melleve, in pultis consistentiam redactis constant.

In simplices, quæ Conservas propriè dictas constituunt,

& in compositas, electuaria ordinariò nominatas, quibus & confectiones adnumerantur, distinguuntur.

Conservæ, præsertim eæ, quæ e vegetabilibus recentibus fiunt, servantur vasis bene obturatis in loco frigidiori, ne fermentatione, in quam valdè pronæ sunt, avolante principio volatili, vires suas amittant.

Quum *Conservæ simplices Antiscorbuticæ* paucos tantum dies salvis viribus servari queant, eis unicam, durabiliorem, compositam substituimus.

Vegetabilium, e quibus componuntur, vires habent.

CONSERVA BOTRYOS.

Rec. Foliorum recentium Botryos Mexicanæ . libr. unam:
 Reducantur in Mortario lapideo Pistillo ligneo in Pul-
 pam tenerrimam, cui protracta contusione immis-
 ceantur

Sacchari albi libr. duæ.

Eodem modo præparantur

CONSERVA CALENDULÆ ex Floribus.

- - - - HEDERÆ TERRESTRIS.

- - - - ROSARUM RUBRARUM ex Floribus.

CONSERVA ACETOSELLÆ.

Rec. Foliorum Acetosellæ libr. unam.

Sacchari albi libr. duas:

In Pulpam tuis immisceantur

Salis essentialis Acetosellæ drachm. duæ.

CONSERVA ABSINTHII.

Rec. Pulveris Foliorum Absinthii vulgaris . unc. quatuor,

- - - - - Sacchari albi unc. octo:

Misceantur, & fiat

Syrupi simplicis suffic. quantitate

Conserva.

Eodem modo præparantur

CONSERVA ANTHOS

- - - - - FUMARIÆ.

- - - - - MENTHÆ.

- - - - - SALVIÆ.

CONSERVA ANTISCORBUTICA.

Rec. Foliorum recentium Cochleariæ libr. semis,

- - - - - Nasturtii aquatici,

Radicis recentis raphani rustici raspatae . ana unc. tres,

Sacchari albi libr. duas semis:

Tundantur in pulpam, cui immisceantur

Aceti Vini unc. sex.

ELECTUARIUM DIASCORDIUM five CON-
FECTIO JAPONICA.

Rec. Pulveris Terræ Japonicæ unc. quatuor,

- - - - - Foliorum Scordii unc. duas,

- - - - - Radicis Tormentillæ,

- - - - - Florum Rosarum Rubrarum,

- - - - - Nucis Moschatae ana unc. unam,

Opium, fuffic. quantitate Vini Hispanici foluti, . drachm.
unam femis :

Mellis defpumati unc. viginti feptem.

Melli pelvi æneæ indito & parum calefacto primò incorporetur, Pistilli lignei beneficio, Opium; dein protracta agitatione infpergantur partitis vicibus pulveres, omniaque probè mifceantur, ut fiat Electuarium uniforme.

Idem operandi modus adhibeatur in confectione Electuarii
Requiei & Theriacæ.

Ita emendatum eft famofum illud electuarium e fcordio, feu diafcardium, quod FRACASTORIUS, tamquam præftantiffimum Alexipharmacum, omni morbo contagiofo, ipfi etiam Pefte, opponere excogitaverat. Præjudicata hæc opinio, quæ diu invaluit, ferè omninò jam excuffa eft, & refelli non meretur. Anodinum, cardiacum, adstringens Remedium eft, quod in nimis evacuationibus, a fola laxitate aut irritabilitate folidorum pendentibus, non fine fructu præfcribitur. Uncia continet grana duo & dimidium Opium. Id dofim moderetur.

ELECTUARIUM LENITIVUM.

Rec. Radicis Polypodii incifæ & contufæ . . . unc. duas :
coquantur ex

Aquæ pluvialis pint. una ,

Ad pint. femis :

In colatura dein diffolutis

Sacchari communis unc. fexdecim.

Fiat leni calore Syrupus spissior, cui probè immisceantur
Pulpæ Prunorum,

- - - - Tamarindorum,

- - - - Cassiæ,

Pulveris Foliorum Seunæ ana unc. sex,

- - - - Seminis Anisi unc. tres.

*Ad unciam unam alteramve mite purgans est, quod etiam
in morbis inflammatoriis tutò exhiberi potest.*

ELECTUARIUM REQUIES.

Rec. Pulveris Radicis Althææ unc. sex,

- - - - Amomi unc. unam semis,

Opîi, suffic. quant. Vini Hispanici soluti, . unc. semis.

Mellis despumati unc. viginti duas:

Exactè misceantur.

*Ex hac Compositione etiam inutilia ejecimus. Ad conci-
liandum somnum sanis etiam Infantibus exhiberi solet. Pessi-
mus hic mos vigeat, donec Pharmacopolis lege vetitum fuerit
Opîi præparata sine Medici præscripto divendere. Quælibet
dragma continet granum Opîi.*

THERIACA.

Rec. Pulveris Amomi,

- - - - Radicis Calami aromatici . ana unc. quindec.,

- - - - - Gentianæ unc. duas,

- - - - Cinnamomi unc. tres,

- - - - Piperis albi unc. unam,

- - - - Salis Martis ad albedinem calcinati . unc. sem.

Tincturæ

Tincturæ Castorei unc. quatuor ,
 Opii , fuslic. quant. Vini hispanici soluti unc. duas :
 excipiantur omnia .

Mellis despumati libr. decem ,
 Et probè misceantur.

Sub hoc nomine hætenus cognita & in Pharmacopœis inventa est monstrosa compositio , ab authore ANDROMACHO Neronis Medico , denominata , & , quia Venetiis , quotannis maximo apparatu parari , & hinc in omnem Europam transferri solet , Veneta dicta. Plura vix alicujus efficacæ , aliaque multa , quorum virtuti aucta aliorum dosi facilè suppleri poterat , continebat : cæca tamen & superstitiosa in Veteres reverentia eam hætenus inemendatam servaverat. Clarorum Virorum exemplo , hoc præjudicium excussimus , & , nisi omnia nos fallant , potiùs cum virium augmento eam ad hæc pauca ingredientia redeimus.

Olim tamquam infallibilis panacea omni veneno , omni morbo opponebatur. Nos calidas , cardiacas , stomachicas , anodinas ei vires tribuimus. Scrupuli quatuor continent circiter Granum Opii.

TINCTURÆ, ELIXIRIA, ESSENTIÆ, BALSAMA SPIRITUOSA.

Vocabula *Tinctura*, *Elixir*, *Essentia*, *Balsamum* promiscuè hodie adhibentur ad designanda varia Medicamina specierum e triplici regno desumptarum in appropriato vel spi-

rituoso, vel salino, vel aquoso Menstruo Infusione & Digestione præparata. Digestio instituitur cum in finem, ut Menstrui in species actio promoveatur. Fiat hæc calore moderato, numquam ad liquoris ebullitionem intendendo, in vase optimè clauso, subinde agitando, ut Menstruum omnem specierum superficiem aggredi possit. Digestione peracta, coletur liquor per chartam emporeticam, atque in lagenis bene obturatis servetur.

Vasa ad hanc Operationem requiruntur ampla, ut vaporum circulationi sit spatium sufficiens: sint porro vitrea vel figulina, compacta. Metallica omnino rejicienda sunt.

Tempus, quod digestio durare debet, pro quaque *Tinctura* in formula determinavimus; attamen, si quis præfert hujus generis Pharmaca præparare calore lenissimo, qualis est media æstate calor solaris, is Digestionem plures dies ultra præscriptum tempus protrahere debet, ut sit certus, Menstruum omnes partes in eo dissolubiles extraxisse.

BALSAMUM TRAUMATICUM.

Rec. Benzoës unc. tres,
 Aloës hepaticæ unc. semis,
 Balsami peruviani ficci. unc. duas:
 trita digerantur dies sex cum
 Spiritus Vini rectificati unc. triginta duabus,
 & cola.

Est BALSAMUM COMMENDATORIS a Collegio Edinburgensi reformatum. Storax, Myrrha, Olibanum, Radices Angelicæ & Flores Hypericonis sine damno ex eodem ejecta videntur, & cum externis præsertim usibus destinatum sit, Aloës hepatica bene succotrinæ substituta est. Vulnerarium, detergens est. Aliqui ad guttas aliquot in Vino, aut alio vehiculo, internè commendant ad dolores Colicos, flatus discutiendos, Stomachum exstimulandum, & roborandum.

ELIXIR ANTHARTHRITICUM CARIBÆUM.

Rec. Gummi Guajaci triti unc. duas,
 Taffia pint. duas:
 digerantur per octiduum, dein Liquor filtretur.

Circulum intendens, omnes excretiones, & præsertim diaphoresim, juvans, penetrantissimum Remedium est, quod ab aliquot annis, tamquam specificum, adversus Podagram & Arthritidem laudari cœpit. Dosis uncia dimidia, uncia integra, etiam pluries de die.

ELIXIR PROPRIETATIS.

Rec. Aloës succotrinæ tritæ unc. duas,
 Croci unc. unam,
 Tincturæ Myrrhæ pint. semis,
 Spiritus Vini rectificati pint. unam:
 digere dies sex, & filtra.

Si Aloës, Crocus & Myrrha simul digestionem committantur, Spiritus Vini rectificatus tam citò Croco & Aloë saturatur.

tur, ut vix aliquid Myrrhæ extrahere possit: hinc tertia pars Tincturæ Myrrhæ adhiberi debet; vel Myrrha primò in tota quantitate Menstrui per quatrimum degeri, & tum Aloës & Crocus addi.

Primas vias a tenaci muco liberat, earundemque actionem juvat. Laxis, pituitosis, cachecticis optimum quandoque tonicum, resolvens est. Nocet facis, biliosis, & syssihema hæmorrhoidale movet. Datur ad guttas viginti, quadraginta, sexaginta, etiam pluries de die.

ELIXIR STOMACHICUM.

Rec. Extracti Corticis peruviani unc. duas.
 - - - - Centaurii minoris,
 - - - - Gentianæ,
 Salis Tartari,
 Flavedinis Corticum aurantiorum ana unc. unam,
 Vini albi hispanici pint. duas,
 Spiritus Vini gallici unc. quatuor.
 Digere dies sex, & filtra.

Cardiacum, roborans est. Vicem supplet Elixirii visceralis. Dari potest ad uncias.

ELIXIR VITRIOLI ACIDUM.

Rec. Spiritus Vini rectificati unc. sexdecim,
 instilla
 Olei Vitrioli unc. tres:

concussione optimè mixta digerantur per triduum, tunc addantur

Pulveris crassi Cinnamomi drachm. sex,
 - - - - - Zingiberis unc. semis,
 Foliorum Menthæ piperitidis drachm. duæ.

Digerantur rursus dies sex, & filtrentur.

Optimè roborat, &, ubi amara fefellerant, quandoque opem tulit. Minùs, quam alia Elixiria, circulum intendit; ut etiam febricitantibus dari possit. Bis, ter quotidie vacuo Stomacho ad guttas viginti, triginta, quadraginta, in appropriato vehiculo, exhibetur.

ESSENTIA ABSINTHII COMPOSITA.

Rec. Herbæ Absinthii unc. quatuor,
 Corticum Curassavensium
 Radicis Galangæ minoris ana unc. unam,
 Macis

Cinnamomi ana drachm. duas;
 incisa & contusa digere per quatrimum cum
 Spiritus Vini gallici pint. duabus;
 dein filtra.

Ex sola Herba Absinthii cum Spiritu Vini fit eodem modo
 Essentia Absinthii simplex.

Stomachica, carminativa, antihelminthica est, & Absynthii præsertim vires habet. Dari potest ad dragmas.

ESSENTIA CORTICUM AURANTIORUM.

Rec. Corticum Curaſſavensium incisorum . . . unc. quatuor,
 Spiritus Vini gallici pint. unam.
 Digere triduum, & cola.

Eodem modo præparantur

ESSENTIA CORTICUM CITRI.

- - - - - CAMOMILLÆ.

Analepticas, validas, carminativas, Olei essentialis illius simplicis, e quo fiunt, spiritu Vini diluti, omnes hæ Essentiæ vires habent. Dosis dragma dimidia, dragma una.

TINCTURA ALOËS.

Rec. Aloës foccotrinæ tritæ unc. duas,
 Spiritus Vini gallici pint. semis.
 Digere dies sex, & filtra.

Eodem modo præparantur

TINCTURA ASSÆ FŒTIDÆ.

- - - - - MYRRHÆ.

Omnium vires vide in materia medica. Tincturæ Myrrhæ & Aloës, tam seorsim quam mixtæ, præsertim a Chirurgis ad putredinem arcendam, ulcera detergenda & ossium cariæ adhibentur.

TINCTURA AMARA.

Rec. Radicis Gentianæ unc. duas,
 Flavedinis Corticum Aurantiorum unc. unam,

Canellæ albæ unc. femis,
 Cochinillæ drachm. unam.

Incisa & contusa digerantur per quatrimum cum

Spiritus Vini gallici pint. una :
 dein liquor filtretur.

Stomachica, roborans est. Dosis a dragma ad unciam dimidiam.

TINCTURA CANTHARIDUM.

Rec. Cantharidum contusarum . . drachm. unam femis,
 Pulveris Cochinillæ drachm. femis :
 digere, addita

Spiritus Vini rectificati pint. femis,
 dies quatuor, & cola.

Hæc unica, tutissima & efficacissima, usibus internis destinata Cantharidum præparatio est. Ejus vires medicas vide pag. 42. sine metu dari potest ad guttas viginti bis ter de die, & sensim augeri dosis.

TINCTURA CASTOREI.

Rec. Castorei Russici minutim incisi unc. unam,
 Spiritus Vini rectificati pint. unam :
 digere dies sex, & cola.

Vires nervinas, antihystericas, spirituosæ Menstruo evehæ Castorei habet. Dosis guttæ triginta, scrupuli duo, dragma.

TINCTURA CORTICIS PERUVIANI.

Rec. Corticis peruviani contusi unc. quatuor ,
 Spiritus Vini rectificati pint. unam :
 digere dies decem , & filtra.

Cardiaca , stomachica , roborans est. Convenit laxis cachecticis , alias Corticis præparationes non ferentibus. Dari potest a dragma ad integram unciam.

TINCTURA CROCI.

Rec. Croci drachm. sex
 Spiritus Vini rectificati pint. semis :
 digere dies quinque , & filtra.

Pro viribus vide in Materia Medica CROCUS.

TINCTURA GUAJACI VOLATILIS.

Rec. Gummi Guajaci triti unc. quatuor ,
 Balsami peruviani drachm. duas ,
 Olei essentialis Sassafras drachm. semis ,
 Spiritus Salis Ammoniaci vinosi pint. unam :
 macera dies sex , & cola celeriter per pannum laneum.

Menstruum hic adhibitum non solum Gummi Guajaci optime solvit ; sed etiam ejus vires intendit. Sic irritans , calidum , penetrantissimum Remedium est , quod ad parvum coctear manè & vesperi in appropriato vehiculo exhibitum in Rheumatismo chronico multisque Morbis frigidis , in quibus

bus circulum intendere, humores movere, & excretiones juvare utile esse potest, maximis celebratur encomiis.

TINCTURA JALAPPÆ.

Rec. Pulveris crassi Radicis Jalappæ . . . unc. tres,
Spiritus Vini gallici . . . pint. semis:
digere dies octo, & filtra.

A dragma una ad unciam dimidiam efficax, tutum purgans est.

TINCTURA IPECACUANHÆ.

Rec. Pulveris crassi Ipecacuanhæ . . . unc. unam,
Vini albi hispanici . . . pint. semis,
Spiritus Vini gallici . . . unc. duas:
macera triduum, & cola.

Ad unciam dimidiam vel integram per emesim agit, & facilè assumitur: in minori dosi alterat. Vide IPECACUANA.

TINCTURA LACCÆ five AQUA GINGIVALIS.

Rec. Gummi laccæ triti . . . unc. unam semis,
Pulveris Myrrhæ . . . unc. semis,
- - - Aluminis crudi . . . drachm. duas,
Aquæ vulnerariæ vinosæ . . . pint. unam:
digere dies sex, & cola.

Per se vel cum Melle Rosarum mixta ad laxitatem, hæmorrhagiam & ulcera gingivarum atque oris, præsertim a scorbuto produc̃ta, adhibetur. Internè non datur.

TINCTURA MELAMPI five HELLEBORI NIGRI.

Rec. Radicis Hellebori nigri incisæ . unc. quatuor semis,
 Pulveris Cochinillæ drachm. semis,
 Vini albi hispanici pint. unam,
 Spiritus Vini gallici unc. quatuor:
 fiat digestio per octiduum; liquor dein filtretur.

Vires habet a sola Radice Hellebori, quas vide in Materia medica, & pag. 244. Cochinilla huic Tincturæ, ut etiam Tincturæ Cantharidum, gratiorem colorem conciliat, & præterea nihil præstat. Commendatur parvum coclear bis de die in appropriato vehiculo, tamquam alterans, resolvens & speciatim potenter menses movens. In hoc ultimo efficiendo tantæ efficaciz a celeb. MEADIO statuitur, ut, si vasa uterina vincere nequeat, sanguinem per alias vias pellat. Si id verum sit, prudenti manu præscribi debet. Sed a Pilulis BACHERI, utut in larga dosi datis, numquam Hæmorrhagiam observavimus.

TINCTURA OPII seu LAUDANUM LIQUIDUM SYDENHAMII.

Rec. Opii incisi unc. duas,
 Croci unc. unam,
 Pulveris crassi Cinnamommi,
 - - - - - Caryophyllorum ana drachm. unam:
 Vini albi hispanici unc. viginti,
 digere dies quatuor, & filtra.

Vires habet præsertim ab Opio, cujus grana duo continentur in scrupulo uno hujus Tincturæ.

TINCTURA SUCCINI.

Rec. Succini subtilissimè triti unc. quatuor,
 Spiritus Vini Alkohol pint. unam:
 digere dies sex, & cola.

*Laudatur tamquam nervina, antispasmodica, roborans.
 Vide pag. 200. dosis guttæ viginti, quadraginta, sexaginta.*

A C E T A.

ACETUM ANTISEPTICUM,

VULGO VINAIGRE DE QUATRE VOLEURS.

Rec. Herbarum Absinthii unc. unam semis,
 - - - - - Rorismarini,
 - - - - - Salviæ,
 - - - - - Menthæ,
 - - - - - Rutæ ana drachm. duas,
 Florum Lavendulæ unc. unam,
 Allii,
 Radicis Calami Aromatici,
 Cinnamommi,
 Caryophyllorum,
 Nucis Moschatae ana drachm. unam:
 incisa & contusa digerantur dies octo cum

Aceti Vini pint. duabus :
 Liquori dein filtrato addantur
 Camphoræ Spiritus Vini gallici unc. quatuor so-
 lutæ drachm. duas.

Vocatur etiam Acetum Prophylacticum, & tamquam tale laudatum est adversus Pestem aliosque morbos contagiosos. Refertur, quatuor latrones hoc Remedio in Peste massiliensi impune hoc morbo decumbentes eorumdemque cadavera spoliassse. Hinc posterius nomen & famam sortitum est. Præstans antisepticum videtur.

ACETUM COLCHICUM.

Rec. Radicis Colchici recentis, incisæ . . . unc. quatuor,
 Aceti Vini pint. unam :
 digere dies octo: Tum adde
 Spiritus Vini gallici unc. duas,
 & filtra.

Vires vide pag. 56.

ACETUM ROSACEUM.

Rec. Rosarum rubrarum unc. tres,
 Aceti Vini pint. unam,
 Spiritus Vini gallici unc. duas :
 digere quatrimum, & filtra.

Externè adhibetur tamquam resolvens, discutiens, roborans. Temporum & capitis lotio laudatur ad Cephalalgiam.

ACETUM SCILLITICUM.

Rec. Scillæ ficcatae & minutim incisæ unc. sex,
 Aceti Vini pint. duas:
 digerantur dies octo; additis dein
 Spiritus Vini gallici unc. quatuor,
 liquor filtretur.

Hoc Medicamentum jam a GALENO notum solida exstimulat, viscida attenuat, & feliciter infarctus ab his causis natos expedit. Laudatur in Hydrope, & præsertim in morbis pectoris, ubi iners pulmo, & tenax viscidum expellendum est. A dragma una ad unciam dimidiam alterat, & plerumque per diuresim agit; in majori dosi per vomitum, vel per alvum. Vide in Materia medica SCILLA.

OLEA INFUSA.

OLEUM INFUSUM ABSINTHII.

Rec. Herbæ Absinthii vulgaris incisæ unc. sex,
 Olei Olivarum pint. unam:
 infunde leni calore in Vase clauso per quatrimum & cola
 per linteum.

Eodem modo præparantur

OLEUM INFUSUM CHAMÆMELI.

- - - - - MENTHÆ.

- - - - - RUTÆ.

OLEUM HYPERICI.

Rec. Summitatum Hyperici cum Floribus . . . libr. unam,
 Croci drachm. duas:
 incisa infundantur leni calore per sex dies in
 Olei Olivarum pint. una semis:
 in colatura dein dissolvatur
 Therebintinæ Venetæ libr. una.

Omnia hæc præparata, cum Olea unguinosa resinosas & oleosas vegetabilium partes solvant eorundemque colorem extrahant, aliquas plantarum adhibitarum vires possident. Olim parabantur coctione: sed hac methodo perit quidquid volatile est. Præscribuntur ad usus externos. Olea Absynthii, Rutæ & Menthæ, tamquam roborantia, carminativa & antihelminthica, stomacho & umbilico inunguntur. Oleum Chamæmeli, tamquam carminativum & anodinum, adversus intestinorum tormina & dolores colicos ventri illinitur, & enematis additur. Spinæ dorsi inunctum commendatur etiam a quibusdam ad febres intermittentes. Oleum Hyperici excellens vulnerarium creditur. Omnia multum ultra merita laudata sunt.

O L E A E X P R E S S A.

OLEUM AMYGDALARUM.

Rec. Amygdalarum non rancidarum . . . quant. vis:
 Contunde in Mortario lapideo, donec pastam mollem, pinguem, exhibeant; hanc Sacculo Cannabino inclusam

submitte prelo, & omne Oleum fenſim exprime, quod a fæcibus dein defunde.

Eodem modo præparantur

OLEUM LINI ex ſem.

- - - - NUCUM JUGLANDIUM.

- - - - PAPAVERIS ALBI ex ſem.

Ad *Olei Amygdalini* præparationem promiſcuè poſſunt Recipi Amygdalæ five dulces five amaræ, quum Oleum, quod largiuntur, utrumque ejuſdem planè ſit naturæ.

Olea Unguiſa omnia aſſervanda ſunt in loco frigidiori: ſunt enim valde prona ad induendum rancorem, qui calore multum promovetur: variant tamen quoad tempus, quo illo afficiuntur: ſic *Oleum Lini* & *Oleum Olivarum* diutius quam reliqua ſuam naturam ſervant. *Oleum* verò *Amygdalarum* dicta labe brevi contaminatur; hinc poſtremum hoc Oleum parva quantitate, quæ paucos dies tantum durat, exprimatur.

Omnia hæc Olea eaſdem vires habent, quas vide pag. 131. & 132.

OLEUM OVORUM.

Rec. Ovorum recentium quant. viſ:

Coque in aqua communi, ut indurentur penitus; dein vitellos exime, eoſque in pelvi leni igni commiſſos Piſtillo ligneo aſſiduè tere, donec eorum volumine imminuto, atque omni fugato humido, maſſam Unguiſam albo flavam ex-

hibeant: tum subito, ne rufescant, quod decompositionis initium denotaret, ab igne removeantur. Ferventes etiamnum indantur Sacculo Cannabino sive e Pilis equinis contexto, & exprimatur Oleum.

Laudatur præsertim ad fissuras mammarum & labiorum, ad hæmorrhoidum dolores, ad delendas variolarum foveas aliasque cicatrices, & ad ambusta. Ab aliis tamen Oleis unguinosis nihil videtur diversum habere.

✕

BUTYRUM CACAO.

Rec. Nucum Cacao quant. vis:

Torreantur in Sartagine ferrea, donec a corticibus liberari queant: decorticatæ reducantur in pulverem crassiores, & includantur sacco linteo, qui aquæ bullientis vaporis tamdiu exponatur, usque dum vapor totum pulverem penetraverit: Sacco deinde inter preli laminas moderatè calefactas collocato, exprimatur Oleum, quod Balnei maris calore liquatum a fæcibus defundatur.

Consistentia, non viribus, differt ab aliis Oleis expressis.

UNGUENTA, CERATA, POMATA, BALSAMA UNGUINOSA.

Sub his denominationibus veniunt Medicamenta tactu mollia, modò Axungię Porcinæ, sive Butyri, modò sebi consistentiam habentia, leni affricu Corporis externis partibus applicanda.

Olea

Olea expressa & pinguedines animales usitataiora horum præparatorum sistunt excipientia: junguntur eis liquatione, dissolutione, vel simplici immixtione præcipuè Cera, Substantiæ resinosa, Balsama nativa, Metallorum Calces, aliaque plura sicca in tenerrimum Pulverem redacta.

Præparantur hæc Pharmaca ordinariò in pelvi ænea igni moderato, qui ingredientia neutiquam decomponere valet, superimposita, accedente agitatione lignea spatula vel pistillo, encheiresi ad quamque formulam exponenda.

UNGUENTUM ÆGYPTIACUM.

Rec. Viridis æris pulverisati unc. quinque,
Aceti Vini unc. septem,
Mellis unc. quatuordecim.

Mixta coquantur sub perpetua agitatione, donec, Mellis phlogisto revificato cupro, colorem rubrum, & Unguenti consistentiam acquisiverint.

Ulceras sordida, putrida detergit; Carnem spongiosam reprimat & absumat.

UNGUENTUM ALBUM CAMPHORATUM.

Rec. Axungiae porcinae unc. sexdecim,
Cerussæ pulveratae unc. octo,
Camphoræ, S. Q. Olei Olivarum solutæ . dragm. tres:
misceantur exactè.

Desiccat, refrigerat, discutit: adhibetur in excoriationibus & levibus inflammationibus: nocet in Erysipelate. In vase bene clauso servari debet, ne Camphora deperdatur.

UNGUENTUM ALTHEÆ.

Rec. Cerae citrinæ libr. unam,
 Terebinthinæ venetæ unc. tres,
 Resinæ libr. semis:
 liquentur leni igne in
 Olei Olivarum pint. una semis,
 - - - Lini pint. semis,
 & colentur per linteum.

Ab Olco e mucilaginibus, quod olim ad parandum hoc Unguentum adhibebatur, &, cum constet Olea expressa vegetabilium mucilaginem non solvere, jam ejectum est, nomen retinuit. Emolliens, relaxans, resolvens est.

UNGUENTUM BASILICUM.

Rec. Cerae flavæ,
 Resinæ,
 Picis nigræ,
 Terebinthinæ venetæ ana libr. semis:
 liquata moderato calore in
 Olei Olivarum pinta una,
 colentur.

Digerit; suppurationem promovet; ulcera detergit.

UNGUENTUM E LAPIDE CALAMINARI.

Rec. Cerae flavæ unc. octo :
liquefcant igne leni in .

Olei Olivarum pint. una :
ab igne remotis paulatim immisce

Lapidis Calaminaris præparati . . . libr. semis ,
& assiduè agita, donec refrixerit Unguentum. Vicem sup-
plet *Unguenti desiccativi*.

Excoriationes & ulcera optimè exsiccat.

UNGUENTUM FUSCUM vulgò DE LA MERE.

Rec. Lithargyrii præparati libr. tres ,

Olei Olivarum pint. quatuor :
coquantur sub perpetua agitatione, donec Fuscum colo-
rem atque Emplastri consistentiam acquisiverint; quo fac-
to, liquentur in eis

Cerae flavæ ,

Axungiae porcinae ,

Sebi ovilli ,

Butyri recentis ana libr. tres.

*Ob magnam quantitatem pinguedinum Lithargyrio addi-
tarum mitissimum exsiccat.*

UNGUENTUM MERCURIALE.

Rec. Mercurii vivi puri ,

Axungiae porcinae ana part. æquales :

terantur in Mortario marmoreo, donec Mercurius omnis extinctus fuerit, & nulli, dum parum hujus Unguenti superiori parti manus affricatur, appareant Globuli Mercuriales.

Si ad Mercurii partem unam recipiantur sex partes Axungiae, surgit *Unguentum Neapolitanum*.

Mercurii extinctio multum acceleratur, si Axungia recipiatur rancida, vel vetusti Unguenti Mercurialis portio miscelæ addatur.

Resolvens & antisiphiliticum est efficacissimum, quod non solum morbis topicis, sed etiam universali Lue opponitur, & reliquis Mercurium adhibendi methodis hæcenus palmam videtur præripere. Scrupuli duo, quatuor, sex alternis diebus, aut dimidiata dosis quotidie, magnæ corporis superficiei affricantur. Ut omnia Mercurii præparata, prudentem manum exigit: nam major dosis, & etiam in quibusdam subjectis multò minor salivationem excitat; os inflammat, exulcerat; horrenda symptomata producit, & minùs rectè lue curat. Omnes Cautelæ hujus loci non sunt.

UNGUENTUM NERVINUM.

Rec. Foliorum Salviæ,

- - - - - Lauri,

- - - - - Roris marini,

- - - - - Thymi,

- - - - - Pulegii,

- - - - - Origani . . . ana unc. quatuor semis:

incisa infundantur leni calore per quatriddum in

Olei Olivarum pint. tribus:
infusione peracta, colentur, & in colatura liqua

Ceræ citrinæ libr. unam semis,

Sebi ovilli libr. unam:

Unguento dein refrigerato immisce

Olei Essent. Roris marini unc. unam semis,

- - - - - Lavendulæ unc. semis.

Titulus virtutem exprimit : frigidis scilicet nervorum morbis opponitur, & membro paralytico, atrophico &c. affricatur.

UNGUENTUM NUTRITUM.

Rec. Lithargyrii præparati libr. semis,

Olei Olivarum lib. unam semis,

Aceti Vini libr. semis,

agitantur Pistillo ligneo in Vase figulino calidis cineribus imposito, donec penitus coierint, & albi coloris Unguentum constituent, in quo nullæ amplius Lithargyrii particulæ conspicuæ sint.

Refrigerat, exsiccat : adhibetur adversus excoriationes, pruritus ulcerum &c.

UNGUENTUM POPULEUM.

Rec. Gemmarum Populi recentium libr. tres:

immittantur in Vas figulinum, & eis affunde

Axungiae porcinae liquatae libr. sex:

Vas clausum reponatur in illud tempus, quo sequentia vegetabilia comparari queant recentia, scilicet

Papaveris albi,

Hyoscyami ana libr. una semis,

Solani libr. duæ,

Belladonæ libr. una:

contusa addantur miscelæ Axungię & Gemmarum Populi: coquantur ad consumptionem duarum tertiarum humiditatis; tum cola cum expressione, & Unguentum a fæcibus & residuo humido separa.

Quum a vegetabilibus hypnoticis hujus Unguenti vires dependeant, hæc sola, aucta dosi, in eo servavimus.

Refrigerans, emolliens, paregoricum est. Laudatur ad ambusta & non sine fructu dolentibus Hæmorrhoidibus applicatur: reliquæ laudes, quæ hinc inde apud Authores occurrunt, præjudicio nituntur.

UNGUENTUM ROSACEUM.

Rec. Axungię porcine quant. vis:
immitte in Pelvim figulinam, & Pistilli lignei ope lavetur
& subigatur cum Aqua Rosarum, donec ejus odore fuerit imbuta & nivem acquisiverit Alborem; tum immisce singulis Axungię libris

Olei Essent. Bergamot gutt. duodecim.

Potius ad Odoramenta, quam ad usus medicos adhibetur: cuti aridæ, fissæ, emolliendi ergo, a quibusdam applicatur. Ad hos usus æquivalet meræ Axungię.

UNGUENTUM DE STYRACE.

Rec. Gummi elemi ,
 Ceræ flavæ ana unc. quatuor semis ,
 Colophonix unc. novem :
 liquentur leni igne in
 Olei Olivarum pint. una :
 ab igne remotis addantur
 Styracis liquidæ unc. quatuor semis.

Cessante effervescencia, quæ a parte aquosa, quam Sty-
 rax liquida semper continet, exoritur, rursus leni expo-
 nantur calori, & agitentur perpetuò spatula lignea, donec
 omni humido evaporatione fugato, Unguentum denuo pel-
 luceat ; tum cola, & ubi refrikerit, a fæcibus separa.

Ulceribus laxis, putridis imponitur.

BALSAMUM ARCÆI.

Rec. Gummi Elemi,
 Terebinthinæ venetæ ana unc. sex ,
 Sebi Ovilli unc. octo ,
 Axungix Porcinæ unc. quatuor.
 Liquefcant lento igne & colentur.

Vulnerarium, digestivum est.

BALSAMUM LOCATELLI.

Rec. Olei Olivarum pint. unam semis ,
 Santali rubri pulverisati unc. tres :

digere usque dum Oleum rubro colore tinctum sit, tum
adde

Ceræ flavæ unc. octo,

Terebinthinæ venetæ unc. sexdecim:

leni igne liquatis, fatisque refrigeratis probè immisceantur

Balsami Peruviani unc. tres.

Extus vulnerarium est: intus laudatur ad Contusiones, Vulnera & Ulcera interna. Non mirum itaque si adversus Tussim, Hæmopthisim, Phthisim hinc inde commendatum reperiatur. Vitello Ovi subactum & duplæ quantitati Conservæ Rosarum rubrarum immixtum, tamquam vulnerarium, a Medicis anglis præscribitur.

CERATUM SATURNINUM.

Rec. Ceræ albæ libr. semis:

Pelvi figulinæ commissa liquetur addita

Olei Olivarum pint. una:

refrigeratis admisceantur sub assidua agitatione Pistillo ligneo

Extracti Saturni unc. quinque:

Resolvens, discutiens, quandoque reperiens est: hinc prodest levibus Inflammationibus; sæpe nocet Erysipelati.

LINIMENTUM CEREUM.

Rec. Ceræ albæ unc. unam,

Spermatis ceti unc. unam semis:

liquefiant lenissimo calore in

Olei Olivarum pint. semis:

ab

ab igne remota perpetuò agitentur , donec penitus refrigerint.

Emolliens , relaxans est.

POMATUM AD LABIA.

Rec. Ceræ albæ unc. octo ,

Spermatis Ceti unc. quatuor :

liquefiant in

Olei Olivarum pint. una :

liquatis adde

Aquæ Florum Aurantiorum pint. semis ,

Radicis Anchusæ contusæ unc. duas :

coquantur lento igne ad consumptionem humiditatis ; dein colatis & sufficienter refrigeratis immisce

Olei essent. Caryophyllorum gutt. tringinta sex.

Easdem cum præcedenti vires habet. Radix Anchusæ colorem , Aqua florum Aurantiorum & Oleum Cariophyllorum odorem conciliant. Cæterum nihil præstant.

TABELLÆ AD SCABIEM.

Rec. Mercurii vivi unc. unam semis :
dissolvatur leni calore in

Spiritus Nitri unc. tribus :
fumantur dein

Axungię porcinae libr. duæ :

his in vase figulino liquatis addatur præscripta mercurii dissolutio , ac miscela pistillo ligneo assiduè agitetur , donec

incipiat spiffefcere ; tum effunde in formam chartaceam , & refrigeratum Unguentum in Tabellas unciam dimidiam pendentes feca.

Oportet Mercurii diffolutio fit Aquæ adinfar diaphana , quod conftanter obtinget , fi fpiritus nitri receptus fuerit puriffimus ; fi vero is Acido vel vitriolico , vel muriatico inquinatus fit , Mercurius , eo momento , quo diffolvitur , præcipitatur , & loco Nitri Mercurialis fit ratione alieni immixti Acidi vel Vitriolum Mercurii , vel Mercurius præcipitatus albus.

Diffolutio mercurialis , dum mifcetur cum Axungia , decomponitur : Acidum Nitri fcilicet Saponis acidi fpeciem cum Axungia conftituit , & ab Acido derelictus Mercurius colorem citrinum Unguento conciliat.

Titulus ufum exprimit. Dragma dimidia vel integra quotidie brachiis vel tibiis affricatur. Cum major dofis omnes effectus unguenti Mercurialis pag. 268. defcriptos edere poffit , cautè potius cum his Tabellis procedendum eft.

EMPLASTRA , SPARADRAPA , CEREOLI.

Emplafta fiunt Medicamenta externa , folida , manibus tractata molefcientia & ductilia , parti , cui applicantur , fe agglutinantia,

Fiunt ex pinguibus , oleofis , plurimisque fubftantiis ficcis , æquè ac Unguenta , eademque inftrumenta cum illis

communia habent : soliditatem suam debent vel Ceræ , Resinis , vel Calcibus saturninis ; illa non aliam quam unguenta encheiresim postulant , hæc verò sequenti modo præparantur : Plumbi Calx atque Oleum cum addita sufficiente quantitate Aquæ igni imposita , sub perpetua agitatione , coquuntur , Aquæ , quæ impedit quo minus Oleum aduratur , ea ratione , qua exhalat , novam substituendo ; donec dicta Calx in Oleo penitus dissoluta sit : deinde superstes Aqua leni calore evaporatur , & Emplastro ab igne remoto & paululum refrigerato reliqua ingredientia probè immiscuntur.

Succi concreti gummeo-resinosi in sufficiente quantitate aquæ solvantur , colentur , & ad Extracti spissioris consistentiam leni calore reducantur , priusquam Emplastro addantur.

Lintecolum Emplastro utrinque æquabiliter illinitum *Sparadrapum* , vel *tela Emplastica* appellatur : hoc verò *Sparadrapum* , si in tenues cylindros superficie lævi , eaque crassitie , ut in Urethram introduci possint , donatos convolvatur , *Cereoli* vel *Candeolæ* nomine venit.

Emplastra , dum præparata sunt , in Bacillos cylindricos , quos *Magdaleones* vocant , efformari solent.

EMPLASTRUM DE CICUTA.

Rec. Ceræ citrinæ unc triginta duas ,
 Olei Olivarum pint. unam :

leni calore colliquatis probè immisceantur

Extracti Cicutæ unc. sexdecim ,
 Gummi ammoniaci colati libr. semis ,
 Pulveris Cicutæ libr. una.

Laudatissimum resolvens est, quod tumoribus duris, scirrhosis imponi solet, dum interim Cicutæ usus internus tentatur.

EMPLASTRUM COMMUNE.

Rec. Lithargyrii pulverisati libr. tres ,
 Olei Olivarum pint. quatuor ,
 Aquæ communis quant. satis :
 coquantur sub continua agitatione, Aquam evaporatam nova subinde supplendo, donec Lithargyrium dissolutum fuerit, atque massæ debita sit consistentia.

Excoriationes, vulnera, ulcera emollit, fovet, ab aëre defendit, exsiccat: hinc communissimè adhibetur.

EMPLASTRUM DEFENSIVUM RUBRUM.

Rec. Ceræ citrinæ libr. quinque :
 liquentur leni calore in

Olei Olivarum pint. una semis :
 ab igne remotis & penè refrigeratis immisceantur

Minii ,

Pulveris Boli armenæ ana unc. sexdecim ,

- - - - - Olibani ,

- - - - - Mastichis ana unc. duæ ,

Camphoræ, S. Q. Olei subactæ, unc. una.

*Ad arcendam inflammationem & acrium humorum de-
fluxum Vulneribus & Ulceribus imponi solet. Has vires tamen
non videtur possidere.*

EMPLASTRUM DIACHYLON CUM GUMMI.

Rec. Emplastri communis libr. quatuor,

• Cerae flavæ,

Terebinthinæ venetæ ana unc. tres:
colliquata ab igne removeantur, & dum sufficienter refri-
gerata sunt, eis probè immisce

Gummi ammoniaci colati,

Galbani colati ana unc. quatuor.

Vicem supplet *Emplastri de Galbano.*

*Emolliens, digerens, maturans, resolvens est, & tam-
quam tale Abcessibus difficulter suppurantibus, quin etiam
jam apertis, adversus superstitem duritiem, imponitur.*

EMPLASTRUM DIAPALMÆ.

Rec. Lithargyrii pulverisati,

Axungia porcinae ana libr. tres.

Olei Olivarum pint. duas semis,

Aquæ communis quant. satis:

fiat massa emplastica modo ad *Emplastrum commune* exposito.

*Ulceribus laxis, spongiosis, sordidis, tamquam exsiccans,
applicatur.*

EMPLASTRUM DIAPOMPHOLYGOS.

Rec. Ceræ albæ libr. tres semis:

liqua lento igne in

Olei Olivarum pint. duabus semis:

deinde ab igne remotis admisce

Pulveris Pompholygos,

- - - - - Cerussæ ana unc. octodecim,

- - - - - Plumbi usti unc. decem,

- - - - - Olibani unc. quatuor semis.

Præcedentis vires habet.

EMPLASTRUM EPISPASTICUM, five VESICATORIUM.

Rec. Ceræ citrinæ unc. duas,

Picis nigræ,

Terebinthinæ venetæ ana unc. sex:

leni calore colliquatis & ab igne remotis immisce

Pulveris Cantharidum unc. quatuor,

- - - - - Euphorbii unc. semis.

*Titulus virtutem exprimit: supra corium scilicet extensum, & cuti applicatum eandem in vesicam attollit. Ut certius agat factō Emplastro Pulvis Cantharidum superin-
spergi solet. In multis tamen casibus sibi sufficit.*

EMPLASTRUM GRISEUM, seu E LAPIDE CALAMINARI.

Rec. Cerae albæ unc. octo,
 Sebi ovilli unc. decem,
 Terebinthinæ venetæ libr. semis:

leni igne colliquatis admisce

Lapidis calaminaris præparati unc. sexdecim,
 Camphoræ, S. Q. Olei Olivarum subactæ, unc. semis.

Optimè exsiccat, & Ulceribus cicatricem inducit.

EMPLASTRUM E MELILOTO five EMOL- LIENS.

Rec. Cerae albæ libr. duas,
 Sebi ovilli libr. unam:

liquefiant leni calore cum

Olei Lini pint. semis:

deinde immisceantur

Pulveris florum meliloti unc. decem,

- - - - - baccarum lauri, unc. duæ.

Titulus vires designat.

EMPLASTRUM MERCURIALE.

Rec. Emplastri communis libr. tres:

leni calore liquato & sufficienter refrigerato probè immisce

Unguenti mercurialis libr. unam,

Olei essent. lavendulæ drachm. unam.

Tamquam resolvens, discutiens tumoribus duris, præsertim a causa venerea productis, applicatur. Ut omnia mercurialia quandoque os afficit.

EMPLASTRUM NIGRUM CAMPHORATUM.

Rec. Cerussæ pulverisatæ libr. tres :
dissolvantur coctione in

Olei Olivarum pint. quatuor :
addantur dein

Ceræ citrinæ unc. novem,
& protrahatur coctio, donec acquisiverint Emplastri consistentiam; tum removeantur ab igne, & dum penè refrigeruerint, immisceantur

Camphoræ, S. Q. Olei Olivarum solutæ, . unc. tres.

Virtus refrigerans, resolvens, anodina passim ei solet adscribi.

EMPLASTRUM OXYCROCEUM.

Rec. Ceræ flavæ,

Resinæ,

Picis burgundicæ,

Terebinthinæ venetæ ana unc. sex:

leni igne colliquatis admisce

Gummi Ammoniaci colati,

Galbani colati ana unc. duas,

Pulveris mastichis,

- - - Myrrhæ,

Pulveris

Pulveris Olibani ana unc. quatuor ,
 - - - - - Croci unc. duas.

Resolvens , anodinum , roborans creditur. Multis laudibus extollitur , & præsertim doloribus partium tendinearum & ligamentosarum a distræctione vel contusione ortis opponitur.

EMPLASTRUM SAPONACEUM five E SAPONE.

Rec. Emplastri communis libr. duas ,
 - - - - - Diachyli cum gummi . . . libr. unam :
 lento igne liquefactis admisceantur , pistillo ligneo validè
 agitando ,
 Saponis albi rafi unc. novem.

Emolliens , relaxans , resolvens est.

EMPLASTRUM DE SPERMATE CETI.

Rec. Ceræ albæ libr. unam ,
 Spermatis Ceti ,
 Sebi ovilli ana libr. semis ,
 Olei Olivarum pint. semis :
 leni calore colliquescant.

Vicem supplet emplastri *Filii Zachariæ.*

Emollit , relaxat.

SPARADRAPUM AD FONTICULOS.

Rec. Ceræ albæ unc. sexdecim ,
 Terebinthinæ venetæ unc. octo :
 lento igne liquatis admisce

Cinnabaris factitiæ præparatæ unc. duas ,
 & fluidæ adhuc massæ immittantur lintea usu detrita , ut
 fiat sparadrapum.

Titulus usum exprimit.

CEREOLI COMMUNES.

Rec. Cerae flavæ libr. tres :
 liqua leni calore in

Olei Olivarum unc. sex :
 ab igne remotis immisce

Salis Saturni, S. Q. Olei triti, . dragm. duas semis :
 dein immerge telas detritas , ut fiat Sparadrapum , e quo
 arctè convoluto formentur S. A. Cercoli, calamus cir-
 citer crassi & duodecim pollices longi.

*Adversùs ulcera, coarctationes & Carnosas excrescentias
 a Gonnorrhœa relictas in Urethram introducuntur. Stimulo
 suo copiosam excretionem muci purulenti, qui a vulgo mate-
 ria Gonnorrhœæ olim retenta falsò creditur, excitare solent.
 Prudentem manum exigunt: nam sævos non rarò dolores &
 quandoque Testiculorum inflammationem producunt.*

EXTRACTA, RESINÆ, ROB.

Extracta vocantur substantiæ vel melleæ , vel Pilularis ,
 vel ficcæ consistentiæ , ex Infusis, Decoctis , & Succis ex-
 pressis , blandæ evaporationis beneficio , paratæ.

Patet igitur, Extractum constare omnibus partibus in inspissando Succo expresso, & Menstruo, quod ad extractionem adhibitum fuerit, contentis, quæ calore ebullientis Aquæ non avolant.

Sunt vel simplicia vel composita: priora respectu eorum partium constituentium rectè a Cl. BAUMÈ dividuntur in quatuor genera, quorum primum *Extracta Gummosa*, secundum *Gummeo-Resinosa*, tertium *Saponacea*, & quartum denique *Resinosa*, sive *Resinæ* propriè dictæ constituunt.

In Extractis saponaceis Resina cum substantia Gummosa ope principii salini adeò arctè cohæret, ut in Aqua planè dissolubilis sit; Gummeo-Resinosa verò solutionem præbent turbidam, ex qua percolatione multum Resinosæ substantiæ separari potest.

Fructuum Succum inspissati *Rob* vel *Rohob* nomine veniunt, iisque Saccharum, ut austerus sapor tollatur, plerumque additur.

Serventur Extracta in vasis rite obturatis, ne humiditate, quam eorum plurima faciliè attrahunt, alterentur.

Omnia Extracta simplicia simplicium, e quibus parantur, vires habent.

EXTRACTUM ABSINTHII.

Rec. Herbæ Absinthii vulgaris quant. vis :
coquatur horæ quadrantem in vigecuplo Aquæ pluvialis :

trajiciatur decoctum per setaceum cum expressione, & clarificetur Albumine Ovorum: tum coletur per pannum laneum, vaporet citra ebullitionem ad Syrupi consistentiam, & protrahatur dein evaporatio, ne Empyreuma contrahat, Balneo Maris, donec acquisiverit densi Mellis spissitudinem.

Eodem modo præparantur

EXTRACTUM CHAMÆMELI.

----- CARDUI BENEDICTI.

----- CENTAURII MINORIS.

----- FUMARIÆ.

----- GENTIANÆ. Ex rad.

----- GRAMINIS ET TARAXACI. Ex corum radicum partibus æqualibus.

----- HELENII. Ex rad.

----- HELLEBORI NIGRI. Ex rad.

----- RHABARBARI. Ex rad.

----- TRIFOLII FIBRINI.

EXTRACTUM CICUTÆ.

Rec. Herbæ recentis Cicutæ quant. vis : contundatur in Mortario lapideo : sacco dein linteo inclusam committe prelo, & exprime Succum, qui mox cum inhærente foccula vaporet Balneo Maris, accedente agitatione spatula lignea, ne grumos exhibeat, in consistentiam massæ Pilularis.

Eodem modo præparantur

EXTRACTUM ACONITI.

- - - - - HYOSCYAMI.

- - - - - PULSATILLÆ NIGRICANTIS.

- - - - - STRAMONII.

EXTRACTUM CORTICIS PERUVIANI.

Rec. Corticis peruviani crassè pulverisati . . . libr. tres:
affundantur

Vini albi pint. quatuor,

Spiritus Vini gallici pint. duæ,

& digerantur leni calore per quatrimum, vas subinde agitando: Tinctura dein decantetur, ac residuum coquatur horam dimidiam cum Aquæ pluvialis pintis viginti quatuor: decoctum tum addatur Tincturæ; colentur, & sub assidua agitatione vaporent modo ad *Extractum Absinthii* exposito in consistentiam densi Mellis.

EXTRACTUM CORTICIS PERUVIANI SICCUM,
SEU SAL ESSENTIALE CORTICIS PERUVIANI
COMITIS DE LA GARAYE.

Rec. Corticis peruviani pulverisati unc. duas:
lagenæ vitreæ immixtis adde

Aquæ puræ frigidæ pint. sex,

& fiat, lagenam pluries in die agitando, per biduum infusio: liquorem dein per chartam bibulam filtra, & len-

to igne evapora ad remanentiam pintæ dimidiæ: tum effundatur super plura fercula porcellanea, & fiat calore Balnei Maris evaporatio ad ficcitatem; deinde Extractum cuspidæ cultri sub tenuium lamellarum forma a ferculis separa, & in lagenula bene obturata asserva.

Eodem modo fit

EXTRACTUM SICCUM LIQUIRITIÆ. Ex rad.

EXTRACTUM MYRRHÆ.

Rec. Myrrhæ crassiusculè contusæ . . . libr. unam:
affunde

Aquæ fervidæ pint. sex,
& fiat per biduum maceratio: cola dein per pannum laneum & Balneo Maris ad consistentiam pilularem inspissa.

EXTRACTUM OPII .GUMMOSUM five EXTRACTUM HOMBERGII.

Rec. Opii crudi incisi libr. unam:
coquatur per horam dimidiam cum

Aquæ pluvialis pint. sex,
coletur Decoctum cum expressione, & residuo nova Aqua affusa, coctio repetatur, ut quidquid in Aqua solubile sit extrahatur: trajiciatur tum omnis liquor per pannum laneum, & evaporatione ad tres pintas reductus immitatur Cucurbitæ stannæ: reponatur dein Cucurbita in Balneo Arenæ, & instituatur digestio Igne intenso satis, ut liquor leviter ebulliat: protrahatur digestio tali calore

per plures hebdomadas , Aquæ evaporatæ subinde novam substituendo , donec tandem Decoctum , omni graveolentia amissa , non alium amplius spiret odorem , quam qui observatur sub præparatione Extracti alicujus Plantæ inodoræ : deinde liquor refrigeratus percolatione à sedimento secernatur , & Balnei Maris calore ad massæ pilularis consistentiam inspissetur.

Operatio intra duos menses ordinariò absolvitur , cætamen lege , ut liquor dies noctesque ebulliat.

Præcipuæ Opii partes constituentes sunt substantia gummosa , materies resinosa , ac Oleum crassum : in præparatione nostra gummosa substantia sola servatur ; hinc hoc extractum in Aqua , etiam frigida , dissolutionem præbet pellucidam. Resina , quæ quartam circiter Opii partem constituit , post aliquot dierum digestionem incipit præcipitari , fundo Cucurbitæ se agglutinans , a quo spatula lignea identidem removeatur : eodem fere tempore apparet in Decocti superficie Oleum , quod sub digestionem sensim decomponitur ; pars scilicet tenuior in auras dissipatur ; pars verò spissior fundum petit , ac se immiscet præcipitatae Resinæ : hæc quoque multum mutatur : pro majori enim parte amittit tenacitatem , friabilis fit , & in Vini Alkohole non amplius dissolvitur.

Hoc Opii præparatum cum resinosa parte & Oleo videtur vires calidas , exstimulantes deposuisse , & solas sedantes , anodinas retinere : ita ut in multis casibus , in quibus

ob vim circulum intendendi Opium suspectum foret, tutò adhiberi possit. Rarissimè vomitum excitat, quod Opio non infrequens est. Multò minùs etiam alvum adstringit. Dosis granum unum, duo, tria; in quibusdam casibus longè major. Vide in Materia Medica, OPIUM.

EXTRACTUM CATHOLICUM.

Rec. Pomorum Colocynthis unc. tres,
 Agarici albi,
 Radicis Hellebori nigri ana unc. duas:
 Contusa coquantur cum
 Aquæ pluvialis pint. quatuor
 ad dimidium; Colatura vaporet Balnei Maris calore ad
 Mellis crassitudinem, & immisceantur
 Pulveris Aloës succotrinæ unc. quatuor,
 - - - - Scammonci aleppensis unc. duæ.

Ad grana quatuor, sex, octo alterans est potentissimum, quod in obstinatissimis quibusdam casibus opem ferre potest: ad grana duodecim, sedecim, viginti purgans est acerrimum. Ad dragmam unam alteramve, ut efficacissimè alvus sollicitetur, enematribus additur.

LAUDANUM OPIATUM BELLEFONTAINE.

Rec. Opii colati unc. unam:
 immisceantur in mortario ferreo, addita
 Spiritus Vini gallici suffic. quantitate,
 Pulveris Croci dragm. semis,
 Pulveris

Pulveris Castorei fiberini scrup. duo,
- - - - Nucis moschatae . . . scrup. quatuor,
ut fiat Extractum consistentiæ massæ pilularis.

Cum tantum ad granum unum alterumve præscribi possit, solas ferè Opii vires habet.

RESINA JALAPPÆ.

Rec. Radicum Jalappæ crassè contusarum . libr. quatuor:
affunde

Alkoholis Vini pint. sex :
 digere leni calore per biduum ; deinde tinctum Vini Al-
 kohol decantetur ; novum , pauciori verò quantitate, af-
 fundatur residuo , & digerantur ut priùs : labor hic re-
 petatur , usque dum Spiritus non amplius tingatur : omnis
 tum Tinctura filtretur per chartam emporeticam , &
 destillet e Balneo Maris ad quartæ partis remanentiam,
 residuæ concentratæ Tincturæ admisceatur larga copia
 Aquæ pluvialis , & per unum alterumve diem reponan-
 tur, ut præcipitetur Resina , quæ , decantato superna-
 tante liquore , immittatur Conchæ Vitreæ , ac lenissimo
 calore ficcetur.

Refina hæc ex Hollandia arcessita sæpè cum Colophonia aliisque substantiis refinosis adulterata est, quæ fraus difficillimè detegitur: hinc Pharmacopœi eam ipsi parent.

Resina Jalappæ præparata STAMILLII surgit, si ea cum æquali parte Amygdalarum dulcium probè teratur.

coupe onces de jalap choie et bien sec ^{N 11} donnez breuvé on
4. t. m. d'écouteur

Resina hæc longa trituratione aliis immixta & sic multum divisa adhiberi debet: alioquin, cum humoribus nostris difficillimè solvatur, intestinorum parietibus pertinaciter adhæret, & tormina sævissima, hypercatharsim ac etiam intestinorum inflammationem producere potest. Ritè præscripta ad grana sex, octo, decem feliciter alvum ducit. Pluribus aliis Pilulis purgantibus pro stimulo additur.

Eodem modo præparantur

RESINA CORTICIS PERUVIANI.

- - - - GUAJACI. Ex gumm.

- - - - SCAMMONEI.

ROB JUNIPERI.

Rec. Baccarum Juniperi maturarum recentium leniter contusarum libr. octo;
coquantur per quadrantem horæ ex

Aquæ pluvialis. suffic. quantitate:
trajiciatur decoctum per pannum lincum, &, addita

Sacchari albi libr. semis,
vaporet Balnei Maris calore ad densi Mellis spissitudinem.

Laudatur tamquam stomachicum, & præsertim adversus languorem viarum urinariarum a senectute inductum. Tamquam diureticum commendatur in Hydrope: in ultimum scopum dentur plures uncie quotidie.

ROB SAMBUCI.

Rec. Succı Baccarum maturarum Sambuci recentis . pint. sex:
colentur per pannum laneum : addantur

Sacchari albi libr. tres ,
& evaporentur citra ebullitionem , agitando spatula lignea ,
in consistentiam denſi Mellis.

*Ad uncias aliquot quotidie ſumptum præſtans , tutum
antiphlogiſticum , reſolvens eſt.*

S Y R U P I.

Syrupi dicuntur Medicamenta liquida e Decoëtis , Suc-
cis , aut Infuſis cum Saccharo ſive Melle ad conſiſtentiam
poſterioris , dum illud loco humido in deliquium abiit , in-
ſpiſſatis præparata.

Syrupi, qui e Decoëtis fiunt , Clarificationem poſtulant,
priuſquam ad debitam conſiſtentiam reducantur : Clarificatio
autem ſequenti modo peragitur : ad quodque quatuor libra-
rum pondus Sacchari recipitur unius Ovi Albumen ; agi-
tatur hoc in ſpumam , additis aliquot unciis Decoëti tepidi ,
quod præſcriptam in formula quantitatem ſacchari modò
diſſolutam tenet : cum reliquo dein Decoëti , illud ſenſim &
ſub aſſidua agitatione aſſundendo , commiſcetur : coquuntur ,
& coagulato Albumine , per pannum laneum colantur.

Juſta erit Syrupi ſpiſſitudo , ſi ejus gutta politæ ſuper-
fici inſtillata non amplius diſſuat : æſtate tamen , cum

omnia liquida tunc temporis fluidiora evadant , ad consistentiam paulò spissiore redigendi sunt.

Serventur Syrupi in loco frigido simul & sicco , ne fermentent vel situm contrahant.

Syrupi ad conciliandum gratiorem saporem plerumque aliis Medicamentis adjici solent : sic in tam parca copia ordinariò assumuntur , ut solas pauci Sacchari vires habeant.

SYRUPUS ALTHÆÆ.

Rec. Radicis Althææ recentis libr. semis ,
 - - - - Liquiritiæ ,
 Herbæ Capilli Veneris ana unc. tres :
 incisæ coquantur ex
 Aquæ pluvialis pint. duodecim
 ad remanentiam pintarum octo : in colatura dissolve
 Sacchari depurati libr. duodecim ,
 & clarificata inspissentur leni ebullitione ad Syrupi consistentiam.

Demulcens , obvolvens est.

SYRUPUS APERIENS , VULGÒ SYRUPUS E QUINQUE RADICIBUS.

Rec. Radicis Apii ,
 - - - - Fœniculi ,
 - - - - Petroselini ,
 - - - - Taraxaci ana unc. tres :

incisas coque cum

Aquæ pluvialis pint. duodecim
ad colaturæ pintas octo ; tum adde

Sacchari depurati libr. duodecim,
&, prægressa clarificatione, vaporent ad consistentiam Sy-
rupi.

Titulus vires exprimit. Ferè iners medicamentum est.

SYRUPUS ARTEMISIÆ.

Rec. Herbæ Artemisiæ incisæ unc. novem,
Aquæ pluvialis pint. sex :
coque ad tertiæ partis consumptionem : Colaturæ adde

Sacchari albi libr. sex :
clarificentur, & evaporentur in Syrupum spissorem, cui
refrigerato immisce

Spiritus Cinnamomi unc. tres,
Tincturæ Castorei unc. unam.

*Morbis hystericis opponi solet. Si ad uncias daretur, ra-
tione Tincturæ Castorei, aliquid posset efficere.*

SYRUPUS ANTISCORBUTICUS.

Rec. Succı recentis Foliorum Cochleariæ,
- - - - - Beccabungæ,
- - - - - Nasturtii aquatici,
- - - - - Radicum Armoraciæ,
- - - Aurantiorum,
Vini generosi ana pint. semis,

Spiritus Cochleariæ ;

- - - Cinnamomi ana unc. duas ,

Corticum Aurantiorum recentium unc. unam :

mixta digerantur frigidè in lagena vitrea probè clausa identidem agitanda , donec subsederint fæces : liquor dein filtretur per chartam bibulam , & vase clauso in eo dissolvantur Balnei Maris calore

Sacchari albi pulverisati libr. octo.

Gratum & præstans Medicamentum antiscorbuticum efficit ; modo ad uncias aliquot quotidie præscribatur.

SYRUPUS BALSAMICUS.

Rec. Balsami peruviani sicci triti unc. unam :
dissolvatur in

Vini Alkoholis unc. quatuor ,
& effunde dissolutionem super

Sacchari albi crassiusculè confraçti libr. tres :
Saccharum , dissipato evaporatione spontanea in aëre libero
Alkohole , aliquandiu teratur , & , affusa

Aquæ pluvialis pint. una ,
exponatur in vase clauso Balnei Maris calori , donec dissolutum sit.

Omnes Balsami peruviani vires possidet , & optima methodus est hoc Medicamentum exhibendi.

SYRUPUS E CICHIOREO CUM RHEO.

Rec. Radicum Taraxaci unc. quatuor semis :
incisæ coquantur ex

Aquæ pluvialis pint. sex
ad tertiæ partis consumptionem: trajiciatur Decoctum per
setaceum: fervens etiamnum affunde

Radicis Rhei incisæ unc. quatuor,
& fiat per duodecim horas Infusio: expressæ Colaturæ dein
addantur

Sacchari depurati: libr. sex,
clarificentur, & coquantur in Syrupum, cui refrigerato
admisce

Spiritus aromatici unc. duas.

*Ad laxandum alvum ad unam alteramve unciam infan-
tibus præscribi solet. Solas Rhei vires habet.*

SYRUPUS CORTICUM AURANTIORUM.

Ree. Corticum curassavensium incisorum . . . libr. unam,

Aquæ bullientis pint. quatuor:
infunde vase clauso per biduum: colato Infuso adde

Sacchari albi libr. sex,
clarifica, & inspissa leni calore in Syrupum, cui, dum re-
frigerit, immisce

Spiritus Corticum Citri unc. duas.
vicem supplet Syrupi Corticum Citri.

*Præstans Medicamentum efficit, quod omnes analepticas
& carminativas Corticum Aurantium vires habet.*

SYRUPUS CORTICIS PERUVIANI.

Rec. Pulveris craffi Corticis peruviani . . . unc. tres,
 Vini rubri pint. unam :
 digere per oëtiduum; deinde Tincturam per chartam bibulam
 filtra, & Balnei Maris calore in ea vafe obturato diffolve
 Sacchari albi pulverifati libr. tres.

*Græta pueris Corticis peruviani præparatio eft, qua non
 folùm debili ftomacho tonus redditur, fed etiam febres fu-
 gari poffunt.*

SYRUPUS EMULSIVUS vel AMYGDALINUS.

Rec. Amygdalarum dulcium. libr. duas,
 - - - - - Amararum : unc. quatuor :
 decorticatæ contundantur in mortario lapideo cum fufficiente
 quantitate Aquæ in paffam : tum fenfim affunde
 Aquæ pluvialis pint. duas,
 ut fiat Emulfio, quam forti expreffione cola per linteum :
 in colatura dein leni calore diffolvantur.

Sacchari albi libr. fex,
 & refrigerato Syrupo immifceantur

Aquæ Florum Aurantiorum unc. duæ,
 Spiritus Corticum Citri unc. femis.

Lagenæ, in quibus hic Syrupus affervatur, aliquando con-
 cutiendæ funt, ut partis oleofæ feparatio præveniatur.

*Sufficienti quantitate Aquæ dilutus gratum, demulcentem
 potum, Orgeat vulgò dictum, conftituit.*

SYRUPUS

SYRUPUS DE ERYSIMO.

Rec. Herbæ Erysimi recentis incisæ . . . libr. duas,
 Radicis Helenii recentis incisæ. . . unc. quatuor,
 Foliorum Rorismarini,
 Seminis Anisi contusi . . . ana unc. unam :
 cucurbitæ immixta infunde quadrihorium cum

Aquæ ferventis . . . pint. sex :
 abstrahatur dein igne nudo pinta semis liquoris, in qua dis-
 solve vase clauso

Sacchari albi pulverisati . . . libr. unam semis,
 ut fiat Syrupus : tum coletur cum expressione Decoctum
 a Destillatione superstes : addantur

Sacchari depurati . . . libr. quatuor,
 Mellis albi . . . libr. una :
 & , præmissa clarificatione , coquantur in Syrupum , cui
 prior Syrupus admisceatur.

*Ad laxum , debilem pulmonem exstimulandum & sputa
 viscida attenuandum , in morbis pectoris adhibetur. Præstans
 satis Remedium est, si in sufficiente copia præscriberetur.*

SYRUPUS MENTHÆ.

Rec. Menthæ crispæ . . . libr. unam,
 Rosarum rubrarum . . . unc. tres,
 Nucis moschatae,
 Cinnamomi . . . ana unc. unam :
 incisa & contusa digerantur leni calore dies quatuor cum
 Succo Cydoniorum,

Vini albi ana pint. una semis :
 liquor dein filtretur , & Balnei Maris calore vase obturato
 in eo dissolvantur

Sacchari albi pulverisati libr. novem.

*Tamquam carminativum , roborans , antiemeticum in mul-
 tis primarum viarum morbis adhibetur.*

SYRUPUS PAPAVERIS ALBI, sive DE MECO- NIO, vulgò DIACODION.

Rec. Caputum Papaveris albi a Seminibus purgatorum . libr.
 duas :

incisa coquantur cum

Aquæ pluvialis pint. quatuordecim
 ad dimidium : Colaturæ expressæ addantur

Sacchari depurati libr. decem :
 clarificentur , & coquantur ad consistentiam Syrupi.

*Demulcens , anodinus est ; somnum conciliat , & omnes
 Opii vires habet. Datur Infantibus ad dragmas duas , un-
 ciam dimidiam ; Adultis ad dragmas sex , unciam integram.*

SYRUPUS PAPAVERIS RHEADOS.

Rec. Florum Papaveris rheados libr. semis ,

Aquæ bullientis pint. sex :
 infunde per noctem : Colaturæ expressæ addantur

Sacchari depurati libr. sex ,
 & clarificata coquantur ad consistentiam Syrupi.

Adversus morbos pectoris præsertim laudari solet. Iners Medicamentum est.

SYRUPUS ROSARUM PALLIDARUM.

Rec. Petalorum Rosarum pallidarum recentium . libr. duas :
contusa infundantur per noctem in

Aquæ bullientis pint. quatuor :
in Colatura fortiter expressa dissolvantur

Sacchari depurati libr. quatuor :
dein clarificentur, & coquantur ad Syrupi consistentiam.

*Ad unum alterumve coclear ad laxandum alvum infanti-
bus exhibetur. Non malè enematribus additur.*

SYRUPUS E ROSIS SICCIS.

Rec. Petalorum Rosarum rubrarum exungulatorum libr. unam,

Aquæ bullientis pint. sex :
infundantur horas duodecim : expressæ Colaturæ addantur

Sacchari albi libr. sex ,
& , præmissa Clarificatione , inspissentur ad consistentiam
Syrupi.

Dum loco Sacchari recipiuntur Mellis albi libræ novem ,
furgit *Mel Rosarum*.

*Leniter adstringit. Adversus hæmorrhagias & alvi fluxus
profusiores præscribi solet. Vix aliquid præstat.*

SYRUPUS SAMBUCI.

Rec. Succi Baccarum maturarum Sambuci recentis . pint. sex :
addantur

Sacchari depurati libr. novem ,
& clarificata coquantur ad Syrupi consistentiam.

Ut Rob ; antiphlogisticus , resolvens est.

SYRUPUS SIMPLEX.

Rec. Sacchari albissimi libr. tres :
Aquæ pluvialis pint. unam ,
fiat unica ebullitione Syrupus.

Ob solum dulcorem adhibetur.

SYRUPUS E RHAMNO CATHARTICO ,
five E SPINA CERVINA.

Rec. Succí recentis defæcati Baccarum maturarum Rhamni
cathartici pint. unam semis ,
Sacchari albi libr. duas :
vasi argenteo , five figulino non vitreato immissa leni ca-
lore inspissentur in Syrupum , cui refrigerato addantur
Spiritus aromatici unc. duæ.

Vires vide pag. 158. Dosis uncia dimidia , integra , & ultra.

SYRUPUS E SUCCO CITRI.

Rec. Succi Citri defæcati pint. duas :

immittantur vasi vitreo vel argenteo, & in eis leni calore dissolvantur

Sacchari albi libr. sex,
ut fiat Syrupus,

Eodem modo præparantur

SYRUPUS ACETI. Ex Aceto Vini.

- - - - - E SUCCO AURANTIORUM.

- - - - - Cydoniorum.

- - - - - MORORUM.

- - - - - RIBESIORUM.

Omnes hi Syrupi refrigerant, sitim potenter sedant, antiphlogistici & antiseptici sunt.

SYRUPUS VIOLARUM.

Rec. Petalorum Florum Violarum recentium . libr. unam
femis :

contundantur in mortario marmoreo, & infundantur per
noctem cum

Aquæ pluvialis fervidæ pint. duabus :
in Colatura dein leni calore dissolvantur

Sacchari albissimi libr. sex,
ut fiat Syrupus.

*Tamquam demulcens & alvum laxans ad unum alterumve
coclear Infantibus præsertim præscribitur. Diu asservatus co-*

lorem pulchrè cœruleum deperdit : huic vitio aliqui , adjecta alia materia colorante , obviam ire excogitarunt : quin non defuerunt , qui ita sine Violis hunc Syrupum conficerent , odorem Violarum Radice Iridis florentinæ imitantes. Fraus admixto Acido vel Alkali detegi potest : prius colorem cœruleum Violarum mutat in rubrum ; posteriùs in viridem.

Eodem modo fit.

SYRUPUS FLORUM TUNICÆ.

OXIMEL SIMPLEX.

Rec. Aceti Vini pint. tres ,

Mellis albi libr. novem :

coquantur in vase argenteo , aut figulino non vitreato , auferendo spumam , donec acquisiverint Syrupi consistentiam.

Gratum , mite & tutum refrigerans ; attenuans , detergens , resolvens , antisepticum est , quod in morbis , tam putridis quam inflammatoriis , multum adhibetur , & summis laudibus extollitur. In morbis acutis pectoris tam multum videtur efficere , ut aliqui sine Oximellite Pleuritidem curari non posse contenderint. Dentur plures uncie quotidie.

Eodem modo fiunt.

OXIMEL COLCHICUM. Ex Aceto Colchico.

- - - - - SCILLITICUM. - - - - - Scillitico.

Vires horum vide in Materia Medica.

T A B E L L Æ.

TABELLÆ ANTACIDÆ.

Rec. Pulveris Magnesiæ albæ unc. semis ,
 - - - - Cinnamomi drag. unam ,
 - - - - Sacchari albi unc. tres ,
 Olei essent. Caryophyllorum gutt. quatuor :
 misceantur in mortario lapideo , & addatur
 Mucilaginis Tragacanthæ suffic. quantitas ,
 ut fiat massa , ex qua formentur
 Tabellæ tringinta.

Titulus vires indicat.

TABELLÆ MARTIALES.

Rec. Æthiopis martialis unc. unam ,
 Pulveris Cinnamomi drag. duas ,
 - - - - Sacchari albi unc. quatuor :
 fiant cum
 Mucilaginis Tragacanthæ suffic. quantitate
 Tabellæ quadraginta octo.

Pro viribus vide in Materia Medica , FERRUM.

TABELLÆ AD VERMES.

Rec. Mercurii dulcis drag. semis ,
 Sacchari albi pulverisati unc. duas :
 probè misceantur in mortario marmoreo , & fiant , addita

Mucilaginis Tragacanthæ . . . suffic. quantitate
 Tabellæ triginta.

Vide in Chemicis MERCURIUS DULCIS.

AQUÆ DESTILLATÆ.

Aquæ destillatæ vel stillatitiæ sunt liquores fragrantēs, dum recentes sunt, turbidi, abstractione Aquæ simplicis vel Vini super certas species, copiosis partibus volatilibus instructas, obtenti.

Subiecta igitur huic operi apta non alia esse possunt, quam quæ notabiliorem spirant odorem.

Aquæ distillatæ dividi solent in simplices & compositas; illæ super unicam, hæ super plures species abstrahuntur.

Præter has Aquas medicas Aquæ destillatæ nomine quoque venit Aqua quæcumque simplex in vase destillatorio per se in altum evecta.

Omnes hæ Aquæ continent certam quantitatem Olei essentialis adhibitæ speciei: habent ergo vires hujus Olei multa aqua diluti: in plurimis tanta Aquæ proportio est, ut vix aliquid, quam aliis Medicamentis vehiculo esse, possint.

AQUA CHAMOMILLÆ.

Rec. Herbæ Chamomillæ recentis . . . quant. sufficit
 ad implendum Aleuticum destillatorium stanno obductum ad
 duas tertias: adfunde Aquæ pluvialis eam copiam, quæ
 sufficit,

sufficit, ut repleat Ahenum ad eandem altitudinem, scilicet, ad duas tertias, unà cum Herba: Aheno impone Capitellum, cujus Rostrum cum orificio superiori Serpentis stannei, in Aqua dolii refrigeratorii detenti, conjungatur: inferiori Serpentis orificio appende Excipulum, & commissuras luto ex farina lini cum Aqua subacta firma: omnibus ita dispositis, instituatur Destillatio, quæ protrahatur, quamdiu Aqua in Excipulum stillans odora, sapida, turbida apparet.

Eodem modo Destillantur

AQUA FLORUM AURANTII. Vulgò AQUA NAPHÆ.

- - - - FŒNICULI.

- - - - HYSSOPI.

- - - - MELISSÆ.

- - - - MENTHÆ.

- - - - - PIPERITÆ.

- - - - PULEGII.

- - - - ROSARUM. E Rosis pallidis.

- - - - RUTÆ.

- - - - SAMBUCI.

Cavendum, ne plus Aquæ in Ahenum immittatur, quam ut repletum sit ad duas tertias: si altiùs repleatur, cum materies sub ebullitione turgcat, Aheni pars superior non sufficit ad materiem rarefactam continendam, quæ tunc exsurgit non modo in Capitellum, sed & in angustiam Rostris: sic vel inscitur Aqua, vel producit obstructio, & fit apparatus displosio.

Adhibeatur Excipulum perforatum, ut vaporibus elasticis, qui sub initio Destillationis assurgunt, egressus pateat.

Aquæ dolio contentæ nimis incallescanti frigida substituat, ut condensatio vaporum promoveatur.

Rosæ Pallidæ calycibus suis orbatae, & *Flores Aurantii*, addita sufficiente quantitate Aquæ & Salis cibarii, biduum vel triduum macerentur, antequam Destillationi submittantur, ut Aquam stillatitiam fragrantiores exhibeant.

Si quæ Olei guttæ Aquis destillatis supernatent, eæ diligenter auferantur: deinde in lagenis vitreis vel vasis figulinis obturatis, loco frigido reponantur, & non ultra annum asserventur.

AQUA CERASORUM NIGRORUM.

Rec. Cerasorum nigrorum libr. sex :
contundantur cum Nucleis in mortario lapideo, & macerentur triduum cum

Vini albi generosi pint. sex :
deinde, addita sufficiente quantitate Aquæ pluvialis ad evitandum empyreuma, eliciantur Destillatione igne nudo pint. quatuor.

Nervina, cephalica, antispasmodica a multo tempore habita est. Hæ laudes videntur præjudicata opinione niti. Aqua distillata Nucleorum Cerasorum fortis & multo eorundem odore prædita, secundum experimenta Medicorum an-

glorum, non secus ac Aqua distillata Laurocerasi, multis animalibus venenata est: hætenus tamen hominibus una alterave uncia, ad quam dosim ordinariò præscribitur, non videtur nocuisse.

AQUA CINNAMOMI CUM VINO.

Rec. Cinnamomi contusi libr. unam :
macera per tres quatuorve dies in

Vini albi generosi pint. novem ;
destilla dein igne nudo, quamdiu liquor prodit turbidus,
sapore acri aromatico præditus.

Si loco Vini assumatur eadem quantitas Aquæ surgit *Aqua Cinnamomi*, *Hordeata* dicta, quia olim *Decoctum Hordei*, quod hic non plus præstat quam Aqua simplex, ad ejus præparationem recipi solebat.

AQUA DESTILLATA.

Rec. Aquæ communis quant. vis :
coquatur per horæ quadrantem in vase aperto : deinde e
Balneo Maris, sive lento igne nudo destilla, donec duas
tertias avocaveris, quas vasis vitreis obturatis serva.

Aquam ab omni corpore heterogeneo liberam rarò nobis offert natura. Contrà sæpissime Terra calcarea, argillacea, vel Salibus mineralibus, & potissimum quidem Selenite inquinata est; hinc, ut ad usus pharmaceuticos, qui Aquam valde puram requirunt, apta fiat, oportet eam ab iis labibus liberare; quod, cum prædicta hetero-

genea fixa fuit, Destillatione optimè efficitur : si verò destillanda Aqua heterogenei quid volatilis continet, id præmissa coctione aufertur.

AQUA CASTOREI COMPOSITA.

Rec. Herbarum recentium Matricariæ . . . libr. tres,
 - - - - - Menthæ crispæ,
 Corticum Aurantiorum . . . ana libr. semis,
 Castorei russici unc. unam :
 minutim incisa infunde per triduum in

Vini albi generosi pint. duodecim :
 dein, addita sufficiente quantitate Aquæ simplicis, ut evite-
 tur empyreuma, abstrahere igne undo . . . pint. octo.

Hæc Aqua vicem supplet *Aquæ Brioniae compositæ*.

Tamquam nervina, antihysterica præscribitur.

SPIRITUS INFLAMMABILES.

Spiritus inflammabilis five ardens est liquor diaphanus, tenuis, valde volatilis, Aqua dissolubilis, accensus absque fumo ac fuligine deflagrans.

Obtinetur Destillatione ex omni liquore, qui fermentationem vinosam subiit; ille verò, qui fit e Vino propriè dicto, solus ferè in usus pharmaceuticos recipitur : hic maxima copia paratur in Gallia, unde ad nos devehitur, cumque *Spiritum Vini Gallicum*, vel *simplicem* nuncupamus.

Quum Spiritus Vini simplex ad varias operationes nimis aquosus existit, rectificatione in diversum scopum ex toto vel pro parte tantum a suo phlegmate orbatur.

Spiritus abstractitius vocari consuevit Spiritus Vini super species, quæ aliquid aromatici vel aliûs principii volatilis continent, abstractus.

Vel *simplex* vel *compositus* audit pro ut unica vel plures species Destillationi impenduntur.

SPIRITUS VINI RECTIFICATUS.

Rec. Spiritus Vini Gallici quant. placet :
immitte in stanneam Cucurbitam Balnei Maris BAUMÉI :
imponere Capitellum, & Refrigeratorium Aqua frigida
reple : dein adjuncto Excipulo, commissurisq; Luto
ex Farina Lini firmatis, destilla ad medias.

SPIRITUS VINI RECTIFICATISSIMUS, five ALKOHOL VINI.

Rec. Spiritus Vini gallici quant. vis :
destilla e Balneo Maris donec evocaveris omne spirituo-
sum, quod reiterata destillatione, negligendo quaque
vice Phlegma, rectifica ; donec in cochleari parte sua
convexa Aquæ frigidæ immerso ex toto deslagret, vel
ei injectum Sal Tartari siccum persistat.

Citius hæc operatio absolvitur, si ille tantum liquor,
qui quaque Destillatione primò prodit, sequenti Rectifi-
cationi adhibetur.

Veteres variis intermediis , ut sunt *Calx viva* , *Sal Tartari* , *Sal commune Siccatum* , & cetera , ad hanc Rectificationem utebantur ; verum præterquam quod hæc omnia planè inutilia sint , *Calx viva* insuper atque *Sal Tartari Spiritum Vini* decomponunt.

Alkohol jam in Vino continetur : ab eo pendet hujus potus generositas & vis spirituosæ : sed in eo aliis immixtum & præsertim multa Aqua dilutum est. Desillationibus continuò magis & magis liberatur , & primò Spiritus Vini ; tum Spiritus Vini magis vel minus rectificatus , & tandem purum Alkohol evadit. Vires ergo hujus liquoris sic seorsim obtenti , cum omnibus spirituosis potibus communes sint , considerari merentur.

Alkohol itaque multiplici experimento subitò sanguinem ejusque serum cogit : ut fortè hac vi sola in venas cujuscumque Animalis injectum citò mortem inducat. Nudæ præterea fibræ applicatum eandem exstimulat , contrahit , densat. Ex his facile intelligi potest , cur externo usu Hæmorrhagias a læsis mediocris diametri arteriis productas sistat. Dubitari tamen potest , notante CULLENIO , utrum introsumptum & humoribus nostris multum dilutum vasa subintrans eosdem effectus præstet : videtur hic potius in nervos agere. Pauca ejus quantitas , in longè majori assuetis , accedente magno animi motu , multoties ebrietatem inducit , eaque inducæ magno animi motu subitò quandoque fugatur. Series symptomatum , quæ producit , id præterea probabile reddit. Ab assumpta parca dosi , nervi quasi exstimulantur ; spirituum

influxus augetur ; cordis & vasorum actio intenditur ; mens exhilaratur ; imaginatio fit vividior ; vis omni animæ facultati additur. A majori copia , vis sedativa , narcotica stimulantibus jungitur : hinc spirituum influxus turbatur , interrumpitur , sufflaminatur ; mens obnubilatur ; idearum nascitur confusio ; varium exoritur delirium ; motus omnes debilitantur , torpent , cessant ; ingruit somnus , lethargus , apoplexia , mors.

Ex his patet Alkohol ut Opium agere : sed fortiori stimulo gaudet , & ob primò dictas dotes magis inflammatorium est : in parca dosi itaque , præcipuè dilutum & acido temperatum , quale passim in Vino existit , optimum cardiacum ; in majori , præsertim purum , maximè deleterium est.

SPIRITUS CINNAMOMI.

Rec. Cinnamomi contusi unc. novem :
macera triduum vase clauso in

Spiritus Vini gallici pint. quatuor :
dein abstrahere igne nudo leni pint. duas.

SPIRITUS CORTICUM AURANTIORUM.

Rec. Corticum Aurantium recentium incisorum . libr. unam,
Spiritus Vini gallici pint. duas :
destilla e Balneo Maris ad medias.

Eodem modo fit

SPIRITUS CORTICUM CITRI.

SPIRITUS JUNIPERI.

Rec. Baccarum Juniperi recentium . . . libr. unam :
 contusæ macerentur biduum in

Spiritus Vini gallici . . . pint. quatuor ,
 & abstrahantur Balnei Maris calore . . . pint. duæ.

SPIRITUS LAVENDULÆ.

Rec. Spicarum florentium Lavendulæ . libr. unam semis ,
 Spiritus Vini rectificati . . . pint. duas ,
 Aquæ pluvialis . . . pint. semis :
 eliciantur Destillatione c Balneo Maris . . . pint. duæ.

Eodem modo parantur

SPIRITUS MELISSÆ.

- - - - - MENTHÆ.

- - - - - RORISMARINI.

SPIRITUS AROMATICUS.

Rec. Cinnamomi . . . unc. duas ,
 Caryophyllorum ,
 Nucis moschatae . . . ana unc. unam :
 contusa macerentur dies quatuor in

Spiritus Vini gallici . . . pint. quatuor :
 deinde abstrahc leni igne nudo . . . pint. duas.

SPIRITUS CARMINATIVUS.

Rec. Seminis Angelici ,

- - - - Anisi ,

- - - - Carui . . . ana unc. duas semis ,
 Macis ,

Macis ,

Cinnamomi ,

Caryophyllorum ana dragm. duas ,

Corticum curassavensium unc. unam :

omnibus contusis affunde

Spiritus Vini gallici pint. quinque ,

& , prægressa per biduum maceratione , eliciantur Destillatione e Balneo Maris pint. duæ semis.

Omnes hi Spiritus scatent Oleo essentiali adhibitæ speciei, ejusdemque calidas, cardiacas, aromaticas, Spiritu evectas passim vires habent. Dantur ad dragmam dimidiam, aut integram in appropriato vehiculo, etiam pluries de die.

SPIRITUS COCHLEARIÆ.

Rec. Herbæ recentis Cochleariæ libr. quatuor ,

Radicum Armoraciæ libr. unam :

incisa immitte in Balneum Maris , & affunde

Spiritus Vini gallici pint octo :

imposito Capitello , & commissuris luto ex farina lini exactè firmatis , destilla donec prodierint . pint. quatuor liquoris in lagenis vitreis ritè obturatis asservandi.

Volatile & propriè antiscorbuticum adhibitarum specierum principium vehit. Convenit in Scorbuto frigido. Dosis ut supra.

AQUA VULNERARIA, vulgò EAU D'ARQUE-
BUSADE.

Rec. Herbæ recentis Salviæ,

- - - - - Menthæ,

- - - - - Hyssopi,

- - - - - Melissæ,

- - - - - Basilici,

- - - - - Thymi,

- - - - - Majoranæ,

- - - - - Rorismarini,

- - - - - Origani,

Florum Lavendulæ ana unc. duas;
incisis affundanturSpiritus Vini gallici pint. quinque,
macerentur per noctem, & fiat e Balneo Maris Destil-
latio ad medias.Si Spiritui substituatur Vinum, atque Destillatio absol-
vatur igne nudo, obtinetur *Aqua vulneraria Vinosa*.*Externè laudatur ad contusiones, vulnera, & ad partes
laxas debiles roborandas. Internè ab aliquibus tamquam car-
minativum adhibetur.*

A P P E N D I X

SPIRITUS LAVENDULÆ COMPOSITUS.

Rec. Cinnamomi unc. unam,
Caryophyllorum,

Nucis moschatae ana unc. femis:
 Santali rubri dragm. tres,
 contusis affunde
 Spiritus Lavendulae pint. unam femis,
 - - - - Rorismarini pint. femis:
 macera dies septem, & filtra.

Vires ex adhibitis speciebus erui possunt.

SPIRITUS SAPONIS.

Rec Saponis albi unc. quatuor:
 dissolve leni calore in
 Spiritus Vini rectificati pint. una,
 & admisce
 Spiritus Lavendulae,
 - - - - Rorismarini ana unc. duas.

Usu externo penetrans & præstans resolvens est, quod non sine fructu ad indurata, contusa & Rheumatismum frigidum adhibetur.

SPIRITUS VINI CAMPHORATUS.

Rec. Camphoræ unc. duas:
 dissolvantur in
 Spiritus Vini rectificati pint. una,
 & in vitro probè obturato serva.

Tamquam resolvens, discutiens, roborans, antisepticum a Chirurgis adhibetur.

SPIRITUS VOLATILIS OLEOSUS.

Rec. Spiritus aromatici unc. octo ,
 - - - - Salis ammoniaci caustici unc. quatuor ,
 Olei essent. Rorismarini ,
 - - - - Corticum Citri ana drag. semis :
 mixta in lagena obturaculo vitreo munita ferventur.

Vires penetrantes , nervinæ , calidæ , in multis morbis frigidis utiles. Dosis guttæ decem , viginti , triginta in vehiculo aquoso. Adversus animi deliquium , ad exstimulandum nervosum systema , etiam naribus admovetur.

AQUA VULNERARIA THEDEN.

Rec. Sacchari albi unc. sex :
 dissolve in
 Aquæ pluvialis unc. octo :
 addantur

Spiritus Vini rectificati pint. una ,
 - - - - Vitrioli unc. quatuor ,
 Succu Acetosæ unc. sexdecim :
 digerantur per aliquot dies , & filtrentur.

Pro usibus externis præstantissimum resolvens , discutiens , roborans est. Lintea eadem madefacta a Spiritu Vitrioli corroduntur & flavescunt.

OLEA ESSENTIALIA.

Olea essentialia sive ætherica sunt fluida spissiuscula , inflammabilia , ebullientis Aquæ calore volatilia , in Vini Al-

kohole dissolubilia, odore fragrante, & sapore aromatico plus minusve urente donata.

Referunt hæc Olea exactè saporem & odorem vegetabilium, unde eruta sunt; hinc Olea essentialia nuncupantur.

Quævis Olea ætherea ex duabus constant partibus essentialibus; nimirum ex parte crassiori, resinosa, & parte admodum subtili, mobili, volatili, quæ *Spiritus rectoris* nomine venit, a quo eorum fragrantia & volatilitas dependent.

Quamvis probè ab exhalatione custodita, Spiritum suum rectorem progressu temporis amittunt: hujus jactura spissescunt, inodora evadunt, pristina volatilitate destituuntur, & tandem consistentiam therebintinosam, quin etiam resinosa induunt: in hoc statu Olea essentialia amplius vocari nequeunt.

Sapor acris, causticus, quo gaudent cuncta Olea ætherea, pendet ab Acido quodam libero, quod sat magna copia continent. Hujus Acidi existentiae convincunt 1^{mo} subera, quæ lagenas Olea essentialia continentes obturant: *subera* hæc, ferè ut ab Acido Nitri, colore flavo inficiuntur, quodammodo corroduntur, & 2^{do} chartæ cæruleæ color a cujusvis Olei essentialis vapore in rubrum conversus.

Quædam ut *Oleum Anisi* frigore coagulantur, & specimen crystallisationis offerunt; alia ex adverso & quidem pleraque fluiditatem suam retinent.

Circa gravitatem specificam quoque discrepantia observatur; alia ut *Oleum cinnamomi*, in Aqua defident; alia autem, quorum longè major numerus est, in ejus superficie hærent.

OLEUM ESSENTIALE ABSINTHII.

Rec. Herbæ Absinthii leniter siccatae . . quant. placet :
in Ahenum immissæ superaffunde

Aquæ ejusdem stillatitiæ . . . quant. satis ,
ut Herba innatare possit, & , apparatu ita disposito , ut in
processu *Aquarum simplicium* monitum, instituatur Destil-
latio , quam protrahe , quamdiu Aqua stillatitia Oleum
sursum secum vehit : refrigeratis dein vasis , Oleum ab
Aqua separa.

Eodem modo destillantur

OLEUM ESSENT. ANISI.

- - - - - ANTHOS.

- - - - - CAMOMILLÆ.

- - - - - CARUI.

- - - - - CARYOPHYLLORUM.

- - - - - CINNAMOMI.

- - - - - CORTICUM CITRI.

- - - - - FŒNICULI.

- - - - - JUNIPERI.

- - - - - LAVENDULÆ.

- - - - - LIGNI RHODII.

- - - - - MAJORANÆ.

OLEUM ESSENT. MENTHÆ.

- - - - - PIPERITÆ.

- - - - - MACIS.

- - - - - ORIGANI.

- - - - - RUTÆ.

- - - - - SABINÆ.

- - - - - SALVIÆ.

- - - - - TANACETI.

Ignis ab initio satis intensus Ahenò substruatur, ut Aqua subito ad ebullitionem deducatur.

Illæ Plantarum partes huic operationi assumendæ, quæ odorem præstant fragrantiorē.

Substantiæ duriores, ut sunt Ligna, Baccæ, Semina, & Aromata, macerentur, antequam destillationi submittantur: Herbæ verò, Flores, & Cortices Fructuum recentium prævia maceratione non indigent.

Semina, Baccæ, & Aromata contundi, & Ligna in scobem radi debent ante macerationem.

Macerationis tempus non adeò determinari potest: variat ratione atmosphæræ caloris, & objecti texturæ: si æstas est, nychthæmerum sufficit Baccis, Seminibus; biduum Aromatibus; triduum vel quatrium Lignis: si aliud tempus, maceratio diutius protracta requiritur.

Sub Destillatione Oleorum essentialium frigore gelantium, Aqua dolii refrigeratorii tepida sit.

Oleorum essentialium ab Aqua separatio sequenti absolvitur encheiresi : eligitur infundibulum angusto tubo instructum, cujus orificium epistomio vel vitreo vel subereo obturatur : Oleum Aquæ permixtum huic vitro infunditur, & postquam quiete Oleum ab Aqua secessit, amovetur epistomium : si Oleum sit Aqua specificè levius, decurrat Aqua in vas suppositum, donec ad orificium tubi pervenerit Oleum, quod, orificio digito occluso, in aliud vas derivatur. Si vero Oleum sit Aqua specificè gravius, id ex adverso inferius emittitur.

Olea essentialia, quæ longa asservatione Spiritum suum rectorem pro parte perdiderunt, rectificationem postulant, quæ in eo versatur, ut vetusta Olea recenti vegetabili adjiciantur, & sufficiente quantitate Aquæ rursus destillentur; quo efficitur, ut pars Olei vetusti, quæ adhuc calore ebullientis Aquæ volatilis subsistit, novo Spiritu rectore imbua-
tur, & cum Oleo, quod recens vegetabile suppeditat, in Excipulum transeat.

Quemadmodum pleraque Olea essentialia exigua obtinentur copia, ac inde sat magno venduntur pretio, fraudulentis, & lucri majoris avidi sæpissime, ut quantitatem augeant, additamentis vilioribus ea infucant; solentque huic scopo adhibere vel Oleum quoddam expressum, insipidum ferè & inodorum, quale *Oleum Bëen* & *Amygdalarum* est, vel *Alkohol Vini*, vel Olea ætherea ignobiliora.

Olei essentialis cum Oleo expresso adulteratio facilè detegitur, si hujusmodi Olei gutta chartæ albæ instillata &
leni

leni calori exposita maculam oleosam relinquit : ab Oleo enim essentiali genuino eodem modo tractato nullum vestigium chartæ remanet : idem fucus detegi potest affusione Vini Alcoholis puri , qui liquor Olea essentialia ex toto dissolvit ; Olea verò crassa expressa non aggreditur.

Olei cujusdam ætherici copia Alkohole Vini aucta Aquæ puræ additione detegitur : in hoc casu miscela lactescit , quoniam Vini Alcohol Aqua dissolvitur , & Oleum essentialiale admodum divisum per totum liquorem suspensum hæret : aliter se res habet respectu Olei essentialis genuini ; dividitur quidem sic in minimas particulas & Aquæ , quæ concutitur , lactescentiam conciliat ; verum hæ particulae continuò in massulas aggregantur , quæ Aquæ superfici innotant , vel ejus fundum petunt , ratione Olei essentialis adhibiti gravitatis specificæ. Alia quoque encheiresi hæc fraus manifestari potest ; nimirum si talis Olei cognita quantitas cum Aqua pura concutiat , postmodum ab ea separatur , & denuo ponderetur ; ratione enim Alcoholis copiae , quæ ante admixta erat , diminutum pondus invenietur.

Adulteratio per Oleum essentialiale vilius omnium difficilimè detegitur : attamen , cum cuncta Olea ætherica viliora e substantiis therebintinaceis eliciantur , & eorum odor tenacior sit , cognoscitur is fucus , si linteum tali Oleo immersum , & calori expositum , ut Oleum in auras avolet , therebintinæ odorem servat.

Omni Oleo essentiali vires medicæ magis activæ , illi simplicibus , e quo destillatur , propriæ , passim adscribi solent : ita

Oleum Anisi carminativum, Juniperi diureticum, Sabinæ emmenagogum, abortivum, Menthæ stomachicum &c. creditur. Aliquod præjudicium receptæ huic opinioni subesse non immeritò tamen suspicabitur, qui consideraverit, non omnes vires medicas simplicium ab Oleo essentiali pendere, & aliquas etiam eminentes simplicium dotes in eorum Oleo essentiali desiderari, ut V. G. Absynthii amarities in ejus Oleo. Non veremur itaque asserere particulares cujuslibet Olei vires necdum satis evictas esse, & generales passim pro particularibus imposuisse: cum enim omnia calida sint & stimulantia, omnia quandoque carminativa, stomachica, cardiaca, nervina, diuretica, emmenagoga &c. esse possunt: ita ut vix miraremur, si, sine præjudicio institutis experimentis, concluderetur, ea non differre nisi odore & acredine. Posterior revera, teste Oleo Cinnamomi, in quibusdam tanta est, ut gutta una non diluta linguæ imposita eandem adurat, exulceret, & denti carioso insillata nervum adurendo odontalgiam curet. In genere tam acria sunt, ut pro usibus internis numquam nisi diluta præscribantur: in hunc finem vel Spiritu Vini solvuntur, vel, quod frequentius, multo Saccharo aut Mucilagine subacta Aquæ miscibilia redduntur. Dosis est a gutta una ad octo

A P P E N D I X.

BUTYRUM ET OLEUM CERÆ.

Rec. Ceræ flavæ incisæ quant. satis,
 Ut repleat Retortam vitream ad dimidium: superinfunde
 arenam purissimam usque ad altitudinem colli: tum com-

mitte Retortam Balneo arenæ, applica recipiens, & commissuris luto ex farina lini firmatis, fiat Destillatio per gradus. Exit primò parva quantitas Aquæ unà cum Spiritu acido valde volatili, ingrato nidore foetenti: ubi hoc ignis gradu nihil amplius prodit, augeatur ignis, ascendet Oleum spissum in Excipulo instar Butyri concreescens: perge sic destillare, donec ascendat amplius nihil: frigescat tum apparatus, & Aqua acidula decantetur ab Oleo concreto, quod *Ceræ Butyrum* exhibet.

Infundatur Butyrum hoc leni igne liquatum per infundibulum in retortam priùs calefactam, ut ejus dimidia pars tantum sit repleta: retorta imponatur furno arenæ, & agglutinato recipiente puro, fiat Destillatio; ignem ita gubernando, ut guttatim destillet ad finem usque: ascendet hac ratione omne Butyrum ferè sine ulla fœce, hærebitque in excipulo Oleum spissius, quod eadem lege, iterata Destillatione, rectifica, donec limpidum subtile Oleum referat, quod sub nomine *Olei Ceræ* vasis vitreis probè obturatis serva.

Pro viribus vide in Materia Medica, CERA.

OLEA EMPYREUMATICA.

Olea empyreumatica sunt liquida spissiora, inflammabilia, empyreuma redolentia; saporis acris, amaricantis; coloris ex fusco rubicundi, aut penitus nigri; intensiori quam ebullientis Aquæ calore de quacumque substantia animali, vel vegetabili prolifica.

Subfequuntur hæc Olea sub Deftillatione vel Spiritum urinoſum, ut in analyfi Cornu Cervi, vel Spiritum acidum, ut in analyfi Tartari.

Repetita rectificatione limpidiora, fluidiora evadunt, & tandem omni ferè odore empyreumatico ſic orbantur.

OLEUM, SAL VOLATILE, ET SPIRITUS CORNU CERVI.

Rec. Cornu Cervi in fragmenta majora confracti, vel ejuſdem raſuræ quant. viſ: inde Retortæ vitreæ, quam in Furno arenæ colloca; agglutina amplum Excipulum, & ignem per gradus excites: calore illo ebullientis Aquæ paulò intenſiore exit phlegma inſipidum, odoris ingrati; auëto igne, prodit phlegma Alkali volatili fœtum, *Spiritus Cornu Cervi* nuncupatum: hunc inſequuntur Oleum fœtidum tenuius, Alkali volatile concretum, tandemque Oleum fœtens, craſſum, nigricans, quod ſeſe priori immiſcet: dum nullæ amplius nebulæ apparent, ab operatione deſiſte: refrigeratis vaſis, Sal volatile concretum exime; cum arena vel terra quadam abſorbente aliquoties ſublima, donec album evaſerit, & Spiritum ab Oleo ſeparatum leni calore deſtilla ad medias.

Prudentiæ eſt adhibere Excipulum foramine inſtructum, obturaculo luteo vel cerco clauſo, quod nonnumquam amoveatur, ne vapores elatiſci nimis expaſi vaſa rumpant.

Sit collum Retortæ fatis largum, ne a Sale volatili concreto obstruatur.

Si loco Retortæ vitreæ ferream huic operi assumere placeat, hæc in furno appropriato immediatè igni exponi potest.

Carbones ab hac operatione residui igne nudo calcinentur, donec albescant, & sub nomine *Cornu Cervi usti* reponantur.

Olei vires vide infra : Sal Volatile alkalinum est : Spiritus idem dissolutum tenet, & ab eo vires habet.

Olim Sal alkali volatile pro varia substantia, e qua obinetur, viribus discrepare credebatur : ita Sal viperæ speciatim adversùs hujus animalis morsum &, risibili præjudicio, Sal volatile cranii humani adversùs obstinatissimos capitis morbos laudabantur. Jam constat hoc Sal unum semper idemque esse, & undecumque proveniat, ab alio sola fortè puritate differre.

Linguae applicatum causticam prodit acrimoniam : naribus admotum nervos olfactorios fortiter ferit, & totum quasi nervosum systema concutit, erigit; ut sic adhitum promptissimè sæpe animi deliquio & asphyxiæ medeatur.

Introsumptum primò leni, volatili, electrico quasi stimulo in stomachum agit, & subitò sæpè ejus spasmus solvit. Ob hanc rationem tanto cum successu in colica flatulenta, male hysterico, cephalalgia ab stomacho pendente, &c. præscribitur.

Circulo postea traditum leni stimulo systematis vasculosi motus reduplicat, calorem auget, & diaphoresim excitat: hinc tamquam potentissimum alexipharmacum commendatur & tamquam tale viperæ morsui opponitur.

Ob binos dictos effectus, quibus scilicet spasmos solvit & diaphoresim juvat, exhibitum ante frigoris febrilis stadium, idem brevius, mitius & minus periculosum reddit. Quin ejus usus aliquandiu protractus, vi humores attenuandi, hinc potentissimè resolvendi, multiplici observatione probata, quandoque intermittentes ad omnia rebelles suslulit.

Ex dictis judicari potest præsertim convenire in subjectis & morbis frigidis, ubi solida exstimulare & viscida incidere remedio esse potest. In senum gangræna feliciter Cortici peruviano & Opio additur.

Sal præscribitur dilutum a grano uno ad decem, etiam pluries de die; spiritus a guttis decem ad sexaginta.

Externè resolvit: præsertim commendatur ad tumores albos ac arthricos articulationum.

OLEUM ANIMALE DIPPELII.

Rec. Olei foetidi Cornu Cervi . . . quant. placet: infunde per infundibulum longo tubo instructum in Retortam vitream nitidissimam, cavendo ne parietes interni ejus colli inquinentur ab infuso Oleo: tum appende Ex-

cupulum mundum, & commissuris lutatis, instituatur leni igne rectificatio, reiteranda, donec Oleum obtineatur excolor, tenue, fragrans, sapore non ingrato, dulcique, & velut aromatizzato præditum.

Opus hoc quatuor ad summum Destillationibus absolvetur, si quaque vice nova Retorta, & prima pars solummodo prodeuntis Olei sequenti rectificationi adhibeantur.

Oleum hoc, quamvis optimè rectificatum, facilè subfusco rursus colore tingitur, ac tenuitatem amittit, ubi vitrum, quo continetur, neque perfectè repletum, neque exactè obturatum est; item ubi illud aperitur sæpius: tum Destillatione nova, semel vel bis reiterata, ut ad pristinam puritatem, ac limpiditatem reducatur, opus est: obviam autem iri huic vitio quam optimè potest, si Oleum hoc exiguis vitris obturaculis vitreis arctè clausis asservatur.

DIPPELIUS olim præscribebat hoc Oleum conficere e sanguine cervino: hodiè constat, omnes partes animales id ipsum Oleum largiri; verùm cornua præcipuè cervina huic operi cæteris præstare.

Olea empyreumatica ita reiteratis Destillationibus rectificata vires habent antispasmodicas, & speciatim adversus Epilepsiam commendata sunt: non videntur tamen in dirum hunc morbum plus valuisse, quam reliqua antispasmodica. Dantur ad guttas decem, viginti & ultra.

Externè tam potenter scribuntur resolvere, ut etiam ad tumores osseos & cataractam laudentur. Tamquam anodina partibus spasmò affectis applicantur.

OLEUM PHILOSOPHORUM, sive DE LATERIBUS.

Rec. Olei Olivarum quant. vis,
Cretæ, aliussve Terræ calcaris . . . quant. satis,
ut cum Oleo fiat massa, ex qua formentur globuli, quos in Retortam Balneo arenæ committendam injice; adjuuge receptaculum capax, &, commissuris obsecratis, igne gradato destilla: prodit primò pauca quantitas Phlegmatis, post hanc assurgit Oleum foetidum, acre, Alkohole Vini partim dissolubile, quod, Destillatione finita, a Phlegmate secretum Rectificationi submittas.

Ad Olea empyreumatica accedit: externè tamquam resolvens ad paralysem & rheumatismum laudatur.

OLEUM ET SPIRITUS TARTARI.

Rec. CrySTALLORUM Tartari quant. placet:
eas contunde, & immitte in Retortam ad duas tertias solummodo replendam; tum inpone furno arenæ, &, applicato Recipiente capaci, perforato, coque etiam ad commissuras lutato, primò ignem adhibe moderatum, postea gradatim auctum, quo Spiritus omnis, unà cum Oleo empyreumatico, quod ultimo loco sub vaporum densorum ex albo griseorum forma exit, expellatur: labore finito,

finito, Spiritum depurationi fervandum separa ab Oleo, quod cum Aqua rectifices.

Resolvitur sub hac analyfi ingens fluidi elastici incoëribilis copia; hinc obturaculum recipientis foramen occludens sæpius amoveatur.

Destillationis hujus residuum præparationi *Salis Tartari* vasis clausis vitreis serva.

Tamquam incidentia, attenuantia, resolventia laudata sunt. Jam vix præscribi solent.

OLEUM, SPIRITUS, ET SAL VOLATILE SUCCINI.

Rec. Succini grossiusculè contusi. quant. vis: immitte in Retortam vitream largioris orificii; eam impone Balneo arenæ; adapta Receptaculum amplissimum foramine instructum; commilluras luto communi scilicet ex farina lini firma; tum destilla igne primò leni, qui gradatim augeatur: prodibunt Spiritus acidus, Sal volatile acidum concretum, Oleum tenuius, flavescens, odoris penetrantis, ad instar Olei Petræ; tandem Oleum spissius, nigricans, foetens: refrigerato apparatu, Sal volatile concretum Retortæ collo & Receptaculi parietibus adhærens exemptum, & Spiritum ab Oleo separatum depurationi serva; Oleum verò repetitis Destillationibus rectifica, donec limpidum, subtile excolor evaserit, & sub nomine *Olei Succini rectificati* repone.

Oleum , *non obstantibus summis encomiis , quibus etiam a magno BOERHAAVIO celebratur , viribus ab aliis Oleis empyreumaticis non recedit.* Spiritus copiam Salis dissolutam tenet , & ab eo vires habet. Salis vires vide infra.

S A L I A E S S E N T I A L I A .

Salis essentialis nomine veniunt materiæ salinæ omnes , quæ nonnullas proprietates substantiarum , unde educæ sunt , retinent.

Vegetabilia & animalia , nec non quæ ab iis procedunt , solummodò hoc Salis genus largiuntur.

Plurimi vegetabilium succi Salia mineralia , ut Sal marinum , Tartarum vitriolatum , Sal mirabile Glauberi &c. suppeditant : verùm hæc nequaquam Salibus essentialibus accensenda sunt ; primò enim Salia hæc mineralia , quemadmodum cl. BAUMÉ asserit , in prædictis Plantis tantum obtinent , ubi solum , e quo nutrimentum hauriunt , ea possidet. 2^{do} Si parte extractiva , qua obducta sunt , orbantur , nullam amplius proprietatem vegetabilis , unde educæ sunt , monstrant ; 3^{tio} denique carent principio oleoso , quod Salium essentialium compositionem constanter ingreditur. Idem de Salibus mineralibus in animalium succis obviis censendum est.

Vires horum Salium essentialium necdum satis probatæ sunt : præter acida & dulcia , omnia videntur ad Nitrum sapore accedere , & vix inter se viribus differre.

SAL ESSENTIALE ACETOSELLÆ.

Rec. Herbæ Acetofellæ recentis . . , . quant. vis:
contusam subjice Torculari, & exprime succum, qui tra-
jectus per manicam vaporet igne leni ad consistentiam
Syrupi liquidioris: inspissatum succum infunde urinali
mundissimo, ut usque intra collum plenum sit: super-
affunde Oleum purum Olivarum ad lineæ altitudinem,
& repone in cella, aliove loco frigido: aliquarum heb-
domadum spatio concrefcent Cryſtalli, quas, decantato
liquore, collige, & ficca: evaporationem & cryſtallifa-
tionem repete, donec exhauscris Cryſtallos omnes reite-
rata dissolutione & cryſtallificatione depurandas.

Eadem encheireſi e cujuſvis Plantæ ſucco Sal eſſentiale
præparatur.

Oleum Olivarum ſucco inſpſſato affuſum aërem exclu-
dit: hinc fermentationem, putrefactionem, mucilaginis ge-
nerationem prohibet.

Succi ſpiſſiores cum Aqua pluviâli diluantur, ut faciliùs
Colum tranſeant.

Difficulter determinari poteſt, quouſque evaporation pro-
trahenda ſit; cum id a Salis eſſentialis copia quæ ſuccis de-
puratis ineſt, dependeat, hæcque in eadem Planta ratione
ætatis, vigoris, anni tempeſtatis, & ſoli qualitatis variet.

Sal Acetofellæ gratum acidum exhibet, quod tamen, cum acida multa vegetabilia æquè efficacia breviori via obtineri possint, vix ad usus medicos præscribitur. Multum adhibetur ad maculas atramentosas delendum.

SACCHARUM, five SAL ESSENTIALE LACTIS.

Rec. Seri Lactis coagulo vitulino præparati . quant. placet: vaporet blando igne in vase vitreo vel terreo ad trium quartarum Seri Lactis adhibiti consumptionem, & repone in loco frigido, ut concrecant Crytalli, quas postera die separa: evaporatio atque crytallificatio iterentur; obtinebis Crystallos prioribus ferè similes: lixivium superstes projice, & omne obtentum Sal in Aqua pluviali dissolve, liquorem dein filtratum evapora ad cuticulam & crytallificationi submitte; evaporationes & crytallificationes repete, quamdiu coalescant Crytalli, quas super chartam bibulam ficca.

Lixivium, quod tanquam inutile abjicere præcepimus, continet, præter materiem gelatinosam parum cognitam, substantiam extractivam coloratam, & Sal febrifugum sylvii.

Sal hoc, seu Saccharum ob dulcedinem ita nuncupatum, depuratione indiget, ut flavedinem dimittat, qua a parte Seri Lactis extractiva inquinatum est.

Tanquam antispasmodicum, anodinum & præstantissimum demulcens in morbis pectoris, & ipsa etiam phtisi, laudatum est: sine præjudicio tentaminibus subiectum nihil horum omnium præstare observabitur.

FLORES BENZOINI.

Rec. Benzoës minutim confractæ libr. duas : immitte in concham figulinam vitreatam , patulam , minimè profundam , quam simili non vitreata inversa tegas ; commissuras luto communi firma , & vasa furno committe capaci fatis , ut inferior concha usque ad marginem ferè eum intret ; fiat tum sublimatio calore illo ebullientis Aquæ paulò majori : perge sublimare eodem ignis gradu per duas horas : deinde frigescant vasa , ac Flores penna asserina abstersos exime : sublimatio iterum atque iterum repetatur ; donec residuum Flores exhibere recuset.

Margines utriusque conchæ terreæ huic sublimationi adhibendæ porphyritæ fabuli ope atterantur , donec sibi invicem applicatæ se in omni superficie tangant ; lutum hac ratione commune , scilicet ex farina lini seu amylo confectum , commissuræ probè obscrandæ sufficiet.

Requiritur Benzoës liquatio , ut Flores suos largiatur ; hanc liquationem caloris gradus in hoc processu præscriptus præstat ; si ignis admoveatur intensior , tum elevantur Flores Oleo Benzoïno inquinati : si verò remissior sit , nihil sublimatur ; hinc felix operationis successus ab ignis regimine dependet.

Flores flavescences sublimatione secunda , tertia , &c. obtenti depurationem postulant : hæc duplici ratione absolvi-tur : crySTALLISATIONE scilicet , vel nova cum vigecuplo arenæ albæ lotæ instituta sublimatione : prior tamen enchircisis

præferenda est, quoniam Flores ita tractati albedinem servant, quam sublimati tractu temporis amittunt: crystallificatio autem sequenti modo instituitur: flores sublimati flavescentes in Aquæ puræ bullientis sufficiente quantitate dissolvantur, lixivium filtretur per chartam emporeticam, & reponatur in loco frigido; sic refrigerante Aqua, concrecent Crystalli Floribus sublimatis non absimiles, quas super chartam bibulam sicca.

Flores Benzoini verum Sal essentielle, volatile, acidum, inflammabile sistunt.

Vires habent balsamicas. Infarctus mucosos pulmonum solvere, & sudores movere scribuntur. Necdum satis probati sunt.

SAL VOLATILE SUCCINI DEPURATUM.

Rec. Salis volatilis ex analysi Succini obtenti. quant. placet: injice in Cucurbitam vitream humilem; superaffunde arenæ purissimæ tantumdem: imposito Capitello cæco, commissurisque glutine communi obferatis, fiat miti calore sublimatio: allurget omne Sal tenui parte Olei Succini præditum, relicta parte crassiori: refrigeratis vasis, Sal sublimatum abraide, ac vasis vitreis ritè obturatis serva.

Sal Succini exhibet acidum concretum ex toto volatile.

A lucripetis sæpissime adulteratur, solentque ei immiscere Sal ammoniacum, Cremorem Tartari, Saccharum,

Sal marinum , imò Succinum ipsum pulverisatum : ut hos fucos detegas , recipe suspecti Salis quantum vis , divide in duas partes , quarum una teratur cum Alkali fixo vegetabili , altera in cochleari ferreo exponatur igni : si Sal Ammoniacum continet , miscela cum Alkali fixo vegetabili odorem sparget Alkali volatilis : si quid ex reliquis memoratis substantiis ipsi inest , altera pars igni exposita materiem fixam relinquet.

Hoc Sal tamquam princeps remedium adversùs morbos hystericos laudatum est. Si quid revera in his morbis possit, id adhærenti Oleo empyreumatico tribuendum videtur. Per se penetrantissimum aperiens , diureticum est , quod , dum purum obtineri potest , etiam ad scrupulum & ultra sine noxa præscribitur.

S P I R I T U S A C I D I .

Spiritus acidi sunt salia naturaliter fluida , vel Menstruo aquoso dissoluta , Syrupi Violarum colorem cæruleum in rubrum mutantia , cum Salibus alkalinis , & Terris obsorescentibus effervescentia , ac cum iisdem in Sal neutrum transcurrentia.

Subiecta , quæ tales liquores præstant , sunt tam corpora mineralia , quam vegetabilia , atque animalia : Spiritus acidi verò omnium fortissimi eliciuntur e corporibus mineralibus ; inter hæc Vitriolum , Sulphur , & alumen acidum largiuntur , quod , dum concentratum , ejusdem planè naturæ est.

ACETUM DESTILLATUM, sive SPIRITUS ACETI.

Rec. Aceti Vini quant. vis :
mitte in Cucurbitam terream, vel vitream, quam colloca in
furno arenæ : impone Capitellum vitreum, cujus Rostro
adjunge Excipulum, & commissuras chartæ frustis, qui-
bus pasta farinacea illita est, obsæra : tum illo ignis gradu,
quo Acetum leviter bulliat, fiat Destillatio, protrahenda,
donec tres quartæ adhibiti Aceti prodierint.

Acetum aggreditur ferè omnia Metalla, eaque partim cor-
rodit, partim dissolvit : hinc vasa destillatoria metallica ab
hac operatione excludantur.

Destillatione Acetum sua parte extractiva, & Olei ac
Acidi portione orbatur.

*Ob puritatem ad multos usus Aceto præfertur : ab illo
tamen viribus medicis non recedit. Assumptum itaque leni
stimulo os, æsophagum, stomachum irritat, & excretionem
glandularum harum partium provocat : hinc cardiaci vires
agit, dum eodem tempore sitim sedat. Præstantissimum præ-
terea antiphlogisticum & antisepticum est, quod in gangræna
inflammatoria, erysipelate bilioso & morbis putridis maxima
cum utilitate præscribitur. In magna dosi V. G. ad unciam
unam omni bihorio datum certò & tutò, sine aucto motu,
sudores movet : hinc in morbis malignis, exanthematicis &
in ipsa etiam peste tot laudes nactum est. A multis plurimum
venenorum*

venenorum antidotum statuitur : exceptis tamen alkalinis , quibuscum salia neutra , innocua , penetrantissima constituit , illi soli , sine strenuè adhibitis generalioribus , non arbitramur fidendum.

Externè resolvens , antiphlogisticum , antisepticum est : inflammationem , præsertim a causa externa , ut a contusione , fractura &c. , natam , felicissimè fugat. Ejus vapor tumores duros , etiam scirrum testiculi , solvit , & aërem putridum corrigit , ut etiam in peste tamquam prophylacticum laudetur. Pulmonibus haustus eosdem exstimulat , eorumdemque infarctum atque hinc natam orthopnoeam curat.

Naribus admotum aut injectum nervos olfactorios ferit , & meliùs plerumque , quam multò fortiora , ab animi deliquio , asphyxia & lethargo excitat.

SPIRITUS NITRI.

Rec. Nitri purissimi ficci pulverisati . . . libr. duas :
immitte in Retortam vitream ; superaffunde

Olei Vitrioli rectificatiunc. quindecim :
locetur dein Retorta in furno arenæ ; applicetur ingens Re-
ceptaculum perforatum , in quod priùs immissa sit

Aquæ destillatæ pint. semis ,
& commissura obturetur luto pingui ex argilla & oleo lini
facto , quod linteo , calcis vivæ in aëre in pulverem de-
lapsæ & albuminis ovi miscela obducto , firmetur ; tum
subdatur ignis moderatus sensim augendus , donec resi-
duum siccum sit , prodeatque ampliùs nihil : refrigerato

apparatu , Acidum Nitri transfundatur e Receptaculo in lagenam epistomio vitreo claudendam.

Cavendum inter effusionem hujus Spiritus ne ejus vapor corrosivus ad pulmones perveniat.

Destillationis residuum *Arcanum duplicatum* constituit , quod superfluo Acido Vitrioli junctum est : hinc priusquam in Cryсталlos redigatur Alkali fixo vegetabili saturetur.

Nunnumquam Spiritus Nitri inquinatus est pauca quantitate Acidi Vitrioli , quæ unà cum Spiritu sub Destillatione in Excipulum transiit : detegitur hæc labes præcipitatione , quæ obtinet , dum aliquibus talis Spiritus drachmis instillatur gutta dissolutionis Argenti : Argentum enim se conjungit cum Acido Vitrioli , & *Vitriolum Lunæ* constituit , quod sub forma albæ nubeculæ fundum petit ; in hoc casu super aliquot uncias Nitri sicci pulverisati rectificetur.

Acidum nitri concentratum , ut etiam Salis & vitriolicum , quorum præparatio infra describitur , causticum venenum est. Cuti vel leviter tantum applicatum eam macula flava , non delenda nisi sublata epidermide , inficit. Continuo usu eamdem corrodit , exulcerat , destruit : hinc ad verrucas aliosque parvos tumores non inflammatos eradicandum & ad ossium cariem extus quandoque adhibetur.

Ad usus internos vix præscribitur : aliorum tamen Acidorum mineralium vires habet : hæc in genere sitim sedant ; solida constringunt , densant , roborant ; sanguinem coagulant ,

ejusdemque æstum compescunt; potentissima antiseptica sunt. Conveniunt in laxitate, debilitate primarum viarum; sanguinis dissolutione; febribus putridis, verminosis, & a resumpto pure: ut Acidum vitriolicum etiam antiphtisici famam habeat. Per se multâ Aquâ diluta, ut gratè acidum, innocuum potum præstent, vel Alkohole Vini dulcificata ad guttas triginta vel quadraginta, pluries etiam de die, præscribuntur. Posteriori modo præparata, qualia hic infra etiam tradentur, vim præterea antispasmodicam acquirunt. Omnia tamquam diuretica laudantur. Nimia dosis primis viis præsertim molesta esse solet, & cardialgiam, tormina ac colicos dolores producere.

SPIRITUS SALIS.

Rec. Salis cibarii libr. duas:
 immitte in Retortam vitream, & affunde miscelam ex
 Olei Vitrioli rectificati libr. duabus,
 Aquæ destillatæ libr. una semis:
 deinde reponatur Retorta in Balneo arenæ; adjuuge Excipulum capax perforatum, cui prius indita sit
 Aquæ destillatæ libr. semis,
 & commissuras luto simili illi, quod in præcedenti processu præscriptum est, claude: tum ignis administretur lenis per tres quatuorve horas; dein augeatur gradatim, donec tandem Olla ferrea candescat, nihilque amplius prodeat liquoris: omnibus spontè refrigeratis, aufer Excipulum, ac Spiritum Salis effunde in vitrum Epistomio vitreo obturandum.

Si massa salina in Retorta residua igne valido calcinetur, donec nulli amplius vapores inde exfurgant, ut Acidum Vitrioli liberum, quod continet, & Acidum Salis concentratius, quod sub Destillatione elevari non potuit, dissipentur, in Aqua pura dein dissolvatur, & post debitam evaporationem crystallisationi submittatur, dat *Sal mirabile Glauberi*.

SPIRITUS SUCCINI RECTIFICATUS.

Rec. Spiritus ex analysi Succini obtenti . quant. placet : inde Retortæ vitreæ ; mundum admove excipulum ; commissuras luto communi obfera, & igne moderato ex Balneo arenæ duas tertias avoca, quas lagenis bene obturatis serva.

Eodem modo rectificatur

SPIRITUS TARTARI.

Spiritus Succini constat Succini parte aquosa, ejus Salis volatilis acidi portione, & Olei parte subtilissima.

Spiritus Tartari sistit Acidum oleosum empyreumaticum, illi, quod cuncta vegetabilia largiuntur, dum igne nudo Destillationi submittuntur, analogum.

Horum vires vide supra.

OLEUM VITRIOLI.

Rec. Vitrioli viridis ad albedinem calcinati . quant. sufficit, ut repleat Retortam terream ad duas tertias ; repone eam in Furno Reverberii ; adjunge Receptaculum amplum,

vitreum; commissuram luto ex argilla, arena, & calce viva in aëre in pulverem delapsa, aqua subactis circumclude: tum lenis admoveatur ignis gradatim augendus, in candefactionem Retortæ usque: primò exhibit Phlegma acidulum, dein Acidum sulphureum volatile, tandem Acidum Vitrioli concentratum nigricans: ubi hoc destillare cessat, operatio finiatur: habebis sic Acidum Vitrioli impurum Rectificationi submittendum, & confracta Retorta, invenies residuum, quod Calcem Ferri, *Colcothar Vitrioli* nuncupatum, exhibet.

OLEUM VITRIOLI RECTIFICATUM, ET SPIRITUS SULPHURIS.

Infunde impurum Acidum Vitrioli præcedenti Destillatione obtentum per infundibulum longo collo instructum in Retortam vitream, quam Balneo arenæ committe; applica recipiens, & igne moderato instituat Destillatio protrahenda, donec omne Phlegma Acido sulphureo junctum avocaveris: manebit in fundo Retortæ Oleum Vitrioli excolor, concentratum ac rectificatum, quod in lagenas obturaculis vitreis muniendas transfusum, sub nomine *Olei Vitrioli rectificati* repone: liquorem Excipulo contentum sub *Spiritus Sulphuris* titulo asserva.

Acidum Vitrioli concentratum est Aquæ avidissimum, eamque ex athmosphæra attrahit: hinc vasa, quæ id continent, arctè occludenda, & quidem obturaculis vitreis: si enim subera huic scopo assumantur, Acidum, præ magna

. affinitate cum Phlogisto, primò fuscum, ac tandem nigrum induit colorem.

Spiritus Sulphuris hoc processu impetratus similis est illi, qui tædiosa operatione e Sulphure ardente per campanam vitream desuper suspensam colligitur.

Solent hoc Acidum nomine *Olei Vitrioli* vulgariter insignire, non quod Olei naturam habet; sed quod consistencia saltem Oleum aliquantulum æmulatur.

SPIRITUS VITRIOLI.

Rec. Aquæ destillatæ pint. unam:
immitte in Cucurbitam terream; instilla cautè

Olei Vitrioli rectificati unc. quatuor semis,
& mixta infunde in lagenam vitream.

Simulac Acidum Vitrioli cum Aqua in contactum venit, auditur strepitus, vas magis magisque incalescit; hinc Cucurbita terrea vasi vitreo, quod sæpissime sub hac mixtione dissilit, præferenda.

SPIRITUS ACIDI DULCIFICATI ET ÆTHER.

Spiritus acidi dulces sunt liquores stillatitii, inflammabiles; odoris jucundi, fragrantis; orti e connubio Acidorum mineralium cum Alkohole Vini.

Si Alkoholi applicatur justa copia Acida concentratiora, productum crit *Æther*, liquor tenuissimum oleum referens,

qui, ratione assumpti Acidi, *Æther Vitriolicus*, *Nitrosus* &c. appellatur: præcipuæ hujus liquoris proprietates sunt sequentes: sapore gaudet aromatico, odore fragrantissimo: in Alkohole Vini penitus dissolvitur, eoque volatilior atque inflammabilior existit: est omnium notorum liquorum levissimus; gustu & tactu frigidissimus: Aquæ innatat, & ex ea flammâ candelæ, tribus adhuc digitis remotâ, accenditur: Resinas tandem qualescumque dissolvit. Dictas dotes in eminenti gradu possidet *Æther Vitriolicus*, isque solus ferè in usus medicos recipitur.

SPIRITUS NITRI DULCIS.

Rec. Alkoholis Vini pint. duas:
mitte in Retortam vitream; sensim superaffunde

Spiritus Nitri unc. quinque,
&, Retorta in gyrum agitata, ut ambo liquores accuratè misceantur, fiat digestio frigida per biduum: dein committe Balneo arenæ, agglutina Excipulum perforatum vesicæ madefactæ ope, & destilla, liquore leviter bulliente, donec tres quartas avocaveris, quas vitris obturaculis vitreis muniendis reconde.

Vapores valde elastici, præsertim sub operationis finem, apparatus replent; hinc obturaculum, quo Excipuli foramen occlusum est, tum sæpè amovendum, ac ignis remissior adhibendus.

Cavendum, ne quis sub Destillationis decursu candela accensa apparatus propinquet, præcipuè, dum Excipuli

foramen patet: prodiens enim vapor facillimè inflammatur, & inde apparatus displosio inevitabilis foret. Eadem cautela observanda circa reliquos hujus generis Spiritus.

SPIRITUS SALIS DULCIS.

Rec. Spiritus Vini Alcoholis pint. duas:
committe vasi circulatorio capaci; affunde

Spiritus Salis unc. quatuor semis:
digere leni calore per tres, quatuorve dies; fiat dein Destillatio eadem lege, ut in præcedenti processu.

ÆTHER VITRIOLICUS, five SPIRITUS FROBENII.

Rec. Alcoholis Vini pint. duas:
immitte in Retortam vitream, superaffunde

Olei Vitrioli rectificati unc. quadraginta,
atque Retortam leniter & sæpius move, ut Acidum Vitrioli cum Alkohole bene permisceatur; deinde committe eam Balneo arenæ; admove Receptaculum perforatum, & commissuras vesica madefacta obsera: instituaturnum Destillatio igne sat intenso, ut liquor leviter bulliat: perge eodem ignis gradu, obturaculum, quo Receptaculi foramen clausum est, sæpè amovendo; donec odor suffocans Acidi sulphurei volatilis se manifestet: aufer tum Excipulum; liquorem in eo contentum effunde in lagenam vitream probè obturandam; instilla tantillum Olei Tartari per deliquium, ac digere frigidè, donec odorem Acidi sulphurei amiserit: dein e Retorta vitrea
siccissima

ficcissima igne lampadis destilla ferè ad medias. Liquor hac rectificatione obtentus est *Æther Vitriolicus*, quem committe purissimo vitro, cujus os epistomio vitreo ad capacitatem oris accuratè expolito claudatur.

Dum Acidum Vitrioli concentratum cum Alkohole in contactum venit, auditur strepitus; erumpunt vapores penetrantes, odoris non ingrati, nec nocivi; miscela valde incalescit: hinc si absoluta mixtione mox Destillationi submittantur, arena balnei priùs calefiat, ne Retorta diffiliat.

Primus, qui prodit, liquor est pars Alkoholis Vini, quæ vix ullam mutationem subiit: insequitur per strias *Æther*, ac tandem cum ultima *Ætheris* portione ascendit parum Acidi sulphurei orti ex Acido Vitrioli & Alkoholis Vini parte oleosa: ab his autem liberatur *Æther* præscripta rectificatione cum Alkali fixo: hoc enim cum Acido sulphureo concrefcit in Sal polychrestum, quod cum Alkohole, quod *Æthere* minùs volatile est, in Retorta remanet.

Si prioris Destillationis residuum nigricans, odoremque suffocantem Acidi sulphurei spirans, Aqua dilutum, & filtratum, rectificetur, Oleum Vitrioli purum exhibet.

Cardiacum, nervinum, antispasmodicum, anodinum est promptissimum. Acida mineralia Alkohole dulcificata hunc liquorem continent, & ab eo vires habent. Laudatur præsertim in affectionibus spasmodicis primarum viarum, in quas electrica quasi vi agit. Ad guttas decem, viginti & ultra cum pauxillo Sacchari, & meliùs adhuc in parca Aquæ

copia exhibetur. Ad magnam dosim, V. G. dragmam dimidiam, pluries repetitam laudatur in gangræna.

Extus commendatur tamquam efficacissimum anodinum, quod cephalalgiam, non solum spasmodicam, sed etiam rheumaticam & inflammatoriam, curat, ac buccæ illitum pluries odontalgiam sustulit. Pars, cui applicatur, illico manu tegenda est; ne volatilis liquor in auras avolet; sed penetrare cogatur. Teste celeb. AITKEN ulcera exsiccat eademque cicatrice tegit.

LIQUOR ANODYNUS MINERALIS, sive SPIRITUS VITRIOLI DULCIS.

Rec. Alkoholis Vini pint. quatuor :
superaffundantur

Olei Vitrioli rectificati libr. tres :
fiat dein Destillatio eadem lege, ut in præcedenti processu : destillatum liquorem cum sufficiente quantitate
Olei Tartari per deliquium digestum Rectificationi submitte, eamque ad siccitatem ferè usque protrahe.

Liquor anodynus mineralis nil nisi dissolutionem Ætheris in Alkohole sistit : si enim ei sufficiens addatur Aquæ copia, hæc sese commiscet cum Alkohole, & fit Ætheris separatio : hinc hic liquor ex tempore paratur, si Æther vitriolicus cum duplo Alkoholis vini miscetur.

Carminativus, antispasmodicus, anodinus est. Datur in doloribus spasticis primarum viarum, passione hysterica, vomitu, singultu &c. Dosis est a guttis decem ad sexaginta.

S A L I A A L K A L I A.

Alkali est Sal saporis acris, urinofi; Florum Violæ succum cœruleum in viridem mutans, & cum quovis Acido in Sal neutrum concrefcens.

Alkali dotibus adnumerari solet proprietas effervescendi cum acidis: verum hæc tantum obtinet, dum Alkalia adhibentur aërata: hinc a solo aëre fixo, qui sub eorum cum Acidis combinatione extricatur, dependet: si namque ab hoc applicatione Calcis vivæ orbantur, nullam amplius effervescentiam monstrant. Alkali porrò in genere consideratum substantias metallicas & terras Acidis unitas præcipitat.

Dividitur Alkali in *Fixum* & *Volatile*.

Fixum est Alkali intensum ignis gradum absque dissipationis nota sustinens, & Mercurium e Sublimato Corrosivo colore aurantio præcipitans. Cum Sulphure combinatum constituit *Hepar Sulphuris*, quod omnia Metalla, ne Auro quidem excepto, dissolvit, eaque Aquæ miscibilia reddit, &, præsertim si ope Calcis vivæ causticum reddatur, cum oleosis & pinguibus in Saponem coit.

Volatile est Alkali miti calore avolans, & Mercurium e Sublimato corrosivo præcipitans colore lacteo: vel sicca vel fluida forma obtinet; illud *Alkali Volatile concretum*; hoc *Spiritus Urinosus* audit.

Alkali volatile combinatum

cum Acido Vitrioli	dat	Sal secretum	GLAUBERI.
- - - - - Nitri	---	Nitrum	ammoniacale.
- - - - - Salis	---	Sal	ammoniacum.
- - - - - Acetofo	---	Spiritum	MINDERERI.

Alkali fixum dividitur in *Fossile* five *Minerale*, & in *Vegetabile* five *Lixiviosum*: illud CrySTALLIFICATIONEM patitur, in aëre ficcum perstat, quin imò Aquam CrySTALLIFICATIONIS amittit; hoc nullam formam crySTALLINAM exhibet, & in aëre in deliquium abit.

Alkali fixum fossile combinatum

cum Acido Vitrioli	dat	Sal mirabile	GLAUBERI.
- - - - - Nitri	---	Nitrum	cubicum.
- - - - - Salis	---	Sal	commune.
- - - - - Acetofo	---	Terram foliatam	crySTALLI-
			fatam.
- - - Tartaro	---	Sal polychrestum	solubile.
- - - Sale sedativo	---	Boracem.	

Alkali fixum vegetabile combinatum

cum Acido Vitrioli	dat	Tartarum	vitriolatum.
- - - - - Nitri	---	Nitrum.	
- - - - - Salis	---	Sal digestivum	SYLVII.
- - - - - Acetofo	---	Terram foliatam	Tartari.
- - - Tartaro	---	Tartarum	tartarifatum.

Utrumque Alkali fixum, tam vegetabile quam minerale, in igne funditur, & cum terra vitrescibili in pellucidum

vitrum confluit : hoc tamen , adhibito Alkali minerali , soliditate majori gaudet.

Alkalium Volatile *vires vide pag. 325.* fixa , modò pura sint , undecumque proveniant , vix viribus medicis inter se differunt. Omnia in majori dosi assumpta rodentia , caustica venena sunt , quibus Acida & Olea expressa , tamquam antidota , opponi debent. Ad grana quinque , decem , vel scrupulum unum , & præsertim multâ Aquâ diluta , efficacissimum in quibusdam morbis remedium constituunt , quod ab agyrtis quibusdam pro arcano divenditur. In primis viis Acidum domat , glutinosa solvit. Venis receptum humores attenuat , & resolvens est potentissimum , quod etiam rachiticos tumores & podagricos tophos legitur curasse. Omnes excretiones & plerumque diuresim promovet. Vi solvente humores ad putredinem disponit : hinc nocet in Scorbuto calido , febribus putridis &c.

Externè tumores frigidos & præsertim indurationes lacteas resolvit. Hic etiam , ne cutem erodat , multùm dilutum adhiberi debet.

SAL ABSINTHII.

Rec. Herbæ Absinthii leniter ficcatae . . quant. placet : comburatur in aëre aperto in cineres , quos humili vase figulino non vitreato exceptos in Furno Reverberii ad albedinem calcina : deinde in olla ferrea intus polita cum quadruplo Aquæ pluvialis ebulliant : lixivium per chartam bibulam filtra , & evapora ; donec Sal alkalinus fic-

cissimus superfit , quem ferventem adhuc immitte in lagenam calidam subere ficcissimo quam ocysimè obturandam.

Eodem modo parantur.

SAL ARTHEMISIÆ.

---- CARDUI BENEDICTI.

---- CENTAURII MINORIS.

---- GENISTÆ.

Cavendum sub cinerum calcinatione , quæ ideo solummodo instituitur , ut materies pinguis oleosa , qua inquinati sunt , uratur , ne iis nimis intensus ignis applicetur , tum enim fluere in massam vitriformem , quæ vix aliquid Salis daret.

Possunt quoque sine prævia calcinatione elixari cineres , modò Sal , quod hac ratione fusco nigricante colore tinctum ex evaporato lixivio acquiritur , ad albedinem calcinetur , in Aqua pura denuò dissolvatur , atque dissolutio dein per chartam bibulam filtrata ad siccitatem evaporetur.

Lixivium progressa evaporatione spissescens spatula ferrea assiduò agitetur , ne Sal ollæ accrescat : tandem arefcens massa salina pistillo ligneo redigatur in pulverem , ut ultima humiditas faciliùs exhalet.

NITRUM FIXUM.

Rec. Nitri ficci pulverisati quant. vis :
repleas eo Crucibulum fortissimum ad dimidias : reponc in
furno , & appone tantum ignis , quantum requiritur , ut
Nitrum fluat instar Aquæ : injice tum parvam quanti-

tatem pulveris carbonum , fiet deflagratio : deflagratione peracta , aliam portionemingere , fiet deflagratio , ut prius : continuetur patienter talis injectio , donec Nitrum tandem non amplius incenditur ab injecto pulvere carbonum : supererit massa albescens , viridescens , Alkalina , in aëre sponte deliquescens ; quare , dum adhuc calet ab igne , fracto Crucibulo , illico eam exime , ac vase puro vitreo reconde.

Ignis sub finem paulò intensior administrari debet , cum Nitrum eò difficilior fluat , quò Alkali copia magis increfcit.

Nitrum licet fufum & penitus ignitum non incenditur , priusquam in contactum venit cum Phlogisto : simulac verò ei injicitur pulvis carbonum , fit subito vivida & strepitans inflammatio , *Detonatio* dicta , quæ tamen consumpto Phlogisto mox cessat , neque renascitur , nisi pulveris carbonum alia portio Nitro addatur : hinc liquet , Nitrum inflammabile per se nequaquam dici posse. Acidum nitrosum sub detonatione ab Alkali fixo vegetabili avellitur , & Acidum ipsum decomponitur : resolvitur sic multum aëris dephlogisticati , cui , quum carbo ignitus ab illo aëre circumdatus vivida scintillatione , sæpissime in flammam erumpente , & sensibili decrepitatione consumitur , detonatio adscribenda videtur.

LIQUOR NITRI FIXI.

Rec. Nitri fixi quant. vis :
immitte in vas vitreum amplè patens : reponere in cella subterranea , aliove loco humido : Aquam ex ambiente

atmosphæra attrahet , ac inde brevi in liquorem colliquefcet , qui filtratus *Liquor Nitri fixi* audit.

Eodem modo fit e *Sale Tartari*

OLEUM TARTARI PER DELIQUIUM.

SAL TARTARI.

Rec. Tartari crudi , vel carbonis residui ex analyfi Tartari quant. placet:ingere in concham figulinam non vitreatam furno Reverberii commiffam , & igne primò moderato, dein gradatim aucto calcina , donec Sal penitus albefcat , nullosque amplius fumos edat : dissolve tum in fufficiente quantitate Aquæ puræ , Lixivium per chartam bibulam filtra , atque ad ficcitatem evapora : supererit Sal Tartari , quem adhuc calidum vasis vitreis probè obturandis conde.

Alia quoque encheirefi paratur hoc Sal : nempe , fi Tartarus , chartæ madefactæ involutus , & cum carbonibus stratificatus , igne aperto ad albedinem calcinetur : verum , cum ignis gradus hîc non adeò accuratè determinari queat , Sal nimio calore sæpiffime funditur , fufus carbones perfluit , & ab iis eorumque cinere fic inquinatur.

Sal Tartari fuggerit Alkali fixum vegetabile omnium puriffimum.

SAL TARTARI EXTEMPORANEUM , five FLUXUS ALBUS.

Rec. Nitri puri ,

Tartari crudi ana part. æquales :
ambo

ambo ficcata, pulverifata, & mixtaingere in mortarium ferreum, & admove prunulam ardentem: fiet deflagratio; qua peracta, massam dissolve in Aqua pura, atque procede, ut in processu præcedenti.

Si ratione Nitri recipiatur duplum Tartari, obtinetur Sal alkalinus multo Phlogisto & Tartaro non decomposito inquinatus, *Fluxus Niger* dictus, qui Calcium Metallorum reductioni adhibetur.

LAPIS CAUSTICUS.

Rec. Cineris clavellati libr. duas,
Calcis vivæ libr. tres:
immitte in vas terreum, ac superaffunde

Aquæ pluviae fervidæ pint. novem:
relinque hæc ita per biduum, subinde agitando: lixivium dein per linteum densum filtratum vaporet in olla ferrea ad ficcitatem: obtentam massam salinamingere in Crucibulum inter carbones ardentes collocatum, & igne moderato funde: materies primò intumescit, dein fusa subsistit: effunde tum super laminam cupream calefactam prius, & , dum adhuc calet, scindatur in fragmenta variæ magnitudinis vase vitreo probè obturato servanda.

Eligatur Calx viva ficcissima, neque hætenus fissâ, neque in pulverem delapsa, sitque cinis clavellatus ab omni Sale alieno purus.

Lapis causticus incredibili vi humiditatem attrahit: hinc, si vas, quo continetur, aperiri debet, id fiat in loco sicco, nec non subito dein claudatur.

Alkali causticum concentratissimum constituit. Parti animali applicatus eandem rōdit , & in tabum solvit : hinc tamquam escharoticum a Chirurgis adhibetur. Cum humiditatem tam potenter attrahat , notari debet , eum a loco , cui applicatur , facilè diffluere.

SAL SODÆ, sive ALKALI FIXUM MINERALE.

Rec. Sodæ hispanicæ pulverisatæ . . . quant. placet : immitte in ollam ferream , & ebulliat cum sufficiente quantitate Aquæ unam alteramve horam : dein per chartam bibulam filtra , & lixivium evapora , donec parva portio inde desumpta crystallos monstret frigefacta : transfunde tum lixivium in vasa fictilia , atque in loco frigido ad crystallisandum repone : postridie crystallos exime : evaporationem & crystallisationem repetas , donec lixivium superstes crystallos exhibere recusset : crystallos sic obtentas altera instituta crystallisatione purifica & super chartam bibulam leniter sicca.

Si crystallis exhaustum lixivium evaporetur ad siccitatem , exhibet Alkali fixum vegetabile : verum cum id valde impurum sit , & haud facilè , quamvis adhibeatur calcinatio , depuretur , lixivium residuum ferè abjicitur.

Sal Sodæ aëri libero sicco expositum in pulverem fatiscit : hinc , si velis crystallorum formam conservare , eas necdum planè siccas vasi vitreo probè claudendo committe.

SPIRITUS SALIS AMMONIACI CAUSTICUS ,
sive ALKALI VOLATILE CAUSTICUM ,
VULGÒ SPIRITUS SALIS AMMONIACI CUM
CALCE VIVA.

Rec. Calcis vivæ in aëre in pulverem delapsæ . libr. duas :
immitte in Retortam vitream , & superinjicias

Salis ammoniaci pulverisati libr. unam :
his affunde

Aquæ puræ pint. unam semis :
Retortam committe Balneo arenæ , & subito adaptato Re-
ceptaculo amplo perforato ; juncturisque luto pingui fir-
matis , fiat destillatio per gradus , protrahenda , donec
pinta una liquoris , in vitro epistomio vitreo munito asser-
vandi , prodierit.

Aër Alkalinus volatilis , qui ipsum est Alkali volatile
omni aëre fixo orbatum , & non alia quam fluida forma ob-
tinendum , ab Aqua absorptus hunc Spiritum constituit.
Fluidum id aëriforme magna copia sub destillatione extri-
catur , & sensim tantùm a prodeunte liquore dissolvitur : hinc
obturaculum , quo Excipuli foramen occluditur , subinde
amoveatur , ne vasa rumpat , & ignis initio substernatur
valde moderatus , vel , quod tutius , apparatus per aliquot
horas absque igne relinquatur : solo enim calore , qui in
miscela exoritur , primi Spiritus prodeunt.

Residuum Sal marinum basi terrea ex Acido Salis &
Terra calcaria coalitum continet , quod indè prægressa cal-

cinatione , per deliquium obtinetur , nec non valde improprie *Oleum Calcis* nuncupatur.

Alkalium volatiliū vires pag. 325. dictas habet ; sed ope Calcis multū acuatus , & causticus redditus est. In animi deliquio , asphyxia &c. naribus admovetur , ut volatili forti stimulo nervos olfactorios feriat. Ad fricanda membra paralytica unguentis nervinis additur , & a quibusdam Chirurgis ad consumendum saccum tumorum cysticorum laudatur. Ob causticitatem internè non solet adhiberi : posset tamen in hunc finem sufficienter dilui.

SPIRITUS SALIS AMMONIACI TARTARISATUS, five SPIRITUS SALIS AMMONIACI CUM SALE TARTARI.

Rec. Salis ammoniaci libr. unam ,
 ---- Tartari libr. duas ;
 seorsim pulverisata & mixta injiciantur in Retortam vitream,
 & affunde

Aquæ pluvialis pint. unam :
 apparatu dein ita disposito , ut in processu præcedenti , fiat
 destillatio ad siccitatem.

Alkali volatile concretum vasorum lateribus adhærens unà cum Spiritu lagenæ committatur : liquor sic Sale volatili superfaturatus diutiùs salvis viribus asservatur.

Residuum in Aqua dissolutum , dein filtratum , & ad pelliculam evaporatum dat crystallos ex Acido Salis, quod alteram partem Salis ammoniaci constituit , & adhibito Alkali

fixo vegetabili concretas, quæ *Salis digestivi* vel *Febrifugi* SYLVII nomine veniunt.

Alkali volatile purissimum vehit, & ab eo vires habet.

SPIRITUS SALIS AMMONIACI VINOSUS.

Rec. Spiritus Salis ammoniaci caustici . unc. quatuor,
 Alcoholis Vini unc. octo:
 misceantur exactè.

Ita Spiritus Salis ammoniaci minùs causticis & ad usus internos accommodatior redditur. In affectionibus frigidis, præsertim primarum viarum, à guttis quinque ad scrupulum unum in appropriato vehiculo, præscribitur.

SAL VOLATILE SALIS AMMONIACI.

Rec. Salis ammoniaci ficci non fuliginosi . libr. unam,
 Cretæ albæ libr. tres:
 ambo in pulverem redacta & mixta immittantur in Retortam terream: reponere eam in furno Reverberii, & agglutina Excipulum perforatum: deinde fiat sublimatio igne primò leni, dein gradatim aucto; donec ultimò Retorta candeat, prodeatque ampliùs nihil, quod Excipuli partis superioris refrigeratio indicabit: soluto apparatu, Sal volatile ab Excipuli parietibus ferreo instrumento separa, & in lagena accuratè obturata serva.

Residuum ab illo, quod Spiritus Salis ammoniaci causticus relinquit, non differt.

Sal alkalinum volatile purissimum constituit. Ejus vires vide supra pag. 325.

SALIA BASI ALKALINA ET TERREA.

ARCANUM DUPLICATUM, sive SAL DE
DUOBUS.

Rec. Nitri puri ,

Vitrioli viridis ana part. æquales :
pulverisata & mixta injiciantur in Crucibulum, atque igne
valido calcinentur, quamdiu vapores exhalent : massam re-
frigeratam dissolve in Aqua calente, & postquam fœces
subsederint, instilla guttulam Olei Tartari per deliquium,
notando an fiat præcipitatio, quæ si obtineat, perge in-
stillare, donec ea cesset : tum filtra, vaporet ad pellicu-
lam, & crySTALLIFICATIONI committe.

Acidum Vitrioli hîc excutit Acidum Nitri, arripiens
Nitri Alkali, quocum Arcanum duplicatum constituit, Tar-
taro vitriolato haud dissimile : ferrum verò, quod Vitrioli
basim efficit, calcinatur, atque in filtrò remanet.

*Ad scrupulum unum singulis tribus vel quatuor horis ex-
hibitum efficax solvens est, quod in saburra tenaci ac glu-
tinosis humoribus feliciter adhibetur, & tamquam specificum
in tumoribus lacteis laudatur. Ad dragmas tres vel quatuor
mite purgans est.*

LIQUOR CORNU CERVI SUCCINATUS.

Rec. Salis volatilis Succini depurati unc. unam :
dissolve in

Aquæ calidæ lagena vitrea contentæ, unc. sexdecim,
& addatur

Salis volatilis Cornu Cervi depurati . quant fufficit ad punctum faturationis , quod hujus Salis uncia una ferè obtinetur : liquorem faturatum tum promptè per chartam emporeticam filtra , & vafe vitreo obturaculo vitreo munito afferva.

Laudatur tanquam antifpafmodicus , diureticus , diaphoreticus. Præfcribitur præfertim adversùs morbos convulfivos infantum , hemicraniam hystericam &c. Dofis a guttis quatuor ad quadraginta.

SAL MIRABILE GLAUBERI, five SODA VITRIOLATA.

Rec. Salis Sodæ quant. vis :
dissolve in

Aquæ bullientis fuffic. quantitate:
lixivium immitte in vas vitreum , & instilla , accedente liquoris agitatione , Spiritum Vitrioli : fiet effervescencia : perge instillare ad punctum faturationis ; scilicet , donec effervescencia cesset : lixivium dein , præmissa filtratione , atque fufficienti evaporatione , quietum in loco frigido repone , ut concrefcant cryftalli , super chartam bibulam leniter ficcandæ.

Sal mirabile GLAUBERI aëri libero expositum , ficuti Sal Sodæ , in pulverem fatifcit : hinc , ut cryftallolum forma fervetur , simulac charta bibula cryftallis adhærens lixivium imbiberit , vasis rite obturandis condi debet.

Viribus ab Arcano duplicato vix differt.

SAL POLYCHRESTUM.

Rec. Nitri puri ficci pulverisati,

Florum Sulphuris ana part. æquales :
 fiat accurata miscela, cujus parvam portionem injice in Cru-
 cibulum candens : fiet deflagratio, qua peracta, aliam
 portionem adjice, deflagrabit ut prior : perge ita, donec
 omnis materia huic operi destinata detonaverit : massam
 dein dissolve in Aqua bulliente : lixivium per chartam
 emporeticam filtra, & evapora, donec pellicula crystal-
 lina in ejus superficie appareat : tum ab igne remove :
 frigescente lixivio, concreſcent cryſtalli, quas super char-
 tam bibulam ficca : evaporationem & cryſtallificationem
 repete, donec omnes cryſtallos exhaustis.

Si ultimæ cryſtalli non candeant, altera instituta cryſtal-
 lificatione depurentur.

Sal polychrestum constat Acido Sulphuris & Alkali fixo
 vegetabili, quod Nitri basim constituit: Sulphuris Phlogiston
 ac Nitri Acidum deflagrando dissipantur.

*Ergo in hac præparatione alia methodo, quam in compo-
 sitione Arcani duplicati, acidum vitriolicum jungitur Alkali
 nitri. Vires porrò eædem sunt.*

SAL POLYCHRESTUM SOLUBILE,
 VULGÒ DE SEIGNETTE.

Rec. Salis Sodæ quant. vis:
 dissolve in sufficiente quantitate Aquæ & ebullienti liquori
 immitte

immitte tantum Cremoris Tartari in pollinem reducti , quantum requiritur ad saturationis punctum : lixivium tum filtra , & evapora , donec parva ejus portio in laminam vitream effusa parvulas , postquam refrixerit , exhibeat crystallos ; dein in loco frigido ad crystallifandum repone : magnas obtinebis crystallos sæpissimè obductas pulvere tenuissimo Cremoris Tartari , qui aqua frigida auferatur : Lixivio autem superstiti calefacto iterum immitte Cremorem Tartari , donec effervescentia cesset : tum evapora : frigore concrefcent novæ crystalli : perge eadem ratione ; donec crystalli fiant amplius nullæ.

Authores quidam vasa terrea & cuprea intus stanno obducta indiscriminatim ad hujus Salis confectionem præscribunt : verùm , cum cuncta Salia Cuprum dissolvant , ac crusta stannæ , qua Cuprum obducitur , eorum actionem non prorsus impediat , cuprea vasa ab opere Salium excludantur.

Ad scrupulum unum pluries de die exhibitum antiphlogisticum , aperiens est. Ad unciam dimidiam pro dosi datum etiam alvum laxat.

SAL PRUNELLÆ , five CRYSTALLUS MINERALIS.

Rec. Nitri purificati libr. duas :
mitte in Crucibulum inter prunas collocatum , ut fundatur :
fuso injice

Florum Sulphuris unc. semis :

finita deflagratione, effunde in pelvim, quam subito in gyrum agita, ut fufum Nitrum totam fuperficiem percurrat, & frigefcendo conftituat lamellas.

Siftit hoc præparatum nihil aliud quam Nitrum Aqua fua cryftallifationis orbatum, quod paululum Salis Polychrefti immixtum habet.

Ex dictis vires erui poffunt.

SAL SEDATIVUM CRYSTALLISATUM.

Rec. Boracis purificatæ libr. unam :
mitte in vas figulinum non vitreatum, affunde Aquæ communis quantum fatis eft, & Salem coctione diffolve : dein ferventi lixivio inflilla, accedente agitatione fpatula vitrea, Oleum vel Spiritum Vitrioli, donec Acidum nonnihil abundet : lixivium tum filtra : frigore concrefcant cryftalli leviffimæ, parvæ, fplendidæ, attactu, ut Talcum, pingues : cryftallifationem evaporando lixivio repete, donec tales cryftalli fiant amplius nullæ : cryftallos omnes collectas altera inflituta cryftallifatione ab adhærente Acido purifica, & fuper chartam bibulam ficca.

Superftes lixivium continet *Sal mirabile Glauberi* ex Acido Vitrioli atque Boracis bafi (Alkali foſſili) concretum, quod ulteriori evaporatione inde obtinetur.

Non ſolummodo Acidum Vitrioli, verum quodvis Acidum, five minerale, five vegetabile, Sal ſedativum e Borace ſeparat ; ea tamen lege, ut, quodcumque aſſumatur

Acidum, id paululum abundet, ac inde lixivio conciliet proprietates acidas : alioquin Sal sedativum cum Sale neutro, quod ultimò acquiritur, & pro diverso adhibito Acido variat, promiscuè crySTALLIFATUR.

Constat experimentis cl. EXSCHAQUET & STRUVE, quibus salis sedativi analysim debemus, illud sistere combinationem Acidi phosphorici cum Terra vitrescibili.

SAL SEDATIVUM SUBLIMATUM.

Rec. Salis sedativi crySTALLIFATI unc. tres :
immitte in Cucurbitam vitream humilem in Balneo arenæ collocatam, & affunde

Aquæ puræ tantumdem :
imposito Capitello, ei adjuncto Excipulo, commissurisque luto communi obstipatis, fiat destillatio igne gradatim aucto ad siccitatem : transit primò Aqua sola ; dein cum ultima Aquæ portione sublimatur pars Salis sedativi exiguarum crySTALLORUM forma : cessante sublimatione, frigescat apparatus, Sal sublimatum exime, Aquam destillatione obtentam residuo denuo affunde, atque destillationem repete : sublimabitur Sal sedativum, ut priùs : perge eadem lege, donec nihil ampliùs elevatur.

Sal sedativus solus igni expositus fixum se præbet : fit hic volatile intermedio Aquæ : ubi enim hæc omnis ascendit, nihil ampliùs sublimatur : ea quæ prodiit igitur denuo affunditur, ut sublimatio continuetur ; cùm verò, quotiescumque nova instituitur sublimatio, expectandum sit, donec

apparatus refrixerit, antequam possit Aqua denuo affundi, operatio valde tædiosa evadit: hanc ob causam monitu cl. BAUMÉ præferri meretur Cucurbita ex Argento cupellato conflata, qua operatio multum abbreviatur.

Sublimatum hoc Sal ab eo per crysallisationem parato non differt, nisi paulò majori levitate.

In febribus inordinatos sanguinis motus compescere, delirium avertere, & antispasmodicas vires habere passim creditur. Aliqui a granis duobus ad decem id præstare; alii magnam dosim, etiam dragmæ, ad id requiri contendunt. Ex hoc solo facile concludi potest ejus vires necdum satis probatas esse.

SPIRITUS MINDERERI.

Rec. Salis volatilis Salis ammoniaci . . . quant. vis: in vas vitreum capax immisso affunde, vas subinde agitando, Acetum destillatum, donec effervescentia cesset: liquor dein Balneo arenæ calefiat, ut intimior fiat combinatio, & rursus instilla aliquot guttas Aceti destillati, attendendo an adhuc fiat effervescentia, quæ si obtineat, perge instillare, donec ea cesset; quo peracto, liquor filtretur, & in vitro epistomio vitreo instructo servetur.

Antisepticum, penetrantissimum aperiens & tutum sudoriferum est, quod, cum calorem non intendat, etiam in febribus sine periculo exhiberi potest. Dosis est uncia dimidia, etiam pluries de die.

Externè , tamquam præstans & penetrans resolvens, ad tumores frigidos & sarcocèle laudatur.

TARTARUS TARTARISATUS, five TARTARUS SOLUBILIS. *Tartre's potassée*

Rec. Salis Tartari quant. vis :
immitte in vas figulinum ; dissolvatur in duodecuplo Aquæ puræ , & ebullienti dissolutioni injiciatur Cremor Tartari tenuissimè pulverisatus ad punctum saturationis : lixivium dein filtratum leni calore ad ficcitatem evapora , & obtentam massam salinam in vase vitreo probè obturato serva.

Viribus a Sale polychresto solubile vix differt.

TARTARUS VITRIOLATUS.

Rec. Salis Tartari quant. placet :
dissolve in sufficiente quantitate Aquæ ferventis , & instilla Spiritum Vitrioli ad punctum saturationis ; scilicet , donec ab instillata gutta nulla amplius exoriatur effervescencia : lixivium dein filtratum vaporet ad pelliculam , & ad crySTALLIFANDUM reponatur.

Vires Salis mirabilis Glauberi possidet.

TERRA FOLIATA TARTARI.

Rec. Olei Tartari per deliquium . . quant. volueris :
immitte in Receptaculum vitreum capax , & affunde , vas sæpè concutiendo , Acetum destillatum ad saturationis

punctum, quod obtinueris, si Syrupus Violarum Aqua dilutus ab instillato lixivio non ampliùs tingatur virore, sed cœruleus perstet: lixivium tum filtra, ac vaporet e concha vitrea vel figulina non vitreata ad remanentiam unius tertiæ: lixivium tum denuo Syrupo violarum explora, an etiamnum saturatum sit: sin minùs, perge instillare Acetum destillatum ad perfectam saturationem; qua obtenta, vaporet leni calore ad siccitatem: supererit massa salina alba Aquæ avidissima, quam calentem adhuc vase vitreo calefactato priùs, optimè obturando conde.

Sæpè evenit, ut lixivium sub evaporatione fuscum colorem induat, & Terra foliata consequenter plùs minùs nigricans obtineatur, quod maximè sit ab actione Alkali in Aceti destillati partem oleosam, quæ sub progressa Aceti destillatione unà cum eo ascendit: hinc, ut Terra foliata constanter alba acquiratur, illa tantùm pars Aceti, quæ sub destillatione primò prodit, assumatur, & Alkali purissimum adhibeatur.

Si loco Aceti destillati recipiatur Acetum Vini simplex, obtinetur *Terra Folciata Tartari minùs laboriosa*: si autem lixivium Salis Sodæ cum Aceto destillato saturetur, ac crystallisationi submitatur, consequimur *Terram foliatam crystallisatam*, seu *siccam*.

Mitissimum, efficacissimum resolvens & aperiens est, quod ordinariò in nimis parca dosi præscribitur. Sal Tartari, sufficienti quantitate Aceti saturatum, sine evaporatione aut

ulteriori labore, non minùs efficax est. Ad dragmas aliquot exhibitum felicissimè per alvum, vel diuresim operatur.

SALIA BASI METALLICA.

BUTYRUM ANTIMONII, five CAUSTICUM

ANTIMONIALE.

Rec. Reguli Antimonii unc. sex,
 Mercurii sublimati corrosivi . . . unc. sexdecim:
 seorsim pulverisata misceantur exactè in mortario vitreo cavendo ab exhalante vapore, & immittantur retortæ siccissimæ, breviori atque ampliori instructæ collo, triplumque continendo capaci, respectu materiæ: retortam tum pone in furno arenæ, applica recipiens perforatum, & commissuras pasta ex calce & argilla Aqua subactis firma: fiat dein destillatio, ignem prudenter per gradus augendo, donec Butyri prodit ampliùs nihil: refrigeratis omnibus, aufer Excipulum; idque admove igni, ut lique scat Butyrum: dein effunde in concham vitream: frigore denuo concre scet: concretum in frusta sec a, ac vase vitreo optimè claudendo conde.

Ferè fit, ut inter destillandum Butyrum Antimonii concre scet in collo retortæ, eo in casu, ne id obstruat, unde vasorum dis plosio necessariò exoriretur, collo admoveantur cautè prunæ candentes, ut Butyrum lique scat, & in recipiens defluat.

Excipuli foramen identidem aperiatur; verùm caveas ne vapor summè corrosivus, qui tum erumpit, ad pulmones perveniat: eadem utere circumspèctione, dum Butyrum Antimonii e receptaculo effundis.

Acidum Salis in hac operatione deserit Mercurium, ac sese combinans cum Regulo Antimonii constituit Antimonii Butyrum, Sal metallicum, facilè deliquescens. Remanet in Retorta Mercurius cum parva quantitate adhibiti Reguli, linteo expeditè ab eo separabilis.

Si loco Reguli assumatur Antimonium crudum, ejusque pars una cum partibus duabus Sublimati corrosivi eodem modo tractatur, præter Butyrum Antimonii, nascitur sub finem operationis è combinatione Mercurii cum Sulphure, quod alteram partem Antimonii constituit & a vulgari non differt, *Cinnabaris*, *Antimonii dicta*.

Butyrum Antimonii in aëre libero deliquium passum *Oleum Antimonii* audit.

Causticum est potentissimum, quod a Chirurgis ad delendum callos ulcerum, ad cariei limites ponendum, & ad venenum hydrophobicum cum ipsa demorsa parte destruendum optimè adhibetur. Ope penicilli illinitum & illico lacte ablutum ab aliquibus laudatur ad corneæ staphylomata.

Internè assumptum promptissimum venenum est, quod alcalinis & tutissimè sapone cicuratur.

CRYSTALLI

CRYSTALLI LUNÆ.

Rec. Argenti cupellati in tenues laminas extenſi & conſciſſi unc. unam :

immitte in cucurbitam vitream humilem, & affunde

Spiritus Nitri unc. duas :
cucurbita in Balneo arenæ collocata, fiat leni calore diſſolutio, qua obtenta, frigefcant omnia; concreſcent cryſtalli, quas decantatione ſepara: cryſtallificationem dein, evaporando liquorem, repete, donec omnes cryſtallos exhauſeris.

Argentum cupellatum rite paratum dat diſſolutionem excolorem; ſi verò Cuprum contineat, diſſolutio plùs minùs in cœruleum vergit.

Sit Spiritus Nitri puriſſimus, ne fiat Argenti præcipitatio: vid. animadv. in Spiritus Nitri deſtillationem.

Pro viribus vide infra, LAPIS INFERNALIS.

EXTRACTUM SATURNI, five ACETUM
LITHARGYRI.

Rec. Ceruſſæ pulveriſatæ libr. unam :
immitte in Cucurbitam vitream, & affunde

Aceti deſtillati pint. quatuor :
repone Cucurbitam in Balneo arenæ, & coque modico calore, bacillo ligneo ſæpius agitando, ad medias: liquorem dein filtra & in lagena vitrea aſſerva.

Loco Cerussæ ad hanc præparationem recipi potest Lithargyrum, vel Minium: si verò adhibeatur Cerussa commercii, eligatur in laminis, ea scilicet, quæ vulgò *Schulps-Wit* appellatur, quippe quæ purissima est.

Aqua vegeto-mineralis exsurgit, si Aceti Saturni uncia una atque Spiritus Vini gallici uncia duæ misceantur cum Aquæ puræ pintis duabus. Decomponitur Extractum Saturni ab omni Sale vitriolico: hinc si, ut fieri solet, ad Aquam vegeto-mineralem recipitur Aqua putealis, quæ nonnumquam Seleniten continet, fit, ratione selenitici Salis copiae, Vitriolum Plumbi, quod sensim fundum petens liquorem reddit lacteum: si verò Aqua fuerit pura, liquor erit excolor.

Extractum Saturni internè assumptum, ut reliqua Plumbi præparata, diros & venenatos effectus edit. Externè adstringit, repercutit. D. GOULARD, qui hoc præparatum præsertim celebre reddidit, candelas ex eodem & cera factas adversùs incurabilia alioquin uretræ vitia commendat.

Multa Aqua dilutum, ut in Aqua vegeto-minerali, tamquam tutum & præstantissimum antiphlogisticum a Chirurgis adhibetur.

LAPIS INFERNALIS.

Rec. CrySTALLORUM Lunæ quant. placet:
mitte in Crucibulum e materia terrea, vel ex Argento cupel-
lato confectum, & leni calore funde: materies primò

tumet, vaporat, dein fusionem tranquillam subit: tum effunde in modulos ferreos cylindricos sebo illitos; frigore concretam massam exime & vase clauso asserva.

Fit Lapis infernalis æquè bonus, ubi argenti dissolutio in concha vitrea ad siccitatem evaporatur, atque dein massa superstes sicut CrySTALLI Lunæ tractatur.

Quum terreæ Crucibula valde porosa sint, & hinc multum materiæ imbibant, argenteum Crucibulum utique præferri meretur.

Causticum est efficacissimum, & tamquam tale multum Chirurgis in usu. Adhibetur præsertim ad carnes luxuriantes, spongiosas, & ulcerum callum absumendum: nævos, verrucas aliosque tumores, qui ob loci difficultatem cultro auferri nequeunt, eradicandum; virus venereum, hydrophobicum cum ipsa parte, in qua hæret, destruendum; abscessus vel lentè suppurantes, vel in hominibus ferrum abhorrentibus aperiendum &c. Cum Aquæ avidissimus sit & ab ea solvatur, difficulter intra præscriptos limites tenetur.

Multa Aqua dilutus ulcera exsiccat, & laxas partes roborat: ut etiam in hos fines in fistula lacrymali per puncta lacrymalia injiciatur.

MERCURIUS PRÆCIPITATUS ALBUS.

Rec. Spiritus Nitri. unc. quinque:
in iis dissolve

Mercurii puri unc. quatuor,

vel quantum fufficit ad Spiritus Nitri faturationem: diffolutioni infilla muriam ex Salis marini parte una in feptem octove partibus Aquæ factam, donec ceflet præcipitatio: tum quiefcat aliquamdiu vas, ut excuffus pulvis fundum petat: fupernatantem dein limpidum liquorem decanta, præcipitatum Aqua pura frigida multoties abluc, & fuper linteum denfum in umbra ficca.

Quamprimum binæ diffolutiones commifcentur, Acidum Salis adgreditur Mercurium, quocum majorem affinitatem habet, quam Acidum Nitri, ficque nafcitur Sal parum folubile, quod hinc forma præcipitati excutitur: Acidum Nitri verò fe combinans cum Alkali minerali, bafi Salis marini, conflituit Nitrum cubicum.

Quamvis omnis Mercurius in hac operatione feparetur ab Acido Nitri, non ex toto tamen præcipitatur; fed pars ejus Acido Salis unita in liquore præcipitato fupernatante unà cum Nitro cubico diffoluta hæret, atque ex eo, per evaporationem concentratori reddito, Salis alkalini adufione dejici poterit.

Alia & valde ufitata Præcipitatum album parandi methodus hæc eft: recipiuntur Salis ammoniaci, & Mercurii fublimati corrofivi ana partes æquales, diffolvuntur in Aqua deftillata, & diffolutio filtratur per chartam emporeticam: fit dein præcipitatio Oleo Tartari per deliquium, & ad fundum dejectus pulvis cluitur tamdiu, donec planè infipidus evaferit. Monendum circa hanc præparationem, quod,

si plus alkalini Salis, quam ad Mercurii excussionem necessarium est, adhibetur, Præcipitatum flavescat: observatio verò maximè essentialis in præparatione Mercurii præcipitati albi per additionem muriæ Salis in eo versatur, ut Acidum Nitri Mercurio catenus sit saturatum, ut ejus nihil ampliùs dissolvere queat.

Ex mox paulò inferiùs dicendis patebit, hoc præparatum esse speciem Mercurii dulcis. Internè tamen vix præscribitur: externè cum axungia in Unguentum redactum commendatur ad scabiem, ad carnes spongiosas absumendum, & ulcera exsiccandum.

MERCURIUS SUBLIMATUS CORROSIVUS.

Rec. Vitrioli Mercurii,

Salis marini ficcati ana part. æquales:
in mortario vitreo pulverisata & mixta immittantur in matratium brevi collo instructum, tantæ capacitatis, ut duæ tertiæ vacuæ remaneant; idque tunc reponere in furno arenæ ita, ut cavum ollæ ferreæ ferè tangat, & circumponatur illi arena ad altitudinem superficiei materiæ contentæ: tum, collo matrati convoluta charta clauso, instituat sublimatio igne primò leni, dein sensim augendo, donec tandem olla ferrea rubescat ab igne: continuetur talis ignis per tres circiter horas, quo tempore omnis Mercurius elevabitur: vitrum refrigeratum distringatur, & Mercurius sublimatus exemptus in vase sicco adservetur.

Methodus hæc facillima præparandi sublimatum corrosivum primò proposita est a cl. BOULDUC in *Mem. de l'Acad. des Sc. de Paris*, ann. 1730. pag. 359., & secundùm cl. DEMACHY nunc apud Hollandos, atque Anglos, qui id majori quantitate præparant, reliquis methodis præfertur.

Acidum Vitrioli in hac operatione excutit Acidum Salis communis, seque combinans cum ejus basi constituit Sal mirabile GLAUBERI, quod post operationem in fundo matrattii invenitur: Acidum Salis verò ascendit cum Mercurio, & concrevit in sublimatum corrosivum, in quo Acidum Salis ita abundat, ut adhuc tres quartas Mercurii ad saturationem postulet.

Si residuum fortè aliquid Mercurii contineat, id separatur instillando guttatim residui dissolutioni Oleum Tartari per deliquium, donec præcipitatio cesset, & liquor accuratè filtretur antequam ad crystallisandum reponatur.

In majori copia assumptus promptissimum corrodens venenum est, cui, præter generalia, Alkalina & omnium tutissimè multa solutio Saponis, tamquam Antidota, opponi debent. In parca dosi adversus luem veneream obstinatissimisque morbos cutaneos optima medicina est, cujus usum jam a sæculis tentatum & ab ipso magno BOERHAVIO commendatum, neglectum tamen, celeb. BARO VAN SWIETEN denuo reduxit, & ferè universalem reddidit. Cl. hic vir grana duodecim hujus Medicamenti in libris duabus Spiritus frumenti soluta præscribebat, & quotidie ægris unum, duo, vel

tria coclearia, singula vice uncias aliquot decocti emollientis superbibendo, exhibebat. Hæc præparatio multis nauseosa est, & in ea particulæ rodentissimi veneni fortè minus bene dilutæ. Melius passim fertur, & tutior videtur dilutissima solutio aquosa. Granum V. G. dimidium sublimati in libra Aquæ destillatæ solvitur, & solutio Syrupo amygdalino edulcorata quotidie exhibetur. Dosis hæc, prout res exigit, & æger fert, augeri potest. Hæc, ut omnis luem veneream curandi, methodus sæpe fallit; quandoque sola medetur. In morbos pectoris proni, ut & illi, quibus valde sensiles nervi sunt, eam minùs bene ferunt.

Sublimatus corrosivus externè a Chirurgis quandoque tamquam causticum adhibetur: sed & sic diras egisse tragœdias hinc indè apud Observatores legitur. Ulcera venerea mali moris forti solutione V. G. granorum duorum in uncis tribus vel quatuor Aquæ bene lavantur. Granum unum in Aquæ destillatæ libris duabus vel tribus solutum summo cum fructu in gonnorrhœa & fluore albo urethræ & vaginæ injicitur. Tutum præterea & præstantissimum est cosmeticum, quod in herpete & tinea mira quandoque præstat, ac omni ulcere, omni tumori venereo imponi potest.

MERCURIUS SUBLIMATUS DULCIS, vulgò
MERCURIUS DULCIS, AQUILA ALBA, CA-
LOMELAS, seu PANACEA MERCURIALIS.

Rec. Mercurii sublimati corrosivi unc. octo,
- - - - - vivi depurati. , unc. sex:

ambo, adjecta drachma una semis Aquæ puræ, terantur in mortario vitreo, donec pulverem gryseum exhibeant, ac Mercurius non amplius appareat: peragatur tum sublimatio eadem lege, ut in præcedenti processu: confractione dein matratio, Mercurium sublimatum dulcem exime, & super porphyritem in pulverem subtilem redige: immitte tum in pelvim figulinam non vitreatam; Aqua bulliente, quæ Sal ammoniacum ratione duarum drachmarum ad pintam dissolutum tenet, pluries ablue, & tandem, omni decantato liquore, pulverem super linteam densum sicca.

Aqua miscelæ adjecta Mercurii extinctionem accelerat, & nocivi pulveris sublimati corrosivi ascensum impedit.

Abundans in sublimato corrosivo Acidum Salis Mercurio perfectè saturare operationis scopus est: ea, quam præscripsimus, Mercurii quantitas in hunc finem sufficit: si plus assumatur, id post operationem Mercurio dulci incrustatum reperitur, ac difficulter inde separatur: attamen sublimatum dulce, quamvis hæc justa adhibita sit Mercurii quantitas, semper continet aliquid sublimati corrosivi, neque ab eo reiteratis, quas omnes præscribunt Pharmacopœæ, sublimationibus liberatur: quin imò cl. MUSSCHENBROEKIUS observavit Mercurii dulcis gravitatem specificam post quamvis sublimationem decrescere; quod phænomenon sublimati corrosivi incremento attribuendum videtur: constat enim experimentis cl. BAUMÉ, Mercurium dulcem quaque sublimatione partim decomponi volatilisatione portionis Mercurii, &

& ratione dissipati Mercurii generari sublimatum corrosivum: ita ut Mercurius dulcis duodecies sublimatus, qui tunc *Panacea Mercurialis* audit, non rarò plus sublimati corrosivi contineat, quam is prima sublimatione obtentus: id circo statuit cl. Auëtor, unicam sublimationem sufficere, si sublimatum dein eo, quem præscripsimus, modo abluatur: Aqua enim omne sublimatum corrosivum aufert: sublimatum dulce verò, siquidem Aquæ bullientis unciae quatuor ejus granum unum tantùm dissolvunt, ferè intactum relinquit: Sal ammoniacum, quod Aquæ additur, sublimati corrosivi dissolubilitatem auget, & impedit, quominus Mercurius dulcis flavescat. Ex dictis videtur concludi posse, *sublimatum dulce*, *Calomel*, quo nomine notatur Mercurius dulcis sexies sublimatus, nec non *Panaceam Mercurialem* unum idemque præparatum constituere, si modò exacta instituta sit ablutio.

Ad grana decem vel quindecim exhibitus purgans, antihelminthicum est, quod etiam quandoque vomitum producit. Ad grana duo, tria, quatuor quotidie & per aliquot septimanas assumptus potentissimè resolvit, luem veneream curat, & omnes Mercurii virtutes ac noxas habet; ut sæpe post aliquot dierum usum etiam salivationem excitet.

CL. CLARE Chirurgus anglus, non sine ratione suspicatus vasa lymphatica, sola resorbtionis organa, nullibi in majori quantitate patere, & promptiùs officio suo fungi, quam in ore, œsophago, stomacho & intestinis tenuibus, nuper novam & facilem methodum hoc medicamentum adhibendi, & eodem

*luem veneream curandi excogitavit : ægrum scilicet grana duo, tria, quatuor & etiam plura oris internæ superficiei digito affricare, idque, donec omnia luis symptomata dispa-
rerent, vel salivatio paulisper desistere suaderet, quotidie repetere jussit. Plures Medicos anglos, inter quos celeberrimus HUNTERUS eminet, felicissimarum sanationum testes & inventi approbatores adducit. Ob majorem divisionem in hunc usum sequens præparatum preferri debere videtur.*

MERCURIUS DULCIS, sive CALOMELAS
SCHEELE, vel MERCURIUS DULCIS
VIA HUMIDA PARATUS.

Rec. Spiritus Nitri puri,

Mercurii depurati ana unc. sex :
immittantur in matrarium longo collo, convoluta charta
claudendo, instructum, & exponantur in Balneo arenæ
leni calori, donec cesset effervescencia: ignis tum adeò
intendatur, ut dissolutio ferè ebulliat: perge hoc ignis
gradu per tres vel quatuor horas matrarium subinde agi-
tando; dissolvetur adhuc notabilis Mercurii copia; nulla
tamen ampliùs observabitur effervescencia, quum jam non
decomponatur Mercurius, sed integer ab Acido Nitri
arripiatur: deinde per quadrantem horæ ebulliat: tum
præsto fit ebulliens dissolutio ex unciis quatuor semis Salis
communis crySTALLIFICATIONE depurati in tribus quatuorve
pintis Aquæ puræ facta: huic in cucurbitam vitream,
calefactam priùs, immisæ sub assidua agitatione sensim
infundatur ebulliens dissolutio mercurialis, sic, ut indissol-

lutus Mercurius in matratio remaneat : fiet præcipitatio colore lacteo : ubi omne præcipitatum sublèderit , supernatantem liquorem decanta , & Aqua calida præcipitatum sæpius ablue ; donec tandem affusa Aqua insipida perftet, ^{liqui co} ^{subl. eos} ^{equi tr} ^{Drang} qua decantata , præcipitatum super chartam bibulam leni calore sicca.

Mercurius hic dulcis , uti is qui sublimatione obtinetur , Acidum Salis Mercuriali calce & Mercurio sub forma metallica saturatum exhibet : ut ille , insipidus est , & vel in Aqua calcis , vel in Lixivio caustico nigro colore tingitur : hinc differt a *præcipitato albo* : hoc enim in dictis reagentibus flavescit , quia non continet Mercurium sub forma metallica ; sed Acidum Salis in eo solummodo calci Mercurii junctum est. Cæterum Calomelas SCHEELE Mercurium dulcem sublimatum , etiam probè trituratam , partium divisione multum antecellit.

SAL , vel VITRIOLUM MARTIS.

Rec. Spiritus Vitrioli quant. vis : committe cucurbitæ vitreæ , & injice limaturæ Ferri non rubiginosæ , nec particulis cupreis inquinatæ aliquam portiunculam : fiet effervescencia ; ferrum dissolvetur : dissolutione peracta , denuo limaturæ Ferri quid injiciatur , sicque pergatur , donec Ferri injecta pars in fundo vasis indissoluta remanet : lixivium tum filtra ; evapora ad cuticulam , atque ad crystallisandum repone.

Limatura Zinci eodem modo cum Spiritu Vitrioli tractata exhibet *Vitriolum album* , seu *Zinci*.

Sal Martis in catino ferreo vel figulino igni moderato expositum liquefcit, fervefcit, aquam cryftallifationis, quæ plus quam dimidium ejus ponderis constituit, fenfim amittit, & tandem abit in massam solidam e griseo albam, quæ *Vitrioli ad albedinem calcinati* nomine venit.

Vires vide pag. 216.

SAL, five SACCHARUM SATURNI.

Rec. Aceti Saturni. quant. placet :
vaporet in vase vitreo vel argenteo ad consistentiam Syrupi liquidioris : liquor tum filtretur : frigore concrefcant cryftalli, quas super chartam emporeticam ficca : evaporationem & cryftallifationem repete, donec cryftalli fiant ampliùs nullæ.

Ad pauca grana quotidie assumptum potentissimè adstringit, & ob hanc vim a quibusdam adversùs hæmorrhagias, fluorem album, gonorrhœam chronicam, sudores colliquativos &c. commendatum est : sed, ut alia saturnina, semper suspectum medicamentum sistit. A granis duobus quotidie per aliquot dies sumptis omnia colicæ pictonum symptomata produéta vidimus. Nec omnino tutæ videntur saturationes injectiones in urethram vel vaginam.

Externè adstringit, repercutit. Multâ Aquâ dilutum ab Aqua vegeto-minerali vix differt & antiphlogisticum, cosmeticum est.

TARTARUS EMETICUS, five TARTARUS
STIBIATUS.

Rec. Vitri Antimonii pellucidi in pulverem tenuissimum triti,
Cremoris Tartari pulverisati . . ana part. æquales:
mixta in Aquam bullientem vase figulino non vitreato five
argenteo contentam partitis vicibus injice : omni injecto
pulvere , protrahatur ebullitio , donec nulla amplius , ac-
cedente agitatione spatula lignea , fiat effervescencia : li-
quorem dein filtra , evapora ad pelliculam , & ad crystal-
lisandum repone : evaporationem & crystallisationem re-
pete , donec lixivium crystallis exhaustum sit.

Acidum Tartari hinc ad saturationem usque combinatur
cum Antimonii Vitro , quod partem ejus metallicam sistit
phlogistò suo partim orbatam ; sicque acquirimus emeticum
antimoniale sub statu salino ; hinc non obnoxium incommo-
dis , quæ oriri solent ab emeticis antimonialibus non solubilibus.

Cùm saturationis punctum ex plenaria effervescentiæ ces-
satione facilè determinetur , patet , longiorem decoctionem ,
quam quidam ad duodecim horas protrahi volunt , planè
inutilem esse.

Variant codices medicamentarii circa hujus præparati
basim : hi volunt decoctionem Tartari cum Antimonii He-
pate , alii cum ejus Vitro , alii denuo & Vitrum & Hepar
simul adhibendum præcipiunt : quum verò inter illa Vitrum
& emeticum maximè & ab Acido Tartari facillimè solubile
sit , utique præferri meretur.

Remanet in filtro parva quantitas materiæ sulphuræ mixta cum illa parte Vitri Antimonii, quæ dissolutionem non subiit.

Decomponitur Tartarus emeticus ab omni substantia metallica, quæ majorem cum Acido Tartari habet affinitatem, & præsertim a Ferro: hinc instrumenta ex eo metallo confecta ab hoc opere excludenda: decomponitur quoque ab Aqua non exquisitè pura: quin imò cl. MACQUER existimat, cum decomponi ab Aqua purissima, si ea calida & magna copia, ut usui medico plerumque præscribitur, adhibetur: eo in casu a præcipitata terra metallica cædem, quæ a Vitro, aliove quocumque præparato Antimonii emetico & non dissolubili, expectandæ noxæ: hæc tamen decompositio, ait cl. Vir, evitatur Cremore Tartari, si modo ejus pugillus Aquæ Tartari emetici dissolutioni destinatæ adjicitur.

Titulus vires exprimit: ad grana scilicet quatuor, quinque, sex exhibitum, emeticum est efficacissimum, quod partim etiam per alvum solet agere. In refractis dosibus, V. G. quartæ partis grani, omni trihorio vel quadrihorio repetitis, optimum alterans est, quod plerumque per sudores agit, & laxum, debilem, obrutum pulmonem ad expectorandum excitat. Stimuli gratia in multis casibus grana aliquot enematibus adduntur, & in eundem scopum granum unum alterumve radici Ipecacuanhæ solet adjici.

TINCTURA MARTIS ACETOSA, sive ACETUM CHALYBEATUM.

Rec. Limaturæ Ferri non rubiginosæ, purissimæ . unc. duas :
immitte in vas vitreum , & affunde

Aceti Vini pint. unam :
digere leni calore , donec Ferro saturatum sit Acetum ,
quod tum ex fusco rubrum induerit colorem : dein per
chartam bibulam filtra , & adjecta uncia una Alkoholis
Vini , in vitro bene clauso asserva.

Admixtum Alcohol mucorem arcet.

Ferri limatura, quæ ab artificibus id metallum tractanti-
bus comparatur , plerumque cupreas particulas intermixtas
habet : hinc eam ipse ex Ferro purissimo præpara.

Calx Ferri , quæ in filtro remanet , abluta , ficcata , ac
lævigata *Crocum Martis* exhibet.

*Hoc, ut & sequens, præparatum a ferro vires habet. Vide
page 75. Maximè debilibus præsertim conveniunt. Dosis guttæ
quadraginta , sexaginta & ultra.*

TINCTURA MARTIS TARTARISATA.

Rec. Cremoris Tartari pulverisati . . . unc. sexdecim ,

Limaturæ Ferri puræ non rubiginosæ . unc. sex :
fiat cum sufficiente quantitate Aquæ pluvialis massa , quam
viginti quatuor horas reponere : dein , additis Aquæ plu-
vialis pintis duodecim , ebulliant per plures horas in olla

ferrea , identidem agitando , & evaporatæ Aquæ bul-
lientem substituendo ; quo peracto , liquorem filtra , &
evapora ad Consistentiam Syrupi liquidioris : tum adde
Spiritus Vini rectificati unciam unam , ut arceatur mu-
cor , & in vase vitreo asserva.

VITRIOLUM CŒRULEUM, five VENERIS.

Rec. Cupri in tenues lamellas extensi five ejus limatu-
ræ libr. unam :

inijce in cucurbitam vitream , & affunde

Olei Vitrioli rectificati libr. tres :
tum repone cucurbitam in Balneo arenæ , & fiat dissolutio
eo ignis gradu , quo acidum vitrioli ferè ebulliat : dis-
solutione peracta , adde sufficientem quantitatem Aquæ ca-
lidæ , ut natæ in dissolutione crysalli , quæ nigricantis sedi-
menti forma apparent , dissolvantur : liquorem dein filtra ,
evapora ad pelliculam , atque ad crysallifandum repone.

Vires vide pag. 216.

VITRIOLUM MERCURII.

Rec. Mercurii vivi depurati unc. octo :
immitte in retortam vitream , & affunde

Acidi Vitrioli concentrati unc. duodecim :
retortam repone in Balneo arenæ , adjunge receptaculum ,
atque commissuram chartæ frustis , quibus pasta farinacea
illita est , obstipa : dein fiat destillatio igne gradatim aucto ,
donec prodit amplius nihil : pars Acidi Vitrioli sub forma
vaporis

vaporis albi transit in excipulum , & Acidum Vitrioli sulphureum exhibet ; pars altera cum Mercurio concrefcit in maſſam ſalinam Vitriolum Mercurii conſtituens , quod , confracta retorta , eximatur , & in vaſe vitreo probè obturato aſſervetur.

Causticum eſt , quod ad uſus medicos non præſcribitur. Ejus uſum chemicum vide ſupra pag. 373.

A P P E N D I X.

CUPRUM AMMONIACUM.

Rec. Vitrioli Cœrulei unc. unam :
dissolve in ſufficienti quantitate Aquæ bullientis , & inſtilla Spiritum Salis ammoniaci tartariſatum : fiet cupri præcipitatio : perge inſtillare , donec omne præcipitatum denuo ſolutum ſit in liquorem cyaneum : tum filtra per chartam emporeticam , & evapora Balneo maris ad ſiccitatem : cyanci coloris cruſta dein in pulverem trita in lagenâ vitrea obturaculo vitreo munita ſervetur.

Conſtat hoc præparatum Cupro , Vitrioli cœrulei baſim conſtituente , parvæ quantitati Alkali volatilis juncto , unde ejus color cyaneus dependet , & Vitriolo Ammoniacali ex Alkali volatilis combinatione cum Acido Vitrioli exorto : ſuperfluum verò Alkali volatile evaporatione unâ cum Aqua in auras diſſipatur.

Hoc medicamentum , quod ab aliquibus celeb. BOYLII ENS Veneris fuiſſe creditur , a Tinctura Cœrulea BOERHAVII

vix differt. Laudatur tamquam tonicum efficacissimum, & tamquam tale ab aliquibus annis adversus epilepsiam commendari cœpit. Non desunt observationes, quibus hæc virtus stabiliatur: in Comment. Medic. Edinburg. Vol. VII. hunc morbum ac dysphagiam spasmodicam sustulisse, & in Casibus Medicis celeb. DUNCAN convulsiones præterea curasse legitur. Uni e quatuor epilepticis, in quibus celeb. HOME hoc remedium tentavit, dirus morbus sublatus videbatur, ut etiam e nosocomio dimitteretur. Clar. Vir de tam modico successu videtur conqueri; nos ex eo pro Remedii efficacia concludimus.

Præscribitur ad granum dimidium manè & vesperi cum mica panis in Pilulam subactum, & sensim augetur dosis. In paulò majori, ut omnia Cupri præparata, promptè emesim excitat; ut etiam aliqui nullatenus ferre valeant.

FLORES SALIS AMMONIACI MARTIALES.

Rec. Salis ammoniaci ficci pulverisati . unc. sexdecim.
 Limaturæ Ferri porphyrisatæ . non rubiginosæ unc. unam:
 mixta immitte cucurbitæ terreæ, eam repone in furno appropriato, & capitellum cæcum luto communi farinaceo agglutina: fiat tum sublimatio igne tam intenso, ut cucurbitæ fundus ferè rubescat ab igne: pergatur tali ignis gradu per quinque vel sex horas: dein frigescant omnia; sublimatos Flores exime, & in vase vitreo optimè clauso asserva.

Ferrum ac Calces Ferri Sal ammoniacum decomponunt, & ejus Alkali volatile extricant: dum verò metallum illud tam exigua, ut hìc præscribitur, quantitate adhibetur, elevatur ferè omne Sal ammoniacum immutatum cum adhibiti Ferri portione, quæ huic Sali colorem citrinum conciliat: residuum, quod compositum e Ferro & Acido Salis constituit, aëri humido expositum deliquescit, & *Olei Martis* nomine venit.

Incidunt, resolvunt, roborant. Dosis a scrupulo ad dragmam.

LAPIS DIVINUS, five OPHTHALMICUS.

Rec. Vitrioli Cœrulei,

Nitri puri,

Aluminis rupei ana unc. sex:
mitte in Crucibulum, & igne moderato liqua: dein adde

Camphoræ pulverisatæ. drachm. duas:
liquefacta Camphora, effunde super porphyritem parva
quantitate Olei Olivarum illitam, & in frustula lagena
vitrea bene obturata fervanda feca.

Multa Aqua dilutus ad corneæ ulcera laudari solet. Drachma una soluta in unciis octo Aquæ constituit Collyrium Helvetii.

TARTARUS CHALYBEATUS SOLUBILIS.

Rec. Tartari Tartarificati unc. quatuor:
immitte in vas ferreum, vel terreum, & affunde

Tincturæ Martis tartarifatæ . . . unc. fexdecim :
vaporent tum leni igne , accedente agitatione spatula ferrea
ad ficcitatem : concretas maſſulas piſtillo ligneo contere , &
Sal perfectè ficcum vaſi vitreo ritè obturando committe.

*Convenit , ubi ſpiſſos , lentos humores incidere & laxa ,
torpida ſolida roborare fas eſt. Doſis ſcrupulus unus pluries
de die.*

S A P O N E S.

Saponis nomine venit ſubſtantia lubrica , mollioris vel
ſolidioris conſiſtentia; in Aqua pariter ac Spiritu inflammabili
diſſolubilis; cum iſſis agitata ſpumefcens ; ex Sale & Oleo
conflata.

Sapo, qui pro parte ſalina Alkali recipit , deſcomponitur
a Salibus ammoniacalibus , a quocumque Acido , & ab
omni Sale , cujus baſis vel terra eſt , vel ſubſtantia metallica.

SAPO ALBUS.

Rec. Sodæ hispanicæ pulverifatæ . . . libr. quatuor ,
Calcis vivæ libr. octo :
bulliant per ſemi horam in olla ferrea cum ſufficienti quan-
titate Aquæ : lixivium dein filtra , & evapora , donec in
lagenula , quæ tantum octo drachmas Aquæ tenet , pen-
deat drachmas undecim : tum

Rec. Hujus lixivii libr. duas ,
Olei Olivarum optimi fluidi . . . libr. quatuor :
mitte in mortarium marmoreum , & optimè miſce agitando

pistillo ligneo : protrahatur hæc agitatio ex intervallo per plures dies , donec lixivium cum Oleo combinatum sit : obtentam massam immitte in formas ligneas , ibique relinque , donec consistentiam satis firmam acquisiverit : tum repone super tegetem vimineam , ut firmior evadat , odoremque lixivii amittat : Saponem dein satis ficcum pyxidi lignæ include.

Si loco Olei Olivarum assumatur Oleum Amygdalarum , obtinetur *Sapo Amygdalinus* , qui tamen propter rancedinem , quam hoc Oleum citius contrahit , priori postponendus.

Alkali in hac combinatione causticitatem suam amittit , atque ita obvolvitur , ut ejus proprietates alkalinae non amplius sensibiles sint : notandum verò , Saponi recenter confecto aliquid adhuc inesse caustici : hinc scopo medico ille solummodo adhibeatur Sapo , qui jam menses aliquot præparatus est.

Sapo albus commercii medicamina interna tutò ingredi nequit , quum conficiatur in vasis cupreis , atque hoc metallo ordinariò inquinatus reperiatur.

Vires vide pag. 178.

SAPO STARKEYANUS, five TARTAREUS.

Rec. Salis Tartari ficcissimi calefacti . . . unc. quatuor :
tere super porphyritem addendo per vices

Olei Terebinthinæ unc. duodecim :
protrahatur trituratio , donec miscelæ fit opiatae mollioris

consistentia: immitte tum in cucurbitam vitream, eamque repone per tres hebdomades in loco humido: eo temporis intervallo Oleum Terebinthinæ ac Sal Tartari, quæ non combinata erant, a formato Sapone secedent: immitte dein omnia in linteum satis densum: Oleum Terebinthinæ cum liquore alkalino illud transibunt, remanebit verò absolutus Sapo, cui per triturationem in mortario marmoreo immisce Saponis albi unciam unam, & in vitro clauso asserva.

Penetrantissimum aperiens, vulnerarium, detergens creditur: commendatur præsertim in morbis viarum urinarum; ut etiam adversus gonorrhœam chronicam multis laudibus extollatur. Præter has virtutes ab Authore STARKEY, Chemico anglo, in Pilulis, quæ ipsi Polychrestæ dicuntur, Opii & Hellebori acrimoniam scribitur corrigere. Monet interim cl. MACQUER hunc Saponem aliquandiu præparatum sensim alterari, & decomponi; hinc infidum Medicamentum sistere. Addit cl. Vir, si quid in usus medicos ab Alkalinis Oleo essentiali junctis sperandum sit, id melius & minori labore, Saponi communi determinatam quantitatem Olei essentialis ex tempore addendo, obtineri posse. Dosis granæ decem, viginti, drachma dimidia.

Externè non sine fructu partibus rheumatismo frigido affectis affricatur.

PRÆCIPITATA TERREA.

MAGNESIA ALBA, five MAGNESIA ANGLICANA.

Rec. Salis Epsom quant. vis :
dissolve in sufficiente quantitate Aquæ bullientis, solutionem filtra, & affunde Oleum Tartari per deliquium, donec omnis præcipitatio cesset: subsideat tum excussus pulvis : supernatantem liquorem decanta, & præcipitatum iterata affusione Aquæ calidæ ablue, donec insipidum evaserit ; dein super chartam bibulam five linteum densum in loco calido sicca.

Sal epsom sistit Sal terreum constans Acido Vitrioli & terra particulari *Magnesia* dicta : Sal Tartari eam excutit, se combinans cum Acido Vitrioli, quocum majorem affinitatem habet, & constituit Tartarum vitriolatum, quod crystallificatione ex decantatis Aquis obtineri potest.

Genuina *Magnesia* dissolvitur ab omni Acido : si verò terra calcaria adulterata fuerit, non solvetur ex toto in Spiritu Vitrioli, sed remanebit materia gypsea.

Fit *Magnesia Calcinata*, si in crucibulo aperto per duas horas igne valido urgeatur : ab Aëre fixo & Aqua, quæ septem duodecimas ejus ponderis efficiunt, sic liberatur : talis *Magnesia* absque effervescencia in Acidis dissolvitur ; nullam autem causticitatem hac operatione acquirit : hinc maximè

differt a *Magnesia Nitri*, quæ mera terra calcaria est, & ustulatione in *Calcem vivam* mutatur.

Præ reliquis substantiis terreis cum omnibus Acidis Salem maximè dissolubilem & in majori dosi catharticum constituit: hinc absorbens est præstantissimum, quod quidem per se non purgat; sed quod ad dragmam unam alteramve datum, si Acidum, cui uniri possit, in primis viis invenit, ratione exsurgentis Salis neutri per alvum agit. In minori dosi sub eisdem circumstantiis assumpta ob easdem causas alterantis vires habet. Absente Acido medicamentum iners est.

SUBSTANTIÆ METALLICÆ CUM SULPHURE COMBINATÆ.

ÆTHIOPS MINERALIS.

Rec. Mercurii vivi depurati unc. duas;
 Florum Sulphuris unc. unam:
 tere in mortario marmoreo, seu vitreo, donec pulverem nigrum exhibeant, & globuli mercuriales appareant amplius nulli.

Laudatur passim in lue venerea, glandulis induratis, scabie aliisque morbis cutaneis: plures tamen celebres Medici dubitant, an secundas vias subintret, & primis non sit inutile pondus: revera pluribus observationibus constat, ad plures dragmas quotidie assumptum nihil in corpore immutasse. Negari tamen nequit, eundem in multò minori dosi præscriptum

præscriptum quandoque salivationem excitasse : si vim anti-helminticam exceperis , omnium mercurialium debilissimum videtur. Datur ad grana decem , scrupulum unum , dragmam dimidiam.

CINNABARIS FACTITIA.

Rec. Florum Sulphuris unc. quatuor :
fluant leni calore in ollula fictili non vitreata ; adde

Mercurii vivi puri unc. sexdecim ,
& agita assiduè spatula ferrea , donec fiat Sulphuris inflammatio : tum præsto sit operculum , quo flamma , postquam per horæ minutum duraverit , extinguitur : massam dein pulverisatam immitte in phialam brevi instructam collo , & fiat sublimatio ex arena , ignem per gradus augendo , donec tandem rubescat ab eo phialæ fundus : sublimatione finita frigescant omnia , & Cinnabarim , confracta phiala , exime.

Ad operationis successum requiritur , ut Sulphur inflammetur , priusquam massa committatur phialæ : alioquin enim , cum hæc inflammatio , notante cl. BAUMÉ , semper fiat ad determinatum Sulphuris cum Mercurio combinationis gradum , obtineret ea tempore sublimationis cum ruptura vasis.

Cinnabaris vase clauso ignis actioni exposta elevatur ex integro immutata : hinc repetitæ , quas plerique Auctores commendant , sublimationes superfluæ sunt.

Ejus pulvis , qui in commercio sub nomine *Vermillon* prostat , cum sæpè Minio , Bolo rubra , imò & Auripigmento rubro sophisticatus reperiatur , pictoribus relinquatur.

Vires vide pag. 54.

KERMES MINERALE.

Rec. Olei Tartari per deliquium . . . libr. quatuor :
ebulliat in olla ferrea cum Aquæ puræ pintis decem , &
injiciantur

Antimonii subtilissimè pulverisati . unc. duæ semis :
protrahatur ebullitio per quadrantem horæ sub continua
cum spatula ferrea agitatione , & liquorem bullientem per
chartam bibulam filtra : fiet præcipitatio spontanea Kerme-
tis mineralis , quod , decantato supernatante liquore , Aqua
primò frigida dein calida edulcora , & ficcatum in vase
vitreo asserva.

Alkali fixum arripiens Antimonii Sulphur constituit He-
par Sulphuris : hoc Antimonii Regulum , cujus pars sub
forma pulveris grisei absque ulla additione reducenda ollæ
ferreæ fundum petit , dissolvit : nascitur sic Hepar Sulphu-
ris antimoniatum : Alkali autem Aquæ bullientis ope plus
Sulphuris & Reguli dissolvit , quam quidem dissolutum te-
nere valet in Aqua frigida : hinc liquor frigescens turba-
tur , & præcipitatur sub forma pulveris rubicundi sic dictum
Kermes minerale , cujus drachma una secundum experi-
menta cl. GEOFFROY continet grana sexdecim vel septem-
decim Reguli Antimonii , grana tredecim vel quatuordecim

Alkali fixi , & grana quadraginta aut quadraginta & unum Sulphuris : Kermetis species , quæ in lixivio superstiti dissoluta manet , inde excutitur quocumque Acido ; dein abluta & ficcata *Sulphuris aurati Antimonii* nomine venit : differt a Kermete in eo , quod non contineat Alkali , quod sit coloris aurantii , & majori gaudeat dote emetica.

Kermes minerale ritè præparatum cum sufficiente quantitate liquoris alkalini igni expositum totum dissolvitur. Alcohol Vini , quod plures supra illud deflagrare perperam præcipiunt , partem ejus fundit , & in Antimonii speciem reducit.

Vocatur etiam Pulvis Cârthusianorum , quia hi Monachi eundem a Chirurgo LA LIGERIE acceptum aliquot annis in arcanis habuerunt , & primi celebrem reddiderunt. Ad unum , duo , tria grana præscriptum præstantissimum alterans , aperiens , resolvens est , quod pro variis circumstantiis per diaphoresim vel diuresim agit , & laxum , debilem , sputis obrutum pulmonem felicissimè ad expectorationem exstimulat. In majori dosi per emesim vel alvum agit. Perperam cum Acidis præscribitur ; nam ab omnibus decomponitur. Sulphur auratum Antimonii easdem ferè vires habet.

CALCES METALLICÆ.

Calcis metallicæ nomine venit substantia quæcumque metallica Phlogisto plùs minùs orbata.

Obtinentur hæ Calces pluribus modis : ùt calcinatione sive ustulatione in aëre libero , actione Acidorum , detono-

tione cum Nitro &c. quocumque verò modo hæc operatio fiat, substantia metallica sub Phlogisti amissione secum combinat ambientem aërem, cui incrementum ponderis Calcium metallicarum tribuendum est.

Forma earum pulverulenta est, color verò pro diversa adhibita encheiresi & diverso administrato ignis gradu variat: omnes ferè Acidis debilibus dissolvuntur: igni fulorio expositæ in Vitrum confluunt, vel addito Phlogisto formam metallicam recuperant.

ANTIHECTICUM POTERII.

Rec. Reguli Antimonii jovialis part. unam,
 Nitri puri part. tres:
 pulverifata & mixta injiciantur per vices in Crucibulum candens, ut detonent; detonatione peracta, massam e cinereo albam exime, in vase fictili cum sufficiente quantitate Aquæ pistillo ligneo aliquamdiu tere; suspensum in Aqua pulverem effunde in aliud fictile, & cum residuo eundem laborem repete, donec Aqua tritura non ampliùs turbatur: omnem tandem pulverem ex aquis per subsidentiam collectum Aqua calida edulcora & ficca.

Nitri Acidum detonat cum Phlogisto stanni ac reguli Antimonii: supersunt eorum calces commixtæ cum Alkali Nitri, a quo edulcoratione liberantur: residuum constituunt partes non rite calcinatæ.

Hoc Medicamentum ergo indissolubiles, inertes, stomachum gravantes Calces continet, & ideo, non obstantibus encomiis,

quibus tamquam adstringens, roborans, Hæcticorum sudores colliquativos præsertim cohibens a celebribus quibusdam viris extollitur, ejici meretur. Dari solet a granis decem ad dragmam dimidiam.

ANTIMONIUM DIAPHORETICUM.

Rec. Antimoni crudi libr. unam,
 Nitri puri. libr. tres :
 pulverisata & mixta injice per vices in Crucibulum candens,
 ut detonent : detonatione peracta, adhuc leviter calcinentur : massa dein, ut Antihecticum Poterii, lævigetur,
 & abluatur.

Acidum nitrosum hîc detonatione cum Phlogisto Reguli & Sulphuris Antimonii consumitur, sicque Regulus in Calcem vertitur ; Nitri verò Alkali congregiens cum Acido Sulphuris producit Tartarum vitriolatum.

Adhibita pro edulcoratione Aqua continet 1^o. dictum Tartarum vitriolatum, qui prima crySTALLISATIONE prodit ; 2^o. Nitrum, quod decompositionem non subiit, & *Nitri Antimoniati* nomine venit ; 3^o. portionem Alkali fixi, & 4^o. aliquid Antimonii diaphoretici in prædicto Alkali dissoluti, quocumque Acido præcipitandi, cui edulcorato *Materiæ Perlatæ* nomen est.

Massa detonatione obtenta nondum edulcorata *Antimonium diaphoreticum non ablutum* dicitur.

Ad grana decem , viginti , triginta tamquam alexipharmacum & sanguinem purificans in febribus cujuscunque generis passim præscribi solet : idem tamen de hac præparatione , quod de Antihectico Poterii , judicium esto : ablutum scilicet meram , indissolubilem , inertem Antimonii Calcem sistit : non ablutum solas illorum salium , quæ in Aqua edulcorationis continentur , & supra memorantur , vires habet.

Aliqui hoc Medicamentum purgantibus additum eorundem vires acuere ; alii diu asservatum emeticum evadere contendunt : si hæc umquam præstitit , imperfectæ præparationi , seu parti regulinæ non omnino calcinatæ debebatur , & a primo præparationis momento jam eas vires possidebat. Dum hic calcinationis defectus in debita proportione acquiri potest , remedium exsurgit alterans , præstantissimum : sic si tantum partes duæ nitri adhibentur , teste celeberrimo CULLENIO , fit pulvis famosissimus doctoris JAMES , quem Angli adversus omnem ferè morbum assumunt , & qui revera pro variis ægri rebus varias evacuationes excitat , ac , quo natura vergit , videtur ducere. Quarta pars grani Tartari Emetici omni trihorio vel quadrihorio data eosdem ferè effectus producit.

CERUSSA.

Lamina Plumbi in spiram convoluta suspendatur super Acetum in fictili huic operi accommodato : vasi operculum apta , & fimi equini calori per tres septimanas expone , ut Plumbum ab Aceti vapore corrodat : abradatur dein nata ex Plumbo Cerussa , & cum eo , quod ex lamina plumbea

superest, idem, si lubet, labor repetatur: omnem tandem Cerussam Aqua ablue, & sicca.

Si loco laminæ Plumbi adhibetur lamina Cupri, obtinetur Calx Cupri, quæ *Viridis Æris* vicem supplere potest.

Intus omnes omnium Plumbi præparatorum noxas habet; extus refrigerat, exsiccat.

CROCUS MARTIS.

Rec. Limaturæ Ferri purissimæ quant. vis: in vas amplè patens immissa reponatur in loco humido, ut fastiscat in rubiginem, quæ in pulverem tenuissimum teratur.

Pro viribus vide in Materia Medica, FERRUM, pag. 74.

FLORES ZINCI.

Rec. Zinci indici libr. unam: in Crucibulo trigono, triplum continendo capaci, medias inter prunas collocato, tegulaque operto fundatur: fluens, igne folle incitato, & ablato operculo, luculentam viridis coloris flammam concipiet: tum aliud Crucibulum, æquè magnum, ejusdem figuræ, inversum priori cum in modum imponatur, ut tres inferioris Crucibuli anguli pateant, sicque liber concedatur aëris accessus: ardens metallum elevabit Flores candidos, levissimos, partim cavo superioris Crucibuli, partim lateribus inferioris sese affigentes, partim quoque in superficie Zinci hærentes: eos, superiori Crucibulo remoto, cochleare ferreo exime, atque in patina sigulina nitida reponere: Crucibulorum ap-

paratu dein denuo in priorem positionem redacto, eundem laborem repete, donec totum Zincum in Flores conversum fuerit.

Horum Florum elevatio actioni flammæ ardentis Zinci tribuenda est: semel enim formati in igne fixissimos sese monstrant.

Si qui inter Flores ob Phlogistum adhuc inhærens cinerei sunt coloris, ei sedulo a reliquis segregentur, in crucibulum candens parvis portionibus injiciantur, & spatula ferrea agitando calcinentur, donec penitus albescant.

Celeberrimus GAUBIUS, cum hos Flores arcanum anti-epilepticum famosi Empirici LUDEMANNI constituere detexisset, eosdem in Adversariis varii Argumenti, sub Lunæ fixatæ Ludemanni nomine, orbi medico notos reddidit. Ab eo tempore eorum usus internus invaluit. Videntur revera vi antispasmodica & tonica gaudere, ac imprimis epilepsiæ mederi. Præscribuntur ad grana aliquot quotidie. Celeb. HOMIUS a grano uno mane & vesperi ad dragmam integram sensim dosim auxit: monet tamen, ubi dosis duorum vel trium granorum nihil præstat, a majori vix sperandum esse. Frequentissimè nauseam producunt; rarè alvum movent, quandoque sudores excitant. Celeb. DUNCAN adversus epilepsiam & convulsiones eosdem Cupro ammoniaco jungit.

Externè exsiccant, & in ophthalmia, lippitudine, excoriationibus, papillarum fissuris &c. adhiberi solent. A quibusdam Chirurgis nudo ossi pro juvanda exfoliatione insperguntur.

MERCURIUS

MERCURIUS PRÆCIPITATUS RUBER.

Rec. Mercurii vivi puri unc. sexdecim :
dissolve in

Spiritus Nitri unc. viginti ,
& leni igne evapora ad siccitatem : supererit massa salina
alba , quam in mortario vitreo in pulverem redactam ,
& phialæ vitreæ inditam calcina igne sensim aucto , donec
ejus superficies induerit colorem aurantium : frigescant
tum omnia , calcinatam massam , stratis versicoloribus
distinctam , confracta phiala , exime , in mortario vitreo
contere , ut diversa strata probè misceantur , & in vase
ficco serva.

Tota ferè Acidi Nitri adhibita quantitas, vaporis rubri
formâ , sub calcinatione dissipatur ; id, quod Mercurii Calx
retinet , hæret in stratis superioribus : infimum verò stratum,
quod ruberrimum , nihil continet Acidi : protracta calcina-
tione posset & omne quidem Acidum excuti ; verùm, cum
quædam causticitas requiratur in hac Calce , subsistimus ,
dum stratum superius acquisivit colorem aurantium.

*Ex hoc præparationis modo patet , causticitatem hujus
Remedii pro vario calcinationis gradu variam & sic admo-
dum incertam esse : ob hanc rationem , non obstante cele-
brium Virorum autoritate , ad usus internos idem non cre-
dimus adhibendum.*

*Externè corrodit , & adhibetur ad carnes spongiosas ab-
sumendum , ac ulcera lardacea , præsertim venerea , deter-*

gendum. Ad hos usus Unguento Basiliconis, vel Axungiae immiscetur. Grana octo, aut decem unciae uni Axungiae vel Butyri recentis insulsi exactissimè immixta Unguentum Ophthalmicum præstantissimum constituunt.

PLUMBUM USTUM.

Rec. Plumbi quant vis :
 cochleari ferreo immissum fundatur in igne : apparebit in
 ejus superficie Calx grisea, quæ auferatur : protracta fu-
 sione denuo apparebit talis Calx ; eam adde priori ; atque
 sic perge, donec tibi sit sufficiens Calcis copia, quam
 cribro dein a particulis plumbeis non calcinatis segrege.
Tamquam exsiccans, adstringens ad usus externos adhibetur.

PULVIS ALGAROTH, sive MERCURIUS VITÆ.

Rec. Butyri Antimonii quant. vis :
 committe vasi vitreo, & affunde magnam Aquæ puræ co-
 piam : præcipitabitur pulvis albus, quem Aqua calida
 ad perfectam edulcorationem ablue, & sicca.

Ut Regulus Antimonii in Acido Salis dissolutus maneat,
 postulat id valde concentratum : affusâ Aquâ verò adeò de-
 bilitatur, ut nexus Regulum inter & Acidum tollatur :
 hinc Reguli sub forma Calcis præcipitatio.

*Emeticum est violentissimum, quod in medecina non ad-
 hibetur, & quod, cum nequidem particulam Mercurii con-
 tineat, perperam Mercurius vitæ appellatur. Cum Tartaro
 combinatus constituit Tartarum Emeticum MACQUERI.*

TURPETHUM MINERALE.

Rec. Vitrioli Mercurii quant. placet :
redigatur in pulverem in mortario vitreo, & immitte in Aquæ
tepidæ, vase terreo non vitreato contentæ, sufficientem
quantitatem : præcipitabitur pulvis flavus, quem, decan-
tato supernatante liquore, Aqua ebulliente edulcora,
dein sicca, & in lagena vitrea asserva.

Quum Vitriolum Mercurii multum saturationem excedens
Acidum requirat, ut in Aqua dissolvatur, ab ea hîc decom-
ponitur, & Mercurius sub forma Calcis præcipitatur : par-
vam tamen Vitrioli Mercurii non decompositi quantitatem,
eo semper minorem quo magis hoc Sal exsiccatum fuerit,
Aqua ablutionis continet, ex qua Mercurius præcipitatione
obteneri potest.

*Patet ergo incertæ virtutis Remedium esse : ab aliquibus
tamen ad granum unum alterumve laudatur tamquam alte-
rans. In majori dosi ordinariò emesim producit. Tamquam
præstantissimum Remedium adversùs hydrophobiam commen-
datum est, & revera a granis sex ad scrupulum unum, cani-
bus presertim, videtur se efficax præstitisse : illi tamen soli
in diro hoc morbo non fidendum ; sed semper demorsa pars
cum nidulante veneno quantocyus caustico destruat.*

VITRUM ANTIMONII.

Rec. Antimonii pulverisati libr. unam :
extendatur in vase fictili non vitreato, parum profundo, &

eo ignis gradu, qui sufficit, ut fumos sulphureos eructet, sub assidua agitatione calcinetur, donec Calcem exhibeat griscam, fumos emittentem amplius nullos: hæc Calx dein indita crucibulo dupli capaci, operculo tegendo, igne primò leni, dein sensim aucto urgeatur, donec fluat in Vitrum, quod, omni cessante tumefactione, supra laminam æneam politam & calefactam effundatur.

Si Antimonium sub calcinatione, fortè nimio adhibito calore, in grumos coëat, removeatur ab igne, & teratur denuo in pulverem, priusquam calcinatio continetur.

Legitimæ vitrificationis indicium habetur, si fusa massa adhærescit virgæ ferreæ ei immisissæ & Vitri vulgaris adinstar in filum duci queit: porrò requiritur, ut pellucida sit & dilutè hyacinthini coloris. Ut Antimonii Vitrum his dotibus instructum acquiramus, conveniens præviæ calcinationis gradus accuratè observandus est; quod verò non adeò facilè semper fit: sæpè enim vel calcinatio nimis protrahitur, vel ex opposito justo citiùs finitur, & tum Calx vel probam fusionem renuit, vel materiem fluidam, opacam, nec in fila ductilem exhibet: in utroque casu tamen bonum adhuc Vitrum obtineri potest, si nempe in priori adjiciatur parum Antimonii crudi, quo necessaria dosis Sulphuris & Phlogisti Calci restituatur; in posteriori verò ignis imminuatur, &, ablato operculo, vaporibus sulphureis superfluis exitus concedatur.

Per se non præscribitur; nam emeticum est violentissimum & ob indissolubilitatem periculosissimum. Hæc vis, ut etiam

color hyacinthinus , a Phlogisto adhuc inhærente videtur pendere ; nam in foco speculi ardentis calcinatum albescit , & fit iners Antimonium diaphoreticum. Quædam ejus præparata , ut Aqua benedicta Rulandi , digestionem cum vino facta , Syrupus Emeticus &c. , olim in officinis prostabant. Hæc omnia , cum illis tartaro emetico aliisque facile suppleri possit , ne entia sine necessitate multiplicentur , e Pharmacopœa ejecimus , & hoc medicamentum pro sola præparatione Tartari Emetici retinuimus.

Si Ceræ dragmæ uni in cocleari ferreo fusæ addatur uncia una hujus Vitri in Tenuissimum pulverem redacti ; dein massa liquetur leni igne , & optimè misceatur , nascitur Vitrum Antimonii Ceratum , ob interpositam Ceram priori mitius redditum , & quod aliqui , a grano uno ad quindecim datum , potentissimum alterans crediderunt , ac præsertim tamquam specificum adversus dyssenteriam laudarunt.

R E G U L I

REGULUS ANTIMONII JOVIALIS.

Rec. Reguli Antimonii simplicis unc. sex :
 Stanni malaccensis unc. tres ,
 in Crucibulo optimè colliquata effundantur in conum fusorium.

Soli præparationi Antihectici Poterii inservit.

REGULUS ANTIMONII SIMPLEX.

Rec. Antimonii crudi unc. octo,
 Tartari unc. sex,
 Nitri unc. tres :

pulverifata misceantur, & miscelam Crucibulo candenti cochleatim ingerendo, fiat detonatio, qua peracta, intendatur ignis, ut massa fundatur: dein effunde in conum fusorium sebo illitum, vel frigescat materies in ipso Crucibulo, coque confraeto, Regulum a superstratis scoriis separa.

Major inflammabilis Tartari pars vertitur in carbonem, qui Antimonii substantiæ regulinæ sufficiens, quo forma metallica appareat, suppeditat Phlogistum; pars altera, & Sulphuris Antimonii portio, detonant cum Nitro: inde exoritur, præter Tartarum Vitriolatum, Alkali fixum vegetabile; hoc cum reliquo Antimonii Sulphure constituit Hepar Sulphuris, quod se Regulo Antimonii saturat: hinc patet scorias constare Tartaro vitriolato & Hepate Sulphuris antimoniato.

Stella, quam plures in hujus Reguli superficie desiderant, & quæ nihil aliud est quam hujus semimetalli crySTALLISATIO, perfecta materiæ fusione atque ejus lenta refrigeratione constanter obtinetur.

Ad usum Medicum non adhibetur; chemicum vide supra.

MEDICAMENTA QUÆDAM USUS TEMPORE PARANDA.

AQUA LAXATIVA.

Rec. Foliorum Sennæ unc. unam semis,
 Seminis Carui contusi drachm. unam:
 infundantur per aliquot horas in vase clauso cum
 Aquæ bullientis pint. semis:
 in infuso dein dissolve
 Mannæ siciliensis unc. quatuor,
 Cremoris Tartari drachm. duas,
 & cola.

Ad uncias quatuor, quinque, sex pro adulto mite & jam familiare purgans est.

SPECIES PRO CATAPLASMATE EMOLLIENTE.

Rec. Herbæ Malvæ,
 Florum Meliloti,
 Radicum Althææ ana libr. duas:
 fiat pulvis grossus, cui adde
 Farinæ Fœni græci,
 - - - - Seminis Lini ana libr. unam.

Tītulus vires exprimit.

CATAPLASMA MATURANS PLENCKII.

Rec. Farinæ Lini unc. quatuor ,
 Gummi Galbani, Vitello Ovi soluti . . unc. unam ,
 Pulpæ Ceparum sub cineribus affatarum . dragm. duas ,
 Fermenti Panis unc. duas ,
 Unguenti Basilici unc. unam :
 Olei Olivarum quant. fatis ,
 fiat Cataplasma.

Tumoribus frigidis lentè suppurantibus applicatur.

DECOCTUM ALBUM.

Rec. Rafuræ Cornu Cervi ,
 Micæ Panis albissimi ana unc. unam :
 coque in
 Aquæ pluvialis pint. tribus
 ad pint. duas :
 & in colatura dissolve
 Gummi arabici dragm. duas ,
 Sacchari unc. femis.

Demulcet , obvolvitur ; leve nutrimentum est. Convenit pro potu in diarrhæa , dyssenteria & ubicumque acre obvolvi , ac partes solidæ ab ejus stimulo defendi debent.

DECOCTUM AMARUM.

Rec. Radicis Gentianæ dragm. duas :
 coque cum

Aquæ

Aquæ pluvialis pint. duabus semis
ad pint. duas :
tum adde

Herbæ Chamædrys dragm. sex ,
Flavedinis Corticum Citri recentis . dragm. duas ,
& infunde vase clauso , donec Decoctum refrikerit , quod
dein cola.

*Pro viribus hujus decocti, quod infusione flavedinis Corticum
Citri multò gratius redditur, vide pag. 80. GENTIANÆ RADIX.*

DECOCTUM CARMINATIVUM PRO ENEMATE.

Rec. Baccarum Juniperi ,
Seminum Anifi ,
- - - - Carui ana dragm. duas :
contusa coquantur ex
Aquæ pluvialis unc. quindecim
ad pint. semis ,
& in colatura dissolvatur
Saponis veneti unc. semis.

Titulus usum & vires exprimit.

DECOCTUM COMMUNE, sive PTISANA COMMUNIS.

Rec. Hordei mundati unc. duas ,
Radiciis Graminis incisæ unc. unam :
coque in

Aquæ pluvialis pint. quinque
 ad pint. quatuor;
 sub finem adde
 Radicis Liquiritiæ rasæ & incisæ . . unc. semis:
 dein cola.

Potum demulcentem, in omnibus morbis utilem & familiarem, constituit.

DECOCTUM DIURETICUM.

Rec. Radicum Petroselinii,
 - - - - Fœniculi,
 Fructuum Alkekengi ana unc. unam:
 incisa coquantur in
 Aquæ pluvialis pint. duabus semis
 ad pint. duas:
 sub finem addatur
 Radicis Liquiritiæ incisæ unc. semis:
 in colatura dein dissolvatur
 Nitri depurati dragm. una.

Leni stimulo, non particulari vi in vias urinarias agere, & in quibusdam casibus titulum mereri potest. Saltem acris, calidis, incendiariis, qualia in hunc finem plerumque adhibentur, utpote in omni casu innocuum præferri debet.

DECOCTUM EMOLLIENS AD ENEMA.

Rec. Herbæ Malvæ,
 Florum Chamomillæ ana unc. semis:

Seminis Lini contusi unc. unam :
coque in

Aquæ unc. octodecim
ad pint. semis :
in colatura dissolve

Mellis communis unc. unam.

Ufus & vires in titulo exprimuntur.

DECOCTUM HORDEI.

Rec. Hordei perlati unc. tres ,
coque cum

Aquæ pluvialis pint. quinque
ad pint. quatuor :
colentur.

Demulcet, obvolvitur, leniter nutrit.

DECOCTUM LIGNORUM.

Rec. Rafuræ Ligni Guajaci unc. tres ,

----- Juniperi ,

Radicum Bardanæ ,

----- Chinæ ,

----- Sarsaparillæ ana unc. unam :

incisa coquantur ex

Aquæ pluvialis pint. octo

ad pint. quatuor ,

sub finem coctionis addantur

Rafuræ Ligni Sassafras ,

Radicis Liquiritiæ ana unc. femis ,
 Seminis Anifi dragm. duæ :
 deinde colentur.

Vires vide pag. 52. Datur ad uncias quatuor, sex, aut octo, bis vel ter de die.

DECOCTUM RESOLVENS HAËNII.

Rec. Radicum Graminis ,
 - - - - - Taraxaci ana unc. duas :
 incisa coquantur ex
 Aquæ pluvialis pint. tribus
 ad pint. duas :
 in colatura dissolve
 Salis polychresti unc. femis ,
 & adde
 Oximellis simplicis unc. quatuor.

In Viscerum obstructionibus, ad libras duas vel tres quotidie, pilulis saponaceis solventibus ejusdem Authoris optimo cum effectu jungitur.

GELATINA CORNU CERVI.

Rec. Rasuræ Cornu Cervi libr. femis ,
 Aquæ pluvialis pint. tres :
 coquantur in vase negligentius clauso, donec parvæ ex decocto exemptæ & refrigeratæ portioni sit consistentia spissa, tremula, digitis non adhærens : fiat tum colatura, cui addantur

Syrupi e Succo Citri unc. tres,
 Spiritus Corticum Citri gutt. triginta,
 & reponantur in loco frigido.

Demulcens & leve nutrimentum est, quod tamquam tale in omnibus ferè morbis olim adhibebatur; sed ob rationes pag. 60. dictas jam ferè eviluit.

INFUSUM HÆMORRHOIDALE.

Rec. Foliorum Sennæ unc. unam,
 Rhabarbari minutim incisi dragm. unam:
 affunde

Aquæ bullientis pint. unam,
 & fiat vase clauso per aliquot horas infusio: in infuso dein
 dissolve

Sacchari communis unc. duas,
 & coletur.

Ad uncias sex vel octo exhibitum alvum laxat: sic canalem intestinalem evacuando circulum per systhema venæ portarum liberiores reddit, & infarctum vasorum hæmorrhoidaliū, qui sæpe etiam à fæcibus in intestino recto accumulatis pendet, diminuit. Non alia vi titulum meretur.

LOCH ALBUM PECTORALE.

Rec. Pulveris Gummi tragacanthæ . . . grana sexdecim,
 Syrupi Amygdalini unc. duas,

Syrupi Papaveris albi unc. semis :
triturentur in mortario marmoreo sensim immiscendo

Olei Amygdalarum dulcium unc. unam ,
donec Miscelæ sit consistentia mucilaginis : dein sub con-
tinua agitatione addantur

Aquæ puræ unc. quatuor.

*Tamquam demulcens , obvolvens , paregoricum in morbis
pectoris adhiberi solet. Has vires feliciùs in morbis primarum
viarum exsereret.*

MUCILAGO GUMMI ARABICI.

Rec. Pulveris Gummi arabici unc. semis :
teratur in mortario lapideo , sensim affundendo

Aquæ ferventis unc. unam ,
donec miscela gelatinam referat : deinde prematur per lin-
teum.

Eodem modo fit e Gummi Tragacanthæ dragma una &
Aquæ fervidæ unciis duabus *Mucilago Gummi Traga-
canthæ.*

Demulcent , obvolvunt , nutriunt.

MUCILAGO , five GELATINA SALEP.

Rec. Pulveris Radicis Salep dragm. tres :
coque leni calore , ut evitetur empyreuma , cum

Aquæ pluvialis unc. octodecim

ad pint. semis ,
& exprime per linteum.

Viribus à præcedenti non differt. Omnes ad libras assumi possunt.

TINCTURA RHEI SALINA.

Rec. Radicis Rhabarbari minutim incisæ . dragm. tres ,
Tartari tartarifati dragm. duas :
vasi terreo immixtis affunde
Aquæ bullientis unc. novem ,
& digere leni calore horas quatuor : dein cola.

Aperiens, resolvens, laxans est. Dosis pro vario Medici intento varia est & etiam ad sex vel octo uncias extendi potest.

VINUM ANTISCORBUTICUM.

Rec. Radic. recent. Raphani rusticani . . unc. quatuor ,
Folior. recent. Cochleariæ ,
- - - - - Nasturtii aquatici ,
- - - - - Beccabungæ ,
- - - - - Fumariæ ,
Seminis Sinapi ana unc. duas ,
Salis ammoniaci unc. unam :
incisa & contusa macerentur per octiduum in vase probè
clauso , subinde agitando , cum
Vini albi generosi pint. sex :
dein colentur.

*Ad uncias tres vel quatuor, bis vel ter quotidie sumptum
in scorbuto frigido præstantissimum remedium est.*

VINUM SCILLITICUM.

Rec. Scillæ ficcatae, confissæ,
 Pulveris crassi Cinnamomi . . . ana unc. unam,
 - - - - - Radicis Helenii. . scrup. quatuor:
 digerantur leni calore horas viginti quatuor in
 Vini albi generosi pint. una:
 dein colentur.

*Vires præsertim habet a Scilla, quas vide in Materia
Medica.*

FINIS.



I N D E X.

<i>Aardbeziën</i> ,	pag. 77
<i>Aardwurmen</i> ,	112
<i>Aardveil</i> ,	85
<i>Abietis Refina</i> ,	3
<i>Abrotanum</i> ,	3
<i>Abfynthium</i> ,	3
<i>Acaciæ Succus inspissatus</i> ,	3
<i>Acetofa</i> ,	4
<i>Acetofella</i> ,	4
<i>ACETA</i> ,	259
<i>Acetum</i> ,	4
<i>Acetum Antisepticum</i> ,	259
----- <i>Chalybeatum</i> ,	383
----- <i>Colchicum</i> ,	260
----- <i>Destillatum</i> ,	336
----- <i>Lithargirii</i> ,	369
----- <i>Prophylacticum</i> ,	260
----- <i>Rosaceum</i> ,	260
----- <i>Scilliticum</i> ,	261
<i>Aconitum Cœruleum</i> ,	4
<i>Acorus Verus</i> ,	35
<i>Adderslang</i> ,	213
<i>Adiantum Verum</i> ,	42
<i>Aelbeziën</i> ,	159
<i>Aerde (gezegelde)</i> ,	31
<i>Æs</i> ,	5
<i>ÆTHER</i> ,	342
<i>Æther Vitriolicus</i> ,	344

Æthiops Animalis,	pag. 34
----- Mineralis,	392
----- Martialis,	226
Ætites,	5
Agallochum,	108
Agaricus,	5
Agnus Castus,	6
Agrimonia,	7
Akelyen,	15
Alantiwortel,	72
Alcanna,	7
Alchemilla,	7
Alcis Ungula,	7
Alkali,	347
Alkali Fixum Minerale,	354
----- Volatile Causticum,	355
Alkekengi,	7
Alkohol Vini,	309
Alleluia,	4
Aloë,	8
Alsem,	3
Althæa,	9
Aluin,	9
Alumen,	9
----- Uftum,	9. & 226
----- Plumofum,	10
Amandelen,	11
Amadou,	6
Amalgama,	16
Amber,	199
Ambergrys,	10
Ambra Gryfea,	10
Ammi,	10

Ammoniacum , Gummi ,	pag. 10
----- Sal Depuratum ,	229
<i>Ammoniakzout</i> ,	167
Amomum ,	11
Amygdalæ ,	11
Anagallis ,	11
----- Aquatica ,	26
Anchusa ,	7
<i>Andivie</i> ,	72
<i>Andoorn</i> ,	116
Anetum ,	11
Angelica ,	11
Anime Gummi ,	12
Anisum ,	12
Anserina ,	15
Antihecticum Poterii ,	396
Antimonium ,	12
----- Diaphoreticum ,	397
----- non Ablutum ,	397
----- Præparatum ,	226
<i>Anyszaad</i> ,	12
Apium ,	13
<i>Aposteumkruid</i> ,	182
Apri Dentes ,	13
Aqua ,	13
Aqua Destillata ,	307
----- Bryoniæ Composita ,	308
----- Calcis ,	36
----- Castorei Composita ,	308
----- Ceraforum Nigrorum ,	306
----- Chamomillæ ,	304
----- Cinnamomi Hordeata ,	307
----- Cinnamomi cum Vino ,	307

Aqua Florum Aurantii,	pag. 305
----- Fœniculi,	305
----- Gingivalis,	257
----- Hyssopi,	307
----- Laxativa,	407
----- Melissæ,	305
----- Menthæ,	305
----- Piperitæ,	305
----- Picis,	147
----- Pulegii,	305
----- Rosarum,	305
----- Rutæ,	305
----- Sambuci,	305
----- Vegeto Mineralis,	370
----- Vulneraria,	314
----- Vinosa,	314
----- Theden,	316
AQUÆ DESTILLATÆ,	304
Aquæ Minerales,	14
Aquila Alba,	375
Aquilegia,	15
Arabische Gom,	83
Arcanum Duplicatum,	338 & 358
----- Noufferianum,	76
Arend-Steen,	5
Argentina,	15
Argentum,	15
----- Vivum,	15
Aristolochia,	16
Arme Lieden Peper,	105
Armoracia,	156
Arnica,	17
Arsenicum,	17
	Arsenici,

Arsenici Regulus,	pag. 18
Artemisia,	19
Arum,	19
Afarum,	19
Afa Dulcis,	27
Afelli,	120
Asparagus,	19
Asphaltus,	30
Affa Foetida,	19
Aurantium,	20
Auricula Judæ,	21
----- Muris,	21
Aurum,	21
----- Fulminans,	22
Avellanæ Mexicanæ,	34
Avena,	20
Averuit, <i>Averoone-Kruid</i> ,	3
Axungia,	22
<i>Azyn</i> ,	4
B akkruid,	23
<i>Balletjeskruid</i> ,	171
Balsamita Mas,	23
Balsama Spirituosa,	249
BALSAMA SPIRITUOSA,	264
BALSAMA UNGUINOSA,	271
----- Commendatoris,	251
----- Copaiba,	23
----- E Mecha,	136
----- Gileadenfe,	136
----- Judaicum,	136
----- Locatelli,	271

Balsamum Peruvianum ,	pag. 24
----- Syriacum ,	136
----- Tolutanum ,	25
----- Traumaticum ,	250
<i>Balsemkruid (groot)</i>	23
<i>Balsem van Copahu ,</i>	23
----- van Peru ,	24
----- van Tolu ,	25
<i>Barberisse ,</i>	28
<i>Bardana ,</i>	25
<i>Barnsteen ,</i>	199
<i>Basilicom ,</i>	131
<i>Basterdsaffraan ,</i>	44
<i>Bdellium ,</i>	25
<i>Beccabunga ,</i>	26
<i>Beerwortel ,</i>	120
<i>Beirendruif ,</i>	217
<i>Bekkeneel van den Mensch ,</i>	64
<i>Belladonna ,</i>	26
<i>Bellis ,</i>	27
<i>Benzoinum ,</i>	27
<i>Berberis ,</i>	28
<i>Bergcristaal ,</i>	66
<i>Bergpoley ,</i>	150
<i>Bergvermiljoen ,</i>	54
<i>Bernagie ,</i>	32
<i>Bertram (wilde)</i>	153 & 154
<i>Betonica ,</i>	28
<i>Betula ,</i>	28
<i>Bevergeil ,</i>	47
<i>Bezoar ,</i>	28
<i>Bies (welriekende)</i>	95
<i>Bilzenkruid ,</i>	88

<i>Bingelkruid</i> ,	pag. 120
<i>Bismalva</i> ,	30
<i>Bisschops-Kruid</i> ,	10
<i>Bistorta</i> ,	30
<i>Bitter</i> ,	77
<i>Bitterzoet</i> ,	70
<i>Bitumen Judaicum</i> ,	30
<i>Bloedsteen</i> ,	84
<i>Boelkenskruid</i> ,	7 & 72
<i>Boeren-Fenkel</i> ,	145
<i>Boletus Igniarius</i> ,	6
<i>Bolus</i> ,	30
<i>Boomvaren</i> ,	151
<i>Boomveil</i> ,	84
<i>Boonen van St. Ignatius</i> ,	73
<i>Borax</i> ,	31
<i>Borrage</i> ,	32
<i>Borstpruimen</i> ,	185
<i>Botrys</i> ,	32
<i>Bovist</i> ,	65
<i>Braam</i> ,	162
<i>Brassica Marina</i> ,	191
<i>Brem</i> ,	80
<i>Bryonia Alba</i> ,	33
----- <i>Indica</i> ,	90
<i>Bufo</i> ,	33
<i>Buglossum</i> ,	34
<i>Bugula</i> ,	34
<i>Butyrum Antimonii</i> ,	367
----- <i>Cacao</i> ,	264
----- <i>Cerae</i> ,	322
<i>Byroet</i> ,	19

Cacao ,	pag. 34
Cachou ,	48
Calaminaris Lapis ,	35
----- Præparatus ,	227
Calaminta ,	35
Calamus Aromaticus ,	35
<i>Calamynsteen</i> ,	35
CALCES METALLICÆ ,	395
Calendula ,	35
Calomelas ,	375
----- Schéele ,	378
Calx Viva ,	36
Camphora ,	37
Cancrorum Chelæ ,	39
----- Lapidés ,	39
----- Oculi ,	39
Candeola ,	275
Canella Alba ,	40
Cannabis ,	41
Cantharides ,	41
Capillus Veneris ,	42
Caprifolium ,	42
<i>Capucynen-Moftaert</i> ,	156
Caranna ,	42
Cardamomum ,	43
Cardiaca ,	44
Carduus Benedictus ,	44
Caricæ ,	44
Carpobalfamum ,	44
Carthamus ,	44
Carvum ,	44
Carum ,	44
	Caruum ,

Caruum ,	pag. 44
Caryophyllata ,	44
Caryophili Aromatici ,	44
Cascarilla ,	45
Cassia Fistula ,	46
----- Ligneæ ,	47
Castoreum ,	47
Cataplasma Maturans Plenckii ,	408
Cataputia Major ,	159
Catechu ,	48
Cauda Equina ,	72
Causticum Antimoniale ,	367
Cedria Liquida ,	147
Cedrium ,	147
Centaurium Minus ,	48
Centinodium ,	48
Cera ,	49
Cerafa ,	49
CERATA ,	264
Ceratum Saturninum ,	272
CEREOLI ,	274
----- Communes ,	282
Cerussa ,	50
Ceterach ,	50
Chœrefolium ,	50
Chalybs ,	74
Chamædrys ,	50
Chamæmelum ,	50
Chamæpitys ,	50
Chamomilla ,	50
Cheiri ,	106
Chelæ Cancrorum præparatæ ,	227
Chelidonium Majus ,	50

Chermes Grana ,	pag. 96
<i>Chicorée (Wilde)</i>	204
Chinae Radix ,	51
<i>Chocolaat-Nooten</i> ,	34
Cicera Rubra ,	51
Cichoreum ,	51
<i>Cichory (Wilde)</i>	51
Cicuta ,	52
Cineres Clavellati ,	54
----- Ruffici ,	53
Cinnabaris ,	16
Cinnabaris Antimonii ,	368
----- Factitia ,	393
----- Nativa ,	54
Cinnamomum ,	54
----- Winteranum ,	219
Citreum Malum ,	55
<i>Citroen</i> ,	55
<i>Citroenkruid</i> ,	119
Citrullus ,	55
Cocci Infectorii ,	97
Coclearia ,	55
Colchicum Autumnale ,	56
Colcothar Vitrioli ,	341
Colla Piscium ,	91
Collyrium Helvetii ,	387
Colocyntis ,	56
Colombo feu Colomba Radix ,	57
<i>Coloquintappelen</i> ,	56
Confectio Japonica ,	246
CONFECTIONES ,	244
Conserva Absynthii ,	246
----- Acetofellæ ,	245

Conferva Anthos,	pag. 246
----- Antiscorbutica,	246
----- Botryos,	245
----- Calendulæ,	245
----- Fumariæ,	246
----- Hederæ Terrestris,	245
----- Menthæ,	246
----- Rosarum Rubrarum,	245
----- Salviæ,	246
CONSERVÆ,	244
Consolida Media,	34
----- Major,	58
Contrayervæ Radix,	58
Corallia,	60
Corallia præparata,	227
Corallina Corsica,	59
----- Officinarum,	58
Coriandrum,	60
Cornu Cervi,	60
----- Philosophicé præparatum,	61
----- Ustum,	61 & 227
----- Præparatum,	227
<i>Corsicaensche Zeemos,</i>	59.
Cortex Magellanicus,	219
----- Peruvianus,	61
----- Ruber,	142
Costus Hortorum,	23
----- Orientalis,	64
Cranium Humanum,	64
Craßula,	65
Crepitus Lupi,	65
Creta,	65
Crocus,	65

Crocus Martis,	pag. 399
Cryſtalli Lunæ,	15 & 369
Cryſtallus Mineralis,	361
----- Montana,	66
Cubebæ,	67
Cucumis,	67
Cucurbita,	68
Cuminum,	68
----- Pratenſe,	44
Cuprum,	5
----- Ammoniacum,	385
Curcuma,	68
Cyanus,	69
Cydonia Mala,	69
Cyminum,	68
Cynogloſſum,	69
Cynorrhodon,	69
Cynosbatoſ,	69

<i>D</i> aadels,	69
Daëtyli,	69
Daucus,	70
Diaſcordion,	246
Decoëctum Album,	408
----- Amarum,	408
----- Carminativum pro enemate,	409
----- Commune,	409
----- Diureticum,	410
----- Emolliens pro Enemate,	410
----- Hordei,	411
----- Lignorum,	411
----- Reſolvens Haëni,	412

Dictamnus Creticus,	pag. 70
Digitalis Minima,	81
Dil,	11
Distel. (gezegende)	44
Ditander (gemeene breede)	105
Dokke Bladeren,	144
Dollenappel,	195
Donder-Bladeren,	185
Doornappel,	195
Doronicum Germanicum,	17
----- Romanum,	70
Drakena Radix,	58
Drakenbloed,	173
Duivekervel,	77
Duivelsbeet,	201
Duivels-Drek,	19
Duivels Naaigaren,	72
Duivenkruid,	32
Duizelkruid,	70
Duizendblad,	120
Duizendgrein,	88
Duizend-Guldenkruid (klein),	43
Duizendknoop,	48
Duizendpooten,	120
Dulcamara,	70
E au d'Arquebusade,	314
Ebulus,	71
Ebur,	71
Eekenboom,	155
Eerenprys,	212
Elands-Klauw,	7
ELECTUARIA,	244

Electuarium Diascordium,	pag. 246
----- Lenitivum,	247
----- Requies,	248
Elemi Gummi,	271
Eleutheriæ Cortex,	245
Elixir Antharthriticum Caribæum,	251
----- Proprietatis,	251
----- Stomachicum,	252
----- Viscerale,	252
----- Vitrioli Acidum,	252
ELIXIRIA,	249
EMPLASTRA,	274
Emplastrum Commune,	276
----- de Cicuta,	275
----- Defensivum Rubrum,	276
----- de Galbano,	277
----- de Spermate Ceti,	281
----- Diachylon cum Gummi,	277
----- Diapalmæ,	277
----- Diapompholygos,	278
----- e Lapide Calaminari,	279
----- e Meliloto,	279
----- Emolliens,	279
----- Epispasticum,	278
----- e Sapone,	281
----- Filii Zachariæ,	281
----- Griseum,	279
----- Mercuriale,	279
----- Nigrum Camphoratum,	280
----- Oxycroceum,	280
----- Saponaceum,	281
----- Vesicatorium,	278
Endivie,	72

<i>Engelwortel</i> ,	pag. 11
<i>Enula. Campana</i> ,	72
<i>Equisetum</i> ,	72
<i>Eruca</i> ,	72
<i>Eryngium</i> ,	72
<i>Eryfinum</i> ,	72
<i>Erueten</i> , (<i>Roode of Spaensche</i>)	51
<i>Effjenboom</i> ,	77
<i>Essentia Absinthii Composita</i> ,	253
----- <i>Simplex</i> ,	253
----- <i>Chamomillæ</i> ,	254
----- <i>Corticum Aurantiorum</i> ,	254
----- <i>Citri</i> ,	254
ESSENTIÆ,	249
EXTRACTA,	282
<i>Extractum Absinthii</i> ,	283
----- <i>Aconiti</i> ,	285
----- <i>Cardui Benedicti</i> ,	284
----- <i>Catholicum</i> ,	288
----- <i>Centaurii minoris</i> ,	284
----- <i>Chamæmeli</i> ,	284
----- <i>Cicutæ</i> ,	284
----- <i>Corticis Peruviani</i> ,	285
----- <i>Siccum</i> ,	285
----- <i>Fumariæ</i> ,	284
----- <i>Gentianæ</i> ,	284
----- <i>Graminis & Taraxaci</i> ,	284
----- <i>Helenii</i> ,	284
----- <i>Hellebori Nigri</i> ,	284
----- <i>Hombergii</i> ,	286
----- <i>Hyoscyami</i> ,	285
----- <i>Myrrhæ</i> ,	286
----- <i>Opii Gummofum</i> ,	286

Extractum Pulsatillæ Nigricantis,	.	.	.	pag. 285
----- Rhabarbari,	.	.	.	284
----- Saturni,	.	.	.	369
----- Siccum Liquiritiæ,	.	.	.	286
----- Stramonii,	.	.	.	285
----- Trifolii Fibrini,	.	.	.	284
Eupatorium Cannabinum,	.	.	.	72
Euphorbium,	.	.	.	72
Euphrasia,	.	.	.	73
F abæ S ^{TI} Ignatii,	.	.	.	73
Farfara,	.	.	.	74
Fenegriek,	.	.	.	77
Fenkelbloem,	.	.	.	126
Ferrum,	.	.	.	74
Filipendula,	.	.	.	76
Filix Mas,	.	.	.	76
Flores Benzoini,	.	.	.	27 & 333
----- Salis Ammoniaci Martiales,	.	.	.	386
----- Zinci,	.	.	.	399
Fluxus Albus,	.	.	.	352
----- Niger,	.	.	.	353
Foelie,	.	.	.	113
Fœnum Camelorum,	.	.	.	95
----- Græcum,	.	.	.	77
Fragaria,	.	.	.	77
Fraxinus,	.	.	.	77
Fuga Dæmonum,	.	.	.	89
Fuligo Lignorum Combustorum,	.	.	.	77
Fumaria,	.	.	.	77
Fungus Ignarius,	.	.	.	6
----- Laricis,	.	.	.	5
----- Sambuci,	.	.	.	21

Galanga,	pag. 77
Galantivortel,	72
Galbanum,	78
Galega,	78
Gallæ,	78
Gallium,	79
Galnooten,	78
Gambogia,	79
Garou, (de Bast van).	207
Garst,	88
Geboorte-Kruid,	16
Geitenblad,	42
Geitenruit,	78
Gelatina Cornu Cervi,	412
----- Salep,	414
Gember,	222
Gembſen-Wortel,	17
Geneverboom,	95
Genevers,	159
Geniſta,	80
Gentiaan-Wortel,	80
Gentiana,	80
Geruwe,	120
Ginſt,	80
Glaskruid,	96
Glycyrrhiſa,	80
Godsgenade,	81
Gom, (Arabiſche)	83
----- Elemi,	71
----- van Courbaril,	12
----- van den Karſenboom,	83
Goud,	21

<i>Goudbloemen</i> ,	pag. 35
<i>Goud-Glit</i> ,	110
<i>Gouw</i> , (<i>stinkende of groote</i>)	50
<i>Gramen Caninum</i> ,	81
<i>Grana Paradisi</i> ,	43
----- <i>Tinctoria</i> ,	97
<i>Granatum</i> ,	81
<i>Graswortels</i> ,	81
<i>Gratiola</i> ,	81
<i>Grossularia</i> ,	159
<i>Gryse-Niet</i> ,	210
<i>Guajacum</i> ,	81
<i>Guichel-Heil</i> ,	11
<i>Gummi Ammoniacum</i> ,	10
----- <i>Arabicum</i> ,	83
----- <i>Ceraforum</i> ,	83
----- <i>Gutta</i> ,	79
----- <i>Laccæ</i> ,	103
----- <i>Senegalenfe</i> ,	83
----- <i>Serapinum</i> ,	166
----- <i>Tragacanthæ</i> ,	83
<i>Hadië</i> ,	71
<i>Hæmatites Lapis</i> ,	84
<i>Halicacabus</i> ,	7
<i>Harst van den Denneboom, Mastboom, of Sperreboom</i> ,	3
<i>Hartsdoorn</i> ,	158
<i>Hartshoorn</i> ,	60
<i>Hartstong</i> ,	110
<i>Haselwortel</i> ,	19
<i>Hayer</i> ,	20
<i>Havikskruid</i> ,	191
<i>Hedera Arborea</i> ,	84

Hedera Terrestris,	pag. 85
Heemst,	9
Heeschkruid,	72
Helenium,	72
Helleborus Albus,	85
----- Niger,	86
Hemelsleutel,	65 & 141
Hennip,	41
Hepar Sulphuris,	347
Hepatica Nobilis,	87
Herba contra Vermes,	59
Herba Trinitatis,	90
Hermodaëtylus,	87
Herniaria,	88
Hertstong,	30
Heulſap,	133
Hirundinaria,	212
Hoefblad,	74
Hoe langer hoe liever,	50
Holwortel (Italiaenſche)	189
Hondsgras,	81
Hondsroos,	69
Hondstong,	69
Honing,	118
Hooi (Griekſch)	77
Hop,	112
Hordeum,	88
Horminum Sativum,	88
Hout (bitter) van Surinam,	108
Houtluizen,	120
Huislook,	185
Hydrargyrus,	15
Hydrolapathum,	104

Hydropiper,	pag. 142
Hyoscyamus,	88
Hypericon,	89
Hypocistidis Succus Inspissatus,	89
Hyssopus,	90
J acea,	90
Jacobeia,	90
Jacobskruid, (<i>St.</i>)	90
Jalappa,	90
Jans-Kruid, (<i>St.</i>)	89
Ichthyocola,	91
Jerusalems-Kruid,	11
Illecebra,	186
Imperatoria,	92
Infusum Hæmorrhoidale,	413
Inktvis (<i>de Schulp van</i>)	138
Joodekruid,	113
Jooden-Lym,	30
Jooden-Oor,	21
Jooden Wierook,	197
Ipecacuanha,	92
Iris,	94
Jujubæ,	95
Juncus Odoratus,	95
Juniperus,	95
Ivoir,	71
K aasjes-Kruid,	114
Kalfsvoet,	19
Kali,	96
Kalk, (<i>levende</i>)	36
Kamfer,	37
	Kamille

<i>Kamille</i> ,	pag. 50
<i>Kamperfoelie</i> ,	42
<i>Kaneel</i> ,.	40 & 54
<i>Kaneelboom</i> , (<i>de Bast van wilde</i>)	47
<i>Kankerwortel</i> ,	185
<i>Karrewei</i> ,	44
<i>Karsen</i> ,	49
<i>Kattekruid</i> ,	125
<i>Katten Peper</i> ,	195
<i>Kauwoerden</i> ,	68
<i>Kemelshooi</i> ,	95
<i>Kemp</i> ,	41
<i>Kennip</i> ,	41
<i>Kermes Grana</i> ,.	96
----- <i>Minerale</i> ,	394
<i>Kervel</i> ,	50
----- (<i>dolle</i>)	52
<i>Keukenschellen</i> ,	153
<i>Keule</i> ,	182
<i>Kikvorsch</i> ,	155
<i>Kinkina</i> ,	61
<i>Klaver</i> (<i>welriekende</i>)	119
<i>Kliffen-Kruid</i> ,	25
<i>Knoopgras</i> ,	48
<i>Koekoek-Zurkel</i> ,	4
<i>Komkommer</i> ,	67
<i>Kommynzaed</i> ,	68
<i>Konninginne-Kruid</i> ,	72
<i>Konynekruid</i> ,	204
<i>Koorenbloemen</i> ,	69
<i>Koornroozen</i> ,	140
<i>Koper</i> ,	5
<i>Koraal</i> ,	60

<i>Korenten</i> ,	pag. 142
<i>Korianderzaad</i> ,	60
<i>Kraeyenoogen</i> ,	130
<i>Kreeftsoogen</i> ,	39
<i>Kreeftschaalen</i> ,	39
<i>Krieken van over de Zee</i> ,	7
<i>Krooten van Creta</i> ,	70
<i>Krooten (wilde)</i>	70
<i>Kruidnagelen</i> ,	44
<i>Kryt</i> ,	65
<i>Kuischboom</i> ,	6
<i>Kurkema</i> ,	68
<i>Kweeappelen</i> ,	69
<i>Kwik-Zilver</i> ,	15
L abdanum,	97
Lac,	98
Lacca,	103
Lactuca,	104
Lamium Album,	104
Lapathum,	104
Lapis Aquilæ,	5
----- Causticus,	353
----- Divinus,	387
----- Hæmatites præparatus,	227
----- Infernalis,	15 & 370
----- Ophtalmicus,	387
Laudanum Liquidum Sydenhamii,	258
----- Opiatum Bellefontaine,	288
Lavas,	106
Lavendula,	104
Laurierboom,	105
Laurus,	105

<i>Leeuwen-Klaauw</i> ,	pag. 7
<i>Lelie</i> (witte)	109
<i>Lelien van de Dalen</i> ,	109
<i>Lens Vulgaris</i> ,	105
<i>Lepelbladeren</i> ,	55
<i>Lepidium</i> ,	105
<i>Leverkruid</i> (afschkleurig aard)	106
----- (Edel)	87
<i>Levisticum</i> ,	106
<i>Leucojum Luteum</i> ,	106
<i>Lichen Caninus</i> ,	106
----- <i>Cinereus Terrestris</i> ,	106
----- <i>Islandicus</i> ,	106
----- <i>Pulmonarius</i> ,	108
<i>Lignum Aloes</i> ,	108
----- <i>Quassi</i> ,	108
----- <i>Rhodium</i> ,	109
----- <i>Sanctum</i> ,	83
<i>Ligusticum</i>	188
<i>Lilium Album</i> ,	109
----- <i>Convallium</i> ,	109
<i>Limithocorthon</i> ,	59
<i>Limones</i> ,	109
<i>Linaria</i> ,	110
<i>Lindeboom</i> ,	208
<i>Linimentum Cereum</i> ,	272
<i>Lingua Cervina</i> ,	110
<i>Linum Vulgare</i> ,	110
<i>Linzen</i> ,	105
<i>Liquiritia</i> ,	80
<i>Liquor Anodinus Mineralis</i> ,	346
----- <i>Cornu Cervi Succinatus</i> ,	358
----- <i>Nitri Fixi</i> ,	351

<i>Lifch</i> ,	pag. 94
----- (<i>welriekende</i>)	35
<i>Lithargyrus</i> ,	110
<i>Litargyrium præparatum</i> ,	227
<i>Lithospermum</i> ,	120
<i>Loch Album Pectorale</i> ,	413
<i>Longekruid</i> (<i>gevlakt</i>)	153
<i>Longermos</i> ,	108
<i>Lood</i> ,	148
<i>Loodwit</i> ,	50
<i>Lopeziana Radix</i> ,	110
<i>Lucii Piscis Mandibula</i> ,	111
<i>Luiskruid</i> ,	195
<i>Lumbrici Terrestres</i> ,	112
<i>Luna Fixata Ludemanni</i> ,	400
<i>Lupulus</i> ,	112
<i>Lycoperdon</i> ,	65
<i>Lynzaad</i> ,	110
<i>Lyfimachia</i> ,	113

<i>Maagwortel</i>	220
<i>Maanderkruid</i> ,	50
<i>Maankopen</i> ,	140
----- (<i>verdikte Sap van de</i>)	133
<i>Maartviolen</i> ,	213
<i>Macis</i> ,	113
<i>Madelieven</i> ,	27
----- (<i>kleyne of gemeene</i>)	27
<i>Magdaleones</i> ,	275
<i>Magnesia Alba</i> ,	391
----- <i>Anglicana</i> ,	391
----- <i>Calcinata</i> ,	391
<i>Majorana</i> ,	114

Malicorium ,	pag. 81
Malva ,	114
<i>Maluwe</i> ,	114
----- (<i>witte</i>)	9
Manna ,	114
<i>Mansooren</i>	19
Margaritæ ,	116
<i>Marjolein</i> ,	114
----- (<i>wilde</i>)	137
Mars Chemicorum ,	74
Marubium Album ,	116
Marum ,	116
Maftiche ,	116
<i>Maftick</i> ,	116
Maftyx ,	116
Materia Perlata ,	397
Mater Perlarum ,	116
Matricaria ,	117
Mechoacanna Alba ,	117
----- Nigra ,	90
Meconium ,	133
<i>Meekrap</i> ,	161
<i>Meeſter Wortel</i> ,	92
Mel ,	118
---- Deſpumatum ,	227
---- Roſarum ,	299
Melilotus ,	119
Meliſſa ,	119
<i>Melk</i> ,	98
---- <i>Wortel</i> ,	150
Melo ,	119
<i>Meloenen</i> ,	119
<i>Menie</i> ,	120

Mensuræ ,	pag. 225
Mentha ,	119
----- Catharia ,	125
Mercurialis ,	120
Mercurius ,	15
----- a Cinnabare Ridivivus ,	54
----- Dulcis ,	375
----- Via Humida Paratus ,	378
----- Præcipitatus Albus ,	371
----- Ruber ,	401
----- Sublimatus Corrosivus ,	373
----- Dulcis ,	375
----- Vitæ ,	402
----- Vivus Purificatus ,	227
Meum Athamanticum ,	120
Meylelien ,	109
Milium Solis ,	120
Millefolium ,	120
Millepedes ,	120
Milthkruid ,	50
Minium ,	120
Mirksvortel ,	156
Mirobalani ,	123
Mistel ,	214
Moederkruid ,	44 & 117
Moerbezien ,	121
Monikskapkens ,	4
Mora ,	121
Mori Fructus ,	121
Morsus Diaboli ,	201
Mos (Yslansche) ,	106
Moschus ,	121
Mostaerdzaed	190

Mucilago Gummi Arabici ,	pag. 414
----- Tragacanthæ ,	414
----- Salep ,	414
Muisen Ooren ,	21
Munt ,	119
Muskus ,	121
Muurbloemen ,	106
Muurkruid ,	141
Muurpeper ,	186
Myrrha ,	123
Myrtenboom ,	124
Myrthus ,	124
N achtschaede (doodelyke)	26
Naekte Vrouwen ,	56
Nagelkruid ,	44
Nagtschaduw (houdagtige)	70
Napellus ,	4
Naphta ,	144
Nardus ,	124
Nasturtium ,	124
Nepeta ,	125
Netel ,	217
----- (doove)	104
Nicotiana ,	125
Nieskruid ,	153
----- (wit)	85
----- (zwart)	86
Nigella ,	126
Nihil Gryfium ,	210
Ninling ,	126
Nip ,	125
Nisi Radix ,	126

Nitrum,	pag. 127
----- Antimoniatum,	397
----- Depuratum,	228
----- Fixum,	350
<i>Nootmuscaet</i> ,	129
Nummularia,	129
Nux Moschata,	129
---- Vomica,	130
Nymphea Alba,	131
O culi Cancrorum præparati,	227
Ocimum,	131
<i>Oesterschulpen</i> ,	139
Olea,	131
OLEA EMPYREUMATICA,	323
----- ESSENTIALIA,	316
----- EXPRESSA,	262
----- INFUSA,	261
Oleum Amygdalarum,	262
----- Animale Dippelii,	326
----- Antimonii,	368
----- Calcis,	356
----- Cerae,	322
----- Cicinum,	159
----- Cornu Cervi,	324
----- de Lateribus,	328
----- de Therva,	159
----- Effentiale Absinthii,	318
----- Anisi,	318
----- Anthos,	318
----- Carui,	318
----- Caryophyllorum,	318
----- Chamomillæ,	318
	Cinnamomi,

Oleum Effentiale Cinnamomi,	pag. 318
----- Corticum Citri,	318
----- Fœniculi,	318
----- Juniperi,	318
----- Lavendulæ,	318
----- Ligni Rhodii,	318
----- Macis,	319
----- Majoranæ,	318
----- Menthæ,	319
----- Menthæ Piperitæ,	319
----- Origani,	319
----- Rutæ,	319
----- Sabinæ,	319
----- Salviæ,	319
----- Tanaceti,	319
----- Hyperici,	262
----- Infusum Absinthii,	261
----- Chamæmeli,	261
----- Menthæ,	261
----- Rutæ,	261
----- Lini,	263
----- Martis,	387
----- Nucum Juglandium,	263
----- Omphacinum,	131
----- Ovorum,	263
----- Palmæ Christi,	159
----- Papaveris Albi,	263
----- Philosophorum,	328
----- Succini,	329
----- Tartari,	328
----- per Deliquium,	352
----- Terræ,	144
----- Vitrioli,	340

Oleum Vitrioli Rectificatum,	pag. 341
Olibanum,	132
Olmboom,	217
Olyfboom,	131
Onguent de la Mere	267
Onfer lieve Vrouwe Bedstroo,	79
Onfer lieve Vrouwe Mantel,	7
Oogen Klaar,	50
Oogen Trooft,	73
Oogniet,	152
Oogenniet (gryse)	210
Opium,	133
----- Colatum,	228
Opobalzamum,	136
Opoponax,	137
Opperment,	21
Oranje Boom,	20
Origanum,	137
Oryza,	137
Os e Corde Cervi,	138
Os Sepiæ,	138
Offen Oogen,	27
Offen Tongen,	34
----- (roode)	7
Osteocolla,	139
Ostreorum Testæ,	139
----- Præparatæ,	227
Ovorum Testæ Præparatæ,	227
Oxalis,	4
Oximel Colchicum,	302
----- Scilliticum,	302
----- Simplex,	302
Oxylapathum,	104

<i>Paardebloemen</i> ,	pag. 204
<i>Paardeklaauw</i> ,	74
<i>Paardestaart</i> ,	72
<i>Paarlen</i> ,	116
<i>Paarlkruid</i> ,	120
<i>Paaschbloemen</i> ,	153
<i>Padde</i> ,	33
<i>Padde Stoel</i> (stoffige)	65
<i>Palmæ Oleum</i> ,	140
<i>Panacea Mercurialis</i> ,	375
<i>Papaver</i> ,	140
<i>Paralyfis</i> ,	141
<i>Pareira Brava</i> ,	141
<i>Parietaria</i> ,	141
<i>Passulæ</i> ,	141
<i>Pastinaca</i> ,	142
<i>Patientie</i> ,	104
<i>Peirden-Aloë</i> ,	9
<i>Pek</i> ,	148
---- (Bourgondische)	148
<i>Penninkkruid</i> ,	129
<i>Penséekens</i> ,	90
<i>Pentaphyllum</i> ,	142
<i>Pœonia</i> ,	139
<i>Peper</i> ,	146
<i>Peperkruid</i> ,	105 & 182
<i>Pepo</i> ,	142
<i>Perficaria</i> ,	142
<i>Perfikkruid</i> ,	142
<i>Peruviaansche Bast</i> ,	61
<i>Petasites</i> ,	144
<i>Petroleum</i> ,	144

Petrofelinum Macedonicum,	Pag. 145
Petrofelinum Vulgare,	145
Peucedanum,	145
<i>Pieterfelie</i> ,	145
<i>Pieterskruid</i> (St.)	141
Pilosella major Repens,	21
PILULÆ,	236
Pilulæ ad Tussim Scroderi,	241
----- Aloëticæ,	236
----- Asthmaticæ Boerhaavii,	236
----- Balsamicæ Mortoni,	237
----- Belosfe,	240
----- Benedictæ Fulleri,	238
----- Cochixæ,	238
----- de Cynoglossò,	241
----- Fœtidæ,	239
----- Martiales,	239
----- Mercuriales,	240
----- Pectorales,	241
----- Plumeri,	241
----- Purgantes Haenii,	242
----- Rufi,	242
----- Saponacæ Haenii,	243
----- Scilliticæ,	243
----- Tartareæ Scroderi,	243
----- Tonicæ Bacher,	244
Pimpenella,	145
Piper,	146
Piper Caudatum,	67
<i>Pisbloemen</i> ,	204
Pix Burgundica,	148
--- Liquida,	147
--- Sicca,	148

Plantago Latifolia,	pag. 148
<i>Plantyn</i> ,	148
Plumbum,	148
----- Uftum,	402
<i>Pokhoud</i> ,	81
<i>Poley</i> ,	153
Polium Montanum,	150
Polygala,	150
Polygonum,	48
Polypodium,	151
Poma Sinenfia,	20
POMATA,	264
Pomatum ad Labia,	273
Pompholyx,	152
<i>Pompoen</i> ,	142
Pondera,	225
<i>Populierboom</i> (zwarte)	152
Populus Nigra,	152
<i>Porrey</i> ,	152
Porrum,	152
<i>Porſelyn</i> ,	152
Portulaca,	152
<i>Potaſch</i> ,	53
PRÆCIPITATA TERREA,	391
Primula Veris,	141
Pruna,	152
Prunella,	152
<i>Pruimen</i> ,	152
Pſyllium,	152
Ptarmica,	153
Ptiſana Communis,	409
Pulegium Latifolium,	153
Pulmonaria Arborea,	108

Pulmonaria Maculosa,	pag. 153
Pulpa Cassiæ,	228
----- Prunorum,	228
----- Tamarindorum,	228
Pulsatilla Nigricans,	153
PULVERES COMPOSITI,	231
Pulveres Simples,	229
Pulvis Absorbens Anodynus,	232
----- Algaroth,	402
----- Antarthriticus,	232
----- Ari Compositus,	233
----- Cachecticus,	233
----- Cardinalis Delugos,	62
----- Carthusianorum,	395
----- Catholicus,	234
----- Comitissæ,	62
----- Cornachini,	234
----- de Tribus,	234
----- Doveri,	235
----- Ducis Portlandiæ,	232
----- Haly,	234
----- Jesuiticus,	62
----- Mirandolæ,	232
----- Patrum,	62
----- Pectoralis,	234
----- Purgans Aromaticus,	235
----- Stomachicus,	233
----- Sudorificus,	235
----- Temperans Stahlî,	235
----- Trium Diabolorum,	234
Pyrethrum,	154

Q uercus,	pag. 155
Quinquefolium,	142
R akette,	72
Rana,	155
Raphanus Rusticanus	156
Realgar,	18
REGULI,	405
Regulus Antimonii Jovialis,	405
----- Simplex,	406
Refina Corticis Peruviani,	290
----- Guajaci,	290
----- Jalappæ,	289
----- Præparata Stahlî,	289
----- Scammonei,	290
RESINÆ,	282
Rhabarbarum,	156 & 158
Rhabarbarum Album,	117
Rhamnus Catharticus,	158
Rhaponticum,	158
Rheum,	156
Rhynbloemen,	195
Ribesia,	159
Ricinus,	159
ROB,	282
Rob Juniperi,	290
---- Sambuci,	291
Roede (goude)	214
Roet van Hout,	77
Roos,	159
---- (wilde)	69
Rosa,	159

Rosmarinus,	pag. 160
Rottekruid (geel)	21
Rozynen,	141
Rubia Tinctorum,	161
Rubus,	162
Ruta,	162
Rynvaare (wilde)	15
Rynvaart,	203
Ryft,	137
S abina,	162
Saccharum,	163
----- Lactis,	332
----- Saturni,	380
Saffraen,	65
Sagapenum,	166
Sago,	166
Sagu,	166
Sal Absinthii,	349
--- Ammoniacus,	167
--- Anglicanus,	169
--- Arthemisiæ,	350
--- Cardui Benedicti,	350
--- Catharticus Amarus,	169
--- Centaurii Minoris,	350
--- Communis,	170
--- de Duobus,	358
--- de Seignette,	360
--- Digestivum Sylvii,	357
--- Ebshamenfis,	169
--- Epsomenfis,	169
--- Essentiale Acetofellæ,	331
----- Corticis Peruviani Comitidis de la Garaye,	285
	Sal

Sal Effentiale Lactis,	pag. 332
--- Febrifugum Sylvii,	357
--- Fossilis,	170
--- Genistæ,	350
--- Gemmæ,	170
--- Marinus,	170
--- Martis,	379
--- Mirabile Glauberi,	340
--- Polychrestum,	360
----- Solubile,	360
--- Prunellæ,	361
--- Saturni,	380
--- Sedativum CrySTALLISATUM,	362
----- Hombergi,	32
----- Sublimatum,	363
--- Sedlitzensis,	170
--- Sodæ,	354
--- Tartari,	352
----- Extemporaneum,	352
--- Volatile Cornu Cervi,	324
----- Salis Ammoniaci,	357
----- Succini,	329
----- Depuratum,	334
Salab,	171
<i>Salamons Segel</i> ,	189
Salep,	171
SALIA ALKALIA,	347
SALIA BASI ALKALINA ET TERREA,	358
SALIA BASI METALLICA,	367
SALIA ESSENTIALIA,	330
<i>Salie</i> ,	172
<i>Salmiak</i> ,	167
<i>Salpeter</i> ,	127

Salvia,	pag. 172
Sambucus,	173
Sandaracha,	18
<i>Sandelhout</i> ,	174
Sanguis Draconis,	173
Sanicula,	174
<i>Sanikel</i> ,	174
Santalum,	174
Santonici Semen,	176
Sapo,	177
----- Albus,	388
----- Amygdalinus,	389
----- Starkeyanus,	389
----- Tartareus,	389
Saponaria,	178
SAPONES,	388
Sarcocola,	179
Sarsaparilla,	180
Sassafras,	181
Satureia,	182
Saturnus,	148
Satyrium Mas,	182
----- Orchis,	182
Saxifraga,	182
Scabiosa,	182
Scammoneum,	182
Schænanthus,	95
<i>Scheerling</i> ,	52
<i>Schorpioenwortel</i> ,	17
Scilla,	183
----- Siccata,	230
Scordium,	184
Scorpiones,	184

Scorzonera,	pag. 185
Scrophularia Vulgaris,	185
Sebesten,	185
Sedum,	185
Selderie,	145
Selterwaters,	14
Semen Cinæ,	176
----- Contra Vermes,	176
----- Sanctum,	176
----- Zedoariæ,	176
Sempervivum,	185
Senecæ Radix,	150
Sennæ Folia & Foliculi,	186
Septinervia,	148
Serpentaria Virginiana,	187
Serpyllum,	188
Serum Lactis,	230
Seseli,	188
Sigillum Salamonis,	189
Siler Montanum,	188
Simarouba,	189
SIMPLICIUM QUORUMDAM PRÆPARATIONES,	226
Sinapis,	190
Slangenkruid,	30
Slangenwortel (Virginiaensche)	187
Slepruimen,	152
Sleutelbloemen,	141
Smeerwortel,	58 & 152
Snoek (Kaekbeen van den)	111
Soda Vitriolata,	359
Solanum Scandens,	70
Soldanella,	191
Solfer,	201

Sophia Chirurgorum,	pag. 191
Sorbus Sylvestris,	191
<i>Spaensche Vliegen</i> ,	41
SPARADRAPA,	274
Sparadrapum ad Fonticulos	281
<i>Spawaters</i> ,	14
Species Diaireos,	234
----- Diatragacanthæ Frigidæ,	234
----- pro Cataplasmate Emolliente,	407
<i>Speekselwortel</i> ,	154
<i>Speenkruid</i> ,	185
<i>Spekwortel</i> ,	152
Sperma Ceti,	191
<i>Spiautre</i> ,	221
Spica Nardi,	124
<i>Spiesglas</i> ,	12
Spigelia,	192
Spina Cervina,	158
Spiritus Abstractitius,	309
----- Aceti,	336
SPIRITUS ACIDI,	335
SPIRITUS ACIDI DULCIFICATI,	342
Spiritus Aromaticus,	312
----- Carminativus,	312
----- Cinnamomi,	311
----- Cochleariæ,	313
----- Cornu Cervi,	324
----- Corticum Aurantiorum,	311
----- Citri,	311
----- Frobenii,	344
SPIRITUS INFLAMMABILES,	308
Spiritus Juniperi,	312
----- Lavendulæ,	312

Spiritus Lavendulae compositus,	pag. 314
----- Melissae,	312
----- Menthae,	312
----- Mindereri,	364
----- Nitri,	337
----- Dulcis,	343
----- Rorismarini,	312
----- Salis,	339
----- Ammoniaci Causticus,	355
----- Cum Calce viva,	355
----- Sale Tartari,	356
----- Tartarifatus,	356
----- Vinosus,	357
----- Dulcis,	344
----- Saponis,	315
----- Succini,	329
----- Rectificatus,	340
----- Sulphuris,	341
----- Tartari,	328
----- Rectificatus,	340
----- Vini Camphoratus,	315
----- Rectificatissimus,	309
----- Rectificatus,	309
----- Volatilis Oleosus,	316
----- Vitrioli,	342
----- Dulcis,	346
----- Urinosus,	347
Spodium,	71
Spongia,	193
----- Praeparata,	230
----- Usta,	230
Spons,	193
Springkruid,	207

Squilla ,	pag. 183
Staal ,	74
Staartpeper ,	67
Standelkruid <i>Persisch</i> ,	171
Stannum ,	194
----- Pulveratum ,	230
Staphis-Agria ,	195
Stæchas ,	195
Steenbreken ,	182
----- (roode)	76
Steenolie ,	144
Steenwaren ,	50
Steenzaad ,	120
Ster-Anys ,	12
Stibium ,	12
Storax ,	197
Stramonium ,	195
Styrax Calamita ,	197
----- Liquida ,	199
SUBSTANTIÆ METALLICÆ CUM SULPHURE COMBINATÆ, 392	
SUCCI EXPRESSI ,	231
Succinum ,	199
Succisa ,	201
Suiker ,	163
Sulphur ,	201
----- Auratum Antimonii ,	395
Symphytum ,	58
SYRUPI ,	291
Syrupus Aceti ,	301
----- Althææ ,	292
----- Amygdalinus ,	296
----- Antiscorbuticus ,	293
----- Aperiens ,	292

Syrupus Artemisiæ,	pag 293
----- Balsamicus, 294
----- Corticis Peruviani, 296
----- Corticum Aurantium, 295
----- Citri, 295
----- de Erysimo, 297
----- de Meconio, 298
----- e Cichoreo cum Rheo, 294
----- Emulsivus, 296
----- e Quinque Radicibus, 292
----- e Rhamno-Cathartico, 300
----- e Rosis Siccis, 299
----- e Spina Cervina, 300
----- e Succo Aurantium, 301
----- Citri, 300
----- e Succo Cydoniorum, 301
----- Florum Tunicæ, 302
----- Menthæ, 297
----- Mororum, 301
----- Papaveris Albi, 298
----- Rheados, 298
----- Ribesiorum, 301
----- Rosarum Pallidarum, 299
----- Sambuci, 300
----- Simplex, 300
----- Violarum, 301

T abacum, 125
Tabak, 125
TABELLÆ, 303
Tabellæ ad Scabiem, 273
----- ad Vermes, 303

Tabellæ Antacidæ ,	pag. 303
----- Martiales ,	303
Tacamahaca ,	202
Tamarindus ,	203
Tamariscus ,	203
Tanacetum ,	203
Tanden (de) van het wild Verken ,	13
Tapfus Barbatus ,	211
Taraxacum ,	204
Tartarus ,	204
----- Chalybeatus Solubilis ,	387
----- Emeticus ,	381
----- Macqueri ,	402
----- Solubilis ,	365
----- Stibiatus ,	381
----- Tartarifatus ,	365
----- Vitriolatus ,	365
Teer ,	147
Tegengiftivortel ,	58
Tela Emplastica ,	275
Telephium ,	65
Terebinthina ,	205
Terpentyn ,	205
Terra Foliata Cryftallifata ,	366
----- Sicca ,	366
----- Tartari ,	365
----- Tartari minus laboriofa ,	366
----- Japonica ,	48
----- Lemnia ,	31
----- Sigillata ,	31
Terre ,	147
Theriaca ,	248
Thymelæa ,	207
	Thymus

Thymus ,	pag. 208
<i>Tichelbeesten</i> ,	120
Tilia ,	208
Tinctura Aloes ,	254
----- Amara ,	254
----- Assæ Foetidæ ,	254
----- Cantharidum ,	255
----- Castorei ,	255
----- Corticis Peruviani ,	256
----- Croci ,	256
----- Guajaci Volatilis ,	256
----- Hellebori Nigri ,	258
----- Jalappæ ,	257
----- Ipecacuanhæ ,	257
----- Laccæ ,	257
----- Martis Acetosa ,	383
----- Tartarisata ,	383
----- Melampi ,	258
----- Myrrhæ ,	254
----- Opii ,	258
----- Rhei Salina ,	415
----- Succini ,	259
TINCTURÆ ,	249
Tormentilla ,	209
Trifolium Fibrinum ,	209
----- Paludosum ,	209
<i>Tuinkers</i> ,	124
<i>Tuinlatuw</i> ,	104
<i>Tuinscharley</i> ,	88
Tussilago ,	74
Tutia ,	210
----- Præparata ,	227
<i>Turbithwortel</i> ,	209

Turpethum,	pag. 209
----- Minerale,	403
Tydeloozen,	56
<i>V</i> aaren (<i>Mannetjen</i>),	76
Valeriana,	210
<i>V</i> arkens-Fenkel,	145
<i>V</i> arkensgras,	48
<i>V</i> eelvoet,	151
<i>V</i> enkel,	76
<i>V</i> enushair,	42
Verbasculum pratense odoratum,	141
Verbasum,	211
Verbena,	211
<i>V</i> ermillon,	394
Veronica Mas,	212
<i>V</i> et,	22
<i>V</i> inaigre de quatre <i>V</i> oleurs,	259
Vincetoxicum,	212
<i>V</i> ingerhoedskruid (<i>kleinste</i>)	81
Vinum Antiscorbuticum,	415
----- Scilliticum,	416
Viola,	213
----- Tricolor,	90
<i>V</i> ioletten,	213
Vipera,	213
Virga Aurea,	214
Viscum Album,	214
----- Quercinum	214
<i>V</i> islym,	91
Vitriolum,	215
----- Album,	379

Vitriolum ad Albedinem Calcinatum,	pag. 380
----- Cœruleum,	384
----- Martis,	379
----- Mercurii,	384
----- Veneris,	384
----- Zinci,	379
Vitrum Antimonii,	403
----- Ceratum,	405 & 231
Vlaskruid,	110
Vlaszaad,	110
Vleesch-Lym,	197
Vlierboom,	173
----- (Laage)	71
VlooiKruid,	142 & 152
Vuurwortel,	154
Vyfblad,	142
Vyfvinger-Kruid,	142
Vygen,	44

Ulmus,	217
UNGUENTA,	264
Unguentum Album Camphoratum,	265
----- Altheæ,	266
----- Ægyptiacum,	265
----- Basilicum,	266
----- Desiccativum,	267
----- de Styraçe,	271
----- e Lapide Calaminari,	267
----- Fuscum,	267
----- Mercuriale,	267
----- Neapolitanum,	268
----- Nervinum,	268

Unguentum Nutritum,	pag. 269
----- Ophthalmicum,	402
----- Populeum,	269
----- Rosaceum,	270
Urtica,	217
Uva Urſi,	217
Uvæ Paſſæ,	141

<i>W</i> aalwortel,	34
<i>W</i> aſch,	49
<i>W</i> ater,	13
<i>W</i> aterdryblad,	209
<i>W</i> ater-Eppe,	13
<i>W</i> ater-Guichel-Heil,	26
<i>W</i> aterleliën (witte)	131
<i>W</i> aterlook,	184
<i>W</i> aterkers,	124
<i>W</i> aterklaver,	209
<i>W</i> atermiloenen,	55
<i>W</i> aterpeper,	142
<i>W</i> eegbree,	148
<i>W</i> ederik,	113
<i>W</i> ierook,	132
<i>W</i> indbloemen,	153
<i>W</i> interanus Cortex,	219
<i>W</i> intersbaſt,	219
<i>W</i> itniet,	152
<i>W</i> olfsmelk (groote)	207
<i>W</i> olfswortel,	4
<i>W</i> ollekruid,	211
<i>W</i> onderboon (gemeene)	159
<i>W</i> onderkruid,	34 & 174

Wonderkruid (Gulde)	pag. 214
Wormmos ,	59
Wurmkruid ,	192
Wurmzaad ,	176
Wyngaerd (Americansche wilde)	141
----- (Wilde)	33
Wynruit ,	162
Wynsteen ,	204
Y zer ,	74
Yzerkruid ,	211
Z avelboom ,	163
Zedoaria ,	220
Zeeajuin ,	183
Zeekool ,	191
Zeekruisdistel ,	72
Zeemos ,	58
Zeepe ,	177
Zeepkruid ,	178
Zeeschuim ,	138
Zeewinde ,	191
Zeezout ,	170
Zenebladeren ,	186
Zevenboom ,	163
Zevenblad ,	209
Zilver ,	15
Zilver-Glit ,	110
Zilverkruid ,	15
Zincum ,	221
Zingiber ,	222

Zink,	pag. 221
Zinziber,	222
Zoethout,	80
Zout (bitter Buikzuiverende)	169
---- (Engelsch)	169
---- Gemein,	170
Zurkel (gemeene)	4
Zuuring (gemeene)	4
Zwaluwkruid,	212 & 50
Zwam van den Eikenboom,	6
----- Lorkboom,	5
Zwavel,	201
Zwindel,	70

Dubitari non potest, quin PHARMACOPŒA GANDAVENSIS
solertissimo præstantium virorum labore renovata, multisque
vigiliis concinnata, nostratibus utilissima futura sit.

Dabam Gandæ 1. Julii 1786.

Æ. F. DE GRAVE, L. C.

L. B. DE HAVESKERCKE, L. C. R.

E R R A T A.

Pag. 22. *lin.* 26. - - - colore *leg.* calore

Pag. 252. *lin.* 17. - - - pint. duas, *leg.* pint. tres,

Pag. 296. *lin.* 3. - - - unc. tres, *leg.* unc. quatuor,

Pag. 325. *lin.* 20. - - - adhitum *leg.* adhibitum

Pag. 420. *lin.* 5. - - - 307. *leg.* 305.

